

UTL AT DOWNSVIEW



D RANGE BAY SHLF POS ITEM C
39 13 30 21 08 003 5

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL	Kemal, Namik
248	Müntehabat-ı Taşvîr-i
K45A16	Efkâr
1893	
v.1, 3	

4030

18/535



کتابخانه ابوالضیا

Kemal, Namik

کمال

Müntehabāt - i Tasvīr - i
منتخبات تصویر افکار
Efkar

(مقالات متنوعه)

اوچنجی طبعی

معارف نظارتک رخصتیه

هرحق طبعکدر

قسطنطنیه

۱۳۱۱

مطبعة ابوالضیا


PL

248

K45 A16

1893

v. 1, 3



منتخبات تصویر افکار

اصول تحصیل اصلاحیه دائر

بند مخصوص

[تصویر افکار - نومرو ۴۰۲ - فی صفر ۲۶ سنه ۱۲۸۳]

مکاتب صبیانده اصول تحصیل الٰک اعلای بر
صورتہ تحویل اولنق متصور اولدینی قوریہ دور-
یاندن ۴۰۲ نومرو مزہ نقل اولنان بند مخصوصک
بر فقرہ سنده تبشیر ایدلمشیدی .

بوتجدید اصول احتیاجی بروقتدنبرو ارباب
دقت عندنده مسلم واجراسی ملتزم اولوب، دولت
ومات طرفلرندن گرك بالقوّه، گرك بالفعل بوبابده
بر طاقم تشبیلر دخی وقوع بولدینی حالده مأمول
اولدینی قدر استفاده ایدیلہ مامشدر .

بو محرومیت ایسه هر درلو تجدیداتک موقوف
 علیهی اولان توافق احتیاج مادّسی، اتخاذ اولنان
 صورت تدبیرده موجود اولماسندن نشأت ایتمش
 ایکن، بعض طرفدن شکل خطک مساعدده سزلگنه
 حمل اولنه رق، حروفک تبدیلی آرزو اولنمیشدی.
 بو آرزوده بولساندرک بر طاقی افکارنده
 اودرجه مصردر، که جمعیت تدریسیه ناک امتحانه
 دائر ۴۰۰ نومرومزرده مندرج فقرده ترجه ناک
 ملکه قرائی آلتی آیده تحصیل اولنه بیله جگنه
 دائر حصولندن بحث ایتدیگمز تجربیهی شفاها
 صورت مطلقده جرح ایتدیلر.

(آلدقلمری جواب ایسه دفع اشتباه ضمنده
 جمعیت مذکوره مرکزینه مراجعتی توصیه دن
 عبارت ایدی).

یا تحقیق ناقص و یا تقلید خالصدن مستعار
 اولان بومثللو خواطر و همیه مفراطانه مقوله سنک

ملتزم ایچنده وجودی ایسه استقامت افکارجه
برنوع نقیصه دن معدود اولق جهتیله بحق ردیچون
بعض مطالعاتك ایرادینه مجبورت کلسدر .

شویله که: اولاً (زیرده خلاقی اثبات اولنه جق
ایسه ده) فرض ایدم که لسانمزده حروفك
تبدیلنه احتیاج اولسون .

مادام که هیچ اولمز ایسه اجزای معروفه قرآنی
قرائت ، عقایدجه هر فرد الزمدر . و مادام که
لسانمزده درستجه تحریر مرام ایتك عربینك
صرفی اولسون بیلگه توقف ایلدیگی مسلمدر .
بزم ایچون خط عربینك تحصیل قرائتی بر احتیاج
مبرمدر . بو حالده ترکیه ایچون حروف اخری
ترتیب ایتك عبث ایله اشتغال دگمیدر .

ثانیاً طوته لم که او یله اولسون . تبدیل
حروف اولندیغی حالده کتب موجوده دن قرن
متعاقبده هیچ کیمسه استخراج مال ایدم مامك لازم

زیاده تنوع ایتمز . تجدیدی حالندہ ایسہ ہوشکالر
 اوتوز بش و نہایت لسان عثمانیدہ زائد گورینسان
 حروف دخی تنقیح اولانسہ اوتوز عددینہ تنزل
 ایدہ جکدر . ضبط اشکال و ملکۂ تہجی ایچون
 بومقدار لر بینندہ اولہ جق فرق نہایت ایکی آیدن
 زیادہ اولہ بیلورمی ؟

حاصلی بزجہ تبدیل حروفک نشر معارفہ
 ادعا اولسان مضرتی محکمۂ تمیز اوگندہ شویله
 ایکی بینۂ عادلہ جرح ایدرکہ :

(۱) تحقیقات مخصوصہ مزہ گوردہ الان لسان
 عربی ای تکلم ایدن یرلردہ (اوروپالیرک آچدیغی)
 مکاتبہ دوام ایدن شاگردان ملل غربیہ اطفالی گبی
 اوچ درت آیدہ لسانلرینی او قویوب یازمغہ مقتدر
 اولمقدہ در .

(۲) جمعیت تدریسیہ وسائطکث نقصانیہ
 برابر ہفتہ دہ اوچرگون برر ساعت ویردیگی

درسنامه اوچ دوت آی ظرفنده بر طاقم طلبه
یتشدر مشدر که اؤلدی اشکال حروفی طانمز ایکن
شمدی (لسان عوامده یازلمش اولان) حرکه سز
رساله لری قرائت ایده یلکده در ،

ایشته بر دعوا که بالفعل ثابت اولور آنده
استدلال نظریه حاجت قلمز . مع مافیه تأیید
مدعا مقامنده ایکی دلیل مجرب دها ایراد ایده لم :
اولا بزده آلتی یوز سنه دن صکره تبدیلی
استنبیه جک قدر مضرتلی صایه لان شکل خط
عربده دخی مستعمل ایکن آنلر اوروپانک شمدیکی
حالنه یقین نشر فنونه موفق اولدیلر .

حتی وقتیه تقریبا ۱۲ ملیون نفوسی شامل
اولان اندلسک هر قریه سنده برقاج بیك حدیث
ضبط ایتش برقازی بولنوردی .

دیك اولور که یابو خطك قرائتی ظن اولندیغی

قدر زمانه محتاج اولمز و یا خود که اوقدر زمانك
صرفی مانع تحصیل دگلدرد.

ثانیاً معرفتجه برنجی درجهیه واصل اولان
انگلتزه و آمریقا خلقنك لسان مشترکنده دخی
قرائت همان ترکیه درجهسندده مشکل ایکن خلقنك
تقریباً اونده طقوزی اوقور یازاردرد .

آنلرده هیچ تأثیری حس اولنمیان برحال
بزده نهدن تحصیله مانع مطلق طوتلسون !

تحریر بحشی

حروفك بوبابده تصوّر اولن ان مضرتی دخی
ایکی جهتیه مصروفدرد که بری رسم خط وبری
املادرد .

واقعا اشکال متصلهده حروف مقطعهیه نسبتله
رسم خطك بعض مرتبه صعوبتی انکار اولنمز .

اما بزده دخی عربستانده اولدینی گی
 چرجو قلم او قودقلمی درسی یازمق اصولی جاری
 اولسه، تحریرده (خیر الخط مایقراً) درجه سنده
 اولسون ملکه بولمق ایچون بوصعوبتک هیچ تأثیری
 گورلمیه گی عربلرک بالاده بیان اولنان صورت
 تحصیلیه مثبتدر .

گاهلم املا بختیه : بومعلومدرکه لسانمزده
 ث خ ذ ض ط ع حروفنک مخارجی تلفظدن
 ساقطدر .

اشکال حروف اراسنه حرکات خفیفه وثقیله
 وضع اولندینی حالده ایسه ح ص ط حرفلمی
 دخی ها وسین و تا ایله اتحاد صدا حاصل ایدر .
 او حالده بو حروف زانده طی اولنه جق ایسه
 (فائض وفائز) گی معناری بیننده بر ملایت
 جزویه بیله اولمیان بیگلرجه لغتلر الفاظ مشترکه
 حکمنه گیرمک وبوصورت قرأته خدمتی حرکه دن

بل حقوق زیادہ اولان قرینہ سیاقہ کیساً خلل
ویرمک لازم گوار . و اشکالک ابقاسی حالہ
ایسہ تبدیل حروفک تسہیل املاہہ شیخ و ابدہسی
گورمامک طبعیدر .

غرض ایسہ کہ بویہ اولسون . املاک صوبتی
برملتک معرفتہ اصلا منع دگہار . اگر بویہ
بر دلیل مثبت آرائیورسہ شونک یہنی کافی اولہ
ملا می کہ غرض لسانی املاہہ بدو کہ ترکیب
صوبتی ایکن آنکہہ متکلم اولان ملتک تخصیصہ
سوء تأیری اولادقن بشقہ بیانی اور و پاہہ لسان
عمومی حکمہ گیرمندر .

طبع بخئی

تبدیل حروفہ مطبوعہ معقنا دینیہ جک
بر خدمت تحضر ایسہ میر ۱۰۰۰ نسخہ اعتباریہ

باصیلان بر کتابک هر جزوینه که ۱۶ تحفه‌دن
عبارتدر ، ۵ پارچه بیه ترتیب حقی اصابت ایمن که
همین مصرف جهتت اهمیت ویراسون .

یازنی گئی ترتیب برلادن چیمغه ختاج دکلدرکه
طبعده مستعمل اولان حروفک برقچ یوز پارچه‌دن
عبارت اولمیی باسجهجه موجب تخر اولسون .

نتیجه

بر آدم که (قواعد لسان و عقاید مذهبیّه
و حساب و تاریخ و جغرافیا گئی) هر صنفه مطلق -
الوجوب اولان فنونک هیچ اولمسه مبادیسی
تحصیل اتمیه . و او اوقوسه یازسه دخی استفادهجه
صرف جاهل حکمنده بولنور . فانددن عاری
اولان بر مزیتک وجودی عدمیه مساوی دکلدرده
نور ؛ بوقدر شینک تحصیل که هیچ اولمزیسه ایکی

اوج ییله محتاجدره او قدر مدته شمعیکی حروف
ایله دخی قرائت و تحریرده بالطبع ملکه حاصل
اوله جغنی کیم انکار ایدمیلور .

حاصلی مبادی تحصیل اقتضاسی اوزره تعدیل
اولنورسه حسن نتیجهسی اثریله بویله تصورات
وهمیدنک سرعت زوالنده اشتباه ایتیز .



مالیه نك معاملات حسابیه سنه

دائر بر لایحه در [۱]

[تصویر افکار - نومرو ۴۰۶ - فی ربیع الاول ۶ سنه ۱۲۸۳]

خزینة دولتک اصول معاملات حسابیه سنی
تأسیس ایدن ذوات زمانلرینک ایجابات و معلوماتنه

[۱] مترجم رشدی پاشانک شیوه انشاسنی تقلیداً
یازلمشدر. بومقاله نك حین نشرنده مشارالیه صدر اعظم
ایدی . (للطابع)

گورده پك گوزل ترتیب ایتمشلر ایسه ده صکره لری
 ترتیبات مذکورءنك بعض جهتلر نده اجرا اولنان
 بر طاقم تعدیلات احتیاجات صحیحه واساسیه كوزد-
 یله رك یانمش شیلر اولمیوب فروعاته متعلق بر طاقم
 تبدیلات موقتهدن عبارت بولندیغدن، معاملات
 خزینهنك اصلاحنه مدار اولمقدن بشقه بالعكس
 اصول قدیمه نی دخی هیئت اصلیه سندن چیقارمش
 اولسی حسبیه گیده گیده كرك قلمرك و كرك
 طشره لرده بولنان مالیه شعبه لرینك انتظام وانضباطنه
 خلل طاری اولمسیله بعض محاسبه لرده پك چوق
 اوراق عتیقه تداخله دوشمش و ایشك یكیسی
 اسکیسیله قاریشه رق گوندن گونه تكثر ایتكده
 بولنمش اولدیغی مثللو، قیودك اول وجهله مشوش
 بولنمسنه مبنی اولیای امور حضراتی طرفندن
 برجنس واردات و یا مصارفك مقدار و یا معاملات
 صورلدیغی حالده بر خبر صحیح و سریع آله مدیغی

وَبِوَصُورَتَلَه دُولَتْک مایه الحیاتِی مِثابَه سِنْدَه اُولان
اڭ صاغَم وارداَتَنک بیاَه وقت وزمانیله استیفاسَنه
موفق اُولان مَدِیغی گورُلْمکده در . وَ بَرْدَه اَقلام
خزینَه اُمور حسابییه رِوِیت ایتدکدن بِشَقْدَه ایا لاتد
جَهت مالیدن تفرّع ایدن بِر طاقم تداییر ملکیدَنک
رَدّ و قبولی وَ معاملات نقدیدیه دائِر دُولتله افراد
اهالی بِنْدَه جریان ایتْمکده اُولان هَر درلو دَعْوِیَنک
حکم و تمیزی وظایفیه دخی مکلف اُولدیغندن ،
وَ موجود اُولان نظامات ایسه ذاتاً اِیجاب ایتدکجه
پارچه پارچه یا بَاش اُولدیغی جَهتله مَطْرَد بِر حالده
اُولمِیوب بیاغی هَر فقره سی دخی بِر قلمده مضبوط
بُولدیغندن ، طبعییه تَسْوِیّه مصالح بِر صورت مُتَعَلِمده
جریان ایدمِیوب ، هم موادّ مهمّۀ دُولتْک وَ همده
مُصالح عبادکْ بِر چوغی تأخِر و مشکلاتدوشْمکده در ،
تَعْرِیْفَه حاجت اُولمِیغی اوزره بِر دائِرَدَنک حَسَن
ادارده سی ، اَصُولتْک استقامتیله مَأْمُورلَرِیَنک درایتنه

متوقف اولدیغی جهتله . معاملات خزینه‌نک دولته
ملزم اولان اصلحی دخی بویکی جهتده آرامق
لازم گلوب . اوتوز قرق سندنبرو مملکتک امور
مالیه و تجاریه‌سی اوروپانک معاملاتیه ارتباط کئی
حاصل ایدرک صورت اصلیه‌سی همان بتون بتون
دکشمش و ممالک غربیده فن دفتری دخی معارف
سائر ایله برابر پک زیاده ترقی ایتمش اولدیغندن،
خزینه‌نک امور حسابیه آتییه‌سی معاملات سابقه-
سندن، تفریق ایله اصول جدیدیه تطبیق اولمق
و تقسیم وظائف، انضباط و ادارنک شرائط اساسیه-
سندن اولدیغندن محاسبات جدیدیه مأمور اوله‌جق
هیئت واردات و مصارف و وزنه و سائر لزومی
اولان شعبه‌لر اعتباریه بر قایم دایره‌یه و هر دایره
وظیفه‌سنک انواعه گورد اقتضای قدر اقلامه
تقسیم اولمق و بوندن بشقداشبو دوائرک معاملاتیه
یومیه تحصیلاتک خلاصه وجهه قیودنی طوته‌رق

و طشردنك شهریه و (سالیه) جدوللرینی متعلق
اولدیغی قلمه ویرلمدن اول تدقیق ایدرك، واردات
و مصارف و بقایا و تحصیلاتك اجمالی ضبط ایله
اقتضا ایدن معلوماتی اعطا ایتك اوزره نظارت
مقامیله معامله دائمیده بولمده جق و هر سنه نك ختام
مدت حسابیه سنده موازنه سنی تنظیم ایدرك
آیروجه بر قلم تشکیل اولمق و خزینه نك قیود
موجوده سنی جمع ایله هم محاسبات عتیقه یی و همد
لدی الاقتضا دیوان محاسبات و یا خود بشقه بر مجلسه
مراجعت ایتك اوزره مواد ملكیه و مصالح عبادی
تسویه ایتك اوزره كتبه نك قدما سندن بر دیگر
هیئت ترتیب اولمق و نظامات موجوده كلفت
و ماینندن قور تارلق گبی بعض تداییر ایله مسئله نك
اولکی جهتی تسویه پذیر اوله جغی مجزوم ایسده،
هر ایشك و خصوصیه بومثلو امور مهمه نك حسن
تمشیقی اداره سنه مامور اولانلرك اساساً نظریات
مصلحتده مهارتنه منوط اوله رقی، ممالك دولت علیه

فن دفتری تعلیم ایدر بر مکتب اولیوب. امور جاریه نك
تسویه سی یالگز کتبه نك ذکوت ذاتیه سنه قلمش
واقلام خزینہ ہرکیم طالب اولور ایسه لیاقت
آزالتسزین قبول اولمقده بولمیش اولمسی تأسف
اولور حال تندر .

هر نه حال ایسه بر کرده اولمش، باری بوندن
صکره احوال قدیمه بقایاسندن اولان بو حالك
اصلاح اولمشی و خصوصیه خزینہ مالیه نك تجدید
اصول ایتمی گرك بوراده بولنان و گرك ایالات
و سنجاقلرده اولان امور حسابیه مأمورلرینك
نظریات فن دفتریده معلوماتنه محتاج اولمسیله ایشك
کلیاتی تحت نظر دقتده طوطمسی لازمہ دن اولوب،
معاملات حسابیه نك تنظیمی دولجه ملتزم اولدیغی
ایشیدلمکده اولدیغندن. اشبو ملاحظات خیرخواه
هانه نك عرض و ایرادینه ابتدار اولندی .

احوال مالییه دائر بر لایحه در [۱]

[تصویر افکار - نومبر ۱۹۰۶ - فی ۸ ربیع الآخر ۱۳۸۳]

چکن یگر می اوتوز سنه نك وقوعتی لایقیه
 مطالعه اولندیغی صورتده مستبان اولدجفی وجهه
 دولت علیه نك تجدید اصول ایتدیگی زاندیرو
 اداره ملکیه سند و وقوعه گیلان خطارده برابر بر طایفه
 تداییر اعماریه دخی اتخاذ اولمش وهر نه قدر بونلر
 بتون بتون نوظهور شیلر اولدیغندن، لایقیه ذهنلر
 یرلشمادیگنه ودها سائر بعض اسبابه مبنی اجرا -
 آتنده شایان تأسف بر چوق قصورلر ظهوره گلمش
 ایسده. ینه مملکتز بتون بتون آثار ترقیدن محروم
 قالمشدر. خصوصیه بوزمانده بر مملکتک رنگینلگی
 قدرت و معوریتک اڭ باشلی سبیلرندن اولدیغی
 حسینیه دولت علیه معاملات مالیه سنی اصلاح
 [۱] کذا رشدی پاشانت شیوه انشاسنه تقلیداً
 یازلمشدر.

ایچون ثروت عمومیه‌نک اساسی حکمنده اولان
 امنیت و اعتبارک تأییدی التزام ایدرک، خارجدن
 و داخلدن یاپیلان استقراضلر تخصیصاتنک وقتی
 وقتنه تأدیه سیچون درکار اولان آرزوی خالصانه
 سنی اعلاندن خالی اولامش و اوروپانک احوالی
 اوزرینه اجراسنه لزوم گوریزان تدارکات کلیه‌دن
 طولانی مالیه خزینه‌سنک حال اغتشاشی بوگونکی
 بولندیغی درجه‌یه گلوبده سلطنت سنیینی بر معامله
 استثنائییه اختیارینه مجبور ایدنجدیه قدر بو آرزوی
 بالفعل دخی اثبات ایتمش ایسه‌ده نه چاره که واردات
 عمومیه‌نک حسن استعمالنه و دولتک تصرفات و اصاله
 حات صحیحجه مسلک‌کنده بولندیغنه معلومات کامله
 حاصل اولمدقچه صرف ایدیلان همتلر نه قدر جسیم
 و معتنا اولسه ینه کیسه مطمئن اوله‌میدجغندن،
 و بوندن بشقه تجدیدات واقعدنک بعض جهتلی
 خلقک گورده‌نگنه مخالف و بر طاقم تفرعاتی دخی

صحیحاً مضرتی چیقارق هر کسی اور کوتمش اولد-
یغندن، محدث تدبیرلر، ولو خیر محض اولسه بیله
سوء ظن آلتنده قلدیغی جهته استکمال امنیت
ایچون دولجه اختیار اولسان بونجه فدا کارلقلر
آرزو اولسان مقصد مهمک استحصانه کافی اولد-
مدقندن بشقه، بعض ارباب فتور عندنده مالیدنک
شمدیکی بحرانی بیاضی علل مزمنه دن اولدیغنه
اعتقاد حاصل اولمشدر. واقعا مشکلاتک جسماتی
منکر دگل ایسده اصلاحنک دخی خارج ازامکان
اولدیغی پک چوق دلیللرله اثبات اولنه بیلور :
از جمله زمانمزرده اکثر دولتر رفاه واقتدارلرینک
تزییدینه مدار اولور ملاحظه سیله قوه غلبه
نفوذلرینک تکثیرینه چایشه رق سلاح آلتنده
طوتدقلری بیوک بیوک اردولرله ثروت ملکیدلرینه
بر آغر یوک تحمیل ایلدکلری مثلاً. بر طاقم دولتر
دخی علمیت اوزرد معامله دن چکیندرک اداردلرینه

طاری اولان فالغاك كتمنى التزام ايتدكلرنندن .
دوشدكلارى مضائقه به بالطبع وقتیه چاره آرایه
میوب ایشلرینی کندیلدكلرنندن بر حال خطرنا که
دوشورمکه اولدقلری حالدده انکلتره وکلای
سابقه سی بویکی مسالکدن دخی تبری ایله اداره
داخلیه لرینك اصلاحنه حصر همت یتمش و باخصوص
تصرف قاعد سینه فوق الغایه رعایتله واردات
و مصارف بر آچق سنده وارنجیه قدر هر کسك گوزی
اوکنده حسن اداره و تعهدات دولتی و قتی و تمامی
ایله ایضا ایش اولدقلرنندن دولت مشار الیه انك
نصف وارداتی ایکی یوز سنده نبرو محافظه شان
و استقلال چون آچدیغی محاربه نردن ترتب ایدن
دیون طاقتمر ساسنك یالکتر فائضنه کتمکده ایکن .
دیگر نصفیه مصارف مقتضیه نی بلا صعوبت تسویه
ایتدکدن ماعدا بر طرفدن دیون دولتی قریم محاربه
به سندن اول بولدیغی درجه یه تنزیل و بر طرفدن

دخی اهلینک تکالیفی خیلی تخفیف الی شردر .
 انگلتره نك ثروت و معموریت فوق العاده سنه گوره
 معاملات جاریه سی ملک عثمانیه ایله نسبت قبول
 ایتمز ظن اولنور ایسده دولت مشار الیه غایت
 متشقت و تقریباً کره ارضک بر ثمنه مساوی اراضیه
 و ملل مختلفه دن یکی یوز ملیونه [۱] قریب تبعه یه ملک
 و سواحلنده اعصار سابقده مثل نامسبوق برجسیم
 دونخا بواندیرمغه مجبور اولدیغندن اداره عمومیه
 سیچون تصور دن خرج مصارفه محتاج اولوب
 حال بوکه دیون تخصیص اتندن فضله قالان نصف
 وارداتی سلطنت سنیه نك استقرار قارشولغندن
 بشقه اولان وارداتنك اوچ قتنه آنجق بالغ اوله
 بیلدیگنه گوره . ایکی طرفک احتیاجاتیه اسباب
 اقتدار ی مقایسه اولندیغی صورتده انگلتره مالیه سنك

[۱] الیوم اوچ یوز الی بر میلیون ، سکر یوز
 یتش بیک ایکی یوز نفوسه مالکدر . للطابع

مشکلاتی خزینہ جلدیہ دن دھا آئر بولندیغی
 قولایاتله میدانہ چیتار. معاملات مالیه نك اصلاحندہ
 اتخاذاى لازم گله جك مسلك بخشنہ گنجہ مضایقہ
 حلیہ الدہ بولنان ایرادك احتیاجات صحیحہ دائمیہ
 عدم کفایتندن ایرو گیش بر حال اولندیغی منالو،
 ملك دولت علیہ نك احوال حاضر دسنہ گورد
 قولایاتله تزید واردات ممکن اولہ میہ جفی بالتجربہ
 ظاهر اولد بختندن. اصلاحات مطلوبہ نی تصرفات
 کاملہ و تنظیم معاملات ایله امنیت و اعتبارك تزیدی
 و صرفیاتك ہر شعبہ سی بینندہ انتظام اداره
 و معموریت ملکیت نی موجب اولہ حق صورتدہ نسبت
 صحیحہ حصولی یوللرنده آرامق لازم گله جگی و مأمول
 اولندیغی اوزرہ اور و پادہ اعادہ آسایش میسر
 اولور ایسہ دولت علیہ اتخاذا کردہ سی اولان تدابیر
 احتیاطیہ نك ایجاب ایتدیردیگی صرفیات فوق العادہ
 دہدن دخی قور تلمش اولہ جفتندن، خزینہ نك مضایقہ

حاضر دسی بعض مرتبه خفت بوله رق اقتضا ایدن
تدایر اعماریه ناک اجر اسنه بر زمان فرصت حلول
ایتمش اولدجنی درکاردر . ایسته امور مالیه حقنده
متصور اولدینی ایشیدیلان تشبیهات مطالعات
مبسوطیه موافق ظهور ایتدیگی تقدیرده آرزمان
ایچنده چوق فائده حصوله کلسی مأمول اولنور .

§

(غزیه لسانندن علاوۀ افکار)

اوروپاده استر پروسیانک سلاح سطوتله مؤید
اولان حکمی خصمه غالب گلسون . استرسه امر
برعکس اولسون . مادام که نتیجه سنک طوغریدن
طوغرییه دوات علییه تعلقی اولیه اووقایع بزه
گوره برنجی درجده معتنا طوتیه مز . زیرا
هرملتک اقداموظائف هرشیدن زیاده کندی ملکک
اسباب معوریتنی دوشونمکدر که بویولده لزومی

قدر صرف همت ایدنلر احوال دولیده ظهورده
کلمکده اولان تغیرات عظمایی سیرجی نظریه
تماشا ایده بیلورلر .

ایشته بو ملاحظیه مبنی پولیتیکه نك اهمیتی
دولتجه حصر اشتغالی موجب اوله میوب، روایت
واقعیه نظراً مالیه جه بعض تداییر مهام اتخاذه
اقدام اولندیغی مثللو ایراد و مصرف کال دقتله
تحقیق اولندرق، نتیجه سنی مبین بر موازنه دفترینك
نشری مقرر بولنمشدر .

موازنه نك نشرینه دولتجه نه قدر همت و معاینه -
سنه اهالی طرفدن نه درجه رغبت اولنسه شایان
دگمیدر؟ صورتده یالکزجه دولتك ایراد و مصرفی
مبین اولان بوجداول حقیقتده صورت اداره نك
بر مکمل آینه سیدر، که هر سنه دولتك اسباب ترقیه
مقدار همتی و جهات صرفیاتك نسبتی و ملکك
درجه معموریتی و اهالیسنك مرتبه ثروت و بلکه

صورت تربیتی آندن ظاهر اولور . بونک ایسه
 حصول امنیت نه درجه مدار اوله جغی معلومدر .
 بویله بر امر خیرک عقدۀ تأخرده قالمسی نهدن جائز
 گورلسون ؟

عجبا دولتمه اختیار ایدیلاں تدابیر فوق العاده که
 هر دولتی بر درجه قدر حال دایمیسندن چیقارمش
 اولان اوروپانک قاریشقلغندن نشأت ایتشد
 موازنه نک نشرینه حائلی اولیور . بزیسه دولت
 علیه نک محافظه استقلالچون هر درلو فداکارلقدن
 چکنامک ملتزمک خصائل وطن پرورانه سندن
 اولدیغنی بیامدیگمز ایچون بویله بر مانعیه وجود
 ویردمیز . هر نه ایسه بالاده بیان اولدیغنی گبی
 مدققانه تنظیم اولنه جق موازنه صحیحه نک یقینده
 انتشاری مأمولدر .

ملجاء محتاجينه دائر بند مخصوص

[تصویر افکار - نومرو ۴۰۸ - فی ۱۴ ربیع الاول ۱۲۸۰]

برملتک، که مذهب و مشربی اخوت انسانیہ
قاعدہ سی اوزرینہ مؤسس اولور، افرادینک
هربری خندان وطن ایچنده کیمسینی نعمت معیشتدن
محروم ایتامک شانندن اولان فضیلت سخا ایله
تزین نفس ایلمگی واجبه ذمت بیلور .

ایشته بو خصلت محسنه ایله عالمده شهرت بولان
ملئرک بریده عثمانلی خلقیدر، که فضائل دیانت
و علو همته متصف اولان خواص کرامندن، افراد
عوامنه قدر انفاق محتاجین خصوصنی مالک اولد-
قلری کنز قناعتک زکوتی مثابه سنده بیلدکلری
جهته. مملکت مزده فقرایه سرمایہ تعیش اومق ایچون
عمومک جوهر فتوتی یتشور، که موجود اولان
سائلرک هربری بودعوانک بر دلیل ذی حیاتیدر .

اتخاذنده گوریلان تأخر بر همت مؤثره ایلد نهایت
بولسی مأمولدر .

اعتقاد مزجه دنیا ده هیچ بر مشغولیت یوق قدر که
ملتک اعلا ی قدرینه چاشمق وظیفه سیله مکلف
اولان بر حکومتی بومثالو وسائل خیریله جهته عطف
نظر دن صحیحاً منع ایده بیلسون .

ابنای وطن ایچنده سائللرک شمدیکی حالنده
بقاسنی التزام ایدر بر عقل یوق قدر ظن ایدرز .
اگر واریسه دیلنجیلرک اختیاری سلوک ایدنلرله
ردائنده اشتراک جلیسنه حکم ایدیله بیلور .

مملکتینه پرنس انتخابنه دائر (اتوال دوریان)

غزته سنه جواب

[تصویر افکار - نومرو ۴۱۱ - فی ۲۵ ربیع الاول ۱۲۸۳]

پرنس هو هنزولرنك مملكتين ويوده لنی
تصديق اولنديغنه دائر اتوال دوریان بر مقاله نشر
ايدرك مألنده بو نتیجه نك فوائدی حقنده بر طاقم
مباحث ایراد ایتمشدر .

هنوز بو تصديق صورت رسمیه ده اجرا اولنما
مش ایسه ده دو نتیجه دردست مذاکره اولديغنی
اکثر اوروپا غزته لری روایت ایدیور . حتی انکله
رئیس و کلاسی لورد دربی دخی پارلمنتوده بو روایتی
تصديق ایدر بر نطق ایراد ایتمشدر . تصویر افکار
بو مسئله نك هر جهتی حقنده اولان مطالعه سنی
تکرار بتکرار میداننه قویمش اولمق جهتیله شمعی
تجدید بحثه حاجت اولمديغنی گبی نتیجه قرارك اعلان

و سیمسی گورلمدکجه بیان اولنه بیله جک اسبابنک
تحریرینی دخی لازمهدن عدا یتیز .

فقط اتوال دوریانک بمقاله سنده یالکز تصویر
افکارک ذاتنه عائد اولان سوزلرک بالمجبوریه ردینه
ابتدار اولنور :

اولا مذکور غزته دیرکه « مقدا دولت علیه نی
مملکتینه بلا توقف عسکر ادخالچون تضییق ایتیش
اولان ترکی و تصویر افکار غزته لرینک شمدی
خطالرندن رجعت ایتلمری لازم گلور » .

زیرده مندرج اولان ایکی سؤالی بوبابده
برجواب کافی عد ایدرز .

(۱) عجبا تصویر افکار مملکتینه بلا توقف
عسکر ادخالنیمی توصیه ایتدی . یاخود یالکز
ادخال عسکر تدبیرینک لزومندن و دولت علیه نک
بوبابده دزکار اولان حقندن بحث ایدرک یازدیغی
مقاله نک هربرنده قونفرانسک مطلوبه موافق

برقرار ویرمسنی تمی ایدی . غزته مزك قغی
 فقرده سی قضیه اولییه دلیل اولور ایسه گوستر-
 لسون . یوقسه بویله اسناد مالم یکن اثبات ویاتسلیم
 حقیقتده عجزی جهته ناموسنی تمرّد اغورنده
 فدا ایدنلرک کاریدر .

(۲) فرض ایدلم که (اتوال دوریانک ادعا
 ایتدیگی وجهه) تصویر افکار طرفندن اول
 وقت بلا توقف مملکتینه عسکر ادخالی توصیه
 ایدلمش اولسون . بر مطالعه فعله کامکله نه دن
 خطا اولمق لازم کلیور . برفکرک استقامتی مجرد
 دولجه التزام اولمسنه می توقف ایدر . اتوال
 دوریان دولتلو سردار اکرم پاشا حضرتلرینک
 افلاقه گیرمک اوزره اولدیغنی کمال اعتماد ایله بیان
 ایلدیگی زمان مملکتینه عسکر ادخالنک مضرته
 دائر مقدّمایراد ایتدیگی ملاحظاتک بطلاننه می
 حکم ایتشدی .

ثانیا اتوال دوریان ترکی غزته سیله تصویر
افکارک استدالاتی خلاف معقول اولدیغنی و بعض
کره مقصدینی دخی پیش نظردن غائب ایتدیکنی
ادعا ایتشدور .

خصممنز بوبابده اثبات مدّعیه صالح بر دلیل
گوسترمش اولیدی مثبت المطلوب . وَالْآهَر حکم
عقلی برقیاسدن استنتاج ایتک انسانک شانندن
ایکن بویله برادّعی مجرّد میدان قویق مناظرده
بیلیز که اصل جائز اولدیلور .

بو غزته نك محررلری کندیلرینی انساندنمی
عد ایتمز که بونك گبی بروظیفه ناطقیته کندیلرینی
مكلف طوتمیور .

برده اتوال دوریان بو مقالدنك خاتمه سنده
استانبول غزته لرینك هر برینك حالی گرك دولت
و گرك خلق عنندنه معلوم اولدیغنی بیان ایدرك
ضمناً ادّعی مدوحیت ایتک استر . فقط بو ادّعیه

استان بونده دکل: بکر شده قالمشش اولسیدی بلکه
تصدیق اولنه بیلوردی .

ایشته جوابمز ختام بولدی. فقط افکار عمومیه
قرشوسنده لازم الاجرا بروظیفه مز قلدی. که اوده
مملکتین حقنده اولان روسیه بولتقده سنک تحقیقیدر.
چونکه اتوال دوریان روسیه نك بومسئله ده
طوتدیغی بولتیقه نی سوء قصده حمل ایتمشیکن
تصویر افکار بومضاعیه اشتراك ایدمیه جگنی
میدانه قویمشیدی .

صگردلری ایسه روسیه دولتی بردن بره مملکتی
تبدیل ایدرک، حتی دولت علیه عسکرینک مملکتینه
دخولانی معاهداته مغایر عدایده جگنی مشعر پرنس
غورچاقوف طرفندن روسیه سفراسنه محررات
عمومیه گوندولمشدر .

تصویر افکار: اینه اسکی ادعاسنی تکرار ایله
دیرکه: بوتبدل، روسیه نك اوزمان مملکتینی غصب

ایتمک افکارنده بولنمندن حاصل اولمش بر نتیجه
دگذر .

چونکه روسیدی بویله برنیتده بولنمش
اولسیدی مملکتینده کی آتش اختلالی اشعال ایله
مقصودینه واصل اولمغه چالشمق النده ایکن پرنس
قوزدنک حکومتدن استعاضی اوزربنده مملکتینه
آیری آیری قائم مقاملر نصبی تکلیف وقونفرانسه
مملکتینک اجتماعی علیهنده واجبی پرنس امیدینی
قطع ایددجک بر اصول اختیار اولنمشی طلبنده
بولنمق گبی . اهالی بی کندیسندن توحیش ایددجک
معامله لرده نیچون بولنسون .

بو تبدیل مسلك خصوصنک سبب اصلیه
کلنجه . استقامت افکار و صحت روایات ایله مشهور
اولان (رودوف دودو مؤند) نام غزتهنک افادده سنه گوره
پرنس هوهنزولرنک روسیه ایمپراطورینه قرابتی
اولان بر پرنس ایله ازدواجی قرارلشمشدر .

بویله مقتدر بردواتی اقوال و افعالنندن مسؤل
طوته جق عئمه بر قوت موجود دکل ایکن. روسیه
دولته گوره مملکتینجه قوجندیغی افکار خصمانه نی
بر طرف ایتدکن بشقه تزید نفوذینه مدار
اوله جق بر رابطه قرابتک ظهوری نه درجه اغنامه
شایان بر فرصت اولدیغی معلومدر .

حاصلی تصویر افکارک مرادی اواشناده
روسیه نك مملکتینی غصب ایتک تشبثده بولمادیغی
بیان ایدی . بر قضیه نك خلافی اثبات ایدر هیچ
بر اماره ظهور ایتدی . چونکه حقه مقرون اولان
بردعوانك خلافی دائما دیلسز قلور .

اتوال دوریانك مقصودی ایسه روسیه دن
چکنمکی توصیه دکل : مملکتین خلقنك هر نه یولده
اولورسه اولسون ترویج افکارینی انزام ایدی .
اغلب احتمال اولدیغی اوزره امیدى حصوله کلدی .
چونکه اکثر احوالده بدخواه لر نائل مرام اولور .

[تصویر افکار - نومبر ۲۰: - فی ۲۶ ربیع الاول ۱۲۸۳]

ایمپراطور ناپولیون طرفین من مقدما بعض
تحقیقات علمیه ایچون بو طرفلره کوندولمش اولان
موسیو [ادوار غوئن] طبیعت شاعرانه سنه شایان
برقصیده انشا ایدرک ترجمه تنظیم ایتدیردیگی
ترجمه منشوره ایله برابر نشر ایلشدیرکه مالی روی
زمینه بر حال تزیین عد اولمغه شایان اولان بوسواد
اعظمک لطائف احوالی و خلافت کبرا مسندینک
وظائف اقبالی بر طرز بدیع ایله بیاندن عبارتدر .

غربک جواهر معارفین من ماعدا شرقک
ازهار تخیلاتیه دخی بر قاتدها رونق بولمش اولان
بو مدیحہ نازکترین ناظمینک زادگان طبیعتین
بردلارا نازنیندر که روم اقلینده پرورده اولمشیکن
ینه اوروپانک افکار ابکارنده اولان محاسن آدابی

آینه اندامند اظهار ایتدیکچون هروجه
 ارباب مطالعتك نگاه التفاتنه شایان گورینور .
 بناء علیه بونك رغبت عمومیه توصیه سیاه
 برابر هیئت مجموعہ سنه نمونه اولق اوزره اولکی
 بندینك نظماً ترجیدہ نقل مآلنده قلم عاجزانه مزی
 بروجه آتی ترجمان ایلدك :

« عیاندز بر سپهر اطلسین آلتندہ بر کشور
 که رسامان اولور دلبسته ارباب سخن حیران
 طبیعت گویا بر روز شهر آیین و بهجتده
 آک کنجینه لاله جوهر حسن ایلش ارزان »

گرید مسئله سنه دأردر [۱]

[تصویر افکار - نومرو ۴۲۳ - فی ۱۴ جمادی الاولی ۱۳۸۳]

السيف اصدق انباء من الكتب
 في حده الحد بين الجد واللعب
 بيض الصفائح الاسود الصخائف في
 متونهن جلاء الشك والريب

قطعه سی قانون سیاستک بر حکم قطعی النفاذ -
 یدر که معاملات دولیہ دہ زمان و مکانک تبدیلیہ
 اصلاً تحوّل قبول ایتمز . واقعاً دولتر بینندہ ظهور

[۱] بو مقالہ بی مجرد اسلوب افادہ سندنہ کی لطافتہ
 مبنی درج ایلدک . کالک سیاستدہ مؤخرأ احراز
 ایتدیگی وقوف ایلہ تمامیلہ متباین اولان بو اجتہادی ،
 سیاسیاتدہ کی صباوت افکارینک غلیانہ دم وطنپروری ایلہ
 اتحاددن طولانی برطاقم حقایق سیاسیہ بی پامال ایتمکدن
 عبارت اولدیغیچون فکرینہ هیچ بر وقت اشتراک ایدہ میز .
 للطابع

ایدن دعوالرہ حاکم حاسم (اسباب سطوتک تعبیر
 مجملی اولان) سیف صارمدن بشقہ کیم اولہ بیلور .
 اگر اگدا مقابل حقانیت گوستریلہ جک ایسہ نصل
 تسلیم اولنور، کہ حکمتک بو دستور مقدسی قوۂ
 اجرانیدن بری اولدقچہ افراد ایچندہ بیلہ واجب
 الاطاعہ صایلدیغنی اثبات ایچون یالکیز هریرده
 موجود اولان ضابطہ اداره لری نی گوسترمک
 کافیدر .

حال بویلہ اولنجہ امثالک افعالی حق و ناحق
 هر نه صورتلہ اولور ایسہ اولسون جلب منفعت
 و دفع مضرتہ مصروف گورمکده اولان دولتنره
 گورده، کہ فوقلرنده بر قوۂ حاکم طانیماقده درلر
 فوائد حکومتی قواعد حکمت اغورینه فدا ایتک
 نصل قابل اولور .

بناء علیہ طبیعی و موضوع اعتباریلہ ایکی یه
 منقسم اولان حقوق دولیه قضیه سنک هر قنغی

جهتندن باقلسه قیاس مقسم گبی انتاج ایده جگی
حکم واحددر که اوده « الحکم للغالب » مدعاسنه
عائددر .

ایشته معاهدات دولیه بو حکمک نفع و ضررندن
حصه مند اولانلر بیننده رضای طرفینی مبین
اولدیغیچون دوات و ملتجه معاملاتی یکنسق بر شرع
مستقیم تابع اولان اسلام آراسنده مصالحه سندی
عنوانیه یاد اولمشدر .

اگرا رعایت ایسه مدنیتک صلاح حالنی موجب
اولق جهتیله ملت عثمانیه تشهیر ایتدیگی سلاح
جهاد سایه سنده دور ظهورینک حقنی ایفا و شانی
اعلا ایدرک، بر قاج دولتک انقاضیه مبنای عظیم
سلطنتی تأسیس ایلدکن صکره سیف جلادتله
تحدید ایتدیگی حقوق عهدیه بی اجانبه کنندی
معاملاتی بیننده برسد آهنین عد ایدردی .

حتی قوه غالبانه مز بر آگاه آلمانیا و گاه یمن

صخرالرنده ملئت اعلام حشمتی اعلا و بحرأ کاه
اسپانیا و گاه عدن دریالرنده دولتک احکام سطوتی
اجرا ایتدیگی زمانلرده بیله سلطنت سنیه مجاور-
لرندن هیچ برینک بلا سبب حقوقنه تعرض
ایتماشد. که قهرمانلر خصائلندن اولان بویله
برصفت فتوت اجداد مزه ائ بیوک برمدیحه افتخار
عد اولنه بیلور .

چونکه تاریخلرک تواتراً اثبات ایتدیگی اوزره
دولتک منتهای ترقیسی اولان سلیم اول دورندن
صکره عثمانلی قلیچندن جریحه دار اولانلر یا حدود
شرعییه پامال ایدرک ارباب توحیدک تفریق
اتحادینه و یا عهد مرعیهی اخلاص ایلیه رک اصحاب
تثابتهک تأیید اعتقادینه تصدی ایدن و هیچ اولماز
ایسه تصدی ایتک نیتنده بولنانلردن عبارتدر .

یا فوائد تعاونی تزئید و تعمیم ایچون اطاعتی
فرض عین وقواعد تمدنی تمهید و تحکیم ایچون

رعایتی محض دین اولان حکومت مشروعه و حقوق
موضوعه سنه انقیاددن نا کسانه و نا کسانه تبرّی ایدن
اقوامه لایق دنیاده نه جزا اوله بیلور .

البته حق و انصاف دشمنلریچون بر صربی
حدید المزاج اولان سیف غالبیتک حکم قطعیسیدر .
فقط نه چاره که چیچک عاتی گبی دولتک بنیه
وجودینی رخنه دار ایدن لاله سفاقتک اعصاب
اقتدار مزه ویردیگی ضعف کلی جهتیه ابراهیم
پاشا دورندن صکره سلاح سطوتی لایقیله اداره
ایتمک ایچون ملتده اقتضا ایدن زور بازو قالمامشیدی .
حال بوکه ضعف اعصابدن بر وجوده عارض
اولان وسوسه گبی بوقوتسنزلکدن عمومه طاری
اولان اندیشه صکره لری لزوملی لزومسنز اختیار
ایدیلان محاربه لری اکثرنده گوریلان وخامت انجام
جهتیه بر درجه قوت بولمشدر که پک کوچک مسائل
بیله بزجه پک بیوک غوائلدن عد اولنور .

ایشته بوقبیلدن اوله رق عصاتک مهاجماتی
اوزرینه گریده آتیلان تفنگلر بيله بوراده
بعضیلرینی جریحهدار اضطراب ایلدیگی گور-
لمکده در .

تصویر افکار ایسه گرید مسئله سنک بدایت
ظهورندن برو عصاتک لزوم تربیه سی رأینه ذاهب
اولدیغیچون شمعی بودهابنک اسباب موجبہ سی
افکار عمومیه عرض اتمکی اقدام وظائفدن عد
ایدر : شویله که برالریله عرضحال یاپراغی وبر
الریله اختلال یاپراغی کشاد ایدرک هم مستدعی
همده مدعی صورتندہ میدانه چیتشمش اولان گرید
ازباب فسادینک چارہ تسکینی اوچ صورته منحصر
ایدی که برنجیسی بونلری مسؤلرینک قبولیله
تعطیل - وایکنجیسی گریده کی قوہ موجودہ نک
مدت مدیده اوراده ابقاسیله ترهیب - و اوچنجیسی
حقوق حکومتہ استناداً تأدیب اتمکدن عبارتدر .

ارباب عصیانك استدعا ایتدیكى مواد كه بر طاقى
 ذاتاً مرعى الاجرا و بر طاقى بتون بتون ممتنع
 القبولدر: مجرّد بر بهانه فساد اولدیغیچون برنجی
 صورت، جزیردك اعاده آسایشنه اصلاً کافی دگل
 ایدی .

بوگا بر سندن مؤید استنیلور ایسه اول و آخر
 دول اجنبیه قونسولوسلرینه استدعا واعلان وقرار
 نامه ناملریله ویردکاری اوراقی گوسترمك کفایت
 ایدر، که بونلرده مظلومیتدن زیاده محکومیتدن
 شکایت اولنهرق. حکومتك تعدیلی دگل، یونانستانه
 تحویلی استنلشد .

نائرء فساد که بر قومك دروننده التهاب ایده
 آب شمشیر اولمدقچه حسن تدبیر آنی نصل اطفاء
 ایلسون . حمای محرقة که بر وجودك عروق
 واعضاسنی استیعاب ایده قان آقیدمدقچه آگا تداوی
 نیلسون .

ولو بويله اولمسه بيله مطالبيرينك ترويجندن
 سائر ممالك عثمانيه جه حاصل اوله جق سوء تاثيرك
 درجه وخامق ادا تصور ايله اگلاشيلور .
 ايكنجي صورته كلنجه معامله دوليده مداخله
 اجنبيه اكثري اختلال گي طبيعت ادارهيه مخالف
 اولان احوالك اوزامسندن نشأت ايتديگي مجربا
 تدنر . حتى يونانستانك ممالك عثمانيه دن آيرلمسنة
 دخي وقتيله فسادينك تسكيننده ظهوره كلان تاخر
 سبب اولمشيدى .

بوندن بشقه گريده كي فساد اويله برچوق
 زمانلر امتداد ايتسيدى . عسكرك مصارف فوق-
 العاده سيله اختلالك سرايت ملحوظه سندن
 ومحاربه نك تخريبات طبيعه سندن دولت ومملكت
 تحملك فوقنده ضرر ديده اولمق لازم كلزميدى ؟
 هر نه ايسه ارباب عصيانك تهالكى بو محذوراتى
 برطرف ايدرك بالطبع اوچنجي صورت دولته

قانون حرکت اولمشدر که بر کره جزیره نیک آسایشی
 بوزلقدن صکره لازم اولان معامله دخی بوایدی .
 چونکه اعضای بدنن بری بر جریحه ناسوره
 اوغرا اینجه اقتضا ایدن عملیات جراحییهی (ولو
 ایلروده او عضوک بتون بتون انقطاعنی موجب
 اوله جق اولسه بیه) بالمسارعه اجرا ایتکینه
 عموماً بنید ترکیبی مخاطروده براقه جق برحالی ابقا
 ایلمکدن اهون اولور .

مع مافیه بزبوصورتک نتیجه سنده بحق اندیشه نی
 موجب اوله جق بر محذور گورده میورز .

بو گونکی گونده جزیره ده بولنان عسا کر
 واهالی اسلامیه نیک مقدار قوتی اختلالک تسکینه
 دگلر، گریداک یگیدن قنحه بیه کافی اولمق جهتیله
 تشبثات واقع نیک موفقیتی اصلاحی اندیشه دگلر .
 مداخله اجنبیده کلنجه بویه بر مصیبت اولسه
 اولسه یامشفقانه حرکتی توصیه ایله سلطنت سینه نیک

مرحمتی تهیج و یا خود ارباب عصیانک یونانستانه
 التحق آرزوسنی ترویج یولنده ظهوره گله بیلور .
 حال بوکه عصاتک اهالی اسلامیه حقدده
 وقوع بولان تعدیاتنه کمال سکونتاه تحمل اولمقدده
 ایکن ، آنلر یونانستانه التحاق ایچون سلاحه مراجعت
 ایتدکلرینی بی پروا اعلان ایدرک . عساکر عثمانیه
 اوزرینه مهاجمیه باشلادیلر . حتی برطاقم بیچاره
 خسته لری شهید ایددجک قدر وحشیانه معاملات ایله
 طبیعت انسانیه نك بیه خازجه چیقیدیلر . بویله
 غدارلرک جزاسز قالمسنی کیم توصیه ایدر . مکرکه
 سیرتده آنلرک حرکات شنیعه سندن مستفید ایکن
 صورتده حقانیتدن دم اورنلر اوله . یرنجی
 حیواناتک فطرت ظالمانه سندن کیم خشنود اولور .
 واریسه بقیه صیدیه متعم اولوبده افعالنه اسناد
 حکمت ایدنلردر .

یوقسه عصیان اوزره بولان تبعه سی حقدده

قانونك تعین ایتدیگی تأدیباتی اجرا ایتك هر
دولتك حقوق صریحی اقتضاسندن اولدیغنی
کیمسه بحق انکار ایدمز .

یونانستانه التحاق بحثه کلنجه معلومدر که ارباب
اختلال ، بوبابده ملیت قاعدهسی اوزرینه تأسیس
مدعا ایتك استرلر . بز بوقاعدهنك درجه شموانی
و اوروپاچه صورت قبولی محاکمه دن شمیلیك
قطع نظاره گرید وقعه سنك آگا تطبیقی ممکن
اولدیغنی وجه آتی اوزره اثباته ابتدار ایدرز :
شویله که یونان ملیتی اسکندرک ظهوریله منقرض
اولمشیدی . الینوزملکی اوزماندنبرو الدن اله کچهرک
شمدی موجود اولان اهالیسنك هربری بر وبلکه
برقاج ملتك صلبندن کمشدر . بو حالده معاهدات
اخیره دن بشقه دنیاده هیچ برسند وارمیدر که بونلرک
ملیتی تعین ایده بیلسون .

اولسه اولسه لسان ومذهبلرنده اولان اشتراک
کدن بحث ایدیله جک دکلیدر .

بويلا آلمانيا قطعەسى برچوق حكومتە منقسم
 و الحقيقا ايلا اسويچرەنك استقلالى فرانسەنك
 تعرضدن سالم ايكن اشتراك لسان اتحاد حكومتى
 اقتضا ايده جگنى كيم ادعا ايده بيلور .

اشتراك مذهب بحثە كلنجە اتحاد مليت بوقعدە
 اوزرينە بنا ايدمك استندىكى حالدە جزواڭ كلاًە
 تابعى قضيه سنە گورە عموماً روملر روسيەنك
 وقا تولىكلر فرانسەنك و پروتستانلر انكلترە ويا
 آمريقانك و اهل اسلام سلطنت سنيەنك زير
 ادارە سنە كچمك لازم كلزمى . خريطە علمدە بويلا
 برتبدل اجر اسنە تشبث اولشمىدەر ؟

قالدى كە خرستيانلر ك بودعواسى تصديق
 اولنسە بيلە جزيرە اھالىسنك برئائيدە اسلامدر .
 بو خلقك بعضيسنى منون ايتمك ايچون بعضيسنى
 حقوقدن محروم ايتمك نصل موافق حقانيت
 اولە بيلور .

بوندن ماعدا اوروپانک هیئت عمومی سنی
ملیت افکارینه تطبیقاً تحویله دولترک شیخ بری
مقتدر و عموم حقمده جاری اولمیان برقاعده نك
قبولنه ایسه سلطنت سنیه اصلاً حاضر دگلدر .

دولترک افکارینه کمنجه، واقعاً استیلاى عالم
آرزوسندن بشقه دنیاده برقاعدهیه تابع اولمیان
روسیه لی هم جواری اولان سلطنت سنیه یی اضعاف
ایده جک بویله بر مسئلهیه مداخله ایتمگی استر .
فقط مسائل شرقیده آنک افکاری فصل دعوايه
صالح اولمديغنه قریم محاربه سی بر دلیل قاطعدر .

ایتالیا و آلمانیا دولترینک مسئله ده پکده
علاقه لری اولمديغی مثلوه، امور داخله لریله شدت
اشتغال لری گرید خصوصیه اوغراشمارینه
مانعدر .

فرانسه دولتی ایسه تصویر افکارک معلوماته
گورد یونانستانک افکارینی ترویج ایتمک شویله

طورسون، کندی بایراغی آلتند بولنان واپورلری
یونان اوراقنك ممالك عثمانیه نقلندن منع ایلك گبی
بر طاقم تداییر خیر خواهانه اتخاذ ایتشدرد، که بومسئله
حقننده استقامت افکار نجد هر درلو اشتباهی دافعدرد.
انگلتره دولتی گریدك یونانستانه ترکی
سلطنت سنییه توصیه ایتمش اولدیغنه دأر تایمس
غزتهسی بر روایت نشر ایلشیدی . فقط اکثر
معتبر غزتهلر وحق رسمیتی معلوم اولان بزم ترکی
غزتهسی دخی بونی صورت قطعیده جرح ایلدی
بوندن بشقه گریدده کی انگلتره قونسلوسی ارباب
اختلالك عرضحالی بیله قبول ایتدی . بوحاللدن
دخی آگلایشیلورکه روایت مذکورہ خلاف
واقعدر .

واقعاً یونان دولتی کندی ملکنی مزایدهیه
چیقارمدچه گرید ایچون اقتضا ایدن بدل نقدی بی
نرودن تدارك ایدر . مکرکه یغما کرلکده مهارت

فوق العاده ایله مشهور اولان الینوز قپودانلری
 مالخولیا دینه لرینی ویاغیب خزیند لرینی تاراج ایلیه .
 گرید بر جزیره در که قطعات ثلثه ده کی ممالک
 دولت علیه نك واسطه ارتباطی اولان طرق
 بحریه مرکز اجتماع اولد یغیچون سوا حلزك
 قلبکاهی مقامنده عد اولند بیلور . حتی تسخیر
 یچون جانب دولتدن وقتیه صرف اولنان اقدامات
 فوق العاده دخی بومطالعیه مبنی ایدی .

بویله بلکه هر طاشی بر غازی نك جوهر جاننه
 بدل قالمش اولان بر موقع مستثنای یونانستانك
 نقد موهومیه دکل . ملتجه اقتضا ایدن فدا کارلقلر
 نهایت درجهیه قدر اختیار اولند قجه بر قاق بیوک
 دولتك هجومیه بیله ترك ایتك بزه گورده قابلیدر .
 انکلترة دولتك ایسه بود قایقندن غفاتی
 محالاتدن اولد یغی گبی ، کندی منافعنی محافظه ایچون
 شرقك آسایشنی هر مسئله ده نه درجهیه قدر التزام

ایتدیگی معلوم ایکن شمعی دولت علیه نك تمامیت
ملکیت سنی اخلاص ایددجك بویله بررأیه ذاهب
اولمی مشهور عالم اولان متانت دور اندیشانه سینه
نصل یاقشدره بیلور .

تصویر افکارك آلدینی معلومات موثوقیه
نظراً ساحت سینه نك مقصدینه انگلتره نك افکاری
هردولتدن زیاده مساعددر . که ملاحظات مشروحه
دخی بودعوایی مؤیددر .

بناء علیه گرید مسئله سنجه میدانده کی خصم
گریدلیرك ترویج مقصدیچون برطاقم تشبثات
رسمیه وخفیه تصدی ایتدیگی معلوم اولان یونان
دولتدن عبارت قالیور .

شوراسی غریبدر که قوه حیاتیلهری دولتلهجه
حققرنده دریغ ایدلمیان حمایتدن واشرف صنایعلهری
قتل وسرقتدن عبارت اولان یونانلیر، دها برقچ
ییل اقل کندیلرینه برحاکم بولمق ایچون اوروپائی

قیو قیو طولاشه زق بونجه صعوبت چکمشیکن
شمدی محکوم پیدا ایتکده بو قدر سهولت کور-
میورلر . و مجاور اولدقلری بر دولتک عصاتنه مالاً
و بدنأ امداددن گورو طور میورلر .

قاعدء استدلاللری مبالغه خودیسنندانهدن
عبارت اولان بویله بر ملتک افرادی کندیلرینه
ند قدر اهمیت ویرسه بزینه آنلردن ذره قدر احتراز
ایتمیز .

شرق ایمپراطورلغنی زیر زمینسه کچورمش
اولان سطوت عثمانیه قارشو طورده جق یونان
پالیقاریلری اولسون .

شو قدر که دولت مشار الیهانک افسادات
واقعہسندن طولایی جانب باب عالیدن تهدیدات
مؤثره گورمسی گرید اختلالنک سرعت تسکینه
و ملتک محافظه حیثیتنه مدار اوله جغیچون فوق الغایه
آرزو اولنور .

گریدده ایسه بهادران عسا کرک مهاجمه
عمومیه سندن بشقه استیلاجهك برشی قالماسدر .
مأمولدرکه یقینده بو مقصدك حصولی عین سرور
ایله مشاهده اولنور .

ارباب عصیانك استیماندن صکره اقتضا ایدن
تداییر دخی تصویر افکارك رأی عاجزانه سنه گوره
— ارباب فسادك سلاحرینی جمع ایله آسایش
بلدك استقبالا تأمین — وجزیرده اقتضا ایدن
مواقعك استحکامات مناسبه ایله تحصینی — ورؤسای
فساد ایله بالنفس قاتل اولدیغی تبین ایدنر حقنده
لازم کلان مجازات قانونیه بی اجرا ایله افکار
عمومیه نك تطمینی — واهالی اسلامیه ترتیب ایدن
ضایعاتك سبب اولانلر طرفندن استحصال تضمینی
— صورتلرندن عبارتدر .

نتیجه کلام بومسئله ده دخی سلطنت سنیه نك

محافظه حقوقی سلاح غالبیت‌ها صفت متانت
تحدیدن بکلرز .

گرید اهالی اسلامیه سی اقتضای حاله و دولت
طرفندن آلدقلى اوامره صبورانه و غیورانه
متابعته وطن اغورنده نهایت درجده اظهار حمیت
ایدرك حائز اولدقلى عثمانلى شانده بحق اثبات
لیاقت ایش اولدقارینك دخی مقام مناسبته
اعلائی غزته مزجه مدار افتخار عد اولنور .

بر ملاحظه

[تصویر افکار - نومرو ۲۵ - فی ۲۲ جمادی الاولی ۱۲۸۳]

بك اوغلنده تبه باشندده کی چالغی طاقی بازار
آخشا ملری « ای کسکین قلیچم ترکلری شویله
کس وای آتشی تفنکم ظالملری بویله اولدیر »
یوللو یونانستان فسادینك چنك آهنکی مقامنده

اول وقتلر شهرت بولمش اولان بر شرقی ایله
 علی ملاء الناس نغمه ساز اوله رق پرده ییرونلغه
 اجتسار ایتمکده و باشنه بر طاقم ادب سزلر طوپالانوب
 ترکی بتدجک تکراری آرزو سیاه تپنمکده اولدیغی
 و بونلرک اکثری تبعه و حتی خدمه دولتن
 بولندیغی تصویر افکاره صورت مخصوصه ده خبر
 ویرلمشدر .

بویله پای تخت سلطنتده مات حاکمه اسلامیه نك
 تحقیر یاه اقوام محکومه نك تحریکنی موجب اوله حق
 تفوه نك طب و سورنا ایله اعلان اولنه ییلمسینه
 تعجب اولنور .

حال بوکه گرک ضابطه نك و گرک بک اوغلنده
 بومثللو احواله نظارت شامله سی اولان دائرة بلد-
 یه نك لسان آشنا بو قدر مأمورلر بسلدیکی معلومدر .
 هله آلدیغیز معلوماته گوره مذکور چالغی
 طاققی اجرای آهنک اینچون بر رسم جزوی مقابله-

سندہ دائرۂ بلدیہ دن رخصت آلمشدر . بردار دنگ
ایسہ کندی مآذونیتی تحتندہ حرکت ایدنلری
ادب و تربیہ حدودی داخلندہ طوتمق وظائف
مأموریتی اقتضاسندندر .

عجبا بوچالغیرہ بعضیلری سلاح در دست
اولہ رق گریدہ حکومت سلطنت سنیہی اغتصابہ
چالیشان یونانیلری غیرت ویریور .

اگر اویلہ ایسہ دیرز کہ بزمدہ چنک حربیمز
آنلر حقندہ بعض منظومہ لراہ اطرافہ غلغلہ
ویرمشیدی . حتی موردنک فاتح اخیر ی اولان
شہید علی پاشا نامنہ تنظیم اولمش اولان بر خمس کہ
خاطر دہ قالان بر بندی شودر :

« بو جهانگیرانہ اطواریلہ ہر بر عسکرک
محو ایدر عنواتی داراتی اسکندرک
حشملہ میدانہ چیقسون تیغ آتش کسترک
کشور یونانی یکسر ایلسون زیرو زبر
نارہ یاقسون اہانی ویرسون جہنمدن خبر »

حالا صحایف حافظه ده مستور بولنور . بر چا-
لغیده آتیه شهرنده بولنور له آهنگ ایتسه یونانولر
رضا کوسترلرمی .

هرنه حال ایسه بز بویله بر مناسبتسزلکک
دوامنه هیچ بر سبب معقول تحطرا ایددمدیکمنز
ایچون منعی خصوصنک عموم لسانندن حکومته
عرض و اخطارینه اجتسار ایدرز .



بالاده کی اخطار اوزرینه ضبطیه نظار -
تندن گوندریلان تنبیهنامه ناک زیرینه درج
ایدیلان ملاحظات :

[تصویر افکار - نومرو ۲۷ - فی ۲۹ جاذی الاولی ۱۲۸۳]

بو تنبیهنامه اگرچه طرفهزه مطبوعات نظامنا -
مدسی حکمنجه طوغریدن طوغرییه مطبوعات

مدیر لکی طرفندن کلامشدر . فقط ذیلنده جانب
باب عالیدن استیدان اولندیغی بیان ایدمک جهتیله
غزته مزده درجنى وظائفمزدن عد ایلدک . فقط
حکومتجه اتهام اولنانلرک ایضاح مرامه حقى مسلم
اولمق جهتیله بو وظیفه نك اجراسی صرده سنده
بالطبع حاز اولدیغمز او یله بر حتمک دخى محافظه -
سندن گىرو طورده میز . چونکه بو تنبیه نامه دن
آکلاشدیغنه گوره تپه باشندکی چالغیلره دائر
یازدیغمز فقره نك بعض جهتلرینه بزم مراد ایتمد -
یکمز مغالر ویرلمشدر . بوندن طولایى حقیقه
تأسف ایدرز .

اگر بوکا سبب بندک شیوه افاده سنده کی
حرارت ایسه تأسفمز بر قاتدها مزداد اولور .
چونکه بزى بویله بر یوله سوق ایدن خلوص نیتدن
بشقه برشى دکل ایدی .

کله لم صدد بحثه : اولاً بزم دائره بلدیه طرفندن

اعطا اولندیغنی بیان ایتدیگمز رخصت چالغیلرک
اجرای آهنگ ایتسنه مخصوص ایدی . چالغیلره
اوله تخدیش اذهان ایدهجک برشرقی بی چاغرمق
اوزره رخصت ویرلمش اولسنی خاطره بیله
گتورمدک .

بور رخصتک ذکرندن مقصود ایسه چالغیلرک
نظام تحتنده طوطلسندن شکایت دگل، آلتنجی
دائرهنک کندی ماذونیتی تحتنده حرکت ایدنلری
ادب و تربیه حدودی داخلنده حرکت ایتدیرمک
وظائفی اقتضاسندن اولدیغنی بیاندن عبارت ایدی .
ثانیاً، بز تبعه دولت علیه دن اولان برملتک
هیچ بروقت علیه نه بولندیغمز یوقدر . اوله برلسان
قولالانمق کافل حقوقمز اولان نظامنامه احکامجه
دخی ممنوع اولدقدن بشقه، مسلکمز دخی توافق
ایتمز . تقبیحاتمز یالکمز ترکینک سویلندیگی یرده
بولنوبده تکرارینی استیالره عالد اولدیغیمون

بونک عمومأ روم ملتته عطفی بتون بتون مقصد۔
مزک خلافتده اولدیغی گبی، شهید علی پاشا نامنه
اولان خمسک بر بندینی ایراد ایدیشمز دخی یالکیز
یونانیلره راجع ایدی . نته کیم عبارده مزدن
صراحه آکلاشیلور .

حتی ممالکمزده کی روملرک اجدادی بوخمسک
سویلندیکی زمان دخی تابعیت دولت علیهده ایدی .
بناءً علیه بونک ممالک عثمانیه خلقتدن هیچ بر ملتته
تعلق اولدمز صانورز . منسوب اولدیغی ملتک
اجانبه قارشو لسان مدافعه سی اولمق ایسه بزم
اعتقادمزجه بر غزتته نک هم حق ، همد و وظیفه سیدر .
ثالثاً . غزتله ر حقنده دولتک مقتضی گوردیگی
قیودی شامل اولمق لازم کلان مطبوعات نظامنامه
سندده غزتله رک آلدقلى معلومات و اخطاراتی
نشر ایتویبدده حکومتته بیان ایملرینه دائر بر حکم
یوقدر .

بناءً عليه بوراده کی غزته لر یالکتر بر دائر ديه
 اخباری کافی عد اولنه بیه جک هر درلو اخطاراتی
 نشر ایتکدن گورو طور میور لر. و بناءً عليه تصویر-
 افکار دخی امثالک نظامه موافق اولان افعالنه
 توفیق حرکتہ کندیسنی مقتدر عد ایدر ایدی .
 و بناءً عليه بک اوغلی قهوه لر نده سویلنیلان ترکیلرک
 منعی ۴۱۹ نومرو مزده اخطار ایتمشیدک .

بوحالک منع اولدیغنی خبر آلمش اولسه ایدک
 بالافتخار آنی اعلان ایدر ایدک . فقط بالعکس
 اوزمان ترکیلرک دوامنه دائر بعض خبر لر آلدیغمز
 جهتله بو اخطار خالصانه بی تکرار ایدک .

ایشته تصویر افکارک نظامنامه جه اتهامی قابل
 اولدیمه جق بویله براعلاندن مطلبی تخدیش اذهان
 اولدیغنی مطالعات مبسوطه ایضاحه کافی اولمق
 جهتیه، شیو عندن زیاده وقوعنده مضرت گوردیکمز
 بویله بر مناسبتسزلکک منعی آرزودن عبارت

اولان مقصد مزك حصوله كمش اولسندن طولانی
بیان تشكرله ختم كلام ایدرز . و افاده خالدن
عبارت اولان بوملاحظه مزك بشقه معنایه محمول
اولیه جغنی قویا مأمول ایلرز .

استقراض

[تصویر افکار - نومرو ۴۴۵ - فی ۱۳ شعبان ۱۲۸۳]

دائرة مدیت ایچنده افعال و آمالك تسهیلچون
رایکان اولان اسبابدن بریده استقراض ماده سیدر که
ابنای وطن اراسنده امنیت قزانش بر آدم گرفتار
ضرورت اولدجه و یا خود توسیع اقتداره بالقوه
مستعد اولوبده وسائل مادیّه تدارکندن عاجز
قالدجه؛ بعض مرتبه فداکارلق اختیار یله بو واسطه
مراجعت ایدرک، سائر لرینک مالک اولدیغی رأس المال

ثروتدن لزومی قدرینه موقت صورتیه اولسون
تصرف ایدهبیلور .

خزینۀ تعاون تعریف مستعارینه سزاوار
اولان بویله بر مورد منفعتک عالم تمدن ایچنده لزوم
وفاندسی بر صورتله قابل انکار دگلدیر . وارسون
او واسطۀ موقته بی بر احسان هوایی صورتنده
طوتدق سفاقت یولنه ایشار ایدن بی بصیرت نه قدر
ضرر گورسه گورسون .

حتی دولترجه دخی مقدّماری ایفای ضرورت
ایچون چرسوی عالمک واسطۀ معاملات اولان
برچوق نقودی حبس ایتک وبلکه سایۀ حمایتلر -
نده کی اصحاب ثروتی بغیرحق مصادره ایلک معتاد
ایکن . صگردلری عمومی استقراضلره مراجعت
تدبیری اختیار اولنمشدر .

واقعا هیئت مدنیّه برچوق اجسامدن مرکب
جسم واحد حکمندهدر ، اما کافۀ احوالده فردک

جمعه مطابقت تامه سی ممکن اوله مدینگی گبی . بو خصوصه
 صده دخی افراد اوزرینه حاصل اولان تجربه نك
 عمومه تطبیقنده نتیجه سی بتون بتون خلاف قیاس
 ظهور ایلدی . بر مشهور فن ثروت مؤلفی دیر که
 « استقراضات عمومیه نك پك چوغی سفاهت
 ویا بر طاقم لزوم سنر محاربه لر اغورنده اسراف
 اولندرق . تزید ثروت معاملاتنی اولیه بر طاقم اسباب
 کلیه دن محروم ایدلمش و بو یولده دولتر خزانی
 دخی تکالیف اهالی نی اغرلشدیرد جق صورتده
 بیوک بیوک مضایقه لرده اوغرامشدر » . برده
 بواسطه قراضلرک سنداتی (کسب ثروتده سعی
 واقدامه حاجت بر اقیان) ایراد نوعنی فوق الغایه
 تزید ایتدیگندن واکثریت اوزرد فیثاتلری اهون
 اولمق جهتیله اصحاب ثروتک زیاده جه رغبتنی موجب
 اولدیغندن . معاملات تجارته بر بیوک مانعه حاصل
 ایتمشدر .

بوندن بشقه قیمت سنداتك برقچ گونده
بركره و بلكه برگونده برقچ كره ترقى و تدنيسى
مناسبتياه بيوك تجارتگاهلرده برهواي اخذ و اعطا
پيدا اوله رق، يك چوق نقودى اسباب ثروتك
تزيدينه اصلا مدار اولمقنرين كشمكش انقلابه
و برطاقم تجارت خانهلرينى هر آنده بيك درلو
مهلكه افلاس واضطرابه دوشورمكده در .

ايسته بوگا بناء اوروياده معروف اولان عمومى
استقراضلك هر صورته مضرتلرى متفق عليها
وحتى تزييد ثروت يولنه صرف ايدىلانلرينك بيله
فائدهسى مختلف فيها اولديغندن، يالكز وطنك
برمهلكدن تخليصى ايچون صورت قطعيده
ضرورت ظهور ايدر ايسه، عقدينه جواز گوستر-
يلور . اويله بر زمان ابتلاده هرشيدن قيمتدار
اولان جوهر جان بيله اسر كنمديكى گي .

لكن دولت عليهك سهم ناميله بر نوع

استقراضی وارد در که بومضرتلرک همان جمله سندن
بری گیدر . اگرچه اوچنجی سلطان مصطفی
عصرندبرو وقت وقت آچیلقد اولان اسهامک
آیری آیری محل صرفلری لایقیله معلوم اولد .
یغیچون محصوللری اسرافلی ایدلمشدر یوقسه لزوم
اوزرینه می صرف اولنمشدر بوبابده بر حکم صحیح
بیان اولندمز .

آنحق شوراسی عندمزرده معلومدر که خزینه
جه بونک شرائطی سائر نوع استقراضلرک
کافه سندن اهنندر . چونکه آلدیغمز معلوماته گورد
خزینه بوگونکی گونده ۵۵۰۰۰ کیسه عادی سهم
فائضی ویرمکده در . حال بوکه محلول اولمقد
اولان اسهامک فائضی عادی سنه لرده بربری
اوزرینه بیکر کیسده بالغ اولیور . بوقیاسه گورد
اسهامک الی بش سنده بتون بتون آرقه سی
آلتق وهرسنه نک محلولی بالتزیل حساب اولنورسه

خزینہ طرفندن بوگا مقابل ۱۲۹۴۰۰۰ کیسہ
 ویرمک لازم گلیور. واقعا اسہام آزادچہ محلولاتک
 آزماسی ملحوظدر. فقط بعض مستثنا سندنلرده
 محلول اولان فائض فوق العادہ اوچ بیٹ کیسہنی
 دخی تجاوز ایتدیگی گورلمشدر. گرک بوندن
 وگرک سندنده ایکی بیٹ کیسہدن آشاغی دوشمدیگی
 مجرب اولان فراغ و انتقال خرچندن خزینہنک
 استفادہسی اونقصانی اکمال ایدہبیلور.

بو قدر اسہام ایچون مالینہنک معجلہ نامیلہ
 آلدیغی آچہ ایسہ سکر سندنک اعتباریلہ ۴۴۰۰۰۰
 کیسہدر.

حال بوکہ دولت اوروپادہ ۶ فائض و ۲ رأس
 المال ایلہ ۴۴۰۰۰۰ کیسہنک براستقراض آچسہ
 ونہایتہ النہایہ یوزده آلتمش قیمت حقیقیہ دخی آلسہ
 تسویہ سیچون سندنده تقریبا ۵۷۰۰۰ کیسہ تخصیص
 ایتسی لازم گلور کہ بو حساب اوزرہ عقد اولنان

بر استقراضك زمان تأديه سی اولان ۲۴ میل
ظرفنده ویریه جك آچه نك یكونی ۱۳۶۸۰۰۰
کیسه یه بالغ اولور .

یوزده الی اعتباریه ۴۴۰۰۰۰ کیسه
گتوره جك اسهام عمومیه نك تداولدن آلمسی ایسه
۲۰۰۰۰۰۰ کیسه یه توقف ایده جگی بالحساب
مثبتدر .

اسهامك ثروت عمومیه جه دخی مضرتی بانسبه
غایت خفیف گورینور . چونکه برنجی درجده
مقداری اوقدر کثرتلی دگلدرکه آکا قیادیه جق
آچه ایله تجارتك بر طاقم اسباب مادیّه دن محرومیتی
شایان بحث اوله بیلسون . ایکنجی درجده محلو -
لیت و خرج فراغ گبی بر طاقم شرائطنه و اورویا
معاملاتنه تعلقی اولدیغیچون قیمتك تخلفنده سرعت
اولماسنه گوره، نه کلیتلو سرماییه مالک اولانلرک
تجارتدن فراغتلیرنی موجب اوله جق قدر رغبتنه

مظهر اوله بیلور . نهده اوله هواینی اخذ و اعطالره
مدار اولور .

بلکه احتیاجات عمومیه نك غایت مهم برجهته
خدمت ایتدیکیچون بر درجه یه قدر حسناندن صایلغه
بیله شایسته در . چونکه ملکت مزده ادّخار صند -
قلری گبی تأسیسات مفقود اولدیغندن و اسهام
عمومیه و سائر ایراد انواع نك اکثری ایسه برشرا -
ره نك خطر گاهنده بولندیغندن ، صنعت و تجارت
حال و اقتداری مساعد اولمایانلر ایچون خزینّه
دولت باقی اولدجه هر درلو مخاطره دن سلامتده
اولان سهمدن بشقه امنیتلی برمدار معیشت بولنه مز -
بونك قیمتده اولان اهنیت ایسه ثروت عمومیه نك
احواله قیاساً حقیقه رغبتنی تزیدایدنك بشقه -
جه برمزیتدر .

اسهامك یالکز متصرفلرینه عائد بر بیوك
ضرری وار ایدیكه اوده محلول مادّه سیدر . زیرا

سهم آلاندر خاندانلرینه الی الابد فائدہ بخش
 اولہ بیلہ جک اولان سرمایہ لرینک کندی حیاتلرینه
 منحصر بر ایرادہ تحویلیہ (تمدیدینہ چاشلیق
 اقتضا ایدن) قابلیت بقاسنی تحدید ایتمش
 اولورلردی .

یا بر فائدہ نک یالکز نفسیہ قائم اولسنہ کیم
 راضی اولور ؟ وار ایسہ وقتی خوش کچورمگی
 انسانیتجه ترفیہ حالیہ مکلف اولدیغی نسلنک
 سعادت حالہ ترجیح ایدن خود پرستلردر ! ایشته
 خزینہ مالیه کچندہ بر نظامنامه نشر ایدرک اسہامک
 بومضرتتی دخی فوائد سائر دسنک محاسنی موجب
 اولہ میہ جق صورتده اصلاحک اسبابی حاضر لمشدر .
 تدبیر حکیمانہ آگا دینورکہ بر مادہ نک بر جہتتی
 تعدیل ایتدیگی صرہده جہات عمومیه سی بینندہ
 اولان موازتی اخلال ایتسون .

یونظامنامه حکمنجه اصحاب اسہام النده کی

سهمك خمس مؤجله سنی تنزیل ایتدیردیگی ویاخود
 ربع معجله سی نسبتنده آنچه ویردیگی حالده
 اوسهمك هر دفعه محلول اولدجه نصفی اولادینه
 قالمق اوزره یگی ترتیب اولنان سهم ایله تبدیلنه
 مقتدر اوله جقدر .

بو اصول خزینهجه برقرنه منحصر اولان بر
 نوع مصرفی ولو بطناً بعد بطن نصفیت اوزره تدنی
 صورتیه اولسون، تأیید ایتدیکی چون بیوک بر فدا
 کارلق دیمکدر .

دولتک آندن استفادسی ایسه تنزل ایده جک
 مؤجله ویاخود آله جق معجله ایله (بوسنده
 انحصاری امید خیر خواهانه سنده بولندیغمز) شدت
 مضایقه نك اولدجه تخفیفنه برتدیر عاجل تدار
 کندن عبارتدز .

ذکر اولنان اصولک اختیاری اسهامك ثروت
 عمومیجه مضرتدن سلامتی موجب اولان

جهت لرینی اخلاص ایتدکن بشقه، اون بش بیکن
متجاوز تبعه نك خاصیت بقادن محروم اولان برنوع
وارداتندن هیچ اولمز ایسه نصفنك توارثاً انتقالی
تأمین ایشدر .

بو تعدیلک اصحاب اسهامه بر بیوک فائده سیده
شودر، که مثلاً بیك غروش مؤجله لی برسهم شمعی
هر قاج غروشه صاتیلور ایسه، شرائطی دهها منفعتی
اولان یگی اسهام ایله تبدیل اولنجه قیمتی ترقی
ایتمسه بیله تدنی ایلیه جگنده هیچ شبهه یوقدر .

(فائده سنده یگی سهملر قدر امتداد اولمیان
اولادیت اسهامنك اسهام عادیهدن دائماً خمس
فضله لی صاتیقده اولدیغی دخی بو دعوائی بر قیاس
تجربی ایله اثبات ایده بیلور) .

حال بوکه اسهام عتیقه نك فراغ و انتقالنده
ایکی سنه لك مؤجله سنه مساوی خرج آلنور ایکن
یگی اسهامك خرج انتقالی برسنه لك فائضنك

نصفی مرتبه‌سندده اولادجفی نظام‌نامه‌ده تصریح
اولمشدر .

بو حاله گوره عتیق سهمنی بو سهمنه تحویل
ایدنلر مجانا بر بچق سندك فائض قزانمش اوله -
جقدر . و بوسرده خزینه‌ك تخفیف احتیاجنه
خدمتله وطن پروران بروضیفه دخی ایفا ایدجقدر .
سود و زیانی تمیزه مقتدر اولانلر ، انده کی
سهمك تبدیلنده نیچون تردد ایتسون ؟ بویله هم
سرمایه‌سنك یگرمیده اوچنه مساوی منفعت و هم
برده عنوان حمیت اکتسابی قنغی عاقل استمز ؟



شورای نواب

[تصویر افکار - نومرو ۴۹ : - فی ۲۹ شعبان ۱۲۸۳]

مصرده مجلس شورای نواب کشاد اولندی .
اولکی مجلسلری توسیع زراعت و اصلاح معاملات

تجارت مذاکره آتیله مشغول اولدینی گبی اڭ صکره
 کلان روزنامه وقایع مصریده مندرج محضرلرده
 ترقی معارفه دائر نظر منونیتله برچوق مباحث
 گورلمشدر . خلاصه سی شودرکه اعضای مجلس
 مصرک هرمدیرلگنده برر ووسعی جهتیله روضین
 مدیرلگنده ایکی مدرسه آچیلینی استیورلر .
 فقط بونلرک مصرفی نه طرفدن تسویه اولنمق
 لازم کله جگنده بعض مرتبه اختلاف واردر .
 مباحث جاریدن اڭلاشلدیغنه گوره اوقافک فضله
 وارداتی بوڭدا قارشولق گوسترلمسی آرزو اولنیور .
 ویتشمن ایسه احتیاج خیرک اعانه سنه وفخامتلو
 دولتلو والی پاشا حضرتلرینک احساننه مراجعت
 اولنمق تنسیب اولنیور . حتی اعضادن برذات عموم
 اهالیدن برر مقدار شی آلمسینی تنسیب ایتمشدر .
 وقرار مصلحت ایچون آیریجه قومیسسیون تعیین
 اولنمشدر .

عصر مزده معارف هر ملتك مدار حياتيدر .
 خالقك اكل تحصيلنه صرف اولحق ايچون مالندن
 دگل جوهر جانندن بيله بدن آلنسه چوق گوزلر
 فقط هر كس كندی وطنك احتياجنی البته سائر .
 لرندن دعا اعلا بيلور . بناء عليه مجلس نوابك
 نهايت مذاكرده ويردجگی قرار مصر خلقك
 تنوير افكارينه کافی اولور ظن ايدرز .

ابنای وطندن همشهريلرينك اكل معرفتارينه
 سعی ايدنلر اولادینی حسن تربيه ایدن والده بگزر .
 تربيه نك منافع مادّيه سندن اولاد مستفيد اولور ؛
 فقط شان معنویسی پدره عائددر .

ملت نامنه فتح كلام ایدن برهيتك الك بيوك
 وظیفه سی خالقك ترقی انسانیتنه خدمت ايتكددر .
 مجلس شورای نواب، بو وظیفه مقدسه نك ایفاسنه
 چالیشيور . موفقیتی عن صميم تمنی اولنور .
 همته هزار آفرین .

بنی آدم اعضای یکدیگرند

[تصویر افکار - نومرو ۴۵۲ - فی ۱۱ رمضان ۱۳۸۳]

حقیقتدن خبردار اولانلره گوره ابنای
جنسنک مصیبتدن حصار تأثر اولماق نصل
قابل اوله بیلور . شفقت انسانیه ایله متحلی اولان
گوگلره بر مجروحک ناله اضطرابی بر جریحدنک
التهابی قدر مؤثر دگلمیدر .

ملت اسلامیهنک ایسه « انما المؤمنون اخوة »
اعتقادی شریطه اتحادی اولدیغیمون . هربری ابنای
وطندن برینک اوغرا دیغی فلاکتی خانه سی خلقنه
اصابت ایتمش حکمنده طوتمق لازم گلور .

ایشته بو مطالعهیه مبنی تصویر افکار سئله نک
اصلاح احواله دائر ۴۰۸ [۱] نومروسنده مندرج

مقاله‌سنده بر قادیان خسته خانه‌سنگ انشا‌ییمون
از باب اقتدارك شفقتنه مراجعت ایتشیدی .

حیفاً که شمیدی به قدر آنک بر تأثیری گور-
لم‌دکن بشقه آلدیغز روایتہ نظرأ مقدماتی
یکى باغچه خسته خانه‌سنه علتزده اولان مهاجره‌لر
قبول اولنور و اووسیه ایله یرلیدن دخی بعض
قادیان خسته‌لر گیده‌بیلورکن، بر قاق گوندیرو
نسادن هیچ کیسه قبول اولنامغه باشلامشدر .

واقعا او تأسیس خیر، غربای رجاله تخصیصاً
یا بلش اولدیغندن، نسوانی قبول ایتما‌سندن طولانی
شکایتہ حق اوله‌منز .

فقط پای تحت سلطنتده قادیانلر ایچون
بر خسته خانه بولنامسی ملتک شان سخاوت و عنوان
مرحمتہ نه درجه ذل گتوره‌جگی محتاج تعریف
دگلدر .

وطنزده انسانک اعجزی اولان بر قادیان،

بلايانك اشدي اولان بيكسلک حالنده بر عاتقه مبتلا
اولنجه، خاك سئالتدن بشقه فراش و ذهر اخطر ابدن
غيرى دوا بوايه مامقده در. 'لايقيمدر كه اويلاه بر بچاره
وطنك هر درلو نعمتدن استفاده حق طبعيسيله
وجوده كمشيكن. برايچم صويه متحسرا ختم حيات
ايتسون .

بويلاه قلبى دگل. طاشلرى رخنه دار ايده بيله -
جك بر طاقم وقايع فجيعة نك منع ظهورينه (مضايقه
حاضردهسى حالنده) دولته هيچ بار اولمقسزين افراد
ملت پك سهولتله موفق اوله بيلور . آرزو اولنان
مقصد ايسه بيوك بر فدا كارلغه محتاج دگلدر .
هر كس فطردهسى نسبتنده هر سنده بر اعانه جزويه
ويرمك لازم گلسه مع زياده كفائيت ايدر. فضله
قالورسه ايتام ايچون بر تربيتخانه انشاسنه و حقيقه
محتاج اولان سئله نك اصلاح احواله وسائر يومثالو
امور خيريهيه صرف ايديله بيلور .

بو تصور فعله چیقارلق استندلیگی حالدہ
 اول بابدہ برادارہ مخصوصہ نك تشکیلی لازم گلور.
 اولیہ برادارہ کہ خلقہ امنیت کاملہ ویرمک ایچون
 اعضای معتبران اهالیدن منتخب اولملی و باب مشیخته
 ضابطه نك زیر نظارتندہ بوالملیدر . و مطالبك
 حصول واکالی ایسه دولتك ابنیه امیریدن برینی
 خسته خانه اتخاذ ایدرك نظامات لازمدهنی ترتیب
 ایله خلقه تکلیف ایتمسندہ محتاج گورینور . رمضان
 ایچندہ بولندیغمز جهتله وقت پك طارالمش اولد-
 یغندن تسریع مصلحت واجباتنددر .

بر ملاحظه

[تصویر افکار - نومرو ۲۵۷ - فی ۴ شوال ۱۲۸۲]

بز گرید اهالیسنه بر مناسب تضمین استحصالنك
 فوائدنی جمله دن اول تصدیق ایدنلردنر . حتی

۴۳۳ نومرو مزد ده کی بنامه مخصوصه دخی بو
صورتی ترویج ایتشیا . اکلن اجرا سی تصویر
همت دولته قالور .

فقط ورقه ناه . اکلن ایتشه بر صورتله
اشترک ایدمه بر . اکلن دکل عثمانلی افرادندن
بربنک قلندن او یله برزله صدورینی بیان ایتمکن
بیله حیا ایدرز .

واقعا ثروت مالیدنک مضایقه سی انکار قبول
ایتمز . فقط بونکله برابر سفاهتک هیچ بر نوعنده
قصور من یوقدر . اکلنجه محالیرنی طولدیرمغه
وایکیده برده قاپاچییلر باشنده کی دکانلری بوشالتمغه
پارده من یتشیور .

ملتزک حفظ اتحادی و وطنک سعادت
حالچون جان و مال و اولاد و عیالیرنی آتشیلر
ایچنده براقه رق یورکار طیانمز درجه لرده مصاب
اولمش اولان اخوانمز لازمه انسانیتی اجرا ایدمه جک

زمان کلنجہ ضرور تمزدنی بحث ایدہ جگہ : اجدا۔
 دمر مردک و سخوتدہ دنیایی شانلرینہ مفتون
 ایتشلر ایدی . بزده آنلرک اولادی یز . آنلرک
 عنوان افتخاری لککدار ایتک روامیدر :

حاصلی تصویر . ملتی بوورقہنک صاحبیلہ ہم
 افکار یئدیکیچون اخطار اولنان معاونتک اجراسنہ
 موافقتی عمومک حیتندن مأمول ایتدیگی گبی ،
 اجرا آتہ تشبث اولندیغی حالہ قلماً وفعلاً مقتدر
 اولدییلدیگی خدمتک ایفاسنی مدار مفخرت بیلور .

تعاونو علی البر

[تصویر افکار - نومرو ۶۰ - فی ۱۵ شوال ۱۲۸۳]

فرمانہ و اخوت اسلامینک حال و شانہ
 واقف اولانلر ایچون بر فلاکتہ اوغرایان

وطني داشلری حقنده الدن کلان معاملة محسنه
 اجرا ایتک برنجی درجده فرائضدن عد اولنور.
 اجداد مزاك بوفریضه خیریهی ایفاده گوستر.
 دیگی مائر ایسه دلرده دائر نیجه داستان مفاخر
 پیدا ایشدر. حتی وقایع سالفه دن اکلاشیلور. که
 حسنات اغورنده آچه دکل. نقد حیات بذل ایدجک
 قدر قوت ملتزمده عادات جاریه دن عد اولنه حق
 درجده ایدی.

ایشته بوجوانمردانک اخفادی اولان عثمانیلره
 ارنا و فطرة حائر اولدقلری صفت سخاوت بروظیفه
 عظمای تحمیل ایشدر. که اوده گریده بولن ان
 قرداشلریمزه الدن کلان معاونتک اجرا سیدر.
 بونلر اختلالک ظهورندن برو اولاد و عیال
 و سرمایه حیاتلرینی ملتک حفظ اتحادی یولنه فدا
 ایله عثمانیلرک سحیه مفخرتی اولان شان جلادتی
 قهرمانلق مرتبه سنه اعلا ایتدیلر.

بوصر دده بیچاره لڑک اموال موجود دسنی اهل
 شق و ت و محصور لڑنی آتش خسارت افزا ایتدی کیچون .
 سمدی یه قدر مألوف اولدقلری ناز و نعیم . رنج الحیم
 تحوّل ایدرک ، معیشتلری وطنداشلرینک اغنه سنه
 قالمشدر .

یدر و برادر و یاسا اقربالرینک شهادتیه
 یوزکلری یازد لشم برطاقم ایتام و نسوان کیمی
 آج کیمی عریان سوقاق اورتیلرنده نالان اولدیغی
 ایشیدیلور .

آنلرده بزم گبی انساندر . دوشدکلری
 مصائب فاجعه یه جانمی تحمل ایدر . وحقلرنده
 الدن کلان معاوتی دریغ ایدنلر انساندمی صاییلور!
 چکدکلری مشقت یالکیز کندیلرینه دگل ،
 عثمانلیلرک عمومیه عائد اولان بر مسئله ایچوندز .
 زیرا حادته مناسبتیه آنلرک املاکی تهلکده
 قالدی ایسه بزمده تمامیت ملکه من مخاطر دده ایدی .

بز صفا دوشکارنده او یودق. آنلر طاشلره یاسلار.
نهرق، آتشلرد کوکس ویردیلر. شمعی بیچاره لری
اوغرادیغی اضطرار بدن قور تارمق هیمزه فرض
عین دگلمیدر.

بوندن بشقه گریڈك الیمزده قالمسی ارکان
اسلامیه نك اوراده بقاسنه و بو بقا ایسه اسباب
معیشتلرینی احضار اید بیه جك معاونتک اجراسنه
توقف ایدر. و طنمزك تمامیتنی محافظه ایچون اقتضا
ایدر ایسه جانمزی بیله فدا ایتک بور جمزدر.
بوملاحظه دخی اعانه وظیفه سنی بر قاندها تأیید
ایتمزی؟

حاصلی انسانیت و اسلامیت و حمیت و ملیت
گریدلیر حقنده جمله مزى عثمانلی شانسه لایق
بر فتوت اجراسنه اجبار ایدیور.

عمومك حفظ سعادت و اعلاى شانی استیان
افراد، علی العموم بو وظیفه ایله مکلف اولدیغنده

آزيجق عقلی اولانلر هیچ اشتباه ایتمز . حتی طونه
ولایتی اهالیسی بو وظیفه نك اجراسنه دخی تشبث
ایدرك، بیلرندده اعانه طوپلامغه قرار ویرمش و حتی
بلغازلر بیله بوتشبه اشتراك ایلش اولدیغی غزته لرك
روایاتندندر .

بویله برمعامله محسنده استانبول اهالیسی
ایالات خلقندن و ملت اسلامیه وطنداشی اولان
اقوام سائردهن گيرو قالمق روامیدر ؟

بعض ارباب خیر اعانه نك نردیه ویرلمسی لازم
گله جگنی غزته لردن سؤال ایتمکده ایدی . ایشته
دولت محل اعطایی گوستردی . اعانه افکارنده
اولانلر ویره جکلری آچقهی بانقیه تسلیم ایتمک
لازم گله جکدر .

قالدیکه بو اعانه دولتجه برشی اولدیغندن، بالطبع
دولتک نظارت مخصوصه سی تحتده بولنه من .
بناء علیه انتظام اوزره جمع وتوزیعنه مدار اولمق

ایچون الڭ زیاده اعانه ویرن ذواتک بر قومیسینده
اجتماع تکلفنی اختیار ایتک وبوقومیسینک دفاتر
ومعاملاتی آچیق طوتیهرق، هرکس استدیگی
تحریاتی اجراییه مأذون اولق اقتضا ایدر .



فاضل مصطفی پاشانک نور غزته سنه مکتوبی

[تصویر افکار - نومرو ۶۱ - فی ۱۸ شوال ۱۲۸۳]

دولتو فاضل مصطفی پاشا حضرتلری طرفندن
با امضا نور غزته سنه گوندریلان تذکره حمیتکا -
رانک ترجمه سیدر :

موسیو دیرکتور !

نور غزته سنک شباط بر تاریخیه چیقان
نسخه سنی گورددم. مرادم غزته مباحثلرینی قووالق
دگلدرد . آنجق مخبر کزک ویردیگی حوادثی

تصحيح يدر. بنم بر صراف شرکتي تشکيل ايده جگمي
اعلان ايدن غزتهلری هر نه قدر افکار عامه دخي
رد ايدر سه ده. بوگا قناعت ايتمه راء. بن دخي سرکاتيم
وساطتيله تکذيبه قيام ايلدم. اشبو غزتهلرينه ،
[اوپن حاييم] قومپانياسيله اولان اخذ واعطام اوزرينه
درلو درلو اراجيف نشر ايلکده درلر . او مخبرلر
يقيناً بيلسونلر، که بن کندی مصالحمني براقوب
دولت عليه نك وَ کندو ملتک شو قارغه شالق
حالی دوشنمکده يم . مصالح عموميه نك مصالح
ذاتيه دن ايلروده اولديغنی ييلکه مذهبک دخل
يوقدر ؛ هرکس بيله بيلور . شو قدر که انسان
اولانده اصلاحات ووطن غيرتی بولنمق لازمدر .
اشته طرفدارلغيله افتخار ايلديگم عثمانلی ملتدن
افکار جديده اصحابنک دخي مرادي بودر .
شو افکارده بولنانلر نه تدییری براقوب يالکتر قدر
بويله ايمش ديمکله وقت کچوررلر . ونه ده اميدکسوب

مأیوس اولور لر. و گرید اختلالی و سائر قاریشتقلقلر
ایسه، بوذواتک ثبات افکارینه هیچ خال ویردمز.
(مخبر)

ملاحظه

بو تذکره نك بر فقره سی واردر که ملتک
احوال آتیه سی دوشنانلر ایچون صورت مخصوص -
صده دفته شایان گورینور . بوده عثمانلی ملتدن
افکار جدیده اصحابی غندنده مصالح عمومیہ مصالح
ذاتیہیه مرجح طوتلدیغنه دائر اولان فقره در .
(افکار جدیده اصحابی ذات مکتوبده ترکستانک
ارباب شبابی تعبیذیه یاد اولنمشدر) .

اوروپالیرک عثمانلیلری تدنی ووقوف صرف
ایله اتہام ایدرک شرق مسئلہ سی حقندنہ بر طاقم
تشبثات رسمیه یه دخی قالقشدقلری صرہده، ارباب
شبابک ذکر خیری غزتہلرک لسانندہ طولاشمق

شبهه یوقدر. که اورالردہ نظر تعجبہ گوریلور :
فقط بزجہ مباحث بدیہہ دندر .

قرن جدیدہ بولنانلرک تمیزی اصل انکار
اولنور . مکمندہ مائر علیہ ومدنیہ نک هرهانگی
جهتندہ بر جزوی ترقی گورندی ایسه بلکه یوزده
طقسانی آنلرک ثمره همتی دکیدر؛ وقعا بوترقینک
زمانہ یه نسبتله پک جزوی اولدیغی مسالدر .
اما شوراسنیددہ منصفانه دوشونمک لازم گلور، که
اسباب تحصیلمز هیچ حکمنددر . مساعی ذاتیهدن
اولسه اولسه بوقدر استفادہ اولنہ بیلور .

حاصلی ارباب شبات ملتک مراد اتیسیدر .
آندہ نه قدر ترقی گوریلورسه بزجہ احیای وطن
امیدی اوقدر قوت بولمق لازم کلور .

ایشته بوسبیدندر که ممالک محروسه نک احوالنه
لایقیله واقف اولانلر، هر نه درلو غرضه ظهور
ایتسه یند ملتک فیوضات آتیه سندن قطع امید
ایتمزلر .

اوروپا لیدر وارسون عثمانلیرا سعادت حافی
 مزارده عدایتسون . عندمزرده معلومدر . که
 او مزارده دگل . هنوز رحم مادردهدر . برکرت دایه
 ترقینک آغوش تربیتنه دوشوبده نشو ونمایه
 باشلارسه . فطرتنده اولان استعداد گوره آز
 زمانده جمال کائنات عالمی حیران اینک مأمول
 قویدر .

بر ملاحظه

[تصویر افکار - نومرو ۶۶ - فی ۳۰ شوال ۱۳۸۳]

خیریه تجارینک بو خدمت حمیتکارانه سی
 بر تجارت خیریة مغنویهدر . که فائده سی ملتک عمومته
 شاملدر . بناءً علیه قزاندقلری سرمایة ثوابندن
 طولایی کنیدیلری عن صمیم تبریک اولنور .
 تصویر ایسه هر درلو امور خیریه و محقیده طرفدار

و او جهه‌یه داخل بولندیغی جهته گریه اهالی اسلام
 میهنه هر نه صورتله اولورسه اولسون خدمتکار
 اولغی مدار مفتخرت بیلدیکچون ، کندیسنه واقع
 اولان تکلیفی کمال مساعرتله قبول ایدر . و بو
 صروده خیر خواهان وطنه اخطار عاجزانه‌سی
 شو و جهله تکرار ایلر . که گریده فلاکتزده اولان
 قرداشلر من جزیره‌نک قاریشقلغنه باقهرق ،
 املاکلرینی صائب بشقه یرنره هجرت ایتک المرنده
 ایکن ، وطنلرینی وطن عمومینک دائرة اتحادنده
 طومق نیتیه صبر و ثبات ایتدیلر . عاقبت شمدیکی
 فلاکتلره اوغرا دیلر . ملت اغورنده حاصل
 اولان بونجه یاردر مرهمسر قالمش و محافظه وطن
 ایچون کیجه گوندز اداره سلاح ایدن نیجه وجودلر
 آچلقدن بی تاب و توان اولمشدر . فریادلرینی
 بزدن بشقه کیم ایشسون ! آنلر وطنلره الدن
 کلان خدمتی ایضا ایتدیلر . بزده آنلره المزدن

کلان معاوتی اجرا یدلم . حمیت و انسانیت بویله
 گونده بللی اولور . بز عاجز نوازلقله دنیوده شان
 آلمش بر ملتز . لایقمیدر ، که عنوان مفتخرتمز
 لکدار اولسون . شمیدییه قدر طوپالانیلان شیر
 او بیچاره لرك تسکین اضطرارینه کافی دکلدرد .
 واقعا هرکس آنکله اکتفا ایتیه جگنی
 بیلورز . فقط شوراسنی دخی پیش نظردن
 آیرمیه لم که اعانه ایده جگمز محتاجینک اضطرابی
 پک عاجلدرد . معاونتده نه قدر مسارعت اولورسه
 اوقدر ایشه یرار .

فریاد اهل حاجتیه امداده سعی ایدک
 ای غیرت وطن چکن اصحاب اقتدار
 اهل وطن محبتیدر غیرت وطن
 ظن ایتیمک که طوپراق ایچوندربواعتبار

اسکندریه کتابخانه‌سی

[تصویر افکار - نومبر ۱۱۰۰ - فی ۲۳ ربیع الآخر ۱۲۸۳]

معرفتک شرف و امتیازی اسلام آراسنده
 بغایت مرعی و بامکه بر اعتقاد شرعی اولمق جهتیه
 « اطلبوا العلم ولو بالصین » امرینه مطیع اولان
 بهادران عرب ، ممالک مفتوحه لرنده بولدقلری
 مؤلفات گران قدری مال جهاددن مقبول بر غنیمت
 اجتهاد بیلورلردی . فنونه خدمت و رغبتلری ایسه
 اسکی مدنیتک بقایای آثارینی صحیفه عالمده پایدار
 ایدن تراجم عربیه ایله مثبت ایکن ۶۰۰ سنه هجره
 یه سی رجاندن اولان ابوالفرج نام راهب متعصبک
 تألیف ایتدیگی تاریخدن ، مشهور اسکندریه کتبخانه
 نه سی مصرک حین فتحنده عربلر طرفندن احراق
 اولندیغنه دائر علی طریق الافترا دلیلسن بر دعوا
 میدانه چیقارلمشیدی . نه چاره که شان اسلامیه

شین گتیرمک ایچون تصنیع اولان بویله بر روایت
لاتین لسانه آشنا بعض علما طرفدن دخی قبول
اولنشددر .

وقعه ایسه برمنوال محرد بزجه برذل ترتیبی
موجب اولدیغیچون، خرسیتیانلغه محبت ویا اسلامیه
اهانت قصدنده اولان بر طاقم دشمن تعصب عنوانی
متعصبان اندلسده ضایع اولان بونجه خزان
معرفتی خیاله بیه گتورمز ایکن، روایت مذکو-
ردنی، که اوروپا عقلاسی غندنده دخی مردوددر
قال و قلمدینه ورد ایتمکن خالی دگلر ایدی .
بناءً علیه ملت اسلامیه نك بویله بر بهتان عظیمدن
اثبات برائی حمیت دینه و ملیه ایله متصف و فن
تاریخه تفرعات لازمه سیله بالاطراف واقف اولان
بر ذات طرفندن التزام واول بابده دلائل مقتضیه
جامع و غایت مفید و نافع بر رسالده نك تألیفنه اقدام
اولنشددر، که مقرون ختام اولان جزو اولی

تصویر افکار ۴۰۲ نومروسندن بدأ ابله ۴۱۵
نومروسنه قدر طبع از لئش و بعض جهتاری
مؤلفی طرفدن تصحیح و توشیح اولندقدن صکره
آیریجه دخی باصلمشدر .

جزو مذکور بش فصل اولوب — برنجیسی
یونانستاده معارفك سبب انتشار و انسلانی —
ایک-نجیسی رساله‌ك موضوعی اولان اسکندریه
کتبخانه‌سك زمان و سبب انشا و احتراقیله مقدار
کتابی — اوچنجیسی ذهب فلاتونك مذهب
عیسوییه انقلابی — دردنجیسی روماده یادگار
مدنیت اولان بونجه آثار نفیسه ایله برابر ایک-نجی
دفعده انشا اولان اسکندریه کتبخانه‌سك صورت
خرابی — بشنجیسی روم وقتنده استانبولده
موجود اولان کتبخانه‌لرله آثار سائر دنك افاسی
اسبانی مینیدر .

رساله مذکور دنك جزو ثانیسی دخی دردست

ختم اولدرق عن قریب تفرقه مزدہ نشرینہ ابتداء
اولمق متصور اولدیغی عہومہ اخطار اولنور .
بحق حسنات عینہدن معدود اولان بویله
برہانلیف گزیده دن طو لای صاحبک سعی مشکور
ونامی بین الاسلام لسان تحدیث ایله مذکور اولمق
مأمولدر .

قولرا - ورفیقک وفاتی

[تصویر افکار - نومرو ۳۲۲ - فی ۳۰ ربیع الآخر ۱۲۸۳]


برمدنبرو استانبول خلقنه مستولی اولان
قولرا بونجه کوگملرده مدت مدیده دفع اولیه جق
بر یاد الیم ترکیله کتمش و بر ایکی گوندن برو
استانبولک هیچ بر طرفنده اثری ایشیدلماشدر .
معلومدر که بوداهیہ استانبولک هرجهتده

شدتی بر در جده گوسترم دیگندن، و فیاتک مقدار نجه
 مشهور اولان تخمینار یک مختلف اولدیغی گبی
 غزیه لوده گوریلان یومیسه بوصله نریله قومیسون
 طرفدن بعض ذواته صورت مخصوصه ده گوند
 ریلان ژورنالار بیننده تب این گورندیکی جهته
 روایاتدن دخی بر فکر صحیح حاصل ایتک ممکن
 اولد میور . هله بعض ارباب وقوفک بیانیه گوره
 بو دفعه کی قولرا یالکز شمعی یه قدر استانبولده ۳
 دفعه دها ظهور ایتش اولان امثالندن دکل ۲۷
 تاریخند بزو وقوع بولان و بوردن بیله دها شدید
 ایتش . جناب حق امثالنی گوسترمسون . علت
 مذکوره اثریله ذوات معروفندن و مشاهیر
 ارباب فنوندن احیا بک ودها خیلی مأمورین ملکیه
 و قلمیه و امرای عسکریه و اطبا و برده از کیای زمانه دن
 و مذاهب اوطه سی متحیزان خلفاسندن رفیق بک
 آفت نا کهرس مماته دوچار اولمشلردر .

مومی الیه مکاتب رشیدیہ بیلہ کتھامش
اولدینی خالدہ خانہ سندنہ رشیدیہ شاگردانندن
زیادہ شی تحصیل ایدرک. اون بش اون آلی یاشندنہ
ایکن اول وقت هنوز آچلمش اولان مکتب ملکیہ
دخول ایله امتحانده برنجی صنفدن شہادتنامہ
آلمش و مشہود اولان حدائتہ نظراً موجود اولان
حداستی ابتدای شہرتہ سبب اولمشیدی. مؤخرأ
مأمور اولدینی مذاہب اوطہ سندنہ حائز امتیاز
اولدینی گبی برمدتدر ترجمان احوال محرر لگندنہ
بولمش و اوصردہ برقاچ نسخہ باصدقدن صکرہ
بعض اسبابہ مبنی حیقہ مامش اولان مرآتی احداث
ایتمشیدی. اون بش یگر می پارچدن عبارت
اولق اوزرہ منتخب اشعار و (لطائف انشا)
نامیلہ مشاہیر ادبانک محرراتندن مرتب و مطبوع
برآثری وارد. بیچارہ دہا ۲۳ یاشندنہ ایدی.
کوچک برادری طیبہ یدنجی صنف شاگردانندن

رضا بك دخی سلطان محمد قولنه مأمور
بولنديغی حالدہ كندیسندن ۱۷ گون مقدم وفات
ایتمشدر . اودخی کمال استعداد ایله معروف ایدی .
قولر انك زمان بحرانی اثناسنده فدای نفس ایدر -
جهسنه اظهار غیرتله ابقای نام ایلمشدر .

بقا ممکن دگلدیر گرچه کیم دوران فانیده
فنا اما بلای محض اولور وقت جوانی -



اولر اك كار گیر اولمسنه دائر بند مخصوص

[تصویر افکار - نومرو ۲۷۰ - فی ۳ ذی القعدة ۱۲۸۳]

ادراك ایدنه اصل بدن خاك و طندر

کیم خاك وطن مایه اجزای بدنذر

بیتمده اولان توجیه شاعرانه بی بر قاعده حکمیة

حاکمنده طوتمق نهدن ممکن اولمسون . یازمینده کی

موجودات ایچنده خاصه فکریه سی جهتیله نفس
ناطقه مقامنده اولان نوع بشرک هیئت مجتمعه سنه
بدن، مسکن و مدن دکلیدر. انسان جمعیت مدنیته نك
خارجنده قالدیغی حالدہ نصل انسانجه تعیش ایدہ -
بیلور ؟ بناءً علیه افراد بشره گوره بدنی دائره
انسانیت اولدیغیچون وقایه لازم ایسه، وطنی مرکز
مدنیت بولندیغیچون حمایه الزمدر. زیرا وطن
نه درجه سعادت حالدہ اولور ایسه ابنای وطنك
رفاه و عزتی دخی اودرجه کمالده اولور .

بو دعوايه شویله بر دلیل ابراز اولنه بیلور. که
بر انگلیز نفرینك چینده مستفید اولدیغی حقوق
انسانیه اوملکده بر قاچ یوز بیك نفره حکمی
نافذ اولان بر سر عسکر دن البته زیاده در . چونکه
اوملکده حکومت نفرک بغیر حق بر قیلنه طوقنسه
جزا گورر . فقط سر عسکری بی پروا اولدیرر .
بو حالدہ وطنك قدر اصلیسنه برده خصوصی

بعض مزیتلر منضم اولدیغی حالدده معموریتی نه درجه
التزامه شایان اوله جفی معلومدر .

بزم و طخیز اولان استانبول ایسه بر شهر
شهردر . که پای تحت و بلد که عین تحت عالم اولمق قابلیت
طبیعیه سنی حائزدر . ساحلی ایکی دریانک ملتقا سیدر . که
زراعتک اڭ معمور بوستانی اولان آسیانک محصور
لاتی اوروپایه و صناعتک اڭ مشهور دکانی بولنان
اوروپانک همولاتی آسیایه نقل ایتکده واسطه
اولمشدر .

و داخلی ایکی قطعه عظمیانک نقطه منتهاسیدر . که
جامع دیانت حکمنده بولنان شرقک فضیلت
اطواریله ، مکتب حکمت صورتنه کیرن غربک
امتزاج مزیت افکارینه رابطه ویرمشدر .

بو بلده دلارایا عالمک اقلیم اعتدالنه زینت ویرمش
برموقع مستشادر ، که نظر امعانه باقلسه بریرده
مثالی گورلمز . مکر که لطافت عالم فریبنی تماشا ایدن
زوارینک دیده تحسرنده قالان عکس بیثالیدر .

بوندن بشقه بزجه بر حیثیتی دها واردر، که
ملتزمه موروث اولان شان مظفریتک اڭ بیوک
بر نشانه افتخاری بوبلده در .

حقیقت حالد بویله قهرمان بر ملتک نشانه
افتخاری اولمغه شایان دکلیدر. که ذاتاً « حسرة الملوك »
عنوانی احراز ایتمشیکن بزم ملکمز اوله لی
برقاندھا کسب امتیاز ایتشدرد .

چونکه و طمنز بزه نه قدر شرفلی کلدی ایسه
بزده آنک قدرینی او قدر اعلا ایلدک .

بزدن اول حکمت یونانیانک نقطه اجتماعی
اولمش ایسه، اجدادمز زماننده دخی سطوت عثمان
نیانک مرکز انتشاری ایدی . اجدادمز اوزمان
غالبیتک شانی تمامیه ایفا ایتدیلر. بزه قالان بو اوان
مدنیتک حکمنی لایقیله اجرا ایلدکدر، که بوبلده
بزجه لازم اولان همتک اڭ بیوک برجهتی دخی
مسکنلر مزى حریق بلاسندن قورنارمغه مصروف

اولمیدر . نته کیم اجدادمزك الك کلی قوتی سایه
سیف مهابتده وطنلرینی آتش تسلطدن محافظیه
معطوف ایدی .

یانغین بر بلای طاقتسوزدر، که استانبولده باعث
اولدیغی ضایعات مرمردن و بلسکه گومشدن بر قاج
شهر عظیم انشاسنه کافیدر ظن اولنور . هله
بوضایعاتک ایچنده اسلافک بزه هدیة معرفتی
اوله جق بر طاقم گران قیمت اثرلر وارددر که اغورلرنده
دنیا لر صرف ایدلسه نلافیلری ممکن اوله مز .

بوبلانک دفعنه دوشونیان چاره ایسه اوچ
صورتدن عبارت اولوب . بری الیوم موجود
اولان تداییر اطفاییه در، که تأثیرسنزلگنه مشهودمز
اولان یانغینلرک هربری بر دلیل روشندر . آتش که
شراردن مستعد اشتعال اولان بر مملکتی صارار
آنی صونصل اطفای ایلسون . محنت که ذرّه دن
قبول انفعال ایدن بر قلبه استیلا ایدر آکا کریه
تأثر نیلسون .

ایک-نجیسی سوقاقلراڭ دها زیاده توسیعیه برابر
 اوچ بش خانه آردسنه برکارگیر دیوار انشاسیدر .
 بوايسه خیلی مصرف اختیارینی مستنزم اولمغله
 برابر عادی یانغینک وقوعنه اصلا مانع اولمیدجنی گی
 بیوک یانغینلراڭ بیله تکرینه حائل اولدمز . چونکه
 شدتلی برروزگارک او کنه دوشن آتش پارچهلری
 دیواری دگل . قلعه بدنلرینی بیله آشدیغی دفعاتله
 تجربه اولمشدر . که الڭ بیوک بردلیلی دخی مؤخرأ
 وقوع بولان حریق کبیرده آتشک خواجه پاشادن
 جغال اوغلنه و سلطان احمددن قوم قپویه
 صچرامسیدر .

اوچنجیسی ابنیهنک کارگیر اولدوق یاپدیر .
 لمسیدر که استحصال مقصد ایددجک تدیر دخی
 بودر . چونکه استانبولده آخشاب بنا باقی اولدقچه
 یانغین دخی باقی اوله جغنده شبهه اولندمز . بوقضیهی
 انکار ایدن وارایسه آغاجک آتشدن اشتعال

ایتمیه جگنی اثبات ایتلیدر که مدعای قبول اولسون .

حتی بوندن بویه استانبولده انشا اولنده حق ابنیه نك کار گیر یایدیرلمسی ایچون اطرافلی برتدیر اتخاذا اولئق نزد دولتده دخی قرار گیر اولدیغی ایشیدیلور .

حکمت حکومت قواعد اساسیه سنه مبتنی اولان بوقرارك فعلیاتنی میدانه کلنجه عصر مزك وطنه مؤبداً پایدار اوله حق بریادکار قیمتداری اولور .

حصول مقصد ایسه هر کسك مألوف اولدیغی اخشاب ابنیه انشاسنك جانب حکومتدن منع قطعی تحتہ آئمنه توقف ایدر . وشبهه یوقدر که بوکام قانون حقانیت مساع گوسترد . زیرا مزیت انسانیهیه متعلق اولان شیلرده اولادینی تمایل طبعیسی خلافتنه اجبار ایتک بر والدك حقوقندن اولدیغی گبی ، فائده سی وطنه عائد اولان مادد لری تبعه سنه اختیاری

اولمز ایسه اضطراری یاپدیرمق دخی بر حکومتک
وظائفنددر .

ابنیه نك شمديكي حالدہ قالمسنى ترجيح ايدنلر
ایسه کار گیرده اوچ محذور بیان ایدرلر .
برنجیسی اخشابك کار گیردن زیاده زلزله یه
مقاومتیدر .

حرکت ارضك وقوعی اوقدر ندرتددر . که
مخاطردسی ، هنوز دفعنه چاره بولنه میان قضای آسما .
نیلر درجه سنده طوتیله بیلور . بوندن احترازاً
مملکتمزك هر گونك برداهیة تحرییده سی اولان
یانغینك دوامنه نصل رضا ویریلور !

مثلا کره نك سطح زمینی عوارضدن سالم
اولمديغیچون قعر آتشیننده اقامت نه وجهله اختیار
اولنور .

ایکـنجیسی کار گیرك صحتہ بعض مرتبه مضر .
تیدر . بومضرتك دفعی پك مشکل برشی اولمديغنی

شوراسی بداعهٔ اثبات ایدر که پیش نظر مزده اولان
 بك اوغلی خلقنك صحت بدنیه جه استانبوللیلردن
 هیچ بر فرقی گوریه میور . طوته نم که حیاتنك قیمتی
 یلدیکیچون اسباب تحفظده اهل ایدنلردن بعضیلری
 ضرر دیده اولسون . کافهٔ افرادی جسم واحد
 اعتبارنده اولمق لازم گلان بر هیئت مدنیه نك،
 کارگیر اولسه اولسه بعض اعضاسنه اضطراب
 ویرر . آخشاب ایسه مدار قوتی اولمق جهتیله
 اعصابی حکمنده بولنان ثروت ملیه سنه مضر اولور .
 هیچ بردوات ایسه خصوص ایچون عمومك منفعتی
 فدا ایتمگه مجبور دگلدنر . نته کیم هیچ بر عاقل نزولی
 نزاهیه ترجیح ایتمز .

اوچنجیسی مصرفنك کثرتیدر که مسئله نك
 اصل جای دقت اولان محلی دخی بوراسیدر .
 فی الحقیقه بهاسی شمدیکی حالنده طور دینی حالد
 استانبولده ابنیه نك کارگیر یاپدیرلمسنه قرار ویرلسه

ثروت ملیه نك كفايتسزلكى جهتيه عمومك
احتياجاقى آغرجه بريوك آلتده براقلمش اولور .
فقط آلنان روايته گوره جانب دولتن عادى
كارگيرلك بهاسنى نوغنه گوره يوزاللى ايله اوچ يوز
غروش آراسنده براقمق ايچون تدابير لازميه
تشبت اولنمشدر .

بومقصد حاصل اولور ايسه كارگير ايله آخشابك
بيننده قاله جق تفاوته قارشولق كلك ايچون يانغين
تلفاتندن مصون اولمق بر طرفه طورسون، يالگيز
كارگيرك زياده طيانمىسندن ثروت عموميه جه حاصل
اوله جق تصرف كفايت ايدى بيلسى مأمول اولنور .
فقط ايشك نتايجنده اولان فائده نه قدر مسلم
اولور سه اولسون اجرا آتسه ثروت عموميه نك
كفايتى مسئله سى افكارى تخديش ايتك جهته
بعضيلر طرفندن استانبولى حريق بلاسندن
قورتارمق ايچون خرايت حاله دوشورمكدن

احترازاً تسریع معمولیت ایده جک بعض وسائطه
مراجعت اولنمی آرزو قلتمتددر .

فی الحقیقه استانبول گبی بر موقع بی نظیرک الک
ادنا عرصه سنی اثر اعمار دن خالی بر اقمه کیم قائل
اولور ؟ مکر که آتش خانمانسوز اوله ! قلب
عارف گبی بر معورده کمالک تخرینه کیم رضا گوسترد ؟
واریسه ظلم ایله دنیا یققد قجه آسایشه محل امکان
بولان بی بصیرت لردر . نته کیم پوغو قوشنک راحت
ویرانه کوشه لرینه منحصر اولور .

آنحجق اصل جای دقت یا تعاون عمومی و یا خود
بر شرکتدن استقرار صورتلرندن عبارت اولان
وسائط مذکور ه نك تمیز ماهیتیدر . گرچه تعاون
صورتندن دولجه بر مضرت ملحوظ دگادر . فقط
حصول مقصد ایچون بر فائده سی دخی مأمول
اولنده من .

یا لکنز برقاج سنه ده بر کرّه وقوع بولمقده اولان

بیوک یانغینلرک خرابه لرینی اعمار ایتمک خزیندەر
صرفنه محتاجدر . حتی خواجه پاشا حریتچیون
طوپلانیلان اعانه بردفعه لک اولدیغی حالده یکون
حاصلاتی بر محله سنی بیله انشایه کفایت ایتمز .

بعض از باب تدقیقک حسابنه گوره استانبول
و توابعنده بولنان اخشاب ابنیه نك عمومأ کارگیر
یاپاسی لاقلا ۳ ملیون کیسه یه توقف ایدر ایش .
حال بوکه هر کس تحتہ پارچه سندن اولان خانه سنک
یاندیغی و یا خرابیته یوز طوتدیغی صورتده یرینه
کارگیر بر خانه قزانہ جغنی بیلورایسه کیسه تعمیراته
آچه صرفنی استیمه جگی گی ، احتمال که حریقلرده
زیاده لشور . و بناء علیہ ابنیه موجود بر یگر می
بش اوتوز سنه ظرفنده کارگیره تحویل اولنمق
لازم گلور .

بو حاله گوره استانبول اهالیسی سنه ده یوز
بیك کیسه قدر اعانه ویرمیلدر ، که مقصد حاصل

اولسون . دگل بومقدار ، حساب فراح صورتیه
 نصفی بیله کافی عد اولنسه خلقه یالکیز اینیه ایچون
 بوقدر فداکارلق تحمیل ایتک حریقی ظلم آتشنه
 تحویل دیمکدر .

اغانه یی یالکیز یانمش اولان یرلرک اعمارینه حصر
 ایتک ایسه یانغینک ترویجندن بشقه بر نتیجه ویرمز .
 گله لم استقراض صورتنه : معلومدر . که عموم
 ایچون اوله جق استقراضک اڭ اساسلی شرطی
 مستقرضک آله جنی آچهدن استفادہ سی اول بابدہ
 اختیار ایدہ جگی فداکارلقدن زیاده اولمقدردر .
 بو حاله گوردہ اولاستقراض ایله برخانه یاپلدیغی
 حالده اجاردہ سی فائضی تسویه دن صکره صاحبنه
 هیچ اولماز ایسه عرصه سنک قیچی نسبتندہ برفائدہ
 بر اقلیدر : که شرط جواز موجود اولسون .

حال بوکه استانبولده عموم نامنه استقراض ایله
 یاپدیریلہ جق کارگیر خانه لردن بلکہ یوزده بشنک

اجاردسی مصرفك اقتضا ایدن تخصیصاته
قارشولق اوله من .

چونکه اوروپا دیونی الیمزده بر دیلدر، که
سنوی ۶ فائض و ۲ رأس المال ایله قنغی تجار-
تگاهده بویله بر استقراض آچلسه، مصرفی تنزیل
اولندقدن صکره نهایت یوزده آلتمشدن زیاده آچه
آلته من .

بو حالده مثلاً یوز اللی آرشون بر خانه یاپد-
یره جق آدم هر آرشونی لا اقل ایکیشر یوز غروش
حسابیله محتاج اولدیغی اوتوز بیك غروش ایچون
اللی بیك غروش دین آلتنه گیرمک و بونک ایچون
سنهده درت بیك غروش ویرمک لازم گلور .
حال بوکه استانبولک وسط طرفلرنده، که ابنیه نك
ایجاری سائر یرلرینه نسبتله حد وسط اعتبار
اولنه یلور بویله : - خانه کرایه ویرلمش اولسه سنهده
بیك بشیوز غروشدن زیاده ایراد آلدن من .

هه بیوجک خاندر متانت وزینت جهتیله
 بو حسابک برحق مثلندن زیاده مصرفه محتاج اولور
 و آگما بناءً مثلاً آلتی یوز آرشون بنالی برقوناق
 یاپدیرمق ایچون سنهده یگر می بش بیك غروش
 قدر فائض و رأس المال ویرمک اقتضا ایدر .
 بونلرک ایسه اکثرنده سنهده آنجق آلتی آی
 اقامت اولور، که بویله برخانه مصرفک تخصیصاته
 کفایت ایچون آیده درت بیك غروشیدن زیاده
 اجاره گتورمیدر . برده دها بزده افکار تصرف
 درجه لزومده اولمامسنه گوره بویله براستقراضک
 اعطاسنی تعهد ایده جک شرکت طرفندن عرض
 اولنه جق آچقه، که تسویه سیچون مستقرضک یوز
 غروشه مقابل اوچ یوز یگر می غروش ویرمی
 لازم گلور . پک چوق اصحاب املاک عنندنه باد هوا
 بر سرمایه صورتنده طوتیه رق ابنیهده دائره
 احتیاجاتک قات قات فوقنه چیقیلور ایسه تأدیة دین
 بتون بتون مشکل اولور .

برخانہ نك انشا سچون آئندہ حق آچہ نك ایسہ
 صاحبی طرفدن تسویہ اولنہ مدینگی صورتدہ ضمانتی
 بالطبع ینہ اوخانہ در . بوحالدر گوردہ بویلہ برتشدہ
 قالقیشیلور ایسہ نتیجہ سندہ اصحاب املاک و ملک
 صاحب ملک بیلہ حقوق تعرضدن بری قالمق
 نصل مأمول اولنور .

نتیجہ سندہ وخامت ملحوظ اولان برحرکتی
 حال حاضرده فائدہ زائدہ سی گوریلہ جکیچون اختیار
 ایلک، اساس معموریتنی تأیید ایتک استیان دور
 اندیش بر حکومتک شانندن دگلدہ .

افادات مشروحہ دن آکلاشیلور، کہ موضوع
 بحث اولان مقصد خیر ایچون عہدہ دولتہ مترتب
 اولان وظیفہ کارگیرک مصرفنی تنزیل ایدہ جک
 اسبابی استحصال ایدی . تثبث بیورلدی .

قرار رسمیمی اعلان اولنجه افراد ملت ایچون
 تسہیل مطالب ایدہ جک تدبیر، ابنیدہ لزوم حقیقی
 حدینی گچما مکر .

کارگیرك فوائد مشروحہ سی میدانده ایکن
 حال حاضرڪ الجاسیله ابدیہنك شمديكي قدر وسعت
 وزینتہ میدان ویرمديکچون ز جحانہ خال گلسز.
 بر بنانك مادام، که وجودنده امنیت بولنہ
 حدودنده وسعت بولنمش نہ مزیقی اولور. و مادام که
 دوامی قبل اولیہ. اندامی مقبول اولمش نہ فئدہ سی
 گوریلور .

[تصویر افکار - نومرو ۳۸۱ - فی ۱ ذی الحجہ ۱۲۸۳]

آشیایہ احتیاج ویرر قدر ورغبتی
 سنکک بنا ایچوندرا اگر وارسه قیمتی

حقیقت برشی که اقتضای حالہ موافق اولور
 البتہ اعتبار بولور: استر ایسه حجر شجر مقوله سندن
 اولسون . ایشته بوقاعدہ کلیہ استنادنددر. که
 تصویر افکار ۳۷۴ نومرو سنده مندرج مطالعاتك

حد ذاتند بر قیمتی اولم دیغنی بیلور کن موضوعناک
 حال حاضر جه اولان اهمیتی جهتیله اعلانه جسات
 ایتشیدی . بوناک گرك دوات و گرك بعض خیر
 خواهان ملت طرفندن نائل اولدیغی حسن قبول
 ایچون تشکرینی تکرار ایله برابر آرزو ایتدیکی
 مقصدک مقدمات حصوله متعلق برقراری نشر ایله
 افتخار ایدر .

شویله که مجلس والانک ۲۴ ذی القعدة تاریخی
 تقویم وقایعه اعلان اولنان مضبوطه سندن آگلا-
 شدیغنه گوره حریق کبیر عرصه لری اوزرینه
 اخشاب بنا یاپدیرمق قطعیا منع اولمشدر .

بو مقدمه بر تدبیر مؤثر در که ملکمزده اساس
 معموریتک بر قاعده صحیح اوزرینه وضعی مبشر در .
 ممالک متمدنه هر وقعه عظیمه ناک علامت
 فاخره سی اولمق ایچون تزیینات بلدییه کوپری
 و چشمه گی بر بیوک اثر علاود ایدر لر . بزده دخی

افکار عصریه اینده خصوصنده شو موفقیتی ا کمال
ایده بیلور ایسه مدنیت میداننه جسامتجه دنیاده
ایکی اوچ بلدهدن بشقه مثلی بولنمیان استانبول گی
بر سواد اعظمک معموریتی یادگار براقه جقدر .
اوله بر یادگار که وطنزده آنار اعمارک تحجیرندن
عبارت اولان وجودی دنیا طور دقچه برقرار
اوله بیلور .

بوموفقیتی ا کمال ایده جک واسطه ایسه شمیدی
منوعیتک تعمیمی ممکن اوله ماز ایسه سائر یانغین
یرلرینه توسیعیدر، که مسئله نك نزد دولته مظهر
اولدینی اهمیت کامله یه گوره بوصورت قرارلشمش
حکمنده طوتیه بیلور .

وطنزک حریقندن محافظه سیچون بتون بتون
احترافه انتظار اولنه جقدر ظن اولنمسون . بز
بوقائده بی نأرء مصیبتدن دگل، انوار معرفتدن
استرز که بوبابده ارأه ایتدیگی تدیر، کارگیر مصرفنی

تنزیل خصوصیدر . بناءً علیہ بومقصد ایچون جانب
دولتدن اجرا اولنان تشبثاتک نتیجہسنی ارباب حمیت
آتشدن شدید عد اولنہ بیله جک بر انتظار
ایله بکمر .

برکرده اخشاب ایله مقایسه اولندیغی حالدہ
زیادہ طیانمسندن حاصل اولہ جق فائدہ . زیادہ مصر-
فیچون اختیار اولنہ جق فداکارلغہ صحیحاً قارشو
کله جک صورتده کار گیرہ فیئات وضع اولنسون .
وَحریق کیر عرصدلی اوزرینہ وقوع بولہ جق
انشا آتده کار گیر ایله ثروت عمومیه بیننده اولان
نسبت بالفعل تجربہ ایدلسون . حصول مقصدک
امکانی اگلاشیلور ایسه اخشاب آراسنده بولمق
محدورندن سالم اولان یرلرہ دخی ممنوعیت حاضرہ
تعمیم اولنور وبلکہ اصحاب اقتدار طرفندن یاپیله جق
بیوجک خانہ لرک وخصوصیله ایراد اولمق ایچون
انشا ایتدیریلہ جک دکان و سائر دنک دخی ہر زردہ

اولور ایسه اولسون کارگیر اولسی تکلیف ایدیلور
ظن ایدرز .

چونکه اخشاب آراسنده کارگیر ، بیوک
حریقارده نه قدر مخاطرده بولنور ایسه کوچک
یانغینارده جوارنده بولنان ابنیه نك اوقدر مخاطرده .
سنی تقلیل ایتدیگی مجربدر .

حاصلی مادام که حریق نك سبب دوامی اخشابدر
کارگیر چوغالدقچه یانغین آزاله جفی وارسته
ارتیابدر .

گرچه بر مصیبت بیك نصیحتدن اولو اولمق
قاعدده سینه گوره ، بوگونه قدر ابنیه جه گوریلان
مصائب ، کارگیر نك اختیارنده هیچ منوعیته حاجت
براقمامق لازم گلور . فقط یانغین یرلرینك
خارجنده کارگیر بنا یاپدیرمق هرکسك رأینه
براقیلور ایسه مأمول اولنمز ، که اصحاب اقتدار
عموم ایله برابر کندینك دخی اسباب امنیتی تزید

ایتمک ایچون دائره حشمتنی تحدید ایتمکله حاصل
اوله جق اولان کارگیری اخشابہ ترجیح ایتمسون .
زیرا موجودک مخاطره سنی مقصودک مشکلاتندن
اهون گورمک بزجه اسباب متعدده ایله قرارگیر
اولمش بر قاعده در .

بناءً علیه هر حاله اکمال مقصد حکومت
سنیه نك نظارت قطعیه سنه قالور .

فی الحقیقه ایشک هر جهته ده اولان مشکلاتی
کیمسه انکار ایتمز . فقط عالم امکان ایچنده قنغی
صعوبت گورلمشدر . که همت و متانتہ قارشو طوره
بیلسون ؟

تم

کتابخانہ ابو الضیا

Kemal, Namik

کمال

Muntahābāt-i Taḥṣīl-i
al-Fikr

منتخبات تصویر افکار

۷۱۳

اوجنچی قسم : ادبیات

ایک-جنجی طبعی

معارف نظارتک وخصتیه

هرحق طابعدر

قسطنطنیه

۱۳۱۱

مطبعة ابو الضیا



منتخبات تصویر افکار

بند مخصوص

ادبیاتمزد حقنده بعض ملاحظاتی شاملدر

[تصویر افکار - نومرو ۴۱۶ - فی ۱۶ ربیع الآخر ۱۲۸۳]

اجزای بشر جالب تعجب فنادر
ابقای اثر موجب تحصیل بقادر
(لئامقه)

حقیقت انسان ایچون سرعت زوالده مثل
سائر اولان لذت حیاتک تباتسزلغنه مقابل گله جک
بر نعمت واز ایسه اوده بنی نوعنه بریادگار عمر
اهدا ایدرک نفع ناس ایله خیر ناس اولمق شرفنی که

وجودك فضیلت صحیحہ سیدر : الی الابد محافظہ ایامہ
جبر مافات ایتمکدر .

آثار بشریہ دہ ایسہ سوزدن پایدار بر برگذار
یوقدر : چونکہ اک زیادہ وصانت معموریتلہ معروف
کشورلری بیلہ دور زمانہ غور زمینہ کجورسہ ینہ
خاطرہ انامدہ جایگیر اولان بریت متین رغبت
اسلافدن حمایت اخلافہ انتقال ایدرک دنیا طور-
دجہ خلمدن امین قالور .

واقعا مادام کہ سوز تعطی افکارہ واسطہ در :
و مادام کہ تعطی افکار انسانیت مجسمہ دینا گہ
شایان اولان تمدن عمومی مناسباتنہ رابطہ در :
کلامک فائدہ سی بشرک نوعیتلہ قائم و بناء علیہ
برگوزل سوز ناطقیتلہ برابر دایم اولور .

ایشتہ کلام : مداولہ تصور خدمتنہ قدرتن
مؤکل بر جسم لطیفدر کہ بیگلرجه سندنلر کچسہ
طراوت نوجوانیسنہ زوال ایر شمر : اما حیثیت
کمالی اعتبارندہ بولن ان صحت مالمہ نسب اندامی

حکمنده اولان ترتیب انتظامی یرنده اولمیدر که هر کس عنندنه محبوب قلوب و او حال ایله هر زمانده مدوح و مرغوب اولابیلسون .

اگر چه سیرت ظریف اولنجه صورت لطیف اولاسده نقایصدن معدود اولماق لازم گلور . فقط آثار ادیبینی بلاغت مؤدا ، فصاحت ادا احتیاء جندن وارسته ایدمز . زیرا برتألیف که حسن افاددن محروم اولور ؛ حاوی اولدیغی حقایق ، چیره دستی ، انخال ایله مهارت قلمیه اصحابنک ملک یمینی صردسنه پک قولای انتقال ایدبیله جگچون محفظه سنر چوهر حکمندهدر .

خلاصه بشرده دائم اولان کالدر ؛ جمال متحول اولور . حال بو که اثرده قائم اولان مقالدر ؛ مأل منتقل اولور . فقط مادام که ماهیتک تغیری و طبیعتک حسن افاددن تنفری عذیم الاحتمالدر . بر اثرک ابدیتنه مأل صحیحنک مقال فصیح ایله اتحادی کافل اولور .

بوکا بر برهان مؤید در که عصر مزده ترقیات
 معارف اثریله قدمای فلاسفه نك افکار حکمیہ سنی که
 هیولای عرفان تعریفه صادقدر ؛ جرح و اصلاح
 ایچون ماهیت کمالک دقایقنه واقف اولان بونجه
 ارباب نظر تعریضات شدیدہ ایراد ایتکده ایکن
 ادبای سالفه نك آثار قلمیہ سنی، که مزایای وجدان
 توصیفنه لایقدر ؛ شرح و ایضاح ایچون خاصیت
 مقالک حقایقنه عارف اولان نیچه اصحاب هنر
 تقریضات عدیده انشاد ایلکده در .

حتی ادبای حکمدان بری محاسن ادبیہ قوا -
 ندینی محاکمه ایتدیگی صروده معلومات کثیره
 و وقوعات غریبه و بلکه کشفیات جدیدہ بیله بر
 اثرک بقاسنه ضمین امین اوله میه جغنی بیان ایلدکن
 صکره دیرکه : « بوندر انساندن خارج شیلر اولوب
 بیان ایسه عینیلہ انساندر . »

بومعالیه باقیلنجه اخلافنه ادیبانه بر اثر براقانلر

ماهیت انسانیه سنی حیات ابدیه ایله انسانیه خدمت
 ایچون استخلاف ایتمش اولیور . بویله بر خیر الخلف
 صاحبنه گوره نه بیوک شرفدر که بنی نوعی ایچنده
 الی الابد یاد جمیلانی صاقلار ، بر صورتده که انقلابات
 عالم بر ادیب کاملک نامنی سنک مزارندن افنا ایتسه ،
 ینه سرنامه آثارندن احما ایده مز .

سوزك ابقای نامدن بشقه اجرای مرآمده
 دخی خدمتی بر درجه ددر که تحویل افکارده تأثیر-
 نطق ، شمشر قهره غالب اولدیغی تجارب عدیده ایله
 ثابت اولمشدر . حتی ز محشری مقدمه نفسیرنده
 کلامك شانی تأیید ایچون دیمشدر که « ظهور
 اسلامده سیف شریعتیه قارشو طوران متعصبین
 عرب ، حکم بلاغته مقاومت ایدمدیلر . »

واقعا افکار عمومیه نك حصّه دار حکومت
 اولدیغی یرلرده قوه نظر صاحبی اولان بر بلیغ ،
 ملتناك قوه عسکر احتیاجندن وارسته بر حاکم نافذ
 الکلامی حکمنده بولنور .

اگرچه ادبیات مأمورینه گورده مابه الاستحقاق
اولدینی مسلمدر . اما بر قسمی اولان انشانک تداول
معاملاته واسطه منفردده اولسی جهتیله اداره دولته
دخی وجود وانتظامی الزمدر .

سوزك احوال وجدانیہی تحویلدہ اولان تأثیر
بلیغہ مبنی بر بیوک فائدہسی دخی ملتک حسن
تربیتہ خدمتیدر کہ حقیقت حالده لفظاً ادبیاتک
مأخذ اشتقاقی ادب ایسه معناً ادبک مصدر انتشاری
ادبیاتدر دنیله بیلور . زیرا ایکی معناسیله ادیبانه
یازلمش بر اثر مکارم اخلاق ایچون اوילה بر قانون
معتبردر کہ هرکس بالاختیار اطاعتنه مائل و اوجهته
یالکمز وجودی محافظه احکامنه کافل اولور .

بوندن بشقه توسیع قریحیه خدمتی جهتیله
معارف ادبیہ افکارک دخی معلم اولی عد اولنور .
حتی بومطالعه ایله بعض ارباب دانش فکرک کالنی
لسانک کالندن بیلشردر . حقیقت بوکا بر برهان

استقرائی دگلسیدر که فطرتلری طبیعتہ موجب افتخار
اولان اجله حکمانک همان جمله سی محاسن ادبیہ ایلہ
ترین لسان ایدن ملتیر بلغاسندن ظهور ایتشدیر .
بو قدر فنون دقیقه و حوادث کونیہ نک تدوین
و تعلیمده کی سهولت کلامک وضوح و اختصار
و حسن ترتیبی گبی قواعد ادبیہ رعایت سایه سنده
حاصل اولدیغیچون ادبیات، معارفک دخی احتیاجات
اصلیه سندن صاییلور . برده اتحاد مدنیت ملتک
بر مشخص مثال ذی حیاتیدر که لسانی ادبیاتدر .
اوجهتله ادبیاتسز ملت دلسز انسان قییلندن اولور .
فی الحقیقه تاریخ مدنیقی نظر حکمتله مطالعه
ایدنلر ادبیاتک محافظه ملیتده اولان تأثیرینه هر
ملت منتظمه یی بر دلیل ناطق بولمشلردر . شمدیکی
حالده دولت و معرفتلری منقرض اولمش اولان
عربک احوالی بزم ایچون بر عبرت کافیهدر که بعض
فرقتلری وحدت کلدلرینک رابطہ سی اولان دیانت -

اسلامیہ دخی غائب ایتمشیکن لسانلری قوتیہ حالا
قومیتلرینی محافظہ ایتمکده درلر .

ایشته ادبیات بوقدر فوائدی حائر اولمق
حسبیه هرملت عندنده غایت قیمتدار بر فن جلیل
اعتبار اولنور . بزده ایسه رغبتی اوقدر افراطه
وارمشدرکه بیاغی گوزلجه کتابت کرامت درجه
سندہ طوتیلور . بونکله برابر شایان تدر فدرکه
ادبیاتمز یوقاروده تعداد او در ...
جمله سندن محروم گیدر .

کتاب صورتندہ قفنی تألیف ادیبانہ من
وارددرکه تزینات لفظیہ دن آیرلدیغی حالده بحق
شایان تحسین اوله بیاسون ؟ صباح معرفت که مائیت
اشیائی گوسترمک شاننددره انوارینی هر طرفه نشر
ایتدکجه حیالات گی حقیقت وطبیعتک خارجنده
اولان بویله بر طاقم آثارک زوالدن قورقلمی نصل
امید اولنور ؟

لسان ادبیاتی آ گلامغه عوام مقتدر دگلدرکه
اصول اداره مز خطابته مساعد اولسه دخی تأثیرندن
استفاده ممکن اولسون . حتی ادبیاتمز نطق دینله -
جک بر اثره مالک اولمدقندن بشقه مکالمه ده فصاحتک
قدری بیله معلوم دگلدر .

مؤلفات منشوره مزده افکار و گفتاری طبیعی
بر کتاب یوقدر که طبیعته تأثیر ایله تهذیب اخلاقه
خدمت ایتسون . رکن اعظمی مبالغات ریاکارانه
و مشرب قلندرانه دن عبارت اولان منظوما تمز ایسه
فساد اخلاقی او قدر ترویج ایدر که دیوانی (فرس
جدید لغتلرنده شیطان معناسنه مضبوط اولان)
دیوئک صیغه الجمعی ظن ایدنلرک قولنه شاعرانه
بر توجیه آرانورسه بزم دیوانلری گوسترمک
کفایت ایدر .

ادبیاتمزده معنی صنعت اغورینه فدا اولنه گلد -
یگندن وسعت تصوّر او درجه افراطه وارمشدرکه

بعض کرّہ تخیلده ابعاد مطلقه داخلنه بیله قناعت
اولنماز . وظیفه اصلیه سی تمیز حقیقت اولان افکار
ایسه بویله آثارک مضر بدن بشقه نه تاثیر اوله بیلور ؟
ترجیده دگل فنون ، حالا ادبیات دخی لایقیله
تدوین اولنمديغیچون عرب وعجم و آنلره علاوه
اهل قلم لسانلرینی اوگرنمک یولنده زمان تحصیلمک
برخو غنی افنا ایتدیکجه تحریراً درستجه افاده مرام
قابل دگلدرد . حال بوکه او قدر همت ، معارف
سائر دیه صرف اولنسه ذکی برانسانی بیاغی بر عالم
ذوفنون ایدر .

واقعا قرون اخیرده کی ملتلاک بلغاسی لغات
وادبیاتده لسانلرینک مأخذی اولان السنه عتیقه دیه
انتساب ایتمک مجبوریتندن وارسته دگلدرد . فقط
آنلرده بو مجبوریت ، فتنک اکالنی آرزو ایدنلره
مخصوص صدر . بزده ایسه بر آدم عربی وفارسی
مقدماتنه آلتی یدی سنه وقف وجود ایتلیدرکه

املا و معناسی یرنده بر مکتوب یازم بیلسون .
ایشته ادبیاتمزك معارف عمومیه جه تأثیری
بومضرت عظمادر .

ادبیاتك رابطه ملیه عائد اولان خدمتدن
ایسه اوقدر محرومز که لسان عرب منتشر اولدیغی
یرلرده یونانی گبی زماننك کافه مآثر علمیه سیله قوت
بولمش برلسانی غلبه فصاحتله محو ایتمش ایکن
ترجهمز هنوز الف باسی بیله اولمیان آرنود و لاز
لسانلرینی دخی اونوتدیردمامشدر . مناسبات ادبیه نك
فقدانی جهتیله مثلاً بر بخارالی ترجمه سـویلدیگی
حالد بوراده کی ترکیز ایچنده بر فرانسز قدر
دیلمدن آگلایه جق آشنا بوله ماز .

آنلر شویله طورسون استانبولده اوقویوب
یازمه بیلانلردن دخی بلکه اونده بری سبک معروف
اوزره یازلمش برکاغددن و حق کافل حقوق اولان
فانون دولتمدن بیله استفاده مرامه قادر دگلدیر .

چونکه ادبیاتمزد شرق و غربك بر قاچ اجنبی
 لساندن مستعار اولان شیوہلر غلبه ایدرک
 اطراد افادیه خلل ویرمش و ادوات و تعبیرات
 و افاداتی تقریردن بتون بتون آیرلش اولان
 اسلوب تحریر ایسه بیاغی بر بشقه لسان حکمنه
 گیرمشدر . بر صورتده که اکثر ارباب قلم یازدیغنی
 سویلمکدن و سویلدیگنی یازمقدن حیا ایدر !
 حال بو که بونده اوتانه جق بر حال وار ایسه تبایغ
 افکارده اصیل اولان لسانه بشقه و وکیل اولان
 قلمه بشقه ادب تصوّر ایتمکدر .

بو تخالف سیئه سیدر که لسانمزدده سهویات
 ادبیهدن عاری پك آز اثر بولنه بیلور . وضع
 وقاعده ایله عرف استعمال بیننده اولان مباینه
 بو سهویاتك انضمامی تعیین فصاحتده او قدر
 صعوبت حاصل ایتمشدر که تصویر افکار « مجوثة
 عنها » تعبیر معهودینك بداهت مرتبه سنده اولان

سقامتی انظار عمومیهده اثبات ایچون دور ودر از
بر طاقم مباحث ایرادینه مجبور اولمشیدی . [۱]

شیوۀ لسانی یولنه فدا ایتدیگمز اسلوب تحریر
ایسه اویله بر طرز غریبدر که لذت شناس ادب
اولانلره گوره تخطیری حقیقه موجب تأثر اولور.
بعض نقایصنک مجملایزیده بیاننه ابتدار اولندی:

§

ظن و بداهت افاده ایدن کملر بر معناده قوللار
نیله جق قدر الفاظک حکم وقوتی اعتباردن قالمق
جهتیهله بیاغی دقتیجه تصورلرده ایضاح مرام
نا قابلدر .

الفاظده غرابت او قدر معتبردر که مثلاً ترکیبی
گبی ملتزمک ائ مشهور بر تألیف ادیبانه سندن
[۱] مباحث مذکوره منتخبات تصویر افکار
جمله سندن آریجه ایکی جزؤ اوله رق کتابخانه عدادنده
نشر ایدلمشدر .

استخراج مال ایتک بزه گورده اجنبی برلسانده
یازلمش اولان گاستانی آ گلامقدن مشکدر .

ترجمنه ک اجزای ترکیبی اولان اوچ لسان که
تلفظده اولدجه اتحاد بولمشیکن . تحریرده حالا هیئت
اصلیه لرینی محافظه ایدیور : اقایم ثلثه گبی سوزده
گویا متحد و حقیقتده ضد کاملدر .

بر مصلحت نه قدر تفصیل اولنسه افادهده هیچ
فاصله ویرمامک ملتزم اولدیغیچون محرراتک امواج
ظلمت گبی بربرینی تعاقب ایدن سطرلری افیکاری
کشا کشندن قور تارمق ممتنع برر گرداب هائلدر .
مؤلفات ادبیهده صنعت وزینت گوسه ترمک
مقصد اصلی حکمنه گیدیگندن کلامک بنیه ر جودی
اولمق لازم گیلان معنا پک چوق آئارده صاتیلق
البسه بی ارانه ایچون استعمال اولنان آغاچ
پارچه لرینه ممائلدر .

افادهده مجاز بر صورتله مجاز اولیه جق قدر

رواج بولديغچون آثار من لطافت طبعیه دن محروم
اولدقدن بشقه اکثری حقیقتدن دخی عاطدر .

استطراد

بو ملاحظات ادبیاتک طرزینه عاندر ؛ ادبای
سالفیه تعریض عد اولمسون . مشاهیر اسلافک
تالیقاتی نقیصه لی دخی اولسه ینه کمالرینه دلالت
ایدر . زیرا بر مؤلف که دور معارفک اوائله
مصادف اولور ایجاد قوتنه مالک اولنجه آثاری
بر مرتبه قدر صورت غیر طبعیه ده بولمق طبیعت
ادیبانه سنک قدرینه مناقض دگدر . نته کیم مبادی
خلقتده کی بعض مصنوعاتک ترکیب اعضاسنده
انتظامسزلق گورملکله قدرت فاطره نک شاننه
خلل گلمز .

تکمله صدق

ترجمه من برلساندر که بالقوه شامل اولدینی

محسناته گوره دنیا ده اڅ برنجی لسانلردن عد
اولمغه شایاندر . چونکه زمین افاده سی مناقب
طبیعیات ایچون ترتیب اولمش بر نمونه خانه گی
اوچ اقلیم جسمک محصول طبیعتی جامع بواند .
یغیچون دروننده جلوه ساز تنزه اولان ابکاراندیشه
عرب بادیه لرینک اثمار افکار یله روم و ایران
چمنزار لرینک ازهار آثارینی جمع ایدرک گلدسته
بیاننه بگندیگی گی زینت ویرد بیلور .

آنکله متکلم اولان خلق ایسه روی ارضک
اوله بر عرض اعتدالی ایچنده یشامقده درکه
آفاقده کی لطافتک گوک قبه سنده اصلا نظیری
منظور اولماز . مگر که دریالرینک عکس مائیی
صبح نوبهارک سمائی جوهردن مصنوع بر آینه
آبداری آکدیرن ابر هوایسنه انعطاف ایله
طبیعتک بویله انفسی و آفاقی ایکی بدیعه رنگینی
بریرده استلاف ایله .

یا ادبیاتمزدہ بویله اوچ بیوک لسانک محسناتی
 منجز و زمانمژک فکر کالی مکانمژک بکر خیالیله
 مزدوج ایکن آثار من حسن صورتده نه درجه
 فائق اولمیدرکه بزه گوره زاده طبیعت دینلکه
 لایق اوله بیلسون .

بومطالعیه گوره ادبیاتک حالی دخی ملکمزده
 اصلاحنه احتیاج اولان نقایص جمله سندن دگلمیدر .
 اوله ایسه ظن عاجزاندمزجه اسباب اصلاحی :
 اولاً ، قواعد لسانک مکمل صورتده تدوین
 وتمهیدی .

ثانیاً . کلماتک استعمال عمومی دائرہ سنده
 تحدیدی .

ثالثاً ، املا و معناجه اجزای لسان بیننده کی
 ارتباط صورینک اتحاد حقیقی حالنه گله جک
 قدر تشیدی .

رابعاً ، ربط کلام و افادۀ مرام شیوه لرینک
طبیعت لسانه تطبیقاً تعدیل و تجدیدی .

خامساً ، افادۀ نک حسن طبیعیسنه حائل اولان
کلفتلی صنعتلردن تجریدی صورتلرندن عبارتدر .
گلهلم بو بش صورتک وسائط حصولنه :

برنجیسی — الده موجود اولان قواعد عثمانیه
نیه نک تعدیل و اکمالیه تعمیماً و عربی و فارسیه نک
قواعد و امثال رسائله تقدیماً تعلیمه توقف ایدر .
زیرا بر آدم که معارف ادبییه بشقه لساندن تحصیل
ایده البته کندی لساننک ادبیاتنده تقلید شائبه -
سندن قورتیله ماز . تجدیدایسه ایجاد دیمک اولدیغی
معلومدر .

ایکنجیسی — ترکیبیه مخصوص ممکن مرتبه
منتظم و مکمل بر لغت ترتیبیه حاصل اولور .
بو احتیاج بر وقتدن برو عموماً حس اولنمقدهدر .
حتی بعض طرفلردن قاموس و برهان مزج اولنمقدهدر .

لغاتك ابتدا کی حروفی اعتباریله بر ترتیب جدیده
قولق آرزو اولندیغی گبی بر قاج کرّه اجرا آتند
دخی تشبث ایدلمشیدی .

تصویر افکارك مطالعسنه گوره مادام که بر
ملتك موضوعات خاصهسنی بشقه بر قومه تمامیه
تطبیق ایتك قابل دگلدرد . عرب و عجم ایچون
ترتیب ایدیلان لغتلر دخی هر نه صورته گیرسه
ترجهمده مرجع فصاحت اوله ماز . چونکه بویله
بر لغت لسانك رکن اصلیمی اولان ترجمه ایله بونجه
اصطلاحات علمییه که ترقیات زمانه آتارندندر
شامل اولیه جغیچون هیچ بر وقت مکمل اولمق
احتمالی یوقدر . برده تصریف اولدن کلمات عربیه
لسانمزده (اکثریت اوزره مصدر و فاعل و مفعول
و صفت مشبهه و اسم زمان و مکان و اسم آلت و مبالغه
و تفضیل و تصغیر و بعض کرّه دخی ماضی و مضارع
گی) بر چوق صیغده و هر صیغینی (جمع و تانیث

اشکالنه و مزیداته نقل ایله) متعدد هیئتلرده استعمال
ایتمکدیز . قاموسک اصولی ایسه یالکز ماده لغتی
ضبط ایتمک و اشکالندن معنای اصلی و بنای معروفه
مطابق اولمیانلری علاوه ایلمکدن عبارتدر . بو حالد
طوتهلم که قاموس اولکی حروف اعتباریله ترتیب
اولسون . مادام که قواعد عربیه مضبوطی اولمیان
بر آدم دروننده صیغه و اشکال مستعمله دن استدیگی
کله بی ینه بوله میسه جقدر . نهایت برقاج یوز لغتک
تحریرسند اولان صعوبتی ازاله دن بشقه بوندن نه
استفاده اولنور ؟

بوندن بشقه عربی و یا فارسی پک چوق کله لر
وارددر که لسان عثمانیده بر و یا برقاج معنا ایله معروف
ایکن قاموس و یا برهانده معانی زائده و مبینه ایله
مضبوط بولنور . بوصورتده آنلرک مرزجندن
حاصل اوله جق بر لغت کتابندن یالکز ترجمه بی
بیسلانلرد گوره حین مراجعتده تغلیط ذهنندن
غیری نه حاصل اوله بیلور ؟

قادی که عرب و عجمک بزجه مستعمل اولمیان
برچوق کلماتی عثمانلی لغت کتانبنده ابقا ایله ادبیا-
تمزده کی نقایصک اڭ بیوک سبیلرندن معدود
اولان غرابت الفاظه برجواز ضمنی گوسترمه نڭ
نه لزومی وارددر ؟

ایشته بودلائلک اثبات ایتدیگی وجهله بعض
ترتیباتی تغیر ایله قاموس وبرهانی ترکیبیه لغت
اتخاذ ایتک تصویر کی عرب و عجمک باشلرینه
برورفس گیدیرمکله عثمانلی ملیتنه ادخاللرینی آرامق
قیلندندر هیچ برصورتله قابل اجرا اوله ماز. لغت ،
عثمالیلر ایچون یاپیله جق ایسه آنلرک احتیاجنه
توفیق اولمایددر. [۱]

اوچنجیسی — (غلط مشهور دینیلان)
استعمال عمومینک (لغت فصیحه اعتبار اولنان) وضع
اصلیه ترجیحنه متوقفدر . بومقصدی ایسه اهل
[۱] لغت ابوالضیا بووصایابه توفیقاً ترتیب اولمیشدر .

قلمك رغبتى حاصل ايدر . حتى لسانمزاك بويابده
 بعض مرتبه ترقيسى دخی - الك بيوكلى مرحوم
 عاكف پاشا اولان - بر طاقم مجدين ادبانك
 همتى سايه سنده در .

دردنجيسى - آثار موجوده نك افادات
 طبيعیه لطافتیه مالك اولان مقالهلرندن مرتب
 و محاکملى بر منتخبات مجموعه سى تنظيم و مکتبلرده
 تعليم اولمغه منوطدر . [۱] اديب مشار اليه تاريخ
 صاحبي نعيم و اسلاف و معاصریندن سائر بعض
 ادبانك بوگدا خدمت ايدجك خيلى اثرلى بولنه -
 بيلور . هله معنى و تعبيرلرنده اولان غلو و غرابته
 اسکیمش بعض شيوه لرندن قطع نظر يالگيز حسن
 بيان ايچون نژده ويسى و نظمده نفعى الك گوزل
 نمونه اولور . فقط بزده کتابتدن مقصد خدمت -

[۱] نمونه ادبيات اساساً بو مطالعه يه مبنى انتخاب
 وتدوين اولمشدر . [للاطبع]

دولت اولمق اعتقادی غالب و بلکه عمومی حکمنه
گیرمش برظن کاذب اولماسنه گوره اقلام دولت
شمیدی طرز افاده‌ی التزام ایتدجکه تجدید شیوه
ممکن دگلدر .

بشجیسی - لسانمزه مخصوص بر بلاغت
کتابنک تألیف و تدریسیله وجوده گلور .
بویولده بر اثر میدانه گتورمکه همت ایدنلر
ایچون ظن اولنورکه تزینات لفظیه‌نک بحث جوازی
افکارده بعض مرتبه اختلاف حاصل ایده جکدر .
چونکه عصر مزده حسن طبیعتله شهرت بولان
ادبایه مراجعت اولنسه برچونگی تزیناتنک اسکی
اعتباریله بقاسنی استر . بر طاقمی ایسه بالعکس
جوازینی بیله قبول ایتمزکه اولکیسی آثار عربیه
وایکنجیسی افکار غربیه مفتونیتدن حاصل
اولمش برر مطالعه در .

واقعا گوزل سوزنک ذاتنده بر لطافت وارددرکه

آنک محاسن بدیعیه قیاسی حسن فطریه نیک زینت
 غرضیه نسبتی قییلندن اولور. لکن مادام که اجزای
 لسانمزلک الیوکی اولان عربیده اشکال کلمات
 برانتظام کلی حالده دز. ترجمه نیک آثار ادبیہ سنی
 سادہ لک لطافتی غائب ایتیمه جک صورتده بر درجهیه
 قدر تزیین ایتیم قابل و بلکه سجع و توازن گبی
 بعض صنعتلردن بری اوله زرق گوزل بر اثر میدانہ
 گتورمک دها مشکلدر.

بو حالده صرف اجنبی لسانلرینه تقلید ایچون
 شیوۀ افادہ بی تقید نه دن تجویز اولنسون !
 مآلده لطافت اولنجه افادہ نیک قنغی طرزینی
 قبول ایتمز ؟ مگر که موضوعی طبیعت اصلیه سندن
 چیقارده جق قدر کلفت و غرابت اختیار اولنه .
 گوزله نه یاقشتمز ؟ وار ایسه بعض طبیعتسز
 مشاطہ لریک تزیینات قبایح پسندانہ سیدر . بر طاقه
 محله گلینلرینی اعجوبه قیافتہ کتوردن رنگارنگ
 دوز گونلر و آلتونلی ، گومشلی ورقلر گبی .

گرچه بر مشهور فرانسز منشیسنک اعتقادینه
گوره هر عاقل مؤدب البسهی آرایش ایچون دگل
تستر مقصدیله اکتسا ایلدیگی گبی ، بر عالم ادب
دخی الفاظی تزین مقالدن ایسه تبیین ماله صرف
ایتمک لازم گلور . اما بزه قالدورسه طبیعت افادنهک
خارجنه چیقیمیله حق قدر تزیناتدن کلامک فصاحتنه
برفانده کلمسه بیله لطافتنه ده خلل ترتب ایتمز .
نته کیم دأب معروفه مغایر اولمیان لباس فاخر ،
باطن و ظاهرک محسناتی تزید ایتمزسه تنقیصده ایلز .
بناءً علیه لسانمزدده تزینات لفظیهک بتون
بتون اعتباردن اسقاطی اقتضا ایتمز . بزه لازم
اولان ادبیاتمزی « خیر الکلام ما فهمته العامة بسلاسه
مقاله ورضیتها الخاصة بحقیقه ماله » تعریفنک دائرہ سنه
ارجاع ایتمکده در . بوا یسه لسانمزدده ایران شیوه -
سنک جاری اولان تأثیرینه بر نهایت ویرمگله
حاصل اولورکه آثارمزی دشمن حقیقت و منفور -

طبیعت اولان اعظام و ابهام نقیصه لرندن قورتاره -
 جق واسطه دخی بودر .

§

اربابنه معلومدر که اکثر آثارنده ایرانک
 تحریری تصویرینه بکزر . برنده الوان نه قدر
 دلنشین ایسه دیگرنده الفاظ او قدر رنگین اولمغله
 برابر ، بری مناظره و دیگری مناظرده مطابق
 اولمدیغیچون ایکیسی دخی طبیعتک خلافتده در .
 حتی عجمک لواح مرسومه سنه نظر اولنسه برپهلوا -
 نک بیغی مزر اغندن اوزون و مدایح منظومه سنه
 باقلسه بر مزر اغاک طولی ماه ایله ماهی بیننده اولان
 بعد مجرددن فزون گوریلور !

معرفتک سن کمالی اطلاقنه شایان اولان
 بو عصر مدنیتده اوילה بر طاقم هیا کل هائله مدّا -
 حلزینی ، حسن طبیعت اصحابی ، نصل ندیم افکار
 ایده بیلور ؟ دنیاده هیچ بر صاحب رشد وارمیدر که
 غول یبانی حکایه لرینی استماعدن محظوظ اولسون ؟

بدیعك بیانی

« مبالغه مقبولدر . اگر عقلاً وَعَادَةً وقوعی
 قابل ایسه . (بوکا تبلیغ تسمیه اولنور)
 معقولدر . اگر عقلاً ممکن وَعَادَةً باطل ایسه .
 (بوکا اغراق دینیلور)

مدخولدر . اگر بر مناسب توجیه ایله اغراق
 درجه سینه ارجاعی ممکن اوله مامق اوزره عقل
 وعادتجه امکاندن عاطل ایسه . (بوکا غلونا می
 ویریلور .)

اوچنجی نوعك (بلا شرط جواز) استعماله ،
 وار ایسه طبیعتك محسناتیه فقدان قناعت سببدر -
 طبیعتك محسناتیه فقدان قناعت آثار قدرتك مافوقنی
 طلبدر - آثار قدرتك مافوقنی طلب ایدن ادیب
 دگل نه بیوگ بی ادبدر .

نتیجه مراده گله لم : گرچه بویله بر مقصدی

هر یرده اولدیغی گبی ملتزمده دخی آنجق افکارک
کالی اکیال ایدر . فقط شمیدن اساسنی وضع
ایتمک ایچون بالاده تعداد اولنان وسائط نظریهیی
فعاله گتوره جک بر ویا بر قاج بیوک جمعیتک
وجودی لازمدر ، که حسن طبیعتنی جواهر معرفتیله
تزین ایدن ارباب ادبن مرکب و محتاج اولدیغی
اسباب ایسه دولتک حمایت و معاونتیله مرتب اولمیدر .
فقط بویله بر جمعیت اوروپاده اولان بعض امثالی
گبی ترتیب ایده جگی لغت کتابنی نص قاطع و گو-
ستره جگی قاعده و نمونه لری حکم شارع صورتنده
طوته جق اولور ایسه ادبیاتمنزی مطوب اوزره
تجدید ایتسه ده عمومک افکارینی قرق الی فردک
معلومات و طبیعتیله تحدید ایده جگیچون احوالده
بلکه ضرری فائده سنه غالب گلور .

بوقیلدن اولان جمعیتلرک وظیفه سی اهل ادبه
حکومت دگل خدمت ایتمکدر .

طبیعت ادیبانه ده حریت بر درجده در که هیچ
 کیمسه نك استقلالنه محکومیت شانلرندن اولمديغچون
 ارباب قلمك عمومه « جمهور ادبا » تسمیه اولنمشدر.
 ایشته ملتك دلیل ناطقیتی اولان لسانی اصلاح
 ایتك گبی بر مقصد جلیلک احضار اسبابنه هرکیم
 تشبث ایدرسه یاد جمیلنه بقای ابدی ویرن مجددلردن
 اولمق شرفی احراز ایده جگنده شبهه ایتیز که بوده
 جمله دن زیاده هیئت دولتك شاننه یاقیشور .

خاطره

(بومقاله نك طرز افاده سی ادبیاتك ساده لگنی
 آرزودن عبارت اولان موضوعنه مغایر ایسه
 تصویر افکارك قول و فعلنده برنوع تناقض عد
 اولنمسون . مرادمن لسانك اصلاحچون ارباب
 اقتداره بر مراجعت خالصانه در . یوقسه بویله
 برامر خطیرده آثار حقیرانه مزی مثال گوسترمك

هر حالده حدّ مزك فوقنده اولديغنى لسان عجز ايله
اعتراف ايدرز .)

ردّ اعتراض

[تصویر افکار - نومرو ۴۳۱ - فی ۱۶ ربیع الآخر ۱۳۸۳]

گرید مسئله سنه . ولسان عثمانینک ادبیاتند [۱]
دائر تصویر افکارده نشر اولنان ایکی بند مخصوص
حقنده بعض اعتراضاتی حاوی بر ذات طرفندن
ویرلمش اولان ورقه جریده حوادثک ۵۰۲ نومر-
ولی نسخه سنده اعلان ایدلمشیدی .

بوذاتک قوللانديغنى لسان اثنای بحثده دائره
ادبدن تجاوز ایتیه جگنه برهان اولديغیچون اعتراف-
ضاتی حقنده اولان ملاحظاتمزک بیانه ابتدار ایدرز .

[۱] گرید مسئله سنه دائر اولان مقاله کتابخا-
نه مزک طقوزنجی نومروسنده مندرج ولسان عثمانی به دائر
اولان مقاله ایسه بالاده کی بند مخصوصدر . [للطابع]

اگر چه بوجواب براز او زامشدر: فقط سبب تأخر
روزنامه ایله کچن نومرو مزده ختام بولان به حث
و بعض اهمیتلی ملاحظات و حوادثک سرعت اعلانی
مجبوریتدن نشأت ایتدیگندن مأمولدرکه اول بایده
اولان معذوریتمز مقبول اولور .

[اعتراض]

تصویر افکارک ۲۲ نومرولی نسخه سنده کربده دائر
مندرج اولان بند مخصوصی کمال دقتله مطالعه ایتش
ولدیغمدن اول بایده وارد خاطریم اولان بعض مطالعات
و اعتراضاتک جریده گزه طبعی رجا ایدرم . شویله که
تصویر افکار الحکم لمن غلب قاعده سنی اساس اتخذایده رک
کرک افراد بشرک و کرک هیئت مجتمعه بشریه نک شوقانون
غدر مشحون احکامندن سالم اولدیغنی ادعا ایله برابر افراد
نوع بنی آدم میانه سنده «الحکم للغالب» قاعده سنک صورت
مطلقه ده جریاننه دلیل واضح اولوق اوزره ضابطه
اداره لرینی گوسترمشدر .

جواب

تصویر افکارک «الحکم للغالب» قاعده سندن
بحث ایدیشی یالکیز معاملات دولیه عائد ایدی .

افراد آر دسندہ بوقاعدہ نك دستور العمل اولدیغنی
ادعا ایتدك . بلكه حقانیتك واجب الاطاعه طو -
تلمدیغنی بیان ایتدك .

فی الحقیقه هر طبیعتك حكم غالبیته میلانی منكر
دگلدرد . شو قدر واركه افراد ایچنده بو حکمتك فعله
گلمسنى حكومت منع ایدر . مصالح دولیده ایسه
قلیچدن بشقه امرینی انفاذ ایدر جك بر قوه حاكمه یوقدر .
ایشته منطوقنه مغایر بر معنایه حمل اولمش اولان
فقره من دفع اشتباه ایچون عیناً ایراد اولندی .

« واقعا دولتلر بیننده ظهور ایدن دعوا الر دحاکم -
حاسم (اسباب سطوتك تعریف مجملی اولان)
سیف صار مدن بشقه کیم اوله بیلور ؟ اگر آگما مقابل
حقانیت گوستریله جك ایسه نصل تسلیم اولنوركه
حکمتك بودستور مقدسی قوه اجراییه دن بری
اولدقجه افراد ایچنده بیله واجب الاطاعه طائلمدیغنی
اثبات ایچون یالکیز هر یرده موجود اولان ضابطه
اداره لرینی گوسترمك کافیدر . »

قانون غالبیتك افراد ایچنده حکمی جاری
اولق بو عبارتدن فصل آکلاشیله بیلور ؟

[اعتراض]

«مادامکه انسانك طبیعتنده اهمیت و ادر . فطرة ،
الیه شو قاعدهك جریان ضروری ایسه ده بر جمعیت
بشریه ده علوم و معارف و حسن اخلاق نه قدر تزايد ایدر
ایسه فطرت مذکوره اوقدر تناقص اتمک امرطبیعی
اولدینی جهتله قاعده مذکورهك علی العموم صورت
مطلقه ده جاری اولدینی رهین رتبه بداهتدر . افراد
انسانی علوم و معارف سایه سنده اخلاق حسنه و خصائل
بر کزیده حاصل اتمش اولان دواتلر میانه سنده جاری
اولان معاملات دوايه و خارجییه دخی بالکلیه اشبو قاعده
غیر محققه توفیقاً جاری دگلدر . »

جواب

جمعیت بشریهك « الحکم للغالِب » قاعده سنده
تمایلی ادعا اولندینی گبی یالکز صفت بهیتمدن
نشأت اتمز . آکا اصل قوت ویرن حب وطن .
عزت نفس و حرص تفوق گبی بعض داعیه لر در که
جمله سی صفت ناطقیت ماثرننددر .

محاربه‌یه حاجت گورمن ایسه مخابر دینی واسطه
ایده‌درك ینده حکمنی اجرادن خالی دگلدیر .

قلیچك تاثیر معنوی ایله انفاذ ایتدیگی
حکم غالبیت، تاثیر ظاهری یه حاجت بر اقامتگاه
عدالتمی اولور ؟

حاصلی دنیاده منازعات دولیدی فصل ایده‌جك
بر محکمه موجود دگل ایکن « الحکم للغلب » قاعده
سنك علی الاطلاق جریانه تعرض ایتك سلاح
بدهته ادعای مجرد گی مجروح بر دلیل ایله مقابله
قیلندن اولور .

[اعتراض]

« وحتی اشبو برقاج سنه‌لر ظرفنده تگون ایدرك
سفنك دمایى داعی اولان مسائل دوايه دخى بعض حقوق
قدیمه مثبتیه اوزرینه مبتنی اولدیغی تواریخ شناسانك
معلومیدر . »

جواب

برقاج سنه‌دنبرو سفنك دمایى موجب اولان
مسئله‌لر دانیازقه محاربه‌سیله آلمانیاك مجادله‌

اخیره سی دکامیدر؟ فی الحقیقه آلمانیا دولتلری (شلز-
ویغ و هولستین) دو قذلقلرینه بعض حقوق بیانیله ادعای
تصرف ایتدیلر . فقط بو حقوق ایتدای امرده
آلمانیه اتفق نامه اولدرق میدانده قوناشیدی . حال
بوکه پروسیا دولتی دو قذلقلری دانیمارقه دن آیر-
دقدن صکوره ایشی بر قاق رنگه قویهرق نهایت
بونلرک حق تصرفی ذاتاً دانیمارقه قرالسه عائد
اولدیغنی و فقط غلبه حربه جهتیله منحصر آوستریا
و پروسیا دولتلرینه انتقال ایلدیگنی اعلان ایتدی .
و آتی متعاقب آوستریایی حاز اولدیغنی حق اشترا-
کدن کف ید ایتمکه اجبار ایلدی . بو معامله لر
حکم غالبانه دن بشقه بر سببه اسناد اولنه بیلورمی ؟
پروسیانک باجمله مة صدنده واسطه اجرا سلاح
دکامی ایدی ؟

آلمانیا منازعه اخیره سند ایسه سار دنیا خاندان-
حکمداریسنک وندیگی ضبط ایتسی نصل حق قدیمه

مستند ایدنی ؟ آلمانیا نك شمال جهتلرینه تصرف
ایلمکده و آوستریای منسوب اولدیغی ملئك اتق قدن
اخراج ایلمکده پروسیا دولتنه حق ویره جئك
(کونیقسغراج) غالبیتدن بشقه برسند وارمیدر ؟
برده مادام که حسن تأویل هیچ بر مادۀ نك
ماهیتنی تبدیل ایدم مدیگی مسلدنر . شمشیر و یاتدیر
غالبانه ایله فیصل بولان مسائل دولیده ، ولو برحقه
اسناد اولنه بیاسه دخی ینه «الحکم للغالب» قاعدسنه
اتباعدن قوزتیه ماز . مگر که دعاوی قولیه نك دلالت
فعلیه یه رجحانی تسلیم اولنسون !

[اعتراض]

« بند مذکورده (طبیعی و موضوع اعتباریه ایکی به
منقسم اولان حقوق دولیه) دیو برفقره اولوب بوايه
بستون یا کلسدر . شویله که حقوق دولیه حقوق طبیعیه
و حقوق موضوعه دن عبارت دگلدنر . افراد نوع بشر
حال انفرادده تعیش ایتدکلی تصور اولندیغی حالده
هر برلرینك حقوق طبیعیه لری واریسه ده برکره هیئت
مجمعه تشکیل ایتدکلی گبی حقوق طبیعیه لرینك بر مقدارینی

فدا ایتش لردر . اشته افراد نوع بشر میانه سنده جاری
اولان اصل حقوق موضوعه در . بوبده دستورالعمل
اولان مقیاس دخی احکام دینه و قوانین موجوده در .
هیأت مجتمه بشریه بر شخص معنوی مشابه سنده اولدیغندن
عدت حال انفرادده تعیش ایدن افراد بشره مشابه ایهده .
بولنر دخی ممالك عالمده بر هیأت عمومیه صورتسده
بولند قدرندن آنک حسن اداره سی ایچون حقوق طبیعیه لرینک
بر قسمی فدا ایدرک بر طاقم حقوق وضع ایتش لردر که آکا
حقوق ملل اطلاق اولنور . بوسورتله حقوق طبیعیه ایله
حقوق دولیه نیکدیگرینه قطعاً مربوطیتی اولمیوب . حتی
بعض مواد حقوق دولیه حکمجه جائز اولدیغی حالد
حقوق طبیعیه به کلیاً مغایر بولنسیغی هر کسک معلومی
اولان مواد دندر . »

جواب

عقلاً هیچ بر نوع حق یوقدر که اساسی حقوق
طبیعیه مستند اولدقجه صحیح اوله بیاسون . نته کیم
نتیج حقیقت ایددجک بر قیاس بولنه ماز که سلسله
استدلالاتی بدیهیه منتهی اولمسون .

حقوق موضوعه : حقوق طبیعیه ده احتیاج

اوزرینه اجرا اولانان تعدیلات دیمکدر . انسانک
احتیاجاتنده بتون بتون تحویل طبیعت ایددجک
قدر شمول فصل موجود اولدبیلور ؟ بر ملت ،
اوزینه حرکت ایدن دیگر برملته مقابلهده حقسنر-
میدر ؟ دگل ایسه اول بابده اولان حتی . حقوق
موضوعه دغی غدا اولنور ؟

حقوق طبیعیہ حقننده تدوین کتاب ایدن
مؤلفلرک جمله سی اثرلرینک مقدّماتنده دولتلرک
حقوق طبیعیہسنده دائر بر طاقم مباحث ایراد ایدرلر .
حتی موسیو (مارتنس) نام ذات بوفنده متعلق
آثارک الک زیاده متداوللرندن اولان کتابنک
اون ایکنجی فصلانی « حقوق موضوعه و طبیعیہ
دولیهنک تاریخ تدریسی » عنوانیه توسیم ایتشدز .
و حتی بارون اشلختهنک (حقوق ملل) نامیه
لسان ترکیده تصنیف ایتدیگی کتابک مقدّمهسنده
دخی « عموماً حقوق ملل کتابندن بحثله کتاب-

مذکور ایکی قسم مختلف شامل ، یعنی حقوق طبیعی ملل و حقوق موضوعه ملل قاعدلرینی مشتمل بولتمشدر « دینلمشدر .

و حتی بعض از باب فن و از جمله مشهور [بوفندروف] دولتلر بیننده بر مقاوله عمومیه موجود اولدقچه حقوق موضوعه نك وجودی قابل اولدمیه جغنی ادعا ایدرک حقوق دولیهی حقوق طبیعییه حصر ایتک استمشدر .

ایشته افادات مشروحدن آکلاشیلورکه حقوق دولیه حقنده بوتقسیمی بز ایجاد ایتدک ؛ ذاتاً موجوددر . و مقسومینی اوتعبیرلرله بز تعریف ایلدک ؛ عموماً معروفدر .

بوندن بشقه ورقه نك صاحبی افراد آراسنده هیئت مدنیه و هیئت مدنیه بیننده مناسبات دولیه حصوله گنجیه فدا اولنان حقوق طبیعییه « بر مقدار » و « بر قسم » تعبیرلرله تبعیض ایدرک احوال دولیدم

حقوق طبیعیہ نیک بر قسمیدہ باقی اولدیغنی سموق کلام
حکمنجه اعتراف ایتشدور . بناءً علیه بز آنک رد
مدهاسنده کندی قولنی دخی بر دلیل قوی عدا ایدرز .

[اعتراض]

«تصویر افکار بنده مذکور کورک مبدأندہ (الحکمہ من غیب)
قعدہ سنک صورت مطلقہ در جریان ایتدیگنی ادعا ایلدیگی
حادثہ بش اوز سطر آشاغیدہ حقوق مشروعه وحق
وانصاف لفظلرینی استعمال ایتش اولوب برینک وجودی
دیگرینک عدم وجودینی استلزام ایدن اشبو ایکی ماده .
متضاده نصل تألیف اولنه یلور ؟ »

جواب

حکم غالبانه نیک وجودی حق وانصافک نهدن
عدمی اقتضا ایتسون که غالبیت بعض کره حتمک
ابطالی موجب اولور ایسده بعض کره استحصاله
مدار اولور . طوته که دائماً ابطالی موجب اولمش .
ینه آنک وجودی حقوقک عدمی مستلزم دگلدور .
حق فعلده ابطان اولمغله حقیقتده دخی باطلی
اولمق لازم گلور ؟

حاصلی حقوق مقاصد دن و غلبه وسائلدن .
مقاصد ایله وسائل بیننده ایسه تناقض تصویری
ممکن اوله ماز .

فاده سندن آگلاشلدیغنه گوره بزه معترض
اولان ذات بوقاعدنی بیان ایدیشمزی حقوق صحیحه -
نک وجودنی انکار معناسنه حمل ایتش اولمق گر کدره
بزیسه ! الحکم للغالب ایدک : الحق للغالب ایدک .

§

[اعتراض]

« شونی دخی علاوه ایدرمکه مذکور غزته بوندن
اقدم ادبیاته دائر یازمش اولدیغی بند مخصوصنده مات
عثمانیه ده آثار ادبیه اولمدیغنی ایما ایتدیگی حالدیه بر قاج
سطر آشغیده (نظمده نفعمینک دیوانی نثرده ویسینک
تألیفاتی آثار نفیسه دن) اولدیغنی ذکر ایتش اولدیغندن
بونده دخی ضدیت گورلمشدر . »

جواب

بزلسان عثمانیه ده آثار ادبیه اولمدیغنی ایما ایتدک .
وجود اولان آثار ادبیه من ادبیاتجه اقتضا ایدن

محسناتك همان جمله سندن محروم اولدیغنی تصریح
ایتدك .

بو مدّعامزك بطالاتی اثبات ایچون بنده
مخصوصده بیان ایتدیگمز شرائطه مطابق بر کتاب
گوسترلك ویا او شرائطك مجروحیتنه دلیل اراانه
اولنمق لازم گلور .

نژده ویسی و نظمدده نفییدن بحث ایدیشمز
ایسه یالکز حسن افاده لری جهتده منحصر ایدی .
حتی عبارتده من دخی بودر . « هاه معنا و تعبیر لرنده
اولان غلو و غرابته اسکیمش بعض شیود لرنده
قطع نظر ، یالکز حسن بیان ایچون نژده ویسی
و نظمدده نفی الك گوزل نمونه اولور . »

بو افاده ادبیاتك نقایصی حقنده اولان ادّعامزه
نه دن مناقض اولسون ؟

استطراذ

بعض ارباب تمیزك تدقیقاتنه گوره ادبای رو

ایچنده انشا ایله مشهر اولانلر یابتون بتون طرز
عجسی ویا خلقاڭ لسانه مغایرت کلیه ایله مخالف
اولان مسلك ارباب قلمی التزام ایتدکلر یچون تقلید
اولانلار بر کتاب بر اقه مامشلدردر .

بزم اعتقاد مزجه بونقصان ملکمزده معارفک
کمال بوله مامسندن نشأت ایتشدردر . مع مافیه قوه
طبیعت و فنون ادبیده مهارتلی مسلم اولان ادبای
اسلافک اثرلرنده انواع محاسنی شامل پک چوق
پارچدلر بولنه بیلور . بو زمین شرقدر : تربیتات
معرفت اولمسهده ینه طبیعت هر جانبنده گلشفشان
لطافت اولمقدن خالیمی قالور ؟

نظمده ایسه نفعی ونسیم طبیعت فوق العاده ایله
متصف عد اولمشلدردر . واقعا (دیوان نامیله)
فضیلت شاعر اندلرینه برر شاهد تصویر ایدرک
بزم ادبایه یادگار ایتمش اولان بو ایکی استادک
یجاد معانیده که مراتب ادبک منهاسیدر : اقتدار
ملری انکار قبول ایتمز .

اما نفعینک آثاری عجایب علمدن بروقت
اردوس ایمانی آفرنده مرکوز بولمیش اولان
هیکل عظیمه بگزر : فی الحقیقه تصایع نظر فریبنده
اولان مهارت استادانه اقتدارک خارجنددر . فقط
هیأتی طبیعتک فوقنده اولدیغیچون تماشاسی وجدانه
حیرتدن بشقه برتأثیر حاصل ایتمز .

ندیمک دیوانی ایسه آنادن طوغمه صوینمیش
برگوزل قز رسنه مشابهدر . اگرچه ارباب مذاق
بر نظرده لطافت حسن و آنسه مفتون اولور :
لکن مفسد اخلاق اولدیغیچون ندیم افکار ایتک
جانز دکلدر .

حاصلی لسانمزده ا متنبینک ا دیوان اشعاری
ویا (لسان الدینک) آثاری گبی جامع الاطراف
برتألیف ادیبانه بولنده ماز .

[اعتراض]

« بوندن بشقه سالف الذکر بندلرک بعض عباراتی
بک مغلق و بعض عباراتی دخی غایت ساده یازلمشدر .

حال بود که فن انشا اصل اتحاد و امتزاج الفاظه دقتدن عبارت اولوب، یوخسه معقد و غیر متناسب الفاظ استعمال ایتک دکلدر . »

جواب

[فن انشانک تعریفی]

« هو علم يعرف محاسن تراکیب المنشورة من الخطاب والرسائل من حيث انها خطب اور رسائل . »
[مناظر انشا]

بو تعریفدن آ کلاشیلور که فن انشا اتحاد و امتزاج الفاظه رعایتدن عبارت دکلدر . چونکه بر ترکیبک محاسنی یالکزر لفظه منحصراً اوله ماز . اگر منحصراً اولسیدی منطق و معانی و بیان فلرینک و بدیعه کی صنایع معنویه جهتنک انشایه هیچ تعلقی اولماق لازم گلوردی . آنلرک ایسه یالکزر اشعار ایچون تدوین اولمادیغی میداندهدر . ادبای ضرب گوزل یازمغی گوزل دوشونمکله

تعریف ایتشلردر . واقعاً حقیقت حال دخی بو
 مرکزده دگلمیدر . بر اثرک که معناسنده لطافت
 بولمیه ، الفاظنده اتحاد و امتزاج اولمش نه فائدهسی
 گوریلور ؟ بر بشرک که سیرتنده ظرافت اولمیه ،
 اندامنده اتحاد و ابتهاج بولنمش نه مزیتی اولور ؟
 امتزاج الفاظ فن انشانک اصلی دگل فروعاتندن
 اولان بدیعک بر فرعیدرکه انسجام و سهولت
 صنعتلرینه رعایتله حاصل اولور .

حال بوکه او ایکی صنعتک هر اثرده موجود
 بولنمسی لازم گیمز . بلکه بدیعک اعظم ارکانندن
 اولان (استالاف اللفظ مع المعنی) صنعتنی نقض
 ایتدکلریمچون ایکیسیده مشاهیر ادبانک آثارنده
 نادرالاستعمالدر .

افاده مزک مسلك ادبایه موافق اولدیغنی اثبات
 ایچون لسانمزدده متأخرین تألیفاتنک اک مقبولی

اولان عا کف پاشا تبصره سندن ایکی مثال
گوسترلم . [۱]

[تبصره نك مبحث اولندن برفقره]

« بوطریق ایله مرسوم استانبوله گلوب
فی الاصل بیتمزده معارفه یوغیسه ده سرعسکر پاشایه
مناسبت قدیمه سی اولدیغندن آنلره گلدکجه آره -
صره بنمله دخی گوزیشور و چونکه کنیدیسی
عثمانلیجه برار او قویوب یازمش وایو فرانسه رجه
بیلیکله کتب افرنجیه دن چوق شی مطالعه ایتمش
اولدیغندن صحبتنه اعتبار اولنوردی . »

[دیگر فقره]

« خر خرد استلقای افکار و دغدغه کابوس
استشعار اثناسنده مفسد مسفورک و ترجماننک
[۱] تبصره نك اڭ مکملی اوبایده کمال بک مرحومه ک
ممثل کتابه خطاباً یازمش اولدیغی بر ملاحظه نامه یی حاوی
اولدیغی حالد کتابخانه عدادینه ادخال ایدلمشدر .

سلسله تحریک و اغوا سیاه جامه خواب تشویش
 و تذبذب بدن بردن بره سر اسیمیه طور انوب شخص
 مصروع گبی نه یاپدیغنی یلمیه رک فتاده دهلیز خدی
 و خذلان اوله جق صورتده ساحه سوء اطوار -
 استکبارده پرتاب ایدر ایتمز ، هله پرتو پاشا قوجا -
 قلا یوب تیزالدن روی مرآمه رشحه پاش استمالت
 و بازوی سست امیدینه تمیمه بند تقویت اوله رق
 بر طرفدن دخی عزایم طلسمات زمین و زمان
 اعمالنه مشغول اولمغله بالآ خرد آنک اضطرابی
 تسکین صورتیه نیچه زماندنبرو کندویه درد درون
 و داغ مکنون اولدیغنی سیمای احوالندن نمایان
 اولان شهرت انفرادی بوسایه ده تحصیل و تکمیل
 ایلدی . »

بوایکی فقره ناک الفاطی بیننده هیچ اتحاد
 وارمیدر ؟ یوق ایسه عاکف پاشا فن انشایه
 اصل اعتبار اولنان بر قاعده دن غافلای ایدی ؟ بر

اثرک هر فقره سنده کی الفاظی دیگر فقره لرینک
 الفاظنه تطبیقدن ایسه او فقره نك معنا سینه توفیق
 ایلک هر حالده اولی اولدیغی قابل انکار میدر که
 تلونه طالب اولان افکاره نسبت یکنک بر منظره
 نه قدر مقبول ایسه، تبدله طالب اولان افکاره
 نسبت یکنسق بر اثرده او قدر معتبر اوله بیلور .

ارباب ادب بینده لفظک معنایه توافقی او درجه
 ملتزمدر که بعض علمای بدیع . غریب بر معنایی بیان
 ایچون مغایر فصاحت اولان الفاظ غریبه استعمالنه
 بیله جواز ویرمشلردر .

بز بودرجه ایلر و گیده میز . بنده مخصوصده
 ایسه بعض تشبیهات موجود اولغله برابر صاحب
 ورقه نك ادعا ایتدیگی وجهله غایت مغلق عباردر
 گورده میورز ؛ اگر واریسه ارئه بیورلسون !

برده مذکور بنده معقد الفاظ اولدیغی ادعا

اولنمشدر . میزان الادب و سائر کتب عربک بیاننه
 گوره تعقید لفظی مرجع ضماژده تردد وقوعندن
 حاصل اولان اختفای مراد دیمکدر . بندمزاک
 هر نرده سنده بویله برقصور گورولمش ایسه بزده
 گوسترلسون !

[اعتراض]

« بوغزته ینه ادبیاته دائر اولان بند مخصوصنده
 بزده ادبیاتک نقایصندن بحثله بوناک استحصال اسباب
 اصلاحی ایچون بعض اصول بیان ایتدیکی حالده او بندده
 او اصوله رعایت ایتماسی جای تعجیدر . مطالعات مشرو-
 حه بی سرد و اتیان ایتکدن مقصد عاجزانه دفع اشکال
 اولوب برگونه غرضه مبنی اولدیغنی تأمین ایده بیلورم . »

جواب

بزم اعتقاد مزه گوره دنیاده هیچ کیمسه یوقدرکه
 منسوب اولدیغنی ملتده فقدانندن بحث ایتدیگی
 شیلری کندیلی حائر اولمغله مکلف اولسون .

مثلاً ملکمزده ثروت ملکینهک نقصانی ادعا
ایدنلر غایت زنگین اولقمی لازم گلور ؟

تصویر افکار ایسه ادبیاتجه آرزو ایتدیگی
صورتیه موافق بر اثر میدانیه گتورمکده اولان عجزینی
بند مخصوصک ذیلنه بر ملاحظه علاوه سیله اعلان
ایتمشیدی ؛ بومناسبتله افاده سنی ینه تکرار ایدر .
افاده مشروحدن آکلاشیلور که ورقه نیک
بو فقره سی جای بحث دگلدر .

بزده مراد منک ایضاح مرامدن عبارت
اولدیغنی تأمین ایلرز . و بویله تعریضات ، دائرء
ادب داخلنده قالدقچه طوغریدن طوغرییه بزه
دخی گوندرلسه غزته مزده بالافتخار نشریله برابر
رد و قبولی حقنده وارد افکار اوله جق ملاحظات
عاجزانه منک لسان احترام ایله بیاننده قصور ایتیز .

ترجمه طبایفه دائر مقاله مخصوصه

[تصویر افکار - نومرو ۴۲۷ - فی ۱۲ رجب ۱۲۸۳]

ابنای بشر وجود معموریتک روحی مقامنده
اولدینچون حفظ صحتیه بر مأمور مغنوی اولان فن
طب هر ماته گوره اسباب حیاتینک برنجیلرندن
عد اولنسه شایسته در . بوکا بناء عالم تمدنده
متعیش اولان اقوامک کافهسی طبی طبیعتک
احتیاجات ضروریه سندن عداید درک برنجی درجه ده
ملتزم طوتار لر . از جمله اجزای عقل و نقلدن
مرکب بر ترتیب حکمت آمیز ایله انسانیتیه حیات
تازه ویرمش اولان قوم عرب عندنده بوفن
جلیل که « علم الابدان ثم علم الادیان » تفضیلنه
مظهر اولمشدر ؛ روح الحکمه اعتبارنده ایدی .
اربابی ایسه طب وسیله سیله تقرّب سلاطین

شرفه نائل و بلکه ایچیلرنده مزاجگیرانه حرکت
 ایدن اولور ایسه مرتبه و زراته قدر واصل اولد-
 یغیچون، فضلا و حکمای مشاهیرینک همان جمله سی
 بوفنه انتساب ایتمشلردر . حتی یینلرنده اکثر
 طبابت حکما صنعتی اولمق جهتیله طب و حکمت
 ییننده کی عموم و خصوص شائبه سی اعتباراً بتون
 بتون بر طرف اولمشیدی که، هر فنه متعلق اولان
 اصطلاحاتی آنلردن مستعار اولان لسان عثمانیده
 بوسبيله حکیم، طبیب معناسنه استعمال اولنور .

واقعا عثمانیلر معارفک بر جهتنده عربلرک
 مرتبه سی احراز ایده مد کلری گبی، بو علمده دخی
 آنلر قدر کسب امتیاز ایلیمه مد کلری مسلدر .
 فقط ملتک زمان ترقیسننده طبک دخی ترقیسی
 ارباب حکومت عنندنده مظهر اعتنا اولدیغنه شونکله
 استدلال ایدیلورکه، دولتک بنیه ترکیبی آب حیات-
 معرفتله احیا ایتک ملتزمی اولان فاتح سلطان محمد

مدارسنک بری ، منحصرأ تحصیل طب ایچون
تأسیس اولمشیدی .

صکردلری ایسه قاعده جیلگک فائده جولغه
غلبه سی جهتیله مدرسه لرك جمله سی فنون مدّونه
معلومه طلبه سنه انحصار ایتدیگی صروده بوتأسیس-
نافع دخی وضع اصلیندن چیتشمش و طبابت گی
جوهر جان قدر قیمتدار اولمغه شایان بر معرفت ،
ملکمزده بر وقت عرب و عجم ودها صکردلری
فرنک اطباسنه قالمشیدی .

تا اول زمانه دک که ، دولتک اصول اداره سی
تجدید ایتمش اولان سلطان محمود ثانی زماننده
ملکمزده برده فن طب مکتبی وجوده گله رک
غربک حفظ صحته متعلق اولان قواعد جدید سی
بو طرفله نقل ایدلدی .

ایشته بومکتب هر سنه بر طاقم اطبا میدانه

چيقار مقدمه در كه شمدي يه قدر شهادتنامه سني آلا نلر
 اردو لره بيوجك شهر لرك احتياجنه كافي اوله بيلور.
 بونكله برابر اوروپاده تحصيل ايدن اطبا
 خلقتك مزاج و صورت امتزاجندن غافل اولد قلري
 حالده ينه ملكم زده طبابتك شهرت ومنفعتندن
 اك زياده استفاده ايدن آنلر در .

بو حال ايسه بعضي لري طرفندن جهالته
 و اوروپا طباسنه گورمك صورتيله رغبته حمل
 اولنيور . واقعا بوايكي سببك بر درجه يه قدر تاثيري
 بزجه دخي منكر دگلدلر . ملتك ايسه هر صورته
 عالمه تفوقني حقيقه آرزو ايدنلردن اولديغزايچون
 مکتبمزدن ظهور ايدن اطبانك فضيلت ومعر-
 فتلريني بلكه مبالغه يه حمل اولنه بيله جك درجه لرده
 تصديق ايدرلر .

شو قدر وار كه دلائل فعليته نك احتمالات

عقلیه رجحانی مسلم ایسه، مکتبزدن هنوز اروپا
مکاتب طبیه سی قدر استفاده اولنه مدیغنی دخی
اعترافه مجبوریت گورینه ور . چونکه آرد مزده
اڭ زیاده تمیز و درایتله متصف اولان ذواتک بیه
هان جمله سی حین حاجتده اوروپادن کله طبایه
مراجعت ایتدیگی گورلمکددر . معاملات طبیه گی
حفظ حیاته متعلق بر مادده ایسه کافه عقلا نڭ
تجربه بی ترک ایدوبده علی العیا بر اعتقاد اتباع
ایتمی اصلا تسلیم اولنه ماز .

یا اوروپاده تحصیل ایدن اطبانک بور رجحانی
تفاوت استعداد می حمل اولنسون ؟ البته دگلددر .
چونکه بالتجربه ثابتدر که قابلیت ذاتیه نڭ تفاوت
آثاری شخصه انحصار ایدر . یوقسه عمومه نسبتله
معارفک هیچ بر جهتنده ملل سارده تفوقی جائز
اوله ماز . اگر اولسیدی عثمانلی خلقنک مسلم
اولان ذکاوت طبیعیه سنه گوره بزم مکتبدن چیقان

اطبائک هر بری بر حذاقت ذی حیات حکمنی
بولق لازم گلوردی .

بناءً علیه طبیه نك بونقصانه سبب اولان حالی
بالطع اصول تحصیلك صورت انتظامنده آرامق
اقتضا ایدر .

آلدیغیز معلومات موثوقه یه گوره مکتبک
صورت تحصیلنده اوروپانك مکاتب طبیه سندن هیچ
بر فرق یوقدر . شو قدر وارکه بزم مکتبده کی
درس لرینی فرانسز لسانی اوزره تحصیل ایدیور .
بو حالک ایسه او یله بر نقصانی انتاجه کافی
اولدیغنده شبهه اقتضا ایتمز . چونکه تحصیل طب
متعدد مقدماته و بر چوق فنونه محتاجدر . فرا-
نسزجه نی گوزلجه او گرنمك ایسه لاقلا بش آلتی
سنه یه توقف ایدر .

بناءً علیه اوقدر ییملر یالکز فرانسزجه یه
حصر ایدیلوبده او یله اوزون برمدتی ضایع ایتمامك

انچون مکتب طیبه ده بر طقم فخر فرانسوزجه ایله
برابر تدریس اولیور . حال بوکجه لایقیه بیلنه میان
برلسانده تحصیل ایدیلان شیرک اساسی دئم
ضعیف قاله جفی میدانددر .

حتی مقدماتی اوروپده درس لر لایقجه
وقودیورکن افکار عمومی استقامته میل ایتدکده
نصکرده هر ملت . فنون لازمی کنیدی لسانه
نقل ایتشددر .

ایشته ملاحظات مشرووحیه بناء برزده دخی
طب درس لرینک ترجیه نقی لزومی تمیز صحیح
اعجابنک جمه سی تسلیم ایدر . یالکثر اقتضا ایدن
کتابلرک ققدانی و بعض اصطلاحات نقصانی جهتیه
اصل صعوبت بومقصدک فعله گلمسندد ایدی .

بوندن برار اول طبیه ناظری ساعاتو صالح
افندی حضرتلری بو احتیاجک ایفاسنه برجهت

امکان تصوّر ایدرک هر گونگی درسی بر کرّده
ترجّحه تقریر ایتک اوزره هر خواجدهنک رفاقتنه
بر معاون تعیین ایلشیدی .

بوبر مقدمه در که ایلروده درسارک بتون بتون
ترجّحه انتقالی ایجاب ایتسی مأمول اولنور .

فقط شمّدیکی حالده لسانمزده بر طاقم تألیفات
طبیّه وجوده گتور و بده بو نتیجه خیریّهنک حصولی
تسریع ایتک ایچون طبیّه مخصوص بر جمعیت
مترجمینک تشکله احتیاج قالمشدر . بر طرفدن
دخی عربک اصطلاحات طبیّه سنه آشنا اولان
ذوات گوندن گونه آزالمقده اولمق جهتیله بویله
بر جمعیتک تأخر ظهوری بر طاقم ارباب اقتدارک
فوائد معرفتدن ماتی محروم ایدرک تلافیسی
مشکل بر خساره سبب اولور . بناءً علیه کیفیت
هر حالده دولاتک همت و دقت مخصوصه سنه شایاندر .

استطراذ

فرانسز لسانی اوزره استانبولده باصلقده
اولان طب غزته سی ۱۰ نومرولی نسخہ سنده
مکتب طبیہ نك احوالنه دائر بر مقالہ نشر
ایدہ زك مکتبده فرانسزجه تدریسك بقاسنی
ترویج ایتمشیدی .

بویله بر ذهاب ایسه بعض امراض نفسانیہ دن
حاصل اوله دگلسه، ایشك لایقیله تشریح اولنه ما-
مسندن نشأت ایتماك لازم گلور . مسئلہ نك صدد
بحمزه اولان تعلقی جهتیله بعض فقره لرینك زیرده
محا که سی مناسب گورلدی .

— ۱ —

بومقاله نك محرری دیر که : « اگر لسان
عثمانی تدریس طبه کافی اولسیدی . بوندن اوتوز

سنه اول طبیعه ده درسلىك ترجمه تعلیمه باشلا-
نیلوردی . بولسان اوتوز سنه اول حاوی اولدیغی
نقایصی بردن بره اکلمی ایتدی ؟ »

بومعلومدرکه وقتیه طبیعه درسلىرىنك ترجمه
تعلیم اولتامسى لسانىك آگا مساعده سزلىگنى اثبات
ایتمز ؛ چونکه تعامل ، ثبوت حقى موجب دگلدرد .
نصل نسلم اولنه بیلورکه بر ملت متمدنه نك
لسانى ، افرادینك كافه احتیاجاتى تعبیر و تعریف
ایدوب طور درکن برفك تدريسنه كافى اولسون .
معارف عقلیه ده لسانه مخصوص فن ویا فنه مخصوص
لسانى اولور ؟

اگر مراد لسانمزدده اصطلاحات طبیعه نك
نقصاتى بیان ایتك ایسه آگا مقابله شوراسنى
دخی دوشونمك لازم گلورکه هر لسان کندنده
موجود اولمیان اصطلاحات علمییه یا ترجمه ویا
نقل کلمه صورتیه بشقه لسانلردن آلور ؛ نته کیم

فرانسز جده دخی گرك فن طبك و گرك سائر
 برچوق فنونك اصطلاحاتی اکثریت اوزره روم
 ولاتین لسانلرندن مأخوذدر . مکتب حربیهده
 تدریس اولان فنونك دخی اکثری اوروپاده
 انقلابات عظیمه گوردکن صکره بورایه انتقال
 ایلدیکچون هربر اصطلاحی موجود دگل ایدی .
 از جمله مکتبك علت غاییسی اولان فن حرب ایله
 طبعه مجانستی معلوم اولان فن بیطاریده بوقیلدندر .
 حربیه بونلری لسان عثمانی اوزره نصل تدریس
 ایدمیلور ؟

هله اوروپاده کندی لسانلری اوزره تحصیل
 ایدوبده بوراده شهرت بولش بعض اطبا بیلورزکه
 نه درس لارک کندی لسانمزده او قونما سنده کی
 مضرتی تسلیم ایدر لر . نهده مکتبمزدن چیقان
 اطبانك معرفتجه کندیلر یله مساواتنه قائل
 اولور لر .

واقعا روم ویا ارمنی ملتندن اوروپاده تحصیل
ایتمش بعض ارباب حذاقت گوریلیور . حال بوکه
آنلرکده تحصیلی کندی لسانلری اوزره دگلدر .
شوقدر وار که اوروپا مکتبلرنده بولسان بر
چوجق ، اجنبی دخی اولسه بالطبع مکالمه سی بولندیغی
یرک لسانه منحصر اوله جغیچون ، یا تحصیلندن ویا
زمانندن پک آزشی اضاعه سیله اولسانده کندی
لسانه یقین ملکه حاصل ایدر ؛ وبلکه کندی
لسانی اونودیر . بناءً علیه درسده فرانسرجه
و مکالمده السنه محلیه دن برقاج لسان استعمال
اولنقد اولان مکتب طویه ، اوروپا مکتبلرینه
بویابده هیچ قیاس قبول ایده مز .

بونکله برابر بوراده کی ملتلردن برینه
منسوب اولوبده اوروپاده تحصیل ایدن اطباء
اثبات حذاقت ایدنلرک ندرتلیرینه گوره صورت
استناده لیاقت و غیرتلیرینه حکم اولنبیلور . بزم

مکتبزدن چیقان اطباده دخی عدد و مهارتجه آنلر
قدر کسب امتیاز ایدنلر واردر « استثنا بر صورتله
قاعدہ اوله ماز . »

— ۲ —

ذکر اولنان مقلدنک صاحبی شونیده علاوه
ایلمشدز که : « بر تأسیسده، امر تدریسده لسان
رسمی استعمال اولخاز ایسه او تأسیسک ملی اولمامسی
لازم گلور ظن اولنیور . مدرسه لردده تدریس
عربی و طلبه النده بولنان کتابلر کذلک عربیدر .
حاصلی عرب اولمدقلری معلوم اولان طلبهدن
بشقه هرشی عربیدر . بونلره ملی نظاریله باقلا مقیمی
لازم گلور ؟ »

مکتبزدده طبیک فرانسزجه اوقومسنندن
طولانی وقوعه گیلان شکایاتک الی باشلی سببی
بو حالک امر تحصیلجه بالاده بیان اولنان

مضر تیدر . واقعا درس لر بشقه لسانده اوقونمغله
مکتبک تأسیسات ملیه دن معدود اولمامسی
لازم گلر .

فقط بویله بر مکتب تأسیسنده فنونک ملت
لسانیله تدریس اولنمامسی پک مناسب بر حالیدر ؟
سائر ملل متمدنه دن قنغیسی واردر که مکتبلرنده
بشقه لسان اوزره تعلیم فنون اولنسون ؟

جامع درس لرینک عربی اولمسنی مثال مقامنده
گتورمک ایسه قیاس مع الفارقدر . چونکه اقلا
بودرسلره دوام ایدن طلبه خدمه شریعت مسلکنده
بولندیغیچون منتهای تحصیلری تفسیر وحدیثه
واصل اولور . آنلره لایقیله انتساب ایچون ایسه
عربیده مهارت استر . بو حاله گوره طلبه نك
لسان عرب اساس تحصیلدر .

شو قدر وار که لسانمزده (حربیه درس لرندن
ماعدا) هیچ بر فن لایقیله تدوین اولنمادیغیچون

بر طاقم علوم عقلیه و ادبیہ دخی عربیدن او قورلر؛
ایشته جامع درسلرینک یالکیز بو فرغنده اولان
یولسزلق نوعما طبیهیه تشبیه اولنه بیلور .

فقط طلبه نك او قودینی کتابلر عربی ایسده
صاحب مقالہ نك ظنی گبی تدریسی عربی دگل
ترجہ در . بناءً علیہ جامع درسلرینک استفادہ
سهولتی طبیه درسلرینه نسبتله اهون قالور .

بونکله برابر جامع درسلرینه قیاس ایله طبیه
شاگردانك مألوف اولمدینی بر لسانی ابقا طرفنی
التزامدن ایسه ، طلبه آراسنده دخی علوم عقلیه
وادبیہ نك ترجہ تدریسی آرزو ایتک دهامعقو -
لدر . چونکه بر یولسزانی دیگر یولسزلغه مثال
گوسترمک، آنلردن برینک لزوم بقاسنه سند
اوله ماز .

برده عربلر الان دولت عثمانیه نك عناصر
اصلیه سندن بریدر . بناءً علیہ آنلره مخصوص

هر نه وار ایسه بزجه دخی آثار ملیه دن عد
اولمق لازم گلور .

[سؤال مقدر]

بزده نه قدر همت ودقت اولنسه فرانسزجده
موجود اولانلر قدر کتب طبیه میدانگه گتورمک
برقاچ عصرلره توقف ایدر . خصوصیه اوروپاده
بلکه هرگون بونجه دقایق طبیه کشف اولنیور ؛
بونلری وقتی وقتنه اطبایه یتشدیره جک قدر اوراق
مطبوعه و مائر سائر نه ک حصولی ایسه ملکمزده
معارفک فرانیسه قدر ایلرولمنه محتاجدر . شمد-
یکی اطبانک تحصینی فرانسز لساننده اولدیغیچون
فرانسزجه نه هر درلو آثار و کشفیات علمیه سندن
استفاده ایدیهیلور . درسسلر ترکیه او قوندیغی
حالده اطبا بو فائده دن محروم اولمق و بناءً علیه
ملتمزده طبک ترکیسی آرزو اولنور کن بردارء
محدوده ایچنده قالمسنه سببیت ویرمک لازم
گلمز می ؟

[جواب]

مکتب طلبہ سی درسہ لری نی تر جہ او قومغہ
فرانسز جہ نی ترک ایتک لازم گلنز . حربیہ دہ
اولدیغی گی طبیہ دہ دخی فرانسز جہ ایچون مکمل
بردرس بولدیغی حالده بو محظوراک دفعنه کافیدر .

[سؤال]

او حالده طبیہ طلبہ سی درسہ لری نی بر کرده
ترجده او قودقدن صکره بر کرده فرانسز جہ -
ده کی طب کتابلریله الفت ایتک لازم گلیور .
بر ایشی ایکی ایتکده نه لزوم واردر ؟

[جواب]

انسان بیلدیگی بر فنی ، بیلدیگی بر لسانده
تحصیل ایتکله ، بیلدیگی بر لسانی ، بیلدیگی بر فنه
متعلق کتابلری آ کلایه جق قدر او گرنمک نصل
بر برینه قیاس اولنه بیلور ؟

اسکی اصول اقتضاسنجه طبیهده بر شاگرد .
 (غرامر) و برقاج حکایه کتایی اوقور اوقوماز
 فرانسز لسانی اوزره مقدمات علوم و آنی متعاقب
 فن طب تحصیلنه باشلردی . بو تحصیلنده ایسه
 خواجهدلرک فرانسزجه اولهرق تقریر ایتدیگی
 درسی ضبط ایتک و فرانسزجه اولهرق یازمق
 مجبوریتنده بولنوردی .

درس لر ترکیه یه نقل اولندیغی حالده ایسه
 یالکز لسان تحصیل ایچون آلتی یدی سنه آیریجه
 بر درس گوره جکدر . بوصورتله لسانجه تحصیل
 البته ده قوتلی اولور . و منسوب اولدیغی فنونه
 متعلق کتابلردن پک آز الفته استخراج مال ایدر .
 اوقویه جغی درس لرک ترکیه تحصیلنده گوره .
 جگی سهولت ایسه آیریجه تحصیلنه صرف ایده جگی
 امکان البته زیاده در .

رمضانک تعریف احوالنه دائر بر مکتوب

[تصویر افکار - نومرو ۵۳ - فی ۱۱ رمضان ۱۲۸۳]

بزم شو دنیا ده مثلی نامشهود اولان شهر مزی
 بر از مدتجک اولسون گورمشیدیکز . ذوق تما-
 شاسی خاطر کزدن چیقدیمی ؟ البته چیقمامشدر .
 هیچ بوغاز ایچنک لطافتی نصل اونودیور ! اوطا-
 غلرینک صفاسی نه در ؟ نظر ایدنلرک حیاتنه
 بر حیات دیگر علاوه ایدیور ! آردسندن جریان
 ایدن آب روانمیدر ؛ یوقسه عمر شتابانمیدر
 فرق اولنماز .

سز اوصفادن دلیر تنم اولدیکز آنکچون
 تفصیلات زائده ایله تحریک اشتیاقه حاجت گوردم.
 فقط مملکتیزک رمضاننه تصادف ایدم ماشیدکز ؛
 باری آنک احوالنه دائر بعض معلومات ویریم :
 اکثریسی شایان استهزادر اما ینه دکلنور
 ظن ایدرم .

بوسنه قران کانون اولک یگر می بشنجی بازار
 کیجه سی ۹ ساعت ۴۵ دقیقه ده قران ایتمشیدی .
 فقط شرعاً بداء صیام، رؤیت هلاله مشروط
 اولدیغندن، رمضان طبیعتیه بازار ایرتسنه قالدی .
 چکن سنه ایسه قران چارشنبه کیجه سی وقوع
 بولمشیکن غالباً شاهدلرک اخباریه حرصیه گوزلری
 زیادهجه آچیلهرق هلالی غروبندن صکره گورمک
 گر کدرلرکه آی چارشنبه دن اعتبار اولنمشیدی .
 هر نه حال ایسه ، رمضانک برنجی گونی هوا پک
 قارلی ایدی . مبارک یوزینک آقوله گلدی . اما
 نه قدر صغوق اولسه صیام حالیه بالطبع اولرده
 قالدی . هیمز سوقاقلره دوکلدک . فقط
 آچلقدن بربرینه صالیرن بعض تریاکیلرک جدال
 بیاندن بشقه برشی گورده مدک .
 برده اقشام اوزری توتونجی دکانلرینک غلبه
 لگی اولدجه شایان تماشا ایدی . معلومدرکه توتونه

محسناتك هان جمله سندن محروم اولدیغنی تصریح
ایتدك .

بو مدّعامزك بطالاتی اثبات ایچون بنسد-
مخصوصده بیان ایتدیگمز شرائطه مطابین برکتاب
گوسترملك ویا او شرائطك مجروحیتنه دلیل اراهه
اولنمق لازم گلور .

نژده ویسی و نظمدده نفییدن بحث ایدیشمز
ایسه یالکیز حسن افاده لری جهتیه منحصر ایدی .
حتی عبارت مز دخی بودر . « هله معنا و تعبیر لرنده
اولان غلو و غرابته اسکیمش بعض شیوولرنده
قطع نظر ، یالکیز حسن بیان ایچون نژده ویسی
و نظمدده نفی الك گوزل نمونه اولور . »

بو افاده ادبیاتك نقایصی حقنده اولان ادّعامزه
نه دن مناقض اولسون ؟

استطراذ

بعض ارباب تمیزك تدقیقاتنه گوره ادبای روم

ایچنده انشا ایله مشهر اولانلر یابتون بتون طرز
عجمی ویا خلقتک لساننه مغایرت کلیه ایله مخالف
اولان مسلمک ارباب قلمی التزام ایتدکلر یچون تقلید
اولنماز بر کتاب براقه مامشلدردر .

بزم اعتقاد مزجه بونقصان ملکمزده معارفک
کمال بوله مامسندن نشأت ایتشدردر . مع مافیه قوه
طبیعت و فنون ادبیهده مهارتلری مسلم اولان ادبای
اسلافک اثرلرنده انواع محاسنی شامل پک چوق
پارچدلر بولنه بیلور . بو زمین شر قدر : تربیتیات
معرفت اولمسدهدینه طبیعت هر جانبنده گلفشان
لطاقت اولمقدن خالیمی قالور ؟

نظمده ایسه نفعی وندیم طبیعت فوق العاده ایله
متصف عد اولنمشلدردر . واقعاً (دیوان نامیله)
فضیلت شاعرانه لرینه برر شاهد تصویر ایددرک
بزم ادبیه یادگار ایتمش اولان بو ایکی استادک
ایجاد معانیده که مراتب ادبک منتهاسیدر ؛ اقتدار
تاملری انکار قبول ایتمز .

تحصیلدار طوریلہ راست گلدکارینہ مسلط
اولورلر . ویش اون یارہسنی آلوبده گناہه اوغرا-
تمدچہ یاقہسندن آیرلمزلر . دینجیلر شریعت
ومدنیتهک خلافتده اولہرق ملکمزده موجود
اولان رذائلک برنجیلرندندر . هیچ کیمسه بولنمزکه
بونلردن شکایت ایتسون ، هیچ کیمسهده بولنمزکه
ازالہلرینہ ہمت ایتسون !

کلام واعظ افندیلرک حالہ : واقعہ بونلرک
ایچندہ تبیین احکام دین ایدر بعض علمای کرام
واردر . فقط اکثریسی گیک حکایہسیلہ امرار
وقت ایدر . بوزمان معرفتده اویلہ برطاقم اسرا-
ئیلیاتہ قولاقی ویریلور ! « نصل بوتازد معارفله
اسکیلر آلہم » واعظ مربی عالمدر . اویلہ بر
وظیفہنک اجراسی خلقک و زمانہنک احتیاجنہ
واحکام دینیہ و آداب عمومییہ واقف اولان ذاتلرہ
حصر ایدلسہ نہدرجه فاندہ بخش اولہجفی تعریف
اقتضا ایتمز .

واعظان دگنمور که خلق استماع‌رینه رغبت
ایستادون دینیه بیلور . فقط حافظان بو قیلدن
دگادر . هله نور عثمانیهده اوچ حافظان وارد که
بیلر گی نغمت حالت افزالریله گوگملری گلفشان
صفا ایتکده درلر . نه چاره که آنلرده هر کسی
لقلقه دن منع ایدجک قدر جلب رغبت ایدمورلر .
حاصلی جامعده کی مساوی حلقه لری منع ایدلسه
و جمعیت احباب ایچنده لقردی ایله وقت چورمک
استیانلر ایچون مناسب موقعلرده بر ایکی مجمع
مخصوص پیدا اولنسه آداب دینیه یه پک بیوک
بر خدمت ایدلمش اولور .

افکار سربستی یه میلانگری بیلدیگم جهتله
شوراسنی صورت مخصوصهده اخطار ایدرم که
ملاحظات مشروحنی تعصبه حمل بیورمیگز .
بو معلومدر که حکمتجه انسان نه قدر سربست
طوتیلسه یالمنز وجداننده مختار بر اقیله بیلور .

یوقسه آداب موضوعیه مغایر افعالده هیچ بر وقت
مسئولیتدن بری قاله ماز. سربستی، افکارک درجه
انتهاسنه وارن ممالک، تمدن ده واقعا هر کس مذهبنجه
برقید ایله مقید دگلدیر. فقط ایام و مواقع دینی
احکام دینک بتون بتون خلافده استعمال اولمق
هیچ بریرده جائز گورلمز. دنیاده آمریقاندن
سربست مملکت یوقدر. اوراده بیله بازار گونلری،
عربلرک گورلدیسی خلقک عبادتنه مانع اولماق
ایچون، سوقاقلرد زنجیر گررلر.

§

بزینه صدمزد گلهلم: رمضانک اوچنجی
گونی باو طلر صیریلهرق افقتمزده ضیای شمسک
خیاط زرین فامیله مزین بر چتر هوایی آچیلدی؛
و مملکتیزک اعتدال هوایی رشک بهاران اوله جق
برحاله گلدی. آندن صکره کینجیلریده اولرده
طوریله مامغه باشلامشدر.

استانبولك رمضان كيجىلىرى شهر آيين لطافتنه
 بگزر . منارلر نورانى قنديلارلا طونانور . دكانلر
 آچيلور . قهودلرده و سائر مواقع متعددده اورته
 اويونلرى ، خياللر ، چالغىلر بولنور . حاصلى
 اسباب طرب مكملدر ؛ اما ابتداسنده دگل .
 چالغى و خيال گى شيلره آنجق سكرنده ، اوننده
 رخصت ويريلور . بور رخصتك باعث تاخيرنى
 سؤال بيوررسه كز « ملكمزده پك كىرتلى اولوبد .
 هيچ بر سبب معقوله حمل اولنه ميان مناسبتى
 گوره نكلردندر » ديمكدن بشقه سوز بوله مم . عقله
 مطابق صورتده توجيهنه مقتدر اولان وارسه
 سويلسون . چالغى و خيال و اويون گى شيلرك
 بر مضرتى اولديغى حالده يلم كه رمضانك سكر-
 ندن صكره نه دن رخصت ويريلور ؟ يوقسه
 سكرندن اول نچون منع ايديلور ؟
 ايسته بومنعيتدن طولايي بوسنه رمضانك

ایلك هفته سنده اگلنجه محلی یالکیز ایکی بره منحصر
ایدی . بونک بری گدک پاشاده کی (سرق) محلیدر .
شمی اوراده (سوه) نامنده برذات آت جانباز-
لغی ایدیور . اویونلری پک فنا دگل اما موسیقی
بیانلر چالغیسنی بگنمیورلر . آت جانبازیله ایسه
نه قدر اگلیله بیلو ! خصوصاً که اویونلرک هان
جهلهسی (سولیه) نك زماندهده گورلمشیدی .
آکابناء تماشا سنه رغبت اولنه جق یگی برشی یوقدر .
شوقدر وار که بعض زادگان ، حسن جعلیسنه
مفتون اولدقلری اویونجیلره قارشو گوستردکلری
اطوار ایله هم گدک پاشانک اسکی نامنی ، همده کند-
یلرینک شهرت سابقه لرینی تجدید ایدیورلر ایمش .
هانی سز بوراده ایکن رشید پاشا تر به سنک
قارشو سنده برقرائنخانه آچیلشدی . برا گلنجه یریده
اشته اودر . مطبوعاتک برمدتدنبرو گوستردیگی
ترقی جهتیله قرائنخانه نك اهمیتی وخلقک

بوکا رغبتی گوندن گونه آرتیور . صاحبی ایسه
 مشتریلرینی لایقیله خشنود ایتکدهدر . مطبوعاتک
 ترقیسندن بحث ایتدده بوباده بعض تفصیلاته
 کیرشمک لازم گلدی : یقین وقته گنجیه قدر
 استانبولده وایالاتده چیقان غزته لرك جمله سنی
 بیلورسکز . فقط یلم تقویم تجارتی گور مشیدیکز .
 اسملرینک بر جزوی متحددر اما بوغزته اوته کی
 تقویمه هیچ بکزه مرز . حاوی اولدیغی افکارک استقا
 متی و محررلرینک سلیقه کتباتی جهتیله حقیقه
 شایان مطالعه بر اثردر [۱]

لکن ایشدیکمه گوره ایرادی مصرفه مقابله
 ایتدیگندن اداره سنده صعوبت چکلمکده ایمش .
 بر غزته اوروپاده بر قاچ یوز کشی بی بکار گی
 کچدیرر . بوزاده اکثری کندی مصرفنی قوریده .
 [۱] دولتلو حسن فهمی پاشا حضرتلرینک همت
 قیه لرله نشر اولنور ایدی . للطابع

ماز . ایسته فوائد معرفتدن حصه دار اولان بر ملتله
محروم اولان بر قومک هر حالده نسبتی بویه در .
رمضانندن بر از اول برده مخبر نامیله بر غزته ظهور
ایتدی . حقیقه رغبت و مطالعیه شایاندر . هر در لو
حوادثدن خلاصه وجهله بحث ایدیور . بر طرفد .
نده خلقک معارفه و کسب و کاره ترغیبنده دایر
بر چوق افکار مفیده نشر ایلیور .

رمضان ایچنده برده آینه وطن نامیله رسملی
بر غزته چیقادی . فرانسه نك رسملی غزته سی
هیئتنده در . برنجی نومروسنده بش رسم ایله
بر پولتیقه خلاصه سی و حوادث و معارفدن خیلی
شیلر گورلمشدر . واقعا رسملری اورویا غزته .
لرنده کی تصاویر قدر منتظم دگلدر . فقط بزم
مملکت مزده تصویر و حک فلرینک حاله قیاس
اولنور ایسه صاحب نك بو قدر اثر میدانه گتورمکه
اولان همتیده فوق العاده صاییلور . جسمامتنه

وَ مَصْرَفُكَ كَثْرَتُهُ گورده دوامی قابل اوله بیلسه
تشکر اولنوردی .

اورته اویونلرینک حالنی بیلورسکیز . بونلر
اولسه اولسه خَلْقْ فساد اخلاقده حاز اولدیغی
درجده نمونه اوله بیلور . واقعا تحفانی انکار
اولماز . فقط نه درجه مغایر ادب اولدیغیده میدا-
ندهدر . اکثر مالک متمدنده تحف اویونلر
اوینادیلور . حتی مباحثنی الی معتبر شاعرلر ترتیب
ایدر . فقط آنلرک ایچنده کبار مجلسلرنده
سویانیه میدک قدر قبیح و قباحتی صریح برکله
یوقدر . اکثر یسنک تماشاسی انتباه وتهذیب اخلاقه
خدمت ایدر . [۱] حال بوکه مکانت مزاجک

[۱] شو تعریفدن مرام تیاترو اولدیغی ایوم محتاج
ایضاح دکلدرد . بوندن اوتوز سنه اول تیاتروی بویولده
بر تعریفله آنجی تفهم ایدم بیلان بر خلقک اون سنه صکره
اون بشر یکر میشر یاشنه واصل اولان اولادی طرفندن
تیاترو یازمه حق قدر عادات و معارف غربیه یه اثبات وقوف
ایلمسی حقیقه سزاوار تشکر در . للطابع

اهمیتی لایقانه تقدیر ایدن بعض حکما آنی بیله
تجویز ایتد مشلردر. بزم او یونلرک ایسه تعبیراتی او
درجه شنیعدر که کبار مجلسنده دگل بلکه طلومباحی
قهودسندده بیله تفوّه اولنده ماز. خیاللرک حالی کذلک .
معلومکنردر که بو اورته او یونلری یاز موسمنده
بعض مسیرد لرده اوینار . و تعریف ایتدیگم حالیه
برابر سیرینه قادینلر و بلکه معتبر حرملر بیله گلور .
عجبا بوندن اشنع بر عادت اوله بیلورمی ؟ غندمزده
هرشیدن زیاده نامو سجه مدخول اولان اوروپالیلر ،
قزلرینه عشقه دأر بر حکایه کتابی بیله اوقوتمازلر .

§

رمضانک بشندن ، آلتیسندن بری ظهوره
گلان احواله گنججه : هوا آچیلور آچیلور یگرمی
اوتوز سنه دنبرو معتاد اولدیغی ارزرد قادینلر
سوقاقلره دوکلدی . باب شرعسکرنی پیشگاهندن
عجم اوغلی قرده غولنه قدر بایزید میدانیه شهرزاده

جاده سی عربله و قاله الجیلر باشی عربله سزلرله
مالا مالدر . افاده بتون بتون تخصیصه حمل
اولنسون : مرادم اکثریتی بیاندر . یوقسه
چارشوده بعض عربله بولنیوز ؛ میدانله جاده ده
دخی بر چوق پیاده قادین گوریلور .

بلکه برایکی گون چارشوده بایزیددن زیاده
عربله وار ایدی . فقط صکره لری ایشتیگمه
گوره برذاتک شکایتی اوزرینه چارشویه عادی
عربه گیرمک منع اولنمش . خیلی تأثیری گورلدی .
بو مجمعلرک حالنی سؤال ایدرسه کز بر طاقم
سوسلی بگلر یامیدانک برکوشه سینده قرار ویاخود
اطرافی گشت وگزار ایله گلوب کچن قادینلره
قیریلوب دوکیله رک بیك درلو مباحث ناز و نیاز
عرض ایتدکن بشقه « یتز می تماشا ی جمال الده
صونرسن ؟ » تعذیرینه قات قات مستحق اوله جق
صورتده اطاله دست تسلطدن حیا ایتزلر . برطاقم

نازنده خانم لوده عربہ لرینک تکرلگی لسان حال ایله
« طاقش پشینہ بیك مبتلائی » شریقی سنی چا-
غردرق میدانہ گلوب اطرافہ ارککلردن زیادہ
صارقندیلق ایدرلر .

حاصلی بورالوده گزن ذکور ونسوان ادب
وتربیدجہ بر قید ایله مقید دگلدر . گوریلان
فناقلر ایسہ اک سربست مملکتلرک اک سربست
یرلرنده بیله وقوع بوله ماز . مگر کہ طنطانات
مولد زماننده اوله .

ملت اسلامیہ عرض وادب مسئلہ سندہ اعتنای
تام ایله مکلف ایکن شوراسنی مع الحجاب بیان
ایدرم کہ بو مجمعلرده گزن قادینلرک حالی ، اوروپا
ماداملرندن البتہ دها اویغونسزدر .

واقعا اوروپاده قاریلر مستور دگلدر ؛ لکن
یولده بر آدم اک ادنا فاحشہ بیله سوز آتہ ماز .
بوراده ایسہ هرکس هیچ یلدیگی بر قادینه اللی ییلق

محرمی گبی استدیگنی سویلیه بیلور ! خانملر کده
بر طاقی بومعامله لری ضرر سز بر اگلنجه ظنیاه
حسن مقابله دن قاچماز .

بیلم که حق و وظیفه بیلور و حیثیت طانور
بر آدم سوق قدده شونک بونک حرمنه نصل طاشقنلق
ایده بیلور ؟ عجباً بونلر هیچ قیاس نفس ایتمزلرمی ؛
یوقسه بوقیاسک نتیجه سندن متأثرمی اولمازلر !

ذکر اولنان احوال هرکسک نفسنه عائد
دگمیدر ؟ بوندن مدنیتمز نه ضرر گورد که بوقدر
شکایته حق اولسون ؟ بیورسه کز شویله جواب
ویررم که قباحه ایکی درلو اولور : بری حقوقه
تعرضدر ؛ بونک سراً ، علناً هرزده وقوع
بولسه منعی لازم گلور ؛ بریده بونک گبی آداب
موضوعیه مغایر شیلردر . آنلر دائرة خفاده
جریان ایدرسه « محتسب را درون خانه چه کار »
حکمنه داخل اوله بیلور . فقط علانیه چیقدیغی

گبی اخلاق عمومیه بی افساد ایدہ جگندن جمعیتک
 حقوق مخصوصہ سنہ طوقنور . جمعیتک حقوقہ
 طوقنہ حق بر حالک منعی لازم گلور . بوندہ شبہ
 ایدن وارمیدر ؟ اگر وار ایسہ تشریحات آتیہ
 اقناعہ کافیدر ظن ایدرم .

عزت نفس و محبت اقربا حب وطنک ، حب
 وطن ایسہ ملیتک اساسیدر . ہزار آشناقلہ مألوف
 بر قادینک خانہ سنہ نہ قدر محبتی اولہ بیلور ؟ وطنہ
 خدمت ایدہ جاک صورتدہ نصل اولاد تربیہ ایدر ؟
 بردہ شوونک علاوہ سنہ لزوم گوزیرم کہ
 استانبولہ چو جو قلدرون یدی ، اون سکر یاشندہ
 ایکن مکتبدن چیقیور . ہزدرو مربی النہدن
 قورتیلیور . منہای طفولیت و مبداء انسانیت اولان
 اوزمان ایسہ آدمک ال بیوک زمان بحرانیدر .
 حاذق مربی یہ دوشر و طبیعتی یاردم ایدرسہ قور -
 تیاور ، عکسی حالندہ حیات مغنویہ سنہ سکتہ گلور .

بناءً علیه برخسته‌ی مشتیانندن نصل محافظه
لازم ایست، اوسنده برگنجیده تمایلات نفسانیه‌سندن
اوله‌جه وقایه الزمدر .

خصوصاً که ملکمزده مأمورین عسکریه‌دن
بشقه ایکی سوزی بریره گتورمگه مقتدر هیچ کیمسه
یوقدر که مکتبلر سایه‌سنده تحصیل ایتمش اولسون .
هر کسک معلوماتی سعی ذاتیسیله حصوله گیشدر .
تحصیل زمانی کنجلمک اوانی دگیلدر ؟ سنه‌نک بر
ربعی طاشقنلق یولنده وعر به آرقه‌سندن کچرن
ازباپ شبابده نه قدر معرفت هوسی قاله‌بیلور ؟
خلاصه کلام بوگوردنک شرعاً وادباً وملکاً
واخلاقاً بیک‌درلو مضرتی موجب اولدیغی مسلدر .
فقط منعنک امکانده تردد اولنیور . بکنا قالورسه
شو بیتک مآلنه قائلم :

« مشکلی نیست که آسان نبود »

« مرد باید که هر آسان نبود »

کیجه نك تفصیل احوالنه کلمدن اوّل گوندزه
عائد بر وقعنه نك بیاتی لازمه دن عد ایدرم . اوده
شودر که یگچریلرک مهترخانه ده محفوظ اولان
رسملری عمومک تماشاسنه عرض اولندی .

کچن گون گتدک . اصول ملیه مزده کی تغییرات
عظیمه یی و برقاچ یوز بیك نفوسك اهلاکی
موجب اولان البسه یی گوردک . غالباً واضعلرنده
حسن طبیعت یوق ایمش . ایچلرنده انسانک
اندامنه یاقیشور بر قیافت بوله مدم . هله هر صنفک
باشلرینه گیدکلری شیلر لزومندن قات قات زیاده
بیوک و عقاله کلز صورتده عجایب گورینیور . فقط
یلم که بومطالعده صحیح میدر؟ یوقسه گوز آلیشقلغند .
نمی حاصل اولیور ؟ عجبا آنلر بزم قیافت مزده بر آدم
گورسلر بگنورلرمیدی . یاخود گوزلرینه دهامی
فنا گورینیوردی !

رسملرک اکثری آچیلدن فقط بش آلتی

سرای آغالری بال مومیدندر . بوبال مومیلر
ترزی دکانلرنده کی رسملره بکزیور . هر نه ایسه
مراد رسم دگل البسه در .

سره عمومّاً البسه نك تعریفاتی یازه جق ایدم .
آما موفق اوله مدم . چونکه قیودن گیر گیر من
خاطرده قالمق ایچون بعض رسملرک مجازاً احوالی
بر کاغده اشارت ایتمه باشلا نیجه یانمده بر عسکر
پیدا اولدی . « نه یاپیور سن ؟ » مقدمه سیله سوزه
کیریشهرک تعریفات یازدیغی آکاددیغی گی
« چوق فنا شی ، بیلم طویلر لسه سکا نه یاپرلر ! »
یوللو بر طاقم هرزه و گیللر ایتدی . بر دقیقه
یانمدهن آیرلادی . حاصلی بر صورتله تعجیز ایتدی که
اشارت یازمغه دگل لایقیله سیره بیله موفق
اوله مدم . شکایتم عسکردن دگل آنک اورایه
آمیندندر .

بونکله برابر ایگی شی زیاده سیله تعجبمی

ایجاب ایتدیگندن خاطرده قالمش : باری آنلری
یازدیم : اوستهلر آلایلرده کوشدن بر کسوه
گیرلرملش . بردانه سنی گوزدم . تقریباً اللی اوقه
گلور . شبهه یوقدر که بونی کیان یوری یه ییلک
ایچون قولتوقلرینه آدم گیرمکه محتاج اولور .
دقت ایدک که انسان تزین گی بر یهوده شی
اغورنده نه قدر مشقتلره تحمل ایدیور ! برده
بر سبیلچی وار که جمعه گونلری یکنچیری آغاسنک
اوکنده گیدرمش . بوندهده هیچ بر مناسبت آکارا
یه مدم . قبودان پاشا چبالاغیده خیلی عجایب شی .
بو آدم لر بلندن یوقاریسی چیر چبالاق گزر و فقط
اوزرینه بر صرمه لی یلک گیرمش . بوقیافتدن
کندیلریده منون اولمدیغنه شبهه یوقدر . حتی
روایت اولنیور که برینه بر صغوق گونده « برادر
اوشومیورسن ؟ » دیه سؤال اولمش . « طو -
کیورم اما نه یاپهیم بر کرّه صوینمش بولندق ! »

مألنده جواب ویرمش . انسان بویله در . بر یوله
گیرنجه نتیجه سنده گوره جگی مشقته استر استمز
تحمل ایدر .

بونلردن بشقه ات قاپیشان سگردم اوستلرینک
وَعَلَوْفَه آلان وَقَازَان طاشیان نفرلرک رسملریده
تحف شیلر ایسده تفصیللری تاریخلرده واردر ؛
تکرارینه حاجت گوردمدم . برده نظام جدید
ایله آندن صکره یاپیلان طوائف عسکریه نك
البسلری گوزلدی . اصل شایان دقت بونلردر .
حکومت نه عجایب ایش که یگی بر صنف آجدیغی
گی همان قیافتنی دکشدیرر . وَ آنکله خَلَقْک
تعصبنی تحریک ایدرمش . قیافتدن نه چیتار .
تعلیمی اثواب ایدر جک دگلدی یا !

عسکرده نه عجایب ایش که قیافتلرینی دکشد .
یرمامک ایچون اوجاقلرینی سوندرنجیه قدر
چالشمشلر . بنده کز تبدیل البسه نك محسناتنه

قائل دگلم . بیلورم که ملکمزده اسلامک مألوف
اولدینغی صنایعک انقراضنه سبب مستقل اولدی .
فقط شوراسنی اعتراف ایتک لازمدر که یکچریلر
تبدیل قیافتک مضرتی بیلوبده علمینده بولمیدیلر .
هرنه بی گوزدنکلرینه مغایر بولورلرسه مطلقا فنا
ظن ایدرلردی . ایشته اوجاغک تأویل وتوجیه
قبول ایتمز بر قباحتی وارسه بودر . زیرا دایما
حال حاضری محافظه ایتک انسانی ، حیواناندن
مدار تمیزی اولان، ترقی فیضندن محروم ایدر .
بونکله برابر رسملری گوکله فنا تأثیر ایتدی .
یاد حزنلری تجسم ایتش ظن ایلدم . یوزلرندن
مضرت گورلمدی دیم . فقط دشمن ومتغلبهیه
قارشو ایتدکلری خدمتلمدرده انکار اولنماز .
دولتمزک تاریخی لایقیله مطالعه اولنسه ایچنده
ای ممتاز گورینه جک صنفینه آنلردر .

رمضانك سگزنده قوره قولاق خانی آچیلدی.
 بیلوز سگز که استانبولده آندن بشقه قازینو یوقدور.
 مستأجری هر رمضان بر طاقم چالغی طوتیور.
 ودخولیهسی بش غروشه اولدیغندن، جمال طاقی
 گیرمیور. اواسط ناسك الك گوزل اکلنجه
 محلیدر. مستأجر غالبا مصرفی قوریده میورمش.
 ینه مشتریلرینی منون ایتک ایچون فدا کارلق
 ایدرک چالغی چالدر مقدهدر. کاشکی شرکت
 خیریهنک شو قدر مروقی اولسه! او قدر دگل
 خلقتک بحق شکایاتی منع ایدرک درجهده
 حقانیتیه بیله قائلز.

سوقاقلرک حالی ایسه رمضانك اون بشنه
 قدر بر درجهده ایدی که اگر ثابت مرحوم گور-
 دش اولیدی مطلقا «کیجه فصلنده شکمخواردرلر کدر
 سیران» مصراعنی «کیجه فصلنده زنیاردلر کدر
 سیران» صورتنه تحویل ایدردی. هله اقسرای

ایله دیرکلر آرد سنه برر حجه گاد شقاوت دینلده
شایسته ایدی . اون بشندن صکره مخصوص
اعلانامدر نشر اولندرق کیجه قادینلرک سوقغه
چیمسی منع اولندی .

شمدی سوق قدرده اویله مناسبتسز لکلر یوقدر .
لکن چنگاندلر . کوردلر . چوجوقلر . بکچیلر
بوغلرینه برر طول طاقدرق محلاتی قاپوقبو
طولاشیور . واهله سالالسا . آهنگیه
هرکی اوده اوتورده میه جق صورتده تعجیز ایدیور .
بو اهمیتلی برشی دگلسه مناسبتسز لگندده
شبهه یوقدر . ایشته شمدیلک یوقدر . ایلروده
شایان تحریر برشی ظهور ایدرسه آریجه
یازارم افندم . فی رمضان ۱۲۸۳

تربیه نسوان حقننده بر لایحه در که قدمادن
 و الیوم وزرادن بر ذاتک شیوه افاده سنه
 تقلید اولنمشد

۱ تصویر افکار - نومرو ۴۵۷ - فی ۴ شوال ۱۲۸۳
 بر شیثک ضدینه نظر اولنمدجقه حقیقتی بیانده
 میه جگی مثلوه بر حالک قبایحی میدانه حیثمدجقه
 اصلاحنه ابتدار اولنمیه جفی قضایای مسلمدند
 بناء علیه اکتساب سعادت حال و تحصیل فیض
 و کمال اتمک استیانتلر نقصان و خطالرینه اخطارندن
 دلگیر اولمازلر . فقط اکثریا انسان بولندیغی هیئت
 ایچمده جاری اولان عادات و آدابی امور ضروریه دن
 عد ایدرک نافع و مضریخی فرق ایدممدیگندن . از باب
 رشد و انصاف بو حالک تمیز صوابه حائل اولدیغی
 ادراک ایله کندیلرینه عرض اولنان اخطارات خیر
 خو همنه یی یالکیز مملکتک گورده ننگنه مغایر دیهرک

تزییف واستخفاف ایتیوب، بر مسئله هر نهیه متعلق
اولورسه اولسون، موقع بحثه قونلیدی خالد «استمع
بقابلک ان الاذن کاذبة وانظر بعقلک ان الطرف
خوان» قاعده سنجه مسموعات و مشهودات لرینه تطبیق
سطحی ایله اکتفا ایتیدرک عریض و عمیق مطالعه
وتدقیقه اعتنا ایلرلر .

ایمدی و طمخزده سعادت حالک ترقیسنه مانع
بر طاقم اسباب اولوب، عقول سلیمه احتیاجی بونلری
اطرافیه بیلهرک دواملرندن دخون اولمقده ایسه -
لرده اکثرناس، موجود ایله قانع و (البلیه اذا علمت
طابت) حکمنه تابع اولدقلرندن، احتیاجات مدنیه
و اصلاحات لازمه حقیقده بعض مباحثک انظار
عمومییه عرضی فائدندن خالی اولیه جغنه بناء
خاطر فاتره سنوح ایدن ملاحظات آتیه نک بیاننه
اجتسار اولندی :

شیمه کریمه خیرخواهی و بیغرضی ایله موصوف
اولان ذواتک بو افاداتی هتک پرده اسرار قیلاندن

عد اتمیوب سنجیده میزان دقت و خطا و نقصانی
گورلدیگی حالده اصلاح و اکالنه عنایت بیورملری
عاجزانه نیاز اولنور .

« فیکر با فکر دکر اقواشود »

« نور افزون کشت ور پیدا شود »

نوع بنی آدم بالطبع تمدنه مجبور و قوای ذهنیه
و حواس وجدانیه سنک تهذیب و اکالنه و اکتساب
رفاه و خوشگذرانی ضمننده مالک اولدیغی و سائط
مادیه و معنویه نك استعملنه شرعاً و فطرتاً مأمور در .
بنابرین معموریت و سعادت آرزو سنده بولنان ملتلر
تهذیب اخلاق و تحصیل معرفتله اکتساب فیض
و راحت ایچون دایماً تزیید سعی و اقدام ایدر لر .
و ممکن اولدجه هیچ کیمسینی جهالت و بطلانده بر اتمق
استمزلر . زیرا افرادنن برینك حاز اولدیغی قابلیت .
مستور پرده خفا و یا خود حیاتنك عقلاً سعی و اقدامه
مخصوص اولان اوقاتی هبا اولمق هیئت ملت ایچون
بر خسار عظیمدر . بو خساردن اك زیاده متضرر

اولان يرلر ك بريدۀ مالك عثمانیۀ اولوب. اها لیمز اخلاق
 ومعرفت واقدام وغیر تجہ سائر مواقع متمندیہ نسبتہ
 بك گيرو قالمش و باخصوص قادینلر اوتوز قرق
 سنہدنبرو مساعیٰ عمومیدہ اشتراکدن بتون بتون
 چکیلر ك بیاغی چاغی و مجوهر گی صرف اسباب
 تاذدن معدود اولمشدر . تناسله خدمتدن بشقہ بنی
 نوعمرہ هیچ بر منفعتلری گوریلہ میور . حالبوکد آنار
 دخی عادتاً بزم گی انسان اولوب جمعیت بشریہ نك
 بالجله منافعتدن حصہ دار اولدقاری وار ککاره قادینلر
 خدمتکار اولق ایچون یرادلدیغی مسلم بولندیغی
 حالده مشاق سعی واقدامدن نیچون وارسته اولسونلر؛
 بو حالك مضرتی یالکز افرادہ عائد اولیوب وجود بشر
 هر درلو اسباب معموریتك ووحی مثابه سنندہ اولدیغی
 حالده بنی نوعمردن نصف و بلکه دها زیادہ سنك
 دیگر لرینك ثمرۀ مساعیسیله تعیش و تزیین ایدر ك
 عطیات حالندہ قالمسی تعاون عمومی قاعدۀ اساسیہ
 سنہ نہ درجه لرده خلل ویردجگی و بلکه هیئت ماتی

وجودك بر طرفه عارض اولان علت فالجہ قدر اضرار
ایتمكده اولدیغی میدانددر . احوال مشتكا بها
بادی نظردہ قادینلرک مہایت جنسیہ و یا خود
مستوریت مشروعہ لرندن ایلر و گمش ظن اولنور
ایسده لدی التامل بو ذهاب مقرون صدق و صواب
اولدیغی آکلاشیلور . چونکہ نسوانک عقل
و بصر و دست و پا گی و سائلطہ ذکور دن هیچ فرق لری
اولدیغندن حسب پیتلرندہ اولان مہایتک احوال
حاضر دلرنجہ هیچ تأثیری اولہ ماز . اولق لازم گلسہ
اوروپا قادینلری دخی بز مکیلرک حالندہ بولنوردی .
مستوریت بختہ کلنجہ ظہور اسلامدہ گروہ نسوان
رجالک کافہ امورندن و حتی مشاق حرب و ضربدن
بیاه حصہ دار اولدقلری و بوندن اوتوز قرق سنہ اول
استانبولده حوایج بیتہ نک همان بر نصفی قادینلرک
اعانہ دست اہتمامیلہ حصولہ کلدیگی تاریخ و تواترایلہ
مثبت بولندیغی مثلہ و الحالہ ہذہ طشرہ لرده قادینلر
صنعت و زراعت و کندیلرینہ مخصوص اولان بازارلردہ

تجارتله مشغول اولدیغی گورلمکده اولمىندن دخی
 آکلاشلمدیغی اوزره بو حکم شرعی هوسات
 نفسانیة نك تقایلمیه حفظ ناموس مسئله سنه عابد بر قانون
 مرعی اولوب یوقسه نسانك جمادات گبی حرکاتنه
 حائل اولیه جفی آشکاردر .

بونك سببی ملکمزده قادینلرک بتون بتون جاهل
 وَحَقِّ وَوُظیفَه وَنَفْع وَمَضَرَتْنِ غافل بولمىلرندن
 عبارتدر . آنک نتایج مضرده سی ایسه یالکیز مواد
 محررمیه منحصر اولیوب، امعان نظر اولنسه معاملات
 مدنیة نك هرجهتنده عین تأسقله نیجه سنوء تأثیراتی
 مشاهده اولنور . از جمله چوجقلر بش آلتی یاشنه
 گیرنجیه قدر بالطبع والد الدند قالمقده اولوب، بیانه
 حاجت اولمىدیغی اوزره اطفال چکلمدیگی طرفه مائل
 وَحَسَن پرورشله نشوونما بولمىدیغی حالدۀ ثمرات فوائدی
 یتشدیگی زمینه ایثار ایله مربیلرینی نعم لداينندن
 حصه دار ایتمگه قابل اولان نورسته نهال مثابه سننده
 اولمىغندن وَوالده لرک تربیه سی آشی صنعتی قیلندن

بولنديغندن، بر شجر كذا ذاتاً ندر چه كسب از تفاع ايتمه
 و نه صورتده اثمار نافعہ حصوله گيتورمگه استعدادی
 اولسه آشيسنك نوغنده رفعت و منفعت اولمديغی
 صورتده قابليت اصلیه سنی اظهار ایدمديگی گبی
 بر چو جق دخی مادرندن سوء تربیه گوردیگی تقدیرده
 نه قدر ذکا و نجات ايله مجبول اولسه ده آثارینی بالفعل
 گوسترمگه مقتدر اوله میه جفی و اولانلر وار ایسه
 نادر اتدن بولنديغی اصحاب تجربه نك مجزومیدر .

ایشته بزم قادینلر كذا جهالت و بطالتی اولادلرینی
 دخی بالطبع او مسلكه سوق ایلدیگی گبی شفقت
 و محبت طبیعیلرینی تمیز خیر و شر ايله تعدیل ایدمديكلر-
 ندن اكثریسی چو حوقلری آغوش احترامدن
 دوشور میوب هر صورتله شمار تمقده اولدیغی مثللو
 سیر محملر نده و ایام مبار كده مواقع معلومده از ككلرله
 ییمحابا معامله ناز و نیاز دمالوفیت تكثیر ایدر كذا محبتلری
 خانه لرینه انحصار دن قورتلدیغی جهتمله زیر دست-
 تربیه لرنده بولنان اطفاله هر ملتك واسطه قوام

ودوامی اولان عصبیت افکارینی بالطبع القای
ایدمد کلرنندن. بو کیفیت اطوار و اخلاق عمومییه
گوردیگمز حال اسف اشتغالیه گتورمگه باشلیجه
سبب اولمقدردور .

بوندن بشقه قادینلر ولیلرینک اموالندن بادهوا
مستفید اولان میراث یدیلر قبیلهندن اولوب وظیفه
اداره ایله نفسلرینی مکلف ییلمد کلرنندن تزینات
واسرافاتلری هر کسک اقتدار و تحملنی قات قات
تجاوز ایتدیگی جهتله ثروت عمومییه و تصرفات
بیئیه قواعد طبیعییه سی خلمپذیر اوله رق. گرک افراد
و گرک عمومک حسن اداره سی یولندن چیقشمش
و بیاغی هر کس استقراض ایله تعیشه مجبور اوله -
جق درجه یه کلمشدر .

بوسببیت یالکنز احوال مشروحه یه منحصر
طوتیله ماز ایسه ده آنک مدخلی اسباب سائر دیه
نه درجه لرده غالب اولدیغنی و طنمزک احوالی بیلا-
نلره تعریف اقتضا ایتمز .

برده ادارهٔ بیتبده گورینان صعوبت ایله اخلاق
 انسانک گوندن گونه فساد میلانی هر کسده بر احترام
 حاصل ایتدیگندن. امر از دواج آزمقده و اهائی
 اسلامیه بیننده نیجه موانع مضریه دوچار اولان
 تناسل خصوصی بو صورتله دخی تدنی ایتمکده
 اولدیغی بعض اصحاب تجربه نك روایات موثوقه سنددر .
 احوال مشرو حدییه مسامحه نك وخامت انجامی
 تعریفدن مستغنی اولوب، انسانک هر حالده مرجع
 تعاونی علم و تربیه اولدیغندن ، قادینلره تربیه اولاد
 و ادارهٔ بیت و حفظ آداب حقننده مکلف اولدقلری
 وظائف شرعی و عقلیه بیلدره جك صورتده معرفت
 و کسب و کار ایچون حاللرینه مناسب بعض صنعت
 تعلیم ایدلسه محاذیر مذکوره آرزمانده بر طرف اولور .
 مذهبجه مقتدا من اولان غربلرده نسوان
 گروهی دخی رجال گبی بهره دار معارف ایدی . حتی
 ایچلرندن نیجه مؤلف و علما و کمالات سائر ایلله متصف
 اذکیا ظهور ایتشدر . بو حالدن دخی آگاهلاشدیغنه

نظار آنسو انك تربيه و تعليمي شرعاً ممنوع اولمىوب بلكه
ملتك سعادت حالى اچون امور مفروضه دن عد اولنور .

طباعت

(تصوير افكار - نومرو ۴۴۸ - فى ۲۴ شعبان ۱۲۸۳)

عقلا دمبدم افكارىنى تزييد ايلر
فكرينك . طبعنك . آثارىنى تجديد ايلر

ييتنده اولان طبع كلمه سنى طبيعت يرينه طباعت معنا
سنه حمل ايتك اگر مقامه مناسب ايسه نودن جائز
اولسون ؟ فن تاريخه آشنا اولان ذواتك معلوميدر كه
معارف بشريه نى گورد يگمزر درجه اعتلايه واصل
ايدن باصمه نك ظهوريدر . و طنمزده ايسه بو صنعت
مفيده عثمانلي لرك افكار غربيه مبداء ميلانى اولان
سلطان محمود اول [۱] زماننده مشهور ابراهيم افندي نك
[۱] محمد اولك دگل احمد ثالثك زمان سلطنتنده
و ۱۱۳۵ ده در .

غیرتیه وجوده گمش فقط بعض کتبک نشرندن
صکره بر مدت سکتہ تعطیلہ اوغرا مشیکن سلطان سایم
ثالث دورنده ینہ تجدیداً ایجادینہ همت اولنمشیدی .

اوزمان حک ایدیلان قبلرکه حالا استانبولده
هر مطبعه نك قوللانیدیغی حروف آنلرله اصاغه
اولنور [۱] اسکینندن ده مطبوع بر طرزده یاناش
وباصمه خانه سنی اداره ایدن عبدالرحیم افندی نك تحت
نظارتنده طبع ایدیلان کتابلرک ایسه جسامت
وباصمه جه لطافتی بحق شایان تحسین بولنمشدر .

مؤاخر آسلاطان محمود ثانی عصرنده استانبولده
تقویم وقایع و مصرده بولاق مطبعه سنك کشاردی مناد
سبیلہ بر غزته و بر چوق اثر نافع میدانہ گشاردر کدلسان
عثمنیده طباعتک ظهور تامی اوز مننده در دینیله بیلور .
چونکه ممالک متمدنه در غزته، باصمه نك علل -

[۱] سایم ثالث دورنده تجدیداً حک ایدیلان حرفلر
بوندن اون سنه اوله قدر بردوام ایدی . شمعی ایسه
عموم مطبعه لرده مهندسین حروفی مستعملدر . لطایع

غایه سندن عداو لنمشدو. بر درجه ده که طباعت معناسنه
بر لفظ ایشیدلدیگی گبی غزته باصمغله کتاب نشر
ایتمک افکاره متحداً تبادر ایدر .

اوز ماندن آلتی یدی سنه یه کلنجیه دک مطبوعاتده
گوریلان ترقی ایسه جریده حوادثک حدوئیله
اوفق تفک برایی باصمغله خانک کشادن وسعادتلو
رجائی افندی حضرتلرینک تقویمخانه نظارتی زماننده
بر طاقم آثار لازم الانتشارک طبعنه مصروف اولان
سیی واجتهادندن عبارتدر .

حتی اووقته قدر طباعتی ولونه قدر جزوی
اولورسه اولسون اصلاح ایتمک و دولتدن اعانه گور -
مهدن ترجمه بر غزته اداره ایدر بیلک خاطر لره بیله
گیمز ایکن غزته مزاک مؤسسی عزتلو شناسی افندی
بو بایده جمله یه مسابقت ایدرک تشویقات قولیه و قلمیه -
سیله ترجمان احوالک ظهورینه سبب اولمشیدی که
لسان عثمانیده طباعتک تاریخ ترقیسی اوزماندر .
نته کیم ۱۲۷۷ سنه سنه دکن و طنز ددلسان عثمانی

اوزرد باصیلان غزته‌لر تقویم ایله جریده‌دن عبارت
ایکن شمدیکی حالدۀ اون درده بالغ اولدیغندن دخی اگلا-
شیلور . [۱] منفرداً احداث ایتدیگی تصویر ایسه
افکار و شیوۀ افادۀ و حسن ترتیجه برده نارفته آچمش
و بوندن ماعدًا بلا اعانه شمدی یه قدر بقاسی عثمانیلر
ایچنده سربست بر غزته‌نک دوامنی اثبات ایتشد .
شمدی ایسه ارمنی ماتی معتبراندن مهندسین
او خانس یگی بر طاقم نسخ قالبلری حک ایدرک
طباعتہ بر خدمت جدیدہ ابراز ایلدی .

بو قالبلرک یازیسی رئیس العلما سماحتلو مصطفی-
عزت افندی حضرتلرینک اثر قلمیدر که مشارالیه
زمانمزدۀ فن خطک شیخی و بانکہ شیخ رئیسیدر .
حکمنه غیرت ایدن صاحب صنعت ایسه عملیاتندہ

[۱] تقویم وقایع ، جریدۀ حوادث ، تصویر افکار ،
جریدۀ عسکریه ، تقویم تجارت . صحتمًا . مجموعۀ فنون ،
عبرتمًا ، مجموعۀ معارف ، روزنامۀ وقایع مصریه . طونه ،
سوریه ، بوسنه و طرابلس غرب .

او درجه مهارت گوستر مشدر که نه قدر دقت اولسه
بلکه بر حرفه قصور گورنمز .

حقاً که بویله بر همت ایچون گرک خطاط گرک صد
نعنک عنوان شهرتی پولاده حک اولسه شایسته در .
بویکی قابلردن مطبوعاتجه بر طقم فوائد حاصل
اولمشدر که اکثراً مهماری علی الانفرادی زده تعداد اولور :
برنجیسی ، شمعی به قدر موجود اولان قابلردن
انحصاراً تمتع ایدن طرفه یکی قابلردن متصرف
اولانلرک رقابتیدر .

ایک-نجیسی ، بو حروف دها طولغجه وحق قلی
یرنده اولق جهتله قرانتک موجود اولان حروف -
فلردن زیاده سهولتیدر .

اوچنجیسی ، ملکمزده هیچ اولمازسه بر کتاب .
ایکی نوع یازی ایله باصیله بیله حک صورتده ادوات
طبعک حصول کثرتیدر .

دردنجیسی ، حروف جدیدنک موجود اولان
حرفلر بر صورتله قیاس قبول ایتیان جودت و لطافتیدر .

جدا اول سطوری اشعه معارفه واسطه انتشار
اولان مطبوعاتك ترقیسنی کیم استمز ؟ مگر که سو،
افعالی پرده ستر آلتند قالمق ایچون عمومك نور نظر دن
محرومیتنی استیه جك قدر بی انصاف اولاندردر .
قرا گیلغك دوامنی کیم آرزو ایدر ؟ وارایسه
نفوس ظالمدر که شراره فسادینی آنجق ظلمت ایچنده
اخفا ایده بیلور . نته کیم قوندا قیجیلر ك سرمایه
جسارتی خلقك خواب غفلتندن عبارتدر .

طباعت بر صنعتدر که مخترعات بشریه نك پادشاهی
عد اولنسه شایسته در . آگما مالک اولمیان مملکت
ایسه اکثری فوائد عدالتنده محروم اولور .

اولیله بر صنعت که اور و پاده ملتلك تربیه افکار یله
حکومتلك تزکیه اطوارینه پك بیوک خدمتلا ایدر ك
دستگاهلرینه هم دارالفنون ، همده محکمه حق
مزیتی ویر مشدر .

باصمدنك اهمیتنی بر فکر ادیبانه محاکمه ایتمك
استسه شویله تصوّر ایتمزی ؟

(بر تو ذکاء نوع بشر کاشنه قونمش بر نورانی همار که
سایه سعادتت تعمیم ایدد جک واسطه بولنماز ، الا که
لزومی قدر شهبال مطبوع اندامی [۱] حکمنده اولان
صحایف مطبوعه نك وسعت انتشاریدر . شهبال دگل
اوبر برات اقبالدر که هر قنغی ملتہ مقارن اولسه در فتره
ظلم و جهالتک زنجیر اسارتندن آزادیند حجت اولور .
خادم عدالت عنوانده مظهر اولسه نابجامیدر .)
بویله بر صناعت خیریه نه قدر تزیین و تکثیر
و آکا دائر ظهورده گیلان خدمتله نه مرتبه تحسین
و تقدیر اولنسه شایسته در .

تزیین و تکثیری خصوصاً ده دولتك و بعض

[۱] بو ترکیب سهو قلم اوله رق الفانام الیه (مطبوع اندام)
یازمش ایدی . فقط مقاله نك نشرندن بش سنه صکره . یعنی ۱۲۱۹
سنه سنده نشر ایلدی کمز عبرت غزه سنده فتره مذکوره علی طریق
الاستیفاء . ایراد اولندیغی صروده (مطبوع اندام) صورتده تصحیح
ترتیب ایلدیش ایدی . بوندن مقصدمز صاحب طرفندن ذاتاً واسطه
نشریاتله تصحیح اوامش بر ترکیبک نه جودت پاشانک بلاغتده ونده
ابراهیم افندیگ شرح بلاغتده کوزیلان تعریضاتدن صکره اولوب
بلکه اون سنه مقدم تصحیح ایلدیش اولدیغی ایضاحدر .
نه کیم شرح بلاغتده شهبال کله سی بالتعامی (نهال) اوقو-
نه رق تعریضاتده بولنمشدر . بوحالده سولنیلان سورلر صاحب
تعریضک عرفانه کل اغراض فاسده سنه بنفسها بدنه اولمندن بشته
نه ایشه یارار . [للطابع]

افراد ملتک همتی اشته بود درجه اثر گوسترد بیلدی .
 بو مقرر در که شایان اولدیغی قدر ترقیسی عمومک
 معارفه رغبتیه میسر اولور .

اسکندریه کتابخانه سی

۱ تصویر افکار - نومرو ۴۱۸ - فی ۲۳ ربیع الاخر ۱۲۸۳ [.
 معرفتک شرف و امتیازی اسلام آراسنده بغایت
 مرعی و بلکه بر اعتقاد شرعی اولمق جهتیه «اطلبوا العلم-
 ولوبالصین» امرینه مطیع اولان بهادران عرب . مملک
 مفتوحه لر نده بولدقلری مؤلفات گران قدری مال جهاد-
 دن مقبول بر غنیمت اجتهاد بیلورلردی . فنونه خدمت
 ور غبتلری ایسه اسکی مدینتک بقایای آثارینی صحیفه عالمده
 پایدار ایدن تراجم عربیه ایله مثبت ایکن ، ۶۰۰ سنه هجر-
 یه سی رجالدن اولان ابو الفرج انامز اهب متعصبک
 تألیف ایتدیگی تاریخده مشهور اسکندریه کتبخانه سی
 مصرک حین فتحنده عربلر طرفندن احراق اولدیغنه
 د اثر علی طریق الافترا دلیلسز بر دعوا میدانه چیقار-

لمشیدی. نه چاره که شان اسلامیه شین گتیرمک ایچون
تصنیع اولان بویله بر روایت. لاتین لساننه آشنا بعض
طرفندن دخی قبول اولمشدر. وقعه ایسه بر منوال محرز
بزجه بر ذل ترتیبی موجب اولدیغیچون خورستیانغه محبت
ویا اسلامیه اهانت قصدنده اولان بر طقم دشمن تعصب
عنوانلی متعصباندا لاسده ضایع اولان بونجه خزان
معرفتی خیاله بیله گتورمز ایکن روایت مذکور دینی که
اوروپا عقلاسی عنده دخی مردود درقل و قلمرینه
وردایتمکدن خالی دکلمرایدی. بناء علیه ملت اسلامیه
نک بویله بر بهتان عظیمدن اثبات برائتی حمیت دینیه و ملیه
ایله متصف و فن تاریخه تفریعات لازمه سیله بالا طرف
واقف اولان بر ذات طرفندن الزام و اول بابده دلائل
مقتضیه بی جامع و غایت مفید و نافع بر رساله نک تالیفنه
اقدام اولمشدر که مقرون ختام اولان جز و اقلی تصویر
افکارک ۴۰۲ نومروسندن بدأ ایله ۴۱۵ نومروسنه
قدر طبع اولمش و بعض جهتلی مؤلفی طرفندن
تصحیح و توشیح اولدقدن صکره آیرینجه دخی صامشدر.

جزء مذکور بش فصل اولوب - برنجیسی یونا -
 نستانده معارفك سبب انتشار و انسلابنی - ایکنجیسی
 رساله نك موضوعی اولان اسکندریه کتبخانه سنك
 زمان و سبب انشا و احتراقیله مقدار کتابنی - اوچنجیسی
 ذهاب فلاتونك مذهب عیسوی یه انقلابنی - در دنجیسی
 روماده یادگار مدنیت اولان بونجه آثار نفیسه ایله برابر
 ایکنجی دفعه ده انشا اولنان اسکندریه کتبخانه سنك
 صورت خرابنی - بشنجیسی روم ایمپراطور لغی وقتنده
 استانبولده موجود اولان کتبخانه لره آثار سائر -
 نك افقاسی اسبابنی مبیندر .

رساله مذکور نك جزء ثانیمی دخی در دست
 ختام اوله زق عن قریب تفرقه مزده نشرینه ابتدار
 اولمق متصور اولدیغی عمومه اخطار اولنور .
 بحق حسنات علمیه دن معدود اولان بویله بر تالیف -
 گزیده دن طو لای صاحبك سعی مشكور و نامی بین -
 الاسلام لسان تحدیث ایله مذکور اولمق مأمولدر .

طوره ولا يتنده بولنان منفعت عمومیه صندوقلر.
ینه دائر شیوه قدیمه تقلیداً یازلمش بر مقاله در

(تصویر افکار - نومرو ۴۰۹ - فی ۴ شوال سنه ۱۲۸۳)

نزد اولی النهاده خفی اولمدیغی اوزره بوعالمده
بالجمله قوای مادیه ومعنویه نك ترايد تأثیری ترکیب
واجتماعنه متوقف اولوب فوق المعتاد مشهود مزاولان
هر قوت، خواص اشیانك تأثیر تلاحقندن عبارتدر.
مثلاً حین انفرادده بر کوچك مقناطیسك قوتنه
مغلوب و مجلوب اولان اجزای معدنیه کره ارضده بولنان
تراکیب عنصریه ایله اجتماعی حالنده بونجه مکنوناتی تدویر
ایدن جاذبه عمومیهیه مقاومت ایدر. و تئک باشنه امور
بدیهیه نك حق اوزره ادراکنندن عاجز بولنان قوای فاعله
افکار انسانیه نك اجتماع مغنویسندن حصه دار معاونت
اولدیغی صورته قعر ترا و فوق سماده نهان اندر نهان
اولان نیجه ماهیات خفیهیه بی السهوله استکشاف ایلر.
کافه فیوضات مدنیه نك اس الاساسی اولان بو

تعاون عمومی نوع بشر بیننده سوق احتیاج ایله منفعت
بخشای ظهور اوله رق اقولا حفظ حیات لوازمی
استحصال ایتدکن صکره تشکیل روابط مدنیت و تزیید
وسائط رفاهیت امرند بدیعہ نمای کمال اولمغه باشلامش
و هله الان ربع مکسونک خمس معموری دینلرک شایان
اولان اوروپا قطعہ سنده تعاون قانون طبعیسی احکامنه
اتباعاً تشکیلی ایدن شرکتلرک احتیاجات مدنیہ و ترقیات
دولیدیہ ایتدیگی خدمتلر حددن افزون بولمشدر .

از جمله بوندن بر قاقچ یوز سنه مقدم شرکت و تجارت
افکارینک سوقیله آچیلان اسفار بحریه سایه سنده کره .
زمینک عثمان خفاده مستور اولان بر قطعه عظماسی
مدنیت عمومیہ دائرہ سنده داخل اوله رق عطایای طبیعیہ -
سندن بالجمله ابنای بشر حصدیاب منفعت اولدینی گی
اعماق زمینده ظهور ایدن معادن چارسوی عالمک واسطه
تداول معاملاتی اولان سیم وزری بلکد بر قاقچات تزیید
ایلمشدر . و آنی متعاقب حاز اولدینی ثروت و معموریت
جهتیه حسرة الملوك اولوب سایه شمشر جلادته

تسخیری یالکیز بر قاپ صاحب ظهورد میسر اوله بیلان
هنداقلیم جسمی بر قومپانیانک اثر اقداماتیله انکلتره
دولتنک قبضه تصرفه داخل اولمشدر . و چنارده بر
شرکت آله جبال رفیعہ سنی ثقب ایدرک اوروپانک ایکی
جهت عظماسی بیننده آمدشده بر طریق سهوات
آچدینگی گی . الحاله هذہ بر دیگر شرکت دخی ایکی
دریای عظیمی جمع ایله منافع تجارتی تضعیف ایچون
سویش جدولتنک کشادیلہ مشغول بولنمشدر .

ماحصل شرکتلر . اللری ایردیگی یرده طبیعتک
انسان ایچون استفادہ سی ممکن اولان وسائطندن همان
هیچ برینی معطل بر اقیوب منسوب اولدقلری ملتله
بودار محنت ایچنده بر عالم استراحت تشکیل ایتدیله .
کل یوم مملکت مزه بونجه اشیای گران بهانقل ایتمکده
اولان واپور لرده امعان نظر اولنسه هر بری بودعوا یه دلا-
ئل متسلسله بی جامع بر قیاس مرکب صوز تنده گوزینور .
زیرا بواشیانک اجزای ترکیبنک محل اعماله کیتمسی
و تغییر هیأت ایتسی و بعده بر آخر جنبه و بحر امور دینه

گنمی بویله بر قایق شرکتک محصول نقدینه اهتمامیدر .
 ملك دوات علیه نك هر بر طرفی جواهر قابلیت
 و واردات فیض و بر کتله مالامال بر خزینة ثروت اولد .
 یعنی حالده افراد اهالی بینده تزیید اموال قواعد طبیعیہ .
 سی انتظام اوزر دجاری اولماق مناسبه بقیه ملتک
 استطاعت مالیہ سی استنلیه جک بر حالده بولندیغی گبی .
 ترقی معموریتک اعظم اسبابی اولان شرکتلرک ندرتده
 اولسنه و علی الخصوص مستغنی بیان اولدیغی اوزر د
 زراعت بونجه آفات سماویہ و ارضیه مخاطراتندن امین
 اولدیغندن بویله مجهول العاقبه بر کارایله مشغول اولانلر
 اکثری استعانهیه محتاج بولندقلری جهته میدان مرا .
 بجه جیلر دقاله رقی آنلرک معاملات غدارانه سندن ایسه
 ارباب زراعت نه درجه مضر تلترب ایتدیگی معلوم او .
 لغله زراعه معاونت ایچون اکثر مالک متمدد نه ده موجود
 اولان وسائط معاونه نك بور اده مفقود بولسنه عمومأ
 خیر خواهان عقلا طرفندن تأسف اولنمقده ایدی .
 حال بویله ایکن طونه ولایتی منفعت عمومیه صندو .

قلربی تأسیس ایتمکله و بوایسه او مثللو موضوعات -
 خیرییه نك فاتحه ظهوری اولمغله بالطبع موجب ممنونیت
 اولمش و صورت وضع و اداردسی تدقیقاتنه احاله افکار
 اولندقدده واقعا فن ثروت مؤلفلرینك متأخرینی بویله
 امور تجارت تفرعاتنه حکومتلرك مداخله سنی تجویز
 ایتامشیر ایسه ده، بوبابده اولان ملاحظه لری اوروپا
 اهالیسی گبی تأسیس و تشبث قواعدینه واقف اولان
 مالکك احوالنه قیاساً اجرا اولنان استدلالات
 جمله سندن اولوب بور اده ایسه افکار عمومیه هنوز حال
 طفولیتده بولندیغی و برمدیر مدبره محتاج اولدیغی جهتله
 حکومتك امر و تشویقی اولدقجه هیچ برشی میدانم گاه -
 میه جگی معلوم اولمق و صندوقلرك وجودی ولایتك
 اداردسی سایه سنده حاصل اولدیغی گبی دوام وانتظامی
 دخینه حکومتك اقدام و التزامنه متوقف بولمق حسبیه
 بو خصوصده فن ثروتك ذکر اولنان قاعده سنه اتباع
 اولنماسی محاذیر صحیحهدن عداولنه مدیغنه بناء مسئله نك
 اصل شایان تحقیق اولان جهتلری بونصندوقلرده جمع

اولان آقچه نك اصول تداركى و اقراضك شرائطيه
مقدار فائضى و معاملاتك صور اجرائیه سی
خصوصیینه انحصار ایتشد .

طونه غزته سنك ویردیگی معلوماته و سایر لرردن
وقوع بولان افادته گوره ولایت داخلنده بولان اکثر
قضائر اهالیسی بو صندوقلره تخصیصاً بر مقدار تخم
زرعیله سرمایه سنی آنك ثمراتندن حاصل ایتمش و برقاج
قضادخی محصولات ارضیه سندن یگرمیده برینی بو
مقصد خیره وقف ایلمش اولدیغندن و موجود اولان آقچه
ینه اعطا ایدن قضائر ك كندی مالی بولندیغندن بویولده
کیمسه نك متضرر اولمدیغی میدانده اولدیغی گبی اقراضك
شرائطی کفیل ورهن طلبندن و فائضى یوزده اون
ایکیدن عبارت اولوب، شرائط مذکوره صندوقلرده
اولان اسباب ضروریة تأمینیه سندن وهر یرده وهر
جنس اخذ و اعطاده مرعی الاجرا اولان قواعد کلیه دن
اولدیغندن اتخاذ و اجرایی پك مناسب و فائضى دخی
اکثر مالک متمددنه جاری اولان مقدار معتدل ایله

متناسب اولمغه . مسئله نك بوشقارنده دخی شایان بحث
وتعریض اوله حق بر فئالق گوريله مامشدر .

معاملاتك صوراجر ئیه سنه گنجیه . طونه نك
احوال اداره حاضر سنه دائر معلومات كافیه موجود
دگل ایسه ده اکثر طرفدن مدایحی ایشیدلمکده اولدیغی
حاله بوندن بر قاق گون مقدم بر ذاتك جریده حوادلله
نشر ایلدیگی ورقه ده صند و قار ك گر ك استحصاال سرما-
یه سنده و گر ك اداره سنده بر چوق سوء استعمال وقوع
واحتمالی حکایه اولنمشدر . فقط بالاد بیان اولدیغی اوز-
رد بر قاق قضادن بشقه عمومأ ولایت داخلنده بو صندو-
قلره آیریجه محصول تخصیص اولنمشیکن سرماییه سنك
جمع یچون كافه محصولاتك خرمن اوزرنده بر اقدیرلد-
یغنه دائر ورقه مذکورده مندرج اولان ادعا دائر
تصدیق و تصویردن بعید اولدیغی گبی ، اداره حاضرده
بیان اولنان فناقلر تمامیه وقوع حاله مغایر اولمادیغی
فرض اولنسه دخی ایچنده پك چوق مبالغدر اولمق لازم
گله جگنی ورقه نك شیوه افادسی ناطق اولدیغندن

بشقہ، حاوی اولدیغی بعض ملاحظاته نظر آ صا جنہک
تمیز حقیقتہ اقتداری دخی تسلیم اولندمز .

چونکہ ورقہ مذکور دد اولا بوصندو قلاک عین۔
مضرت اولدیغی ادعا قلمشیکن دلیل مقامندہ ایراد
اولان مقالہک اکثری ادارہ سنہ متعلق بر طاق
فالقلاک وقوعی روایتدن عبارت اولوب، حال بوکہ
بر ادارہک اجرا آتندہ ظهور ایدن سوء استعمال
اصولک سقامتہ دال اولمہ جغندن، ورقہک صاحبی
بر مسئلہک بویله جهت نظریہ و عملیہ سی بینندہ
اولان مباینتی فرق ایدہ نامشدر .

ثانیاً بوصندو قلاک دن استقر اض اولند جق آقچدر هن
قوی و کفل ملی ایله ویریلدرک دینی و قنیہ ادایہ مقتدر
اولہ میانلرک املاک و اراضی مرہونہ سی حکومت معرہ
قنیہ صاتیہ جفی و بو گید شلہ بر قاق سنہ صکرہ اہالی یہ
فوق العادہ ضعف گلہرک کیمسہک ملک اشتراسنہ
اقتداری قائمہ جفی جهتہ اور الردد بولان اسباب ثروتک
جملہ سی منفعت عمومیہ صندو قلاکینہ کچہ جگندن بحث

عشقنه غائبانه مبتلا اولدم . محققدرکه سعادت وصالنه
 نائل اوله مادن بنم ایچون یاشامق موت منزله سندددر .
 بویله برهای دولتی باشقه سنک دامنه دوشور و بده
 نهایت عمره قدر غم و کدر زنجیر لرینه مقید قالمق
 کار عاقل دگلددر . « یوللو برچوق مطالعدر
 کچدکن صکره نائل مراد اولمق ایچون لازم
 گیلان اسبابک جمله سینه تشبث ایتبگی و کار کشای
 آدمیان و گام بخش حاجت طلبان اولان خلاق
 جهانک عنایت بی غایتنه توکل ایدرک وقت مرهونه
 منتظر اولمغه قرار ویردی ده بینظیره دیدی که : « ای
 تاجر ! اگر مرادک ثروت ایسه سکا ایستدیگک
 قدر یاره ویردیم . رنج و مشقت چکمکسزین دیار که
 عودت ایت . و مقصودک نه ایسه اجرا ایله .
 بیلورسک که بوعالم حوادثن خالی دگلددر . هرگون
 بر مکر پیدا ایدر . اگر سن - افعال بشرک اک
 مذموملرندن اولان - حرص و طمعنه مغلوب
 اوله رق ، گله جک امیدى حاصل اولمش مطلوبه

ترجیح ایدردہ تردد صحرائی طو لاشمغہ کیدرسدک،
احتمالدرکہ بر آفت ظہور ایدر . بتون بتون محروم
قالووسک . یأس آفت جاندر . بقیۂ عمر کی شمدی
سکا ویردجگم خزیندہ لک حسرتیلہ کچیرسدک
عاقبت — ایش ایشدن کچدکنصکرہ فائدہ ویرمیدہ —
جگی هرکسہ معلوم اولان — ندامت و آلدانشک
تأسف و حسرتلہ هلاک اولورسک . فرض ایتکہ
سلامتلہ مملکتکہ واصل اولدک . انسانک
حالی برسیاق اوزردہ گیتمدیگنی بیلورسک .
احتمال کہ شمدیہ قدر اورالرد اضطراب مستولی
اولشدرد . امیدک درجہ احسانہ نائل اولدمنسک .
بو حالده حاصل ایدہ جگک تأثرده سفر مشتقنی
و تردد وانتظار بلاسنی علاوہ ایت . ایشیگی آکا
گوردہ دوشون . بوسوزلردن مقصودم اودرکہ :
سنک فائدہک آرزومہ مخالفت ایتامکددر . زیرا
طالعک سکا بیک دیار طولاشدیرسہ دخی بویلہ
برپارچہ اطلس ایچون بر مملکت خراجی دگر

مدار ترقی اولدیغی بیوک تجارتگاهلرک معاملات
جاریه سنه واقف اولانلر عندندہ مسلم بولندیغندن،
بوصندوقلرک تکشیر راس المال اقتدار ایتسی اهالی یه
امضرت بخش امضایقه اولمدقدن بشقه معموریت ملکیه و
ثروت ملیه یه پک بیوک خدمت لرایده جگندہ شبه یوقدر.

تفصیلات مبسوطه دن آگلاشدیغی اوزره
مذکور وزقدنک مواد مندرجه سی صندوقلرک گرک
اساساً و گرک اداره اثبات مضر تنه صالح اوله میوب آنجق
معترض اولان ذاتک اثبات مدّ عایه عدم اقتدار ی مطلقاً
انتظام تام تحتندہ بولندقلرینه دخی سند اوله میه جغنه
وفی الواقع بویله براداره خیریه نک محسنات شامله سنه
بر طاقم سوء استعمالات ایله نقصان ترتب ایتسکده ایسه
حقیقه شایان تأسف بولندیغنه بناء منفعت عمومیه صند.
وقلرینک اسمی مسما سنه مطابق وایالات سائر دده دخی
بومالمومو موضوعات نافعیه نمونه نمای تشویق اولمغله لایق
اوله جق صورتده منتظم بولنسی خالصانه تمی اولنور.
« واه موفق الامور »

كتابخانه ابو الضيا

Ināyat Allāh

بهار دانش

Behār-i

مؤلفی

۱۱۱۱

هندلی شیخ عنایة اللہ

مترجمی

کمال بک

تمثیل ثالث

قسطنطینہ

۱۳۱۱

مطبعة ابو الضيا





JK



اخطار طابع

بهار دانش رساله‌سی بوندن اون اوچ سنه
مقدم کمال بك افندی طرفدن گوگل اگلندیر -
مك وَ دها طوغریسی امانت و قته مدار اولمق
اوزره (ماغوسده) یازلمش آثار ادبیه‌دندر .

کتابك موضوعی هرندن عبارت اولورسه
اولسون، بزم بورساله‌ده مهم عد ایلدیگمزشی اون
اون بش صحیفه‌دن عبارت اولان مقدمه‌سیدر، که
مشار الیه حضرتلری بومقاله ایله ادبیاتمرك ادوار
سالفه‌ده‌کی اطوار مختلفه‌سنك عادتاً بر تاریخ مجملنی
وجوده گتیرمشلردر .

مقدمه - مشار الیهك سائر آثار بدیع‌سی یولنده
یازلامشدر . ديمك ایستیورم، که بو اثرده گوزه
چاربه‌جق برشی وارسه مهارت منشیانه دگل

خالصت وجدانك خالصت بیان ایله اتحادی و قدماى
ادبانك فضائل معرفتلى حقندهكى اعتماد تقدیر -
کارانه نك لسان حرمتله یادی در .

گرك اسكى لسان ادبمرك هجنتى و گرك طرز
جدیدمرك ستایش و یا مذمتی اوزرینه بحث
ایدنلرك اکثریت اوزره افراط و تقریط عقبه لرینه
اوغرایه کلدکلری اصحاب مطالعیه معلومدر .

ایشته کمال بك بومقدمده ایكى طرفك دخی
گرك افرادى و گرك مساعى واجتهادى حقندهكى
محاکماتى طرفداران و خلافگیرانه وسیله گفتگو
اولیه جق بر صورتده ایراد ایلشدر . اعتقادمركجه
بومقدمه مشار الیهك افاده دگلسه ، حقیقه اشهر
آثارندن معدوددر .

فی ۹ رمضان سنه ۱۳۰۲

للطابع ابوالضیا
(مقری کوی)





مقدمه

بعد اداء ماوجب علينا

برایکی عصر دن بری جانب مغرب دن ضیا پاش
ظهور اولان آفتاب معرفت: که افکار عتیقه عالمنک
منتهای دوام و ابتدای قیامتنه دلالتدر . طبیعتیه
بورالره دخی نشر نور ایتمگه باشلا دیغندن، هرشیده
برخیلی تغیر گوزندی . بو انقار باتک ملکمزجه
اک بیوک صدمه سنه اوغرایان شی ایسه ادبیاتدر .
وقتیله حجت بلغا و بولسانه مخصوص بر معجزه کبرا
عد اولنان خمسہ ترکی باصلدی : یوز پاره یه قدر
صاتلدی، ینه یوز اللی نسخه سوریله مدی! حال بوکه

خمسہ نك اوندہ بری بیوكلگنده بیانی چوجوق
الندن چیقمه حقایق طبع اولنیور : اوبرینك
ایکی مثلنہ صاتیور : ینہ بیك . بیك بش یوز
مشتی بولنیور !

بوگا ظاہر دہ برقاچ سبب گورینور : اولا
آثار عتیقہ مزك اکثریت اوزر خواص ایچون
یازلمش اولمسیدر . طبعیدر : کہ برکتاب عوامك
رغبته مظهر اولور ایسہ چوق سوریلور . عوام
ایسہ کندی ایچون یازلمیان کتابی آگلاماز .
آگلامینجہ البتہ رغبت ایتمز .

استطراد قیلندن اولہرق شوراسنی بیان
ایدهلم کہ - برفنہ دائر اولماق شرطیہ - خواص
ایچون کتاب یازمق قدر دنیادہ عبث شی یوقدر .
دیہ بیلیرز کہ خواجه نصر الدین مرحومك برگون
وعظہ چیقوبده جماعتہ « سویلیہ حکمی بیلیرمسکز ؟ »
دیہ صورددقن و « بیلیرز » جوابی آلدقن صکرہ

« مادام که بیلورسگز - نچون سویلیهیم ! » یوللو
ایتدیگی خطاب، خواص ایچون کتاب یازانلره بر
گوزل نصیحتدر . ترکی یی آ کالایه بیله جک
بر آدم ممکنیدر . که استفاده ایده بیله جگی معلوماتدن
ذاتاً مستغنی بولنمسون ؟

ثانیاً ، اسکی اثرلریمزده قبا ترکیه اوله رق ، هر نه
یازلمش ایسه گویا ترکیه یازیلان شیئک مطلقاً قبا
اولمی لازم ایمش گی همان هیج بریسندده محاسن
ادبییه التزام اولنماسیدر . اوهر سطرده آزدن آز
ایکیسی ، هر صحیفهده 'لا اقل یگر میسی موجود اولان
دون وگونلر ، اولوبلر ، اولمغینلر ترکیه اولسهده
چکلمز ، اولسهده چکلمز .

ثالثاً ، هر نه دن ایسه لساناً سویلدیگمز شیوه یی
بگنمیوبده قلمه بشقه بر لسان ادب ایجاد ایتمگه
چالیشان مؤلفلریمزک طوتدیردقلری طرز افاده

تکلمنزه قیاساً مثلاً ، عربی به نسبت (بوزنو)
لسانی قدر ثقیلتر .

رابعاً ، لساننزه شیوه عجم غلبه ایدرک ، طبیعتک
صرف خلافتده بولنان و منتظم لسانلرک کافه سنده
بدایعدن دگل ، بالعکس نقایصدن معدود اولان
مبالغه لر ، لطافتسز تشبیه لر ، جناس لفظیلر ادبیاتمزک
ارکان اصلیّه سی حکمنه گیرمسیدر . شمعی افکار
عمومیه نك خواص ایچون یازلمش و یا صرف قب
طاسلاق تحریر اولنمش و یا طرز تکلمدن چیقارلمش
و یا خود مبالغه لر ، جناسلر ، فلانلرله ^{نور}طویلرلمش
شیلری رغبتدن اسقاط ایتمسینه عن صمیم تبریکدن
لشقه برشی دیمیز . شو قدر وارکه بونقایصک
برچونگی ایران ادبیاتنک تأثیراتندن بیلنهرک
فارسیده هر نه یازلمش ایسه شفیعنامه قدر مغلق ،
شقایق ترجمه سی قدر صوغوق ، مدح و ذمی شامل
اولان قصیده لریمز قدر مبالغه لی ، سنبلزاده دیوانی

قدر جناسه بو غمیش قیاس اولنیور . و بوجهته
 آثار قلمی لری افکار عمومیه نك محبوب قلوبی اولان
 طرز جدید ادبایی آراسنده فارسیدن لسانمزه برشی
 نقلی آرزو اولنمق مملکته بر علت ساریه گیرمک
 قیلندن صایلیور .

ایشته بز هیچ برشیده افراطدن تفریطه انتقال
 طرفداری اولمديغمزدن بو فکره اشتراك ایدمیز .
 ديمك استرز، که واقعا ایران لسانی دنیاده ادبیاتی
 الك بوزق اولان لسانلردن بریدر . فقط ایچنده
 گوزل یازلمش کتابلرده یوقدر دینیه من . بالعکس
 ایرانك گلستان گبی، مثنوی گبی بیگلرجه آناری
 واردر، که یالکیز بر ایکی دانه سی بزده بولنسه ایدی:
 ادبیات عثمانیه یه الی الابد مدار افتخار اولوردی .
 حال بویله ایکن انورینك مبالغاتی، شوکتک
 و همیاتی مقلدلر قلندن لسانمزه گچه گچه ادبایتمزی
 ایستنییه جک برحاله کتیردیگیچون سعدینك افکار

حکیمانه‌سندن ، عرفینک تصورات شاعرانه‌سندن
نیچون محروم اولهلم ؟

مرادمن عرب و غرب طرز لرینک شیوۀ
لسانمزه امتزاجندن عبارت اولان طرز جدیدی
تقیح ایله ایران مقلد لگنی توصیه دگلدن . یالکز
آثار ایرانیه‌نک مخصوصاتندن اولان معقول و مقبول
برطاقم بدایعی لسانمزه نقل ایتمکله و خصوصیه
حکمی و ادبی موجود اولان برچوق کتب مفیده -
لرینی ترجمه ایتمکله برشی غائب ایتمز ، بالعکس
برچوق شی قزائیرز دیمک ایستایورز . مثلاً
هایوننامه‌نک لسانمزه ترجمه‌سی بولمسی نافع
دگلمیدر ؟

هله اوترجه برکرتده شم‌دیکی طرز افاده ایله
ترجمه بعدالترجمه یولنده یازیله جق اولسه ، ده‌ها زیاده
فانده ایتمش اوله جغنده شبهه وارمیدر . ابن کاللرک
فضولیلرک ، عطائیلرک ، نابیلرک . راغبیلرک ، عجم

طرزنده اولمقله برابر، برچوق حکمتی حاوی اولان
 اثرلری مضر می عدایده جگزه؟ او یولده دهابر طاقم
 اشعار وجوده کله بیلسه فائده دن خالی می اولور؟
 آثار عتیقه مزدن نه قدر مشتی اولور سهق اوله لم؟
 کتابخانه لری میز یاقه میه جغز و ملتکزک بر تاریخ ادبی
 انکار ایله یازی یازمی بزجه بو عصرده حاصل اولمش
 بر معرفت حکمنده طوته میه جغز میدانده در. سنان
 پاشانک. فضولینک، ویسینک، نعیمانک، عاصمک
 عاکف پاشانک، دها اوقدرده برچوق ادبانک
 آناری. باقینک، فضولینک، روحینک، نفعینک،
 صبری شاکرک، فهمینک، نائلینک، نابینک، ندیمک.
 سامینک، راغبک و دها آنلر یقین برچوق بلغانک
 — خیالات و همیه و غلو مطلق و بازیح الفاظدن
 عاری اولان — اشعار اللرد تداول ایدوب
 طورر ایکن، ترجه شعر و انشایی کندی اختراعمن
 عدا یتمک نزد ادباده بحق جالب نفرت اوله جق

بر کستاخلق قدر . شمدی مادامکه آثار سلفدن غنا
 حاصل ایدهمیه جگر ؛ آنلری آگلامق ایچون
 ایرانک شیوۀ ادبیله استیناسه قطعاً مجبورز ،
 چونکه اصحاب تتبعه معلوم اولدیغی اوزره ادبیات
 عتیقه مزك مبادی کمالی فاتح دوریدر . او دورده
 استاد ادب ، نژده سنان پاشا و نظمده احمد پاشا
 مرحوملری ایدی . سنان پاشانک گرك ضراعتنامه
 و گرك [۱] سائر آثارینی گورنلر علی شیر مقلدی
 اولدیغنی آز دقتله ادراک ایدر . احمد پاشا مرحوم
 ایسه ینه علی شیرک استانبوله گوندردیگی منظو -
 مهلری گورنجهیه قدر شاعر اوله مدیغنی دیواننک
 مقدمه سنده اعتراف ایتمشدر . خلاصه حسین
 یایقرا ادباسنک طرز خاصی یالکثر آنلره دگل ،

[۱] مشار الیهک [تضرعات] نامیله مشهور
 و نسخہ سی همان مفقود دینه جک درجه لرده اندر اولان
 بوتالیفنک بعض منتخب پارچهلری کتابخانه عاجزانه
 صره سنده نشر اولمشدر . للطابع

فاتح عصرندن سلطان احمد اول زمانه گنجیه
 قدر بزده ظهور ایدن اصحاب قلمدن کافهسنه نمونه
 امثال اولمشیدی .

سلطان احمد اول زمانده ملتک قلم بلاغته
 صاحب اولان نفی ، صبری ، اوچقی زاده ، ویسی
 گبی استادان هنر ، فیضی و عرفی طرزینه مفتون
 اولدیلر ؛ و نظم و نثرده او شیوه نك مغلوبیتی آلتده
 قالدیلر ، که مؤخرأ نابی ظهور ایتدی ؛ صائب یولنی
 لسان عثمانیده دخی مسلك ادب حکمنه گتیردی .
 احمد ثالث زمانلرنده وهله راغب پاشا دورندن
 صکره شوکت و بیدل خیالاتنک دخی خیلی
 سرپندیسنه اوغرادق ؛ فقط آثار ابداده ینه نابی
 پیرولگی غالب ایدی .

دیوان و منشآتلرندن آکلاشدیغنه گوره ، ثابت
 نظمدده ، کانی نثرده ترکیهیه مخصوص بریول آچق
 ایستمشلر . فقط نه فائده سی وارکه ثابت آرزو ایتدیگی

مسلكى جناس چو قلغندە آرامش ! كافى تركه شيو دى
 يالكتر هزلياته دائر يازديغى شيلره حصر ايتمش !
 بوندن آكلاشيليوزكه ۱۱۰۰ تاريخلرينه
 گنجيه قدر مؤلفاتمزدە ايران مقلد لگندن بشقه
 هيچ برشى ياماش گي يز . و بونكه تبين ايدر كه
 ايران شيو دسيه استيناسه مجبور اولديغمز دائر
 بالاده ايراد ايتديگمز دعوا حقيدر .

نه حاجت ! فارسيدن بتون بتون انقطاع
 ايدويورسهك اسانمرك تاريخنى بيلمكدن بيله عاجز
 قاليرز : چونكه تاريخه دائر يازمش كتابلريمزى
 فارسى ايله الفت ايتمكسزىن آكلامق قابل دگدر .
 سلطان محمود ثانى زماننده بعض اصحاب قلم
 شعريمزى تركه لشدير مك ايستديلر : فقط هيچ
 برشى ياتمغه موفق اوله مديلر . اوزمانده ترتيب
 اولنان ديواندر ميدانده طورييور . لذت شناس
 ادب اولانلره گوردە او عصر ك ا ك گوزل و ا ك

سلس اولانلری بيله نفی و نابی دورلرینک اڭ
 فنا و اڭ مغلق آثارندن آشاغیدر . بویه اولسه
 بيله دور محمودی شعرا سنک ترکجه لشدیر دکلری
 شی یالکز الفاظدر . یوقسه تصویرلرینک آثار
 عجمدن ینه ذره قدر فرقی بولماز؛ ینه دیوانلرنده
 داغلی لاله لردن، یاقه سی یرتق گملردن، فلکه بکزر
 نیلوفرلردن، قیل قدر بللردن، ییلان گبی
 صاحبلردن، سرودن اوزون (غول بیابانی گبی)
 بویلردن، قلیچ گبی قاشلردن، اوق گبی کرپکلردن،
 خنجر گبی غمزهلردن، بنفشه و یاخود زمرد گبی
 بیقلردن، صوکنارنده بتمش چمن گبی صقاللردن،
 هیچ یوق آغزلردن، طوزلی دوداقلردن، قیو گبی
 چکه چقورلرندن، دریادن زیاده قانلی یاشلردن،
 دنیایی یاقه جق قدر آتشی آهلردن، اوزرلرینه
 پاموق یا پشمش (ایگرنج) یاره لردن . سحر باز
 قللردن، بطمانله شراب ایچر سرخوشلردن،

تیمارخاندین بوشانمش گبی سوقاقلرده چبلاق گزر
و باغراق گوگسینی دوگر عاشقلردن. بردلبراک
صاچنه طراق اولمش پارچه پارچه گوگلردن
گچملر !

شعر مزده حلمز بویله ایسهده اعصار اخیرده
نثر مزاک انشاسنه ابتدا ایدن مترجم عاصم و عاکف
پاشا مرحوملر بلاغتهده اسلافی اونوتدیردیلر .
ولسانمزده یگی برچیغر آچیلق قابل اولدیغی
گوستردیلر . فقط ینه ایکسینک مؤلفاتی اکثریت
اوزده آثار ایرانییه پیرولگندن خالی دگلدز .
همده بو پیرولک اک اعتنا ایتدکلری اثرلرنده ده
زیاده گوریلور !

شیوه عجمانهک ادبامز آردسنده اک زیاده
منشور اولدیغی زمان بزم زمانمز ایکن . ینه اک معتبر
اولان اثرلریمز او شیوهدن بری گورمیورز .
جودت و اندلس تاریخلرینه، تلاقه، رموز الحکمه.

مبانی انشاده کی مستشهدات جدیدیه دقت بیور -
 لسون ، فارسی الفاظ و ترکیب و شیوه و خیال الدن
 عاری هیچ برنده بر صحیفه بولنه بیلیر می ؟ یا بو آثارک
 مؤلفی اولان استادان صاحب کمالدن خامه ادبی
 اغتصاب ایتمه کیم مقتدر اولور ؟

بو مقدمات مفصله دن ایکی نتیجه حیقار مق
 ایستیورز : برنجیسی شیوه ایرانک لسانمزدده ممکن
 اولدینی قدر قلی و نقایص معروفه سندن برائتیه
 برابر دوامنده اولان ضرورتی بیان ایتمکدر .
 ایکنجیسی ایسه لسانمزدده نقانده ایتدار ایتدیگمز شو
 « بهار دانش » ده عباره بعبارده ترجمه نی ، یالکر
 بولندیگمز اون اوچنجی عصر [۱] مدنیتک مقبولی
 اوله بیله جک جهته حصر ایدرک سائر یرلرنده

[۱] کتاب بوندن یگرمی سنه مقدم یازلمش اولدینی
 جهته اون اوچنجی عصر تعبیری اوزمان اعتباریه در .
 [للطایع]

نقل مأل و لزوم اوزرینه تغییر صورتلرینی اختیار
ایتدیگمزی سویلمکدر . شو قدر و ارکه کتابک
لسانمزه فارسیدن ترجمه اولندیغنه بر نشانه اولمق
ایچون اوصافه متعلق برقاق عبارده سنی قصورلی
گوردیگمز حالده ینه عیناً نقل ایتدک .

کتابک موضوعی اساساً پک گوزل دوشونلش
و فقط تحریر و ترتیبینه بعض مرتبه مناسبتسزلک
قارشمش ایسه ده ، الدن گلدیگی قدر آنلرک دخی
اصلاحنه چالیشمشد . بناءً علیه اثر عاجزانهمزک
عربی و یا السنه غربیه ادبیاتندن ترجمه اولنمش
آثار معتبره مزیتند و یا خود گلستان لطافتند
اولمدیغنی اعتراف ایله برابر ، لسانمزه وجودی
آرزو اولنمیه حق کتابلردن دخی بولنمدیغنی ادعا
ایده بیلیرز .

[بهار دانش] ذاتاً هندک (اردو) لسانده
یازلمش ایسه ده المزه کی نسخہ سی فارسی اولدیغندن ،

آندن ترجمه ايلدك . مع مافيه اردو لسانی دخی
 بزم منشآت عتیقه گبی فارسیدن یالکز ادات ایله
 یوزده بر کمانده آیرلایغنه نظراً اصلندن نقل ایله
 ترجمه سندن نقل آردسندده بیوک بر تفاوت اوله ماز
 ظن ایدرز .

ازهر جهت عجز وقصور من عندم زده ذاتاً
 عیاندز؛ فقط معترف نقصان اولانلر حقندده مسامحه
 توبیخدن دهها زیاده شایاندز؛ چونکه انسانک خمیره
 فطرتی سهو ونسیاندز؛ موجودات ایچنده نقایصدن
 عاری یالکز خالق عظیم الشاندز؛ حال بویله ایکن
 آثار بشرده کمال آرامق عین نقصاندز. بومطالعاته
 گورده خطایای واقعهمزك مقرون عفو اوله جغنی
 اصحاب مطالعاته نک مروتلرندن امید ایدرز .

(ماغوسه سنه ۱۲۹۰) نامق کمال



بهار دانش

زمان اوائلده هندستان ملکنده برپادشاه وار
ایدیکه گونش گبی دنیا سایه فرماننده ایدی .
چراغ عدالتک پرتوی جهانی منور ایتشیدی .
علو هم شدن پای عظمتی سر افلاکه وقوت سلطنته
غرورندن زمانک پادشاهلرینی زیر خاکه وضع
ایتمک استردی .

گویا که فلک اسیری ایش گبی ربقة انقیادینه
کردن ویرردی .

گویا که روزگار خدمتکاری ایش گبی آتک
حاشه (غاشیه) سنی اموزنده طاشیردی . زمانک

عنان اختیاری النده ایدی . دنیانک اڭ مقبلاری
قبوسنک اشیکنه نیازمندانه یوز سوررلردی .

حاصلی پادشاهلغه متعلق هر نه لازم ایسه
حاصل ایتمش و گوگلنده وجوده گمدهک بر آرزوسی
قالماشدی . فلک جوزا یلدرینی کمر عبودیت
ایتمش خدمتنه قائم ایدی . مظفریت قلیچنک باغنه
یاپشمش آرقه سنده سورینور ایدی .

بونکله برابر نامنی دنیاده ابقا و آثار حیاتی
ادامه ایده جک ثمره فوادی ، یعنی اولادی اولد-
یغدن دایما کوشه غمده اوتورر و مظنه کرامدن
نائل اولاد اولق مقصودینک فتحی ایچون التماس
دعا ایدر و گجه لری واهب حقیقینک درگاهنه
میناجات ایلردی .

عاقبت درویشانک انفاس مبارکه سی و کجه
یاریلری و سحر وقتلری حضور الهی به عرض
ایتدیگی مناجاتک تأثیراتیه (برچوق آرزولردن،
تمنالردن صکره) مقصودی حاصل اولدی .

یعنی نیر اوج خلافت و خورشید آسمان سلطنت
بر مخدوم مکرّمی (بیك دبده و شکوه ایله) دنیایه
گلدی . بو مولودك طلو عندن پادشاه فوق الغایه
منتدار اوله رق جناب حقه سجدۀ شکر ایلدی .

وَ خزینه سنك قبولرینی کشاد ایله محتاجانی
و بلك عمومأ جهانی احسانه غرق ایتدی .

چو جغك اسمنی بر وقت مسعودده [سلطان
جهاندار] قودیلر . بختی او یانق بر دولتی قادی ده
دایه لك خدمتیه سربلند ایتدیلر .

درد سنه ، درد آی ، درد گون دایه سنك
قوجاغنده قالدقد نصکره عادت شریفه اهل اسلام
اوزرد علم و کماله انتساب ایتسنه واسطه اولمق ایچون
ادیب و هنرور بر استاد طالع یاورك تربیه سنه تودیع
اولندی . و اخلاقی اصلاح ایله اوقات هایونی
جهاندارلق فنونك تکمیلنه و جهانگیرك لوازمك
تخصیله صرف ایتدیرمك و آداب خلافت و قوانین

سلطنتی کندینه او گرتمک ایچون مخصوص دانشلی
مؤککدر و ذکی مربیلر تعیین قلندی .

جناب حق درگاه عظمتمده منتخب و مقبول
اولان قوللرینی ازلد بر جوهر قابل یراندیغندن .
چو جق اون درت یاشنه گیر گیر من معارفده .
حسن اخلاقده ، حاصلی دنیا سنک دولته ، عقبا -
سنک سعادتنه لازم اولان کافه خالاتده تفرّد
ایلدی . کمال حزم ، علوّ همت ، رفعت شان ، تمکین
و وقار ، سخاوت تامه ، بیوک بیوک داعیدلرله
اوغراشماق ، عزمنده ثابت اولماق ، سلامت حال ،
فصاحت مقال ، قوّت وجود ، قوّت بازو ، قوّت
فکر ، قوّت رأی ، حسن صورت ، صفوت قلب .
تناسب اعضا ، طمطراق ترکیب گئی انسانه باعث
امتیاز اوله جق نه قدر خصائص جلیله وار ایسه
جمله سنه نائلیتله مشهور آفاق اولدی . شهزاده
مفطور اولدیغی آرزوی جهانداری و طبیعت

شهر یاری اقتضاسنجه دائماً میلی شکاره وهر زمان
صید آرقه‌سندده آواره ایدی .

برگون عادت معهوددهسی اوزره ندماسندن
برقاق کیمسه ایله شکاره عزم ایتدیلر . معیتندده
موجود اولان شاهینلرکه سرعتده جیوه طبیعتلی
فقیرداق محبوبلره و طوغانلرکه قنادلرینک آقلی ،
قارده لی رنگی او محبوبلرک چشم عاشق دبالرینه بگزر
ایدی . راست گندکلری مرغان هوایی پنجه
مثرگانی گردن عشاقه طاقش دلبرالرگی ، بلوک
بلوک سوریدرک جمع ایتدیلر . و تیز ناخن پلنک
هیئت تازیلر و گردنی زرین طوقلرله مزین کلبلر
صحرائی جیلان و گیکدن خالی براقیدیلر . بو حال
ایله نصف بهار ایرشدی ؛ جهاندار سلطان ایسه
گل جمالی ناز ایله پرورده اولمق جهتیله گونشک
تأثیر حرارتنه تاب آور اوله مدیغندن ، سرای دولته
عودت ایتمک استدی .

اثنای راهده شهردن خارج بر باغده راست
 گلدی . او یله بر باغ که کمال لطافت و طراوتندن
 سرو ایله شمشاد عاشق معشوق گبی بر برینه آرقه
 ویرمش ، سنبل و گل هنوز ملاقی اولمش گلین
 گوه گبی گبی بری برینه صرماشوب قوجاق قوجاغه
 اوتورمش . زمرد رنگ سبز دلرندن چمنستان ،
 صباح بهاره مصادف چرخ اطلسه بگزمه مش .
 قوشنرک ناله دلکشی مجلس گلدی نوای ارغنوندن
 دم اورمغه باشلامش . باغده سرمست صفا
 اولانلر قدح سرور ایله نشوولرینی بلند ایتمش .
 قلندر مشرب اولان قمری کول (خاکستر)
 رنگنده خرقه سیله سماع ایتمه آغاز ایتمش .
 هوا سبز سنه شبمندن جوهر لر صاحمش . گویا که
 زمردله اینجو بر برینه قارشمش . هر کوشه سندن
 بر چوق قوقولی چیچک پیدا اولمش . آنلرک
 اوزرینه ده عشرت سفره لری قورلمش . بنفشه سی

بوکم بوکم کا کلرینی آرقه سنه صالیویرمش . هوا
زلف عرو سنک کوپه لرینی چوزمش .

چونکه سلطان جهاندار باغچه نك لطافتی و گل
وریا حینک طراوتی سیره رغبت ایلدی . گل گبی
خندان ، سرو گبی خرامان اوله رق اطرافی تماشا
ایتمکده ایکن صو کنارینه چکلمش : پثرمرده حال
بر جوان مغموم گوردی .

اوله بر جوان که سرو آزادگی سر چکلمش .
زلف سیاهنی اطرافه پریشان صالمش . تبسم
شیرینی نیجه فرهادک جان شیرینه آتش صالمش .
نرکس جادوی دلفریبی بلبلان چمنه فتنه ویرمش .
چهره بهار افشانی ریاض گلشنه رشک انداز
اولمش ، گل دالنی طوتمش عاشقانه غزل خوان
اولیور . وقارشو سنده ، اصحاب جنانک لباسی گبی
یشیل رنگلی حله لره بورونمش : صوفی دانای
مجردگی معتکف حجره خلوت اوله رق ، سکوتی

اختیار ایتش هدهد سلیمان مثال شکر ایله پرورده
اولمش، رنک آمیز قوشلرک پادشاهی دینلرگه لایق
شکرین مقال بر طوطی طورییور .

جهاندار سلطان، جوانک اطواریله طوطینک
طرزندن غایت حظ ایلدی . وکمال شوق ایله
یانلرینه یاقلاشهرق عادت اسلام اوزره سلام
ویردی . لکن جوان ترنمه مشغول بولندیغندن
اصلا اطوارینی تبدیل ایتدی . حتی جهاندار
سلطانه توجه ورد سلام دخی ایلدی .

طوطی دانا، افندیسنک استغناسندن طولایی
شهرزادهنک ناصیه سنده تغیر حاصل اولدیغنی درک
ایدنجه ، خاطرنی اله آلق ایچون بر طاقم سخن
شناسانه مکالماته باشلدی : طاتلی طاتلی اوقدر
سویلندی که شهرزاده بی ممنون ایلدی .

شهرزاده طوطینک کلمات شیرینه حیران اوله رق
بر ساعت مقداری تصویرگی ساکت قالدی .

بويشیل جامه‌لی، گوزل سوزلی نازینک محبتی
 آن واحده گوزلنده قرار ایتدیگندن کمال تلاش
 ایله قولنده باغلی اولان قیمتدار یا قوتی چوزدرک
 طوپینک کندیسنه ویرلمسنى التماس ایتدی .
 جوان ایسه طوطی دانانک فرقتنه تحمل ایده .
 میه‌جگندن التماسی رد ایلدی .

بوگا قارشو شهزاده دیدی که : بدلا چوجق !
 میوزمیسک، که بوملکتک تاج و تختنه وارت بنم ؟
 گوگلم بو قوشه زیاده میل ایتدی . اگر بختک
 یار ایسه بو ویردیگم یا قوتی - که خراج مملکته
 بدلدز - آلورسک و بر آوج طوپراق قیلندن
 اولان بو قوشدن واز چکرسک ! و الاندامت
 چکرسک . ایلروده مذلته دوچار اولنجه هزار
 نیاز ایله ویرمگه طالب اولورسن ! »

جوان بر زمان تأمل ایدرک بیلدی که رأی
 سلاطینه مخالفت جان شیریندن ال یومقدور .

خواه و ناخواه طوطی بی شهزاده نك حدّ امنه تسلیم
ایلدی .

شهزاده ایسه طوطی بی اله کچر دیگندن او
درجه مسرور اولدی که گویا یدی اقلیمه فرمانفرما
و ربع مسکونه متصرف اولمشیدی .

کمال شادمانی ایله سرای دولتنه مراجعت
ایدنجه طوطی بی مصاحب و انیس عد ایدرک، بر
لحظه آندن مفارقتی تجویز ایتدی : و بر زمان
پیش نظرندن آیرمدی . طوطی دانا دخی روز
و شب سخنان رنگین و حکایات شیرین ایله
شهزاده نك گوگانی اگلندیرمکدن خالی اولمازدی .
برگون سلطان جهاندار جوارى خاصه سندن
کل جمال، پری مثال [مهر پرور] نام بر جاریه
ایله خلوت گزین محبت و صحبت اوله رق حسن
بینظیرینك نشئه تماشا سیه مست نشاط اولمش
و پیای سرطاق ابروی هلالی عشقه مهتاب

لطاقتی قدح لردن . گونش حرارتی باد لر نوش
ایتمه باشلامشدی .

او دلداز گلیچهرده گرمی هنگامه مسرت
آرمسنده باده حسن و حسن باده ایله ایکی قات
سرمست اولدیغی حالدده جمال پری مثالی آیینده
گورر ودرایت عالمنده اکر وواجسز برمتاع خسیس
اولان خودبینلک یوزندن کندی عکسنه مفتون
و حوصله تنکلی جهتیله مغرور و مغبون اولدوق .
و حال سرخوشیده ترک آداب و رفع نقاب ایدرک
آغزینه گلانی سویلرجه سنه فتح دهان ایله « ای
شهرزاده واقعا کستاخلقدرد . و تربیده یاقشمنز اما
ذات دولتکزدن شونی نیاز ایدرم : بو قدر زماندر
شکوه شاهی و شان خسروی ایله مألوفسکنر .
انصافی الدن برامیکنر . و تکلیف و نخوته او یوبده
طوغری سویلمکدن عار ایتیمکزدده بیان بیورکزرکه
عجبا مصوّر قدرت بنم حسن و جمالده معادل

عشقند غائبانه مبتلا اولدم . محققدر که سعادت وصالنه
 نائل اوله مادن بنم ایچون یاشامق موت منزله سندددر .
 بویله بره های دولتی باشقه سنک دامنه دوشور و بده
 نهایت عمره قدر غم و کدر زنجیر لرینه مقید قالمق
 کار عاقل دگدر . « یوللو برچوق مطالعدر
 کچدکن صکره نائل مراد اولمق ایچون لازم
 گیلان اسبابک جمله سینه تثبث ایتبگی و کار کشای
 آدمیان و گام بخش حاجت طلبان اولان خلاق
 جهانک عنایت بی غایتنه توکل ایدرک وقت مرهونه
 منتظر اولمغه قرار ویردی ده بینظیره دیدی که : « ای
 تاجر ! اگر مرادک ثروت ایسه سکا ایستدیگک
 قدر پاره ویردیم . رنج و مشقت حکمکسزین دیار که
 عودت ایت . و مقصودک نه ایسه اجرا ایله .
 بیلورسک که بو عالم حوادثدن خالی دگدر . هرگون
 بر مکر پیدا ایدر . اگر سن — افعال بشرک الک
 مذموملرندن اولان — حرص و طمعنه مغلوب
 اوله رق : گله جک امیدى حاصل اولمش مطلوبه

ترجیح ایدر ده تردّد صحرایین طو لاشمغه کیدرسدك،
 احتمالدر كه بر آفت ظهور ایدر . بتون بتون محروم
 قالووسك . یأس آفت جاندر . بقیة عمر گئی شمدی
 سكا ویره جگم خزیندرك حسرتیله کچیرسدك
 عاقبت - ایش ایشدن کچدكدنصكره فائده ویرمیه -
 جگئی هر كسه معلوم اولان - ندامت و آلدانشكه
 تأسف و حسرتله هلاك اولورسك . فرض ایتكه
 سلامتله مملكتكه واصل اولدك . انسانك
 حالی برسیاق اوزره گیتیدیگنی بیلورسك .
 احتمال كه شمديه قدر اورالره اضطراب مستولی
 اولمشدر . امیدك درجه احسانه نائل اوله مزسك .
 بو حالد حاصل ایدجگك تأثره سفر مشتقنی
 و تردّد وانتظار بلاسنی علاوه ایت . ایشیگی آكا
 گوره دوشون . بوسوزلردن مقصودم اودر كه ؛
 سنك فائدهك آرزومه مخالفت ایتمامكدهدر . زیرا
 طالعك سكا بیک دیار طولاشدیرسه دخی بویله
 برپارچه اطلس ایچون بر مملكت خراجی دگر

« شهزاده ! بو نازنینک ضروری صرف نابجادر .
 زیرا کنديسنی حسن و جمالده سائر مقیدان سلسله
 بشرده معادلی نابود و نظیری گویا نایاب عد ایدرك
 سرو آزاد گبی وجودینی جمله نهالان حسنک
 بالاسنده عدا یتمکده ایسهده ییلز که بو کارخانه
 قدرته کمال آنجق بر وجوده منحصر اولماز .
 و باغ خالق کبریاده رونق یالکز بر گله موقوف
 دگلدر . گوک قبه نك آلتنده حسابسز گلشن
 موجود وهر گلشنده بیگدرجه گلدر مشهوددرکه .
 رنک و بوده بر بریله یاریشهرق یازادلمشدر .

مثلا جوار مزده بر مملکت وارددرکه وسعت
 و معموریتده بو ملکن یوز درجه بالادر . ایشته
 او مملکت سلطاننک [بهر دور بانو] نامنده بر
 قیزی گورددم . گونش گبی گزدیگی یرلرده
 وجودندن نور صاحبوردی . یوزینه بر آدم
 نقابسز اولدیغی حالده باقسه شوق و حیرتندن

گوزلری طولاردی . گل . مگر یوزینی گورمش ؛
 او شوق ایله گریبنی چاکدر . نرکس ، مگر
 چشمنی تماشا ایتش : آنک ایچون خسته ومانل
 خکدر . بالفرض بو نازنین آنک آغوشنه
 اوتورسه گونشه اتصال ایتش ذره گی گورنمز
 اولور . و قدری گله نسبت گياھاڭ اعتباری
 درجه سنده قالور .

مهر پرور ، بو سوزلری ایشیدنجه حدتله
 بویکه رک انفعالندن سکوت ایلدی . و حجابندن
 جبهه سی قان تر ایچنده قالدی .

مگر حکم قدر . سلطان جهاندارک او قدر
 کمالیله برابر او یله گورمکسزین بو محبوبه یه تعلق
 درونی اقتضا ایدر ایتش . او زمانه قدر مفتونی
 اولدیغی مهر پرورک سکوتنه ، انفعاله هیچ اهمیت
 ویرمەدن بهر دور بانوی دوشونمگه باشدی .

مهر پرور ایسه بر طرفدن شهراده نڭ

عشقند غائبانه مبتلا اولدم . محققدر که سعادت وصالنه
 نائل اوله مادن بنم ایچون یاشامق موت منزله سنددر .
 بویله بره های دولتی باشقه سنک دامنه دوشور و بده
 نهایت عمره قدر غم و کدر زنجیر لرینه مقید قالمق
 کار عاقل دگدر . « یوللو برچوق مطالعدر
 کچدکن صکره نائل مراد اولمق ایچون لازم
 گیلان اسبابک جمله سینه تشبث ایتبگی و کار کشای
 آدمیان و گام بخش حاجت طلبان اولان خلاق
 جهانک عنایت بی غایتنه توکل ایدرک وقت مرهونه
 منتظر اولمغه قرار ویردی ده بینظیره دیدی که : « ای
 تاجر ! اگر مرادک ثروت ایسه سکا ایستدیگک
 قدر یاره ویردیم . رنج و مشقت چکمکسزین دیار که
 عودت ایت . و مقصودک نه ایسه اجرا ایله .
 بیلورسک که بو عالم حوادثدن خالی دگدر . هرگون
 بر مکر پیدا ایدر . اگر سن — افعال بشرک الک
 مذموملرندن اولان — حرص و طمعنه مغلوب
 اوله رق : گله جک امیدى حاصل اولمش مطلوبه

ترجیح ایدرده تردد صحرائی طو'لا شمع کیدرسه ک' :
احتمالدرکه بر آفت ظهور ایدر . بتون بتون محروم
قالووسک . یأس آفت جاندر . بقیة عمر کی شمعی
سکا ویره جگم خزینداری حسرتیه کچیرسه ک'
عاقبت - ایش ایشدن کچدکنصکره فائده ویرمیه -
جگی هرکسه معلوم اولان - ندامت و آلدانشکه
تأسف و حسرتله هلاک اولورسک . فرض ایتکه
سلامتله مملکتکه واصل اولدک . انسانک
حالی برسیاق اوزره گیتسدیگنی بیلورسک .
احتمال که شمعیه قدر اورالرد اضطراب مستولی
اولمشدر . امیدک درجه احسانه نائل اوله مزسک .
بو حالد حاصل ایدجگمک تأثره سفر مشتقی
و تردد وانتظار بلاسنی علاوه ایت . ایشیگی آکا
گوره دوشون . بوسوزلردن مقصودم اودرکه :
سنک فائدهک آرزومه مخالفت ایتماکدهدر . زیرا
طالعک سکا بیک دیار طو'لاشدیرسه دخی بویه
برپازچه اطلس ایچون بر مملکت خراجی دگر

سحرکار بر استاد مصوّر دیده خیال و تصوّر ایله
دخی گورناماشدی . وَ قوجه فلک هیچ بر زمان بویله
برهنر ورماهر ایستمامشیدی .

قد معجز نگارندن چیقان بر مرغ تصویرینه
باقلسه همان اوتماگه وایپک قماش اوزرینه یشیل رنگلی
برشی نقش ایتسه بیومکه مستعد گورینور ایدی .
شهراده بی نظیره تجارده مخصوص بر لباس اکسا
ویانده گوزلر گورمدک امتعه نفیسه وَ تخف نادیده
تسلیم ایلدی . تا که بووسینه ایله اوعقللر یغمالایچی
دلربانک مملکتیه گیتک ودها گورمهدن گوکلنی
مفتون ایدن جهانک تصویرینی ایپکدن لوحه
اوزرینه نقش ایتک کندینه میسر اوله .

بی نظیره . کمال همته آتیه بنه درک یوله روان
اولدی . وَ اوغرا دیغی یرلری باد صبا قدر سرعتله
کچدی . پک چوق مشقتلر جکدکدن صکره اودلیر
حوری مثالک پدرینه فرمانبر اولان مالک بهشت

آسایه وصول بوالدی . وَحین مواصلتده برکار -
 بانسرایه نزول ایله یاننده گوتوردیگی تحف و نوادر
 دنکارینی آچارق . بونلری پادشاهه عرض ایچون
 مناسب واسطه لر تحرّی ایتمگه باشلادی . آزادینی
 واسطه لری بولمق ایچون سرای سلطنت توابعی
 هانگی یولدن گچرسه موجود اولان اشیاسنک
 ائ نفیس لرینی گذرگاهلرنده میدانده یایاردی .

قرب پادشاهی ایله نجم اقباللری ضیادار اولان
 بندگانده بواسلوپ ایله حلول ایدرک : حضور شاهانه یه
 مشول شرفنه مظاهر اولدی . وَگتردیگی نوادرک
 تماشاسیله پادشاه مملکت نهایت درجه ده تلذذ بوالدی .
 حتی آیین جهانداران اوزره مهممان پرورلک
 قاعده سنه رعایة بی نظیرک حوصله امیدینه
 صیغیه جق درجه ده نوازشلرله حقمنده حرمت
 واکرام اولندی . پادشاه کمال حیرتندن « بومتاعی که
 شمدی یه قدر ملکمه هیچ بر تاجر گتیرمامشدر

نزدن بولدك؟ وَ بُو بدایع متنوعه یی نه طرفدن
گتیردك؟» یوللو خطاب ایدنجہ بی نظیر۔ افندیسی
طرفدن آلدیغی فرمان وجهہ ایش بچوردجك
یالانی۔ فتنہ قویارہ جق گرچک ترجیح ایدرك۔ کندی
پادشاہنہ وَ وطنہ دائر اوقدر لاف و گداف
سویلدی کہ حضورندہ اولدیغی پادشاہہ ولہ گتیردی۔
طرف پادشاہیدن اقامتگاہنہ گیتمك ایچون
رخصت بولدقن صکرہ کتیردیگی متاعك شہرتی
او درجہ لردہ اطرافہ شایع اولد۔ کہ نامنی طویمدق
برکویلی بیلہ قالمدقن بشقہ۔ پادشاہك حر مسرای
عصمتدہ پروردہ ایتدیگی کریمہ سی بہرہ ور بانو
دخی مقربان سلطنت معرفتیلہ خبردار اولدی۔
وَ بینظیری اشیا سیلہ برابر حضورینہ جلب ایچون
طرف پادشاہیدن اصدار حکم ایتدیردی۔
بینظیر ایسہ یول مشقتنی وسیلہٴ اعتذار ایدرك۔
» بن بورایہ ملکہٴ دورانك شوق و آرزو سیلہ گلدم۔

و گتیردیگم اشیایی بوقدر مخوف یرلردن نیچه بیك
بندد لرینك اعانه واقداميله كچیردم . هیمز بردن
یورغونز . حضور عصمتپناهیلرینه گله میز ،
فقط ملكه دوران دولت و اقبال ایله غریب نوازلق
و مسافر پرورلك قاعده سنه رعایت بیوررده یارین
هاگی سایه سنی اقامتگاهمز اولان باغچه یه صالرسه
هم سوزلر ایشیدر؛ هم تماشالر گورد . یعنی گل
وریحان طراوت اندوزی یمن قدوملریله فیض یاب
نشاط اولور . بوندن بشقه روزگاراك نفایسی ،
ربع مسكونك منتخبی اولان اشیایی تماشا ایله دخی
اگلنورلر . بو بندد لری ده خاکیلرینه یوز
سوردرك پایه عزّت و اعتباریمی فلکله ایرشدیردم .
باقی هر نه درلو امر عالیلری صادر اولورسه شرف
اجابه مقرون اولور . ایکی دنیاده عین سعادت
اولان اطاعتدن بشقه نه چاره مز واردر! « یوللو بر
بهانه بولنجه بهر دور بانو بینظیرك التماسنی قبول ایلدی .

صمجدم که خورشید منور بانوی بهر دور گبی
 مشرق رنگارنگ اختفا سندن ظهور ایدرک
 صرمه صاچلرینی چهره شفق رنگنه طاغدی .
 دایه لری، جاریه لری ازهار بهار گبی امرینه انتظاراً
 آغز آچغه باشلادیلر . بهر دور یتاغندن حیقنجه
 دایه لری نیک ائ مسن ومعتبر اولانلرینه ینظیرک امتعه
 نفیسه سنی حضورینه گتورمک ایچون امر ویردی .
 گتوردیگی اشیا یی - اولکی ویردیگی جوابدن
 پشیمان اولمش گبی - بهر دورک او طور دیغی گلشن
 سرایک قیوسی او گنه گتورمش، سیر ایتدیورمش .
 گیدن اختیار دایه لر مدت عمر لر نده گوزمدکلری
 نه قدر تحف ونادر اشیا وار ایسه جمله سنی
 حضورینه گتوردیلر . بهر دور بانو، بونوادی
 گورنجه واقعا کندو ملکنده بونلرله قیاس قبول
 ایتمز درجده نفیس شیلر وار ایسده بواشیا - مثلاً
 بر طوطینک بر کویلو یه نسبت لقردی سویلیشی -

گې بډايعدن معدود اولديغدن . پك زياده محظوظ
اولدى . ودها بشقه اشياى وار ايسه حضورينه
گتورمك ايچون خدامنى ينه بينظيره ارسالدى .
بينظير بو فرصتدن استفاده ايدرك مراسم
بساط بوسى يى تبليغدن صكره نرذنده كليدى بر
صندوق وار ايسه ده آچميه جغنى بيان ايتدى .
بهر دور ايسه بينظيرك بو مخالفتنه نظرايه صندوق
قده دنيايه مثلى گورمك بعض اشياىك وجودينه
ذاهب اولدوق . امرلر وىرمش ايسه ده بينظير خاطر
قرميه جق صورتده بر طاقم حيله لره تشبث ايدرك .
امراك انفاذينه رضا گوسترمدى .

بهر دور بانو بينظيرك بو اصرارى اوزرينه —
طبيعت نسوان مقتضاسنجه — بيك درجه ده
صندوقده كى اشياىك معاينه سنه مشتاق اولديغدن ،
جلې ايچون امر اوزرينه امر وىرمگه باشلادى .
بو حال ايله بهر دورك شوقى كماله واردىغنى

حسن ایتمکله . سبب ورودی اولان مقصدك حصولنه
استعداد گورنجه حیله کارانه دیدیکه : « گوندیگم
ووکندیمه باعث افتخار بیلدیگم اشیا بوسندوقده اولان
نوادردن عبارتدر . لکن برپادشاه امانتی اولدیغندن
آنك حضورندن بشقه بریرده آچهم . »

بهره وربانو ، بوحیله اوزرینه عنان اختیارینی
غائب ایدرك صندوقك کندی حضورنده کشادیچون
تهدیدکارانه امر قطعی اعطا ایلدی .

بینظیر : تدبیرینك بودرجه تأثیر ایتدیگنی گورنجه
ینه اولدن بری اختیار ایتدیگی لطائف الحیله برقات
دها قوت ویردرك « واقعا امانته خیانت مخالف
دیاتدر . فقط مادامکه ملکه حضرتلری بودرجه -
لرده الحاح وتهدید بیوره یورلر . بنده حضورلرنده
بولنمق شرطیله آچلمسنه بالضروره قائل اوله بیلورم »
دیمك ایله چونکه ملکدنك خاطری ذاتاً تخف
ونفایس گورمگه مائل وخصوصیله بینظیرك صندوق

آچامقده اصرارندن طولانی کندیزی فوق الغایہ
 داغ بردل اولدیغندن و بونگاہ برابر بینظیر دخی
 سنی کمالده و ذاتی حسن خالدہ بر آدم بولندیغندن،
 حضورینہ گلمسی حقندہ اصدار فرمان ایلدی .
 و حتی صندوقدہ کی اشیائی گورمگی شوق وتلاشندن
 طولانی قادینلر حقندہ وارد اولان امر احتجائی
 اونودہرق بینظیرہ نقابسنر، یاشمقسنر گورندی .
 بینظیر غایت مسروریتندن کندینی فراموش ایدرک
 بویولده چکدیگی زحمت و مشقتلری اونوتدی .
 سانکہ وجودی تازہ حیات بولدی . کلید صندوقہ
 املی فتح اولدی . او آفتاب آسمان حسنک جہالندن
 پردہ رفع اولنجہ بینظیر . بانونک جسم مجرّ دینہ
 عطف نظر ایلدیگی آندہ صورت بیجان گی حس
 و حرکتدن قالدی . اصلاً نطقہ مقتدر اولدی .
 حیرت وجودینہ کمال درجہ مستولی اولہرق، محفظہ
 رسم . یعنی صندوق الندن زمینہ دوشدی .

بهر دور بانو بینظیرك احوالی مشاهده ایتدکده
بر حیرت فوق العاده ایله بینظیره بو درجه تغیرك
وکنندن گچمسنك سببی سؤال ایلدی .

بینظیر هر نه حال ایسه کندینی طوپلایه رق
دیدیکه : « ای خورشید آسمان شهر یاری !
وجودیمه پیرك جهتیله عارض اولان ضعف ،
مزاجه غالب اولدیغدن : آره صره بودرلو حالدر
بندن صادر اولور » کلامنی متعاقب صندوقی یردن
آله رق جهاندار سلطانك - کندی قلم معجز رقمیه
تصویر ایلدیگی رسمی صندوقدن چیقاردی . -
بهر دور بانویه عرض ایلدی . بهر دور بانو بو تصویر
صاحبك حسن ترکیبی تصویرك تماشا سندن
مشاهده ایدنجه ، الندن عنان اختیاری گیدرك « بو
کیمدرکه گل جهانندن روحه آشنالق رایحه سی
گیلور ؟ » دیه سؤال ایلدی .

بینظیر جوابنده دیدیکه : « بو تصویر جهاندار

سلطانکدر که هندستانک عمومی فرمانه تابعدر .
 حسن جمالنه نسبت حضرت یوسفده قالان رجحان
 یالکز شرف نبوتدر . قووت بدننه و علو همته
 قیاساً زال اوغلی رستم . بر زال (یعنی اختیار)
 دن کتردر . و سخاوتی حاتم طیک شرفنامه شهرتی
 طی ایدر . سوزلرینک لطافتی طوطی شکر
 خواری دامه دوشورر . رفتارینک حسرتندن
 ککلکلر طاغ باشلرنده آوارددر . صید و شکاره
 اقبال ایدنجه شاهین تیز پرواز - رقیب جلادتی
 اولان - عقاب خصم اندازک جناحنه صیغینور .
 هیبتندن آرسالانلر تلکی دلیگنه صاقلانور . فیلمر
 قرنجه یوواسنه صیغشمغه چالیشور . درایتده
 فلاطون اولدر . جهاندازلقده آنجق اسکندر
 کندینه ثانی اوله بیلور . »

بهره ور بانو بو توصیفی ایشتمگله و خصوصیه
 جهاندار سلطانک حسن جمالنی تصویرندن تفرّس

ایتمکله، کو گاننده محبتی مستقر اولدی. اما حیا مانع و قدینلق باعث حجاب اولدیغندن. راز درویتی اصلا اظهار ایتمک استمدی. آتش عشقی پنبه وجودی ایچنده صاقلامغه چالشدی. فقط سوزشنه تحمل ایدمدی. بینظیردن رسمی ایستدی.

بینظیر ایسه بو آرزوسنه صورتده اظهار مخالفت ایدرک دیدی که: «جانم، باشم خاکیا کوزه فدا در. فقط بنده خاکیا کوزه رسمک. المده پادشاهمک امانتی اولدیغنی اول امرده عرض ایتمش ایدم.»

بهر دور بانو بو جواب اوزرینه سائقه محبتله اظهار حدت ایدرک «سوزلرک صدق و صوابدن عاری گورینور: آنک ایچون اینانم. اطلس اوستنه یاپیش بر تصویرک نه قیمتی اولدی بیلمور که بر پادشاه طرفندن بر بنده سنه امانت ایدمک قابل اولسون!»

دینجه بینظیر جوابنده «واقعا بر اطلس پارچه سی ظاهرده ناچیز گورینور. فقط نظر

محبته باقیلورسه بوتصویر جانلر دگر . حقیقت حالی
 حضور دولتکزه عرض ایدیم : بنگاله پادشاهنک
 حسن جمالد نظیرسنز برکریمدسی وار . آنییده
 سلطان جهانداره ویرمک و بوصورتله — قزک
 جمالنده کل ایله یاسمن رنگی فصل امتزاج ایتمش
 ایسه — بویکی نهال نورستینی دخی آنک کبی
 ازدواج ایتدیرمک استیور . کریمهسنک کوکلانی
 بو آرزوسنه میلی ایتدیرمک ایچون بنی — بیك
 تشویقلر . بیك وعدهلرله — بوتصویرک نقشنه
 کوندردی . بنده — بیك مشقتلر ، بیك خدمتلرله
 — آرزوسنک استحصالنه موفق اوله بیلدم . بورسمی
 حضورینه گوتوردیگم گبی بقیه عمریمی رفاه واستغنا
 ایله کیچیره جک درجهلرده نائل احسان اوله جغمه
 امید وارم . » جوابنی اعطا ایلدی .

بهره ور بانو . بوسوزی ایشیدنجه کندی
 کندینه دوشمگه باشلدی . ذهندن « بن بوجوانک

عشقنه غائبانه مبتلا اولدم . محققدرکه سعادت وصالنه
 نائل اوله مادن بنم ایچون یاشامق موت منزله سننده در .
 بویله بره های دولتی باشقه سنک دامنه دوشور و بده
 نهایت عمره قدر غم و کدر زنجیر لرینه مقید قالمق
 کار عاقل دگلدرد . « یوللو برچوق مطالعه لر
 کچدکن صگروه نائل مراد اولمق ایچون لازم
 گلان اسبابک جمله سینه تشبث ایتبگی و کار کشای
 آدمیان و گام بخش حاجت طلبان اولان خلاق
 جهانک عنایت بی غایتنه توکل ایدرک وقت مرهونه
 منتظر اولمغه قرار ویردی ده بینظیره دیدی که : « ای
 تاجر ! اگر مرادک ثروت ایسه سگما ایستدیگک
 قدر پاره ویریم . رنج و مشقت چکمکسزین دیار که
 عودت ایت . و مقصودک نه ایسه اجرا ایله .
 بیلورسک که بو عالم حوادثدن خالی دگلدرد . هرگون
 بر مکر پیدا ایدر . اگر سن - افعال بشرک اک
 مذموملرندن اولان - حرص و طمعنه مغلوب
 اوله رق ، گله جک امیدى حاصل اولمش مطلوبه

ترجیح ایدردہ تردد صحرائی طو لاشمغہ کیدرسہک،
احتمالدرکہ بر آفت ظهور ایدر . بتون بتون محروم
قالووسک . یأس آفت جاندر . بقیہ عمرکی شمدی
سکا ویرہ جگم خزینہ لڑک حسرتیہ کچیرسہک
عاقبت - ایش ایشدن کچدکدنصگرہ فائدہ ویرمیہ -
جگی ہرکسہ معلوم اولان - ندامت و آلدانشک
تأسف و حسرتلہ ہلاک اولورسک . فرض ایتکہ
سلامتلہ مملکتک واصل اولدک . انسانک
حالی برسایاق اوزرہ گیتمدیگنی بیلورسک .
احتمال کہ شمدیہ قدر اورالرد اضطراب مستولی
اولشدر . امیدک درجہ احسانہ نائل اولہ مزسک .
بوحالہ حاصل ایدہ جگمک تأثرہ سفر مشتقنی
و تردد وانتظار بلاسنی علاوہ ایت . ایشیگی آکا
گورد دوشون . بوسوزلردن مقصودم اودرکہ ؛
سنک فائدہک آرزومہ مخالفت ایتماکددر . زیرا
طالعک سکا بیگ دیار طولاشدیرسہ دخی بویلہ
برپارچہ اطلس ایچون برمملکت خراجی دگر

خزیندله نائل اوله مزسک . « دیهرك الحاحه
باشلادی . و یچاره بومقدمات حکیمانه ایله شوق
و محبتنی ستره چالشدی .

بینظیر ایسه . بو حالر هپ کندی تدیرلرینک
اثری اولدیغنی بدیهی بیلدیگندن . بهرور بانونک
تصویرنی ذهننه تمامیه نقش ایچون لازم اولان
وقتی تمدید غرضیه — براز نازلندقدن صکره
بانونک امرینه موافقت ایلدی . هدایاسنی قبول
ایتدی . رسمی ویردی . همان اقامتگاهنه عودتله
اومهر آسمان حسنک خیالنده مرتسم اولان
تصویرینی بر لوحیه چکدرک و پادشاه مملکتدن
استحصال رخصت ایدرک کمال شوق و شتاب ایله
جهاندار سلطانک درگاهنه عزیمت ایلدی .

§

وقتا که بینظیر جهاندار سلطانک شرف
ملازمتنه نائل اولدی . مراسم دعا و ثنایی ادادن
صکره بهر دور بانونک تصویر خورشید نظیرینی

نظر کیمیا اثرینه عرض ایلدی . وَاَمَّا نَهْ تَصْوِير !
 فَلَمْ يَجْعَلْ بَيْنَ جِسْمِ نَوْرَانِي فِي مَائِیْ پَرْدَه سَنَدَه
 سَتَر ایتدیگی حالدَه یَنه مثلی گورمامشدر -
 وَاَمَائِی - که شَرَقْدَه رساملرک اَلْ مشهوریدر .
 اَرژَنک چینده بویله بر نقش غریب تخیل ایدوبده
 لَوْحَه تصویره چکمامشدر . تماشای نَظَّارَدِی
 گل و غنچه ایله لبریز ایدردی . وَاَخْرَد خَرْدَدَانِی
 مَسْتُومدهوش براغیردی . بِنَظِیرک - بر گور شده
 نَقْشَه مَقْتَدِر اولان - قَلَمِی او تصویر پری فریبی
 نَقْش ایدرکن گویا که نرکس گبی یشللمش ایدی .
 بَابِل . تصویر گل جِمالَنه قَرشو گِلَسَه شَوْق
 و سَرورندن پروازده قیام ایدردی . شاهزاده
 بو تصویره بر نَگَد ایدَنجَه چلدر رَجَه سَنَه مَقْتُون
 اوله رق . سَرخوش گبی تَخْتَنَدَن یِیْقَدِی . وَاَحَالِی
 (قَالِیْمَه) لَرْدَه گوریلان صَوْرَتلر گبی یرلرده
 سَوْرَنِمَگَه باشلادی . بر درجه ده که بَنَدگانی حَالِی

مشاهده‌دن تلاشه دوشدیلر . حکیملر گتوردیلر :
یوزینه صو سرپدیلر .

بینظیر - که گوکلنک نبضنه گورده شربت
ویرنلردن ایدی - حضاری اطرافدن دفع ایلدی .
باشنی قوجاغنه آلدی . و بو مستی هستی سوزدن
کندینی آگاه ایتدی . قالدیردی . ینه تختنه
اجلاس ایلدی . فقط جهاندار سلطان محبت
جانانه تاجان اوینه او طور دیغندن . کندینی بر درلو
عشق الندن قورتاردمدی . - بی اختیار یاقه‌سنی
پارده‌لیرک گوزینی تصویره دیکدی . و گوگلنی
بتون بتون پنجه عشقه تسلیم ایلدی . آرزمان
ایچنده صاقلادیغی اسرار طویلماغه باشدی .
و گیده گیده عشق و محبتی مشهور آفاق اوله‌رق
پدرینک پایه سریر سلطنتنه واصل اولدی .

تم

Kemal, Namik
Bārīkandī zafer
اثر

(نامق کمال)

فی ۵ غروش

❀ ❀ ❀ بارقه ظفر ❀ ❀ ❀

لحمد لله الذي جعل بوارق سيوف الدين مشارقا لصفوف
 لمجاهدين وخوارقا لصفوف المعاندين
 وقايع نويسان معجز خبر
 بدین گونه گوید پیام ظفر
 سبع وخمسين وثمانمائة حدينه واصل اولان سال فرخنده
 قال هجر تك ثانی عشر ربیع الاولنده که شهر اثنی عشر
 شمسیه نك اول ربیعنه مصادف ایدی حضرت پادشاه
 ظفر پناه که

جهان ازین دو محمد گرفت رفعت وجاه
 یکی محمد مرسل دوم محمد شاه
 اوصافی مدیحه صحیحه عنوان شوکتیدر او رنك سپهر آونك
 مدد تدن کرنك کهکشان پالهنك جلادته انتقال ایدوب

بریح اعیرت حافرا من زبر جد

لها التبر جسم واللجین خلاخل

ارخای عنان سفر وغلغلہ (جاہدوا فی سبیل اللہ) ایلہ سایہ

و آیات فتح آیات خلافتدہ کروہا کروہ تحشد نمای

فروشکوہ اولان ہزاران ہزار ہز بران اژدر شکار ایلہ

ادر نہ موکب ہایونندن ارتحال ایدوب

بحیش اقاصی الشرق ترجف تحتہ

وترتج منه اخریات المغارب

تشیہر شمشیر ظفر ایتملکہ رکاب صاعقہ شتابندہ دور

باشان جلال وعظمت

کلور اول دلیر قہار قلیجی النده قانلو

صاول ای عدویولندن کہ یمان کلشدرربو

کلبانکیلہ شرق وغربہ ولولہ انداز دہشت اولدیفی خالدہ

فتح ونصرت دریمین وقہر وسطوت دریسار

حزم ومکنت پیسداوان وعزم وہمت پیشرو

رہگذار لشکر آتش جولانہ تصادف ایدن نیجہ خاشاک

دامنگیر عداوتی امواج شعلہ خروش جیوش ایلہ ساحل

انداختہ بیابان عدم ایدرک

بظالی کہ نماید طلیعہ ازواح

بساعتی که قضا زد لوای فوز و فلاح

سایبان مروارید افشان هایونی که پرده جواهر طراز عن
واقبالی داغ افروز اطلس کوکب آرای سپهر ایدی و مهجه
عالمتاب فرو اجلالی سینه سوز کوی زرین مهر ایدی
سور قسطنطنیه پیشگاهنده برابر چتر بیستون کردون
ایلدی . اصح نقول مورخین بودر که بو غزای غراده میان
همته بند شمشیر قضا مضا ایدن مبارزان اسلامک باجمعیم
مقداری مرتبه دو صد هزاری متجاوز اوله

وقتاکه طایعه سپاه نصرت پناه قوه بازوی اهتمام ایله
علم افراخته فخر و اعتلا و بارقه سم سمند اقدام ایله عالم
افروخته قهر و استیلا اولارق نظر کاه اعداده

ز کرد کرنک وز عکس درفش

هوا سرخ وژنک وکبود وبنفش

حالاتی اشکار ایلدی عسکر هزیمت رهبر دشمن که
هر بری بجای زره و منفر قطاس مجوهر و لباس زراندوز
زرایله ارایش نمای مفعرت برزن مزاج مرد افکن ایدی
انقطاع امید اماندن صکره مردان قدر توان اسلام ایله آشک
کار زار ایچون قلمه دن بر مهاجه شدید کوستردیلر .
اما حین التقاده هیا کل غصنفر مشاکل ارباب غزاده

و الیث لا یحسن التقیاً اذا قربا

هیئت هیبت طرازینی تماشا ایتمکه پریده رنگ و کشاده
تنک کریه ناک وزهره چاک

زبان بسته و توان شکسته ایله

تن لرزه لرزان رخ سند روس

نه جای ستیز و نه پای کریز

حیرت آبادینه دوشوب بر گروهی پیشکان سیف جهادده
که محراب جوامع حرب و ظفر در سجده پر خاک هلاک
اولدیلر . وبقیه السیوفی مجاهدین دینک خنده استهزای
وخشش تیغ و تفکیله

قد سمع القهقهه قد رجع القهقری

حالتنده مغلوبا و معیوبا و مسلوبا و مرعوبا درون حصاره
جان آتدیلر . انی متعاقب بر اغرنده پلنکان پولاد اظفار
ظفر که مجاهدین دیندر و بحرا درنده نهنگان الشین
دندان از در پیکر که سفاین نصر بقیریندر . دائرا مادر
اهنک حصار حصار ایدوب درفش در افشان عز و اقبالی
فرق افتخار احبابه ابر جوهر بار نصرت و درخش
در خشان صمصام جلالی داغ درون اعدایه فتیله زهره
شکاف نکبت ایلدیلر

مملکت جانب صحرادن هنده سه کاری معمار اقدام ایله

حکیم اولمش حصار هفت قلعه سنکین وسوی دریادن
 ر دستی سنار اهتمام ایله کشیده قانمش زنجیر آهنین ایله
 محاط اولمغله کویا که اول طلسم مشکل کشای مقصوده
 بر جهتدن بر دیو آتش غریو هفت سر و بر جانبندن
 بر اژدر هزاران چشم پولاد پیکر نکهبان ایدی . مجاهدان
 جلیل الاجتهاد صحرا جانبندن اعلائی لوای دین ایچون
 معضات جبال عالم کبی پادر ثرا و سردر ثرا یا نیجه مترسار
 قالدیروب آتشین قذافه دهشت اندازی کره نار صلابت
 و با که شهاب ثاقب کبی بر عالم نور مهابت اولان هزاران
 اژدران صفدران صاعقه فشانی که طوب قلعه کوب
 عالم آشوبدن کنایتدر اعانت زنجیر ملائک بند توفیق ایله
 اول قائل قاف ظفردن حواله سمت حصار ایتدیار . هر دقیقه
 همت مردان اولنجه کوه پابر جایورر

سائقه سیله مترساری قدم قدم تقریب دامن قلعهیه اقدام
 ایدوب مهاجمات واقعده رخشش طوپ و تفنگ
 و غرنیش رخش پانکی رنک ارباب درنک ایله فوران و ثوران
 ایدن دود و غبار هول آتار شعله حرق جو هوادن مانند
 سحاب آتشتاب زرق ﴿ او کصیب من السماء فیہ ظلمات
 ورعد و برق ﴾ احاطه غرب و شرق ایدرک صواعق

اجل تأثیر یله قرار گاه اعدایی آتشین دریای بلایه غرق
 و بوارق قضا تنویر یله صرح متین مقاومتی خرق بر خرق
 ایدردی . اما دریاجه تنیدن آهنین سد زنجیر سفاین همایونه
 دخول خلیجده پای بند تأخیر اولغله مهندسان تأسیس
 الاشکال تدبیر و ممارسان جر انقال دارو کیر ترتیب آلات
 و ادوات و بذل جلال اقدامات ایدوب قوه بازوی تهمین
 تنان بهرام پسند و اعانت مواشی کوه کوهان کپکشان
 کند ایله بر قاچ فلک فلک مثالی کشتی نوح کبی شواحق
 جباله اصعاد ایله بهردیاب فیض و فتوح ایدرک پیشونده
 ملائکه فوز و نصرت « بسم الله مجریها و مرسیها » دعاسیاه
 استنزال توفیق و تیسر ویندن مالکة دریای همت
 « فسیحان الذی اسرا » ثناسیاه اظهار تحسین و تحبیر
 ایتمکده اولدینغی حالد درون خلیجه دهشترسان نزول
 ایتمکله اول سودن دخی بادبان سعی و اجتهادی افراخته
 و قلع قاعه تحصن اعدا ایچون نیجه بیک کوهپاره آهنین
 انداخته ایلدیلر .

هر چند که دلاوران جلالت سرشت امواج خروشا
 خروش خون شهادتله با صدقلری زمینی نمونه نمای ارد
 بهشت و بلکه هر سبزه خاکینی خنده انکیز ورد بهشت

ایلدی و رای کھسار قدردن نسیم نصرت جلوہ انکیز
 ظهور اولماق حسبیہ کئنهال رایت هایون فراز قله
 حصارده اهتزازہ کلمک میسر اولمدی . تا کہ جناب امن
 مسلمین و قبلہ ارباب یقین کمال انکسار و مسکنت و نہایت
 حضور و ضراعتله سجدات نیاز نصرتہ وضع جبین
 ایتدیکی بر ہنگام نصرت انجامدہ ہاتف غیب کہ ترجمان
 کتاب لاریب در دیوان بخشایش قدردن « نصر من اللہ
 وفتح قریب و بشر المؤمنین یا محمد » صدای جلالت افزاسیہ
 ابلاغ بلاغ فوز و ظفر ایتمکله حصارک ادرنہ قیوسی
 جوارندہ بر رخنہ فراخ فرح کشایش بولدینی منظور
 عین سرور مجاہدین اولدی . اما بوائنادہ سردار
 مظالم شعار ظلمت سپاہ زرین کلاہ انواری دامن حصار
 انجم ثقیات فلکدن مغرب زمین استتارہ طرد ایتمکله
 اول باب فوز و فتوحدن شاہد نازندہ خرام ظفر میدان
 ظهوردہ جلوہ کراولمغہ زمان امکان مساعد اولمدی .
 فلاجرم اعدائی سد رخنہ حصاردن صد ایچون عساکر غیرت
 شعار فرمان قضا نفاذ کشورستانی ایلہ ہرستون نیزہ نی بالاسنہ
 بر مشعل خورشید انجلا تعلیق ایدرک محاکم عمود سحر
 ایدوب اول لیل پرویل ظلمانی انجامہ ایرنجہ جانب

حصار کردند و قراره شهاب افشان قهر و دمار اولدیلر .
 علی الصباح ایام که محاصره حد نفس و خمسینه و اصل
 اولمشیدی قهرمان شعشعه سنان خورشید مواکب کواکب
 انداز عزم رزمه طلائع بارقه سحری پیشرو و لواحق
 شمشیر صاعقه بار فروغندن زمین و آسمانی غرق امواج علو
 ایدرک قلعه رواق اندر رواق بیستون پیشگاهنده اعلائی
 کلکون لوای شفق و ضرب دشت جیوش آتش خروش
 انوار ایله فتح ابواب فلق ایلدی . چارشان هلال چوکان
 درگاه و شاطران اطلس خفتان خورشید کلا ده استه حوایا معشر
 المجاهدین « جانب شهریار خلافت مداردن مهاجمه قلعه یه
 اجازت صادر اولدی و اعدای دینک تخت و بختنه تاخت و تاراج
 فرمان بیورلدی « للسی ما نکحوا و القتل ما ولدو و النهب
 ما جمعوا و النار ما زرعوا » صداسیله تحریر ارباب غزا
 اید مجه شیر صولتان پیل اندام و پلنک سطوتان ببر انتقام جیوش
 غریب و غریب و خروشا خروش

بازار کار زارده جانفروش اولوب زغرعه
 اهتراز رماح و قععه شکایک شاککی السالاح
 پرده سامعه بی چاک چاک دهشت و شراره صمصام
 صاعقه درخش ایله ژغازه دهان کف افشان رخس

(یکبار تو عالم بزنی آتش و من آب)

تصدوقی حکایت ایدرک بر صورتله اهنک جنک و درنک
اولندی که ادنا صدماتی زلزله بخش بنیان حصار و بلکه
ولوله انداز سپهر دوار اولمغه زبان سرا پرده نشینان قضا

صولت عسکرله دوشدی بر تزلزل دهره کیم

قویدی دهشته یرندن نه رواق بیقرار

بلکه لرزیدن کچردی خا که یکسر اولسه

استناد رایت فتح آیتیکله پایدار

اقلعه سیاه کویا اولمغه باشلادی . غازیان جلادت قران دین

(فصرت اذا اصابتنی سهام)

(تکسرت النصال علی النصال)

طرزنده سراپا قذافات طوب و تفسک و صواقل سنان

و خدنک اعدادن زره آهنین کینوب صف بصف تقدم

نمای میدان مصاف ایکن قهرمان تاج بخش و کشورستان

و صاحبقران فاروقی فتوح و کرازی توان غضنفر ابری

سمندورعدی غرنند تهمتن از در کند و دیوبند مریخ شهاب

سنان و بارقه شمشیر بهرام انجم سپاه و عالم تسخیر اورنک

آرای جهاننداری و سروری

آسمان دولتک خورشید قدس پرتوی

بزمگاه شوکتک جمشید خورشید افسری

خایفة الله المؤید حامی دین حضرت سلطان محمد لمعات
جلال جمالی نور محمدی صبی عالم افروز فرو کمال
وصدمات صمصام اجلالی زور بازوی حیدری کبی درکشای
ممالک فوز و اقبال اولدینی حالدہ پیشندہ ملائکہ آجال
« اینما تکز نوا یدر ککم الموت ولو کنتم فی بروج مشیدہ »
تندیریلہ زهرہ شکاف اعدای دین و پیندہ جند ارواح
عون و آمال « انا فتحناک فتحا مبینا » تبشیریلہ غیرت بخش
مجاهد بن بردبدہ تو فقی آموز و جلادت قرین ایلدزلزلہ
بخش میدان ورود اولغله زدو خور جنک جهانستانی
ودستبرد قهر قهر مانی بی برحدہ ابلاغ ایلدی که فشا فاش
پیکان جانستان مقعر سایہ واصل اولد قبحہ انعکاسندن

قضا کفت کیرو قدر کفت ده

فلک کفت احسن ملک کفت زه

صداسی اشکار اولوردی . وچکاک چاک یامان سنان قلاه

ذات البروج اماند لرزه و یرد بکه ارتعاشندن

چنان رایت دین فرازد یدش

جهان آفرین آفرین کویدش

مدیحہ سی ظهوره وکلور دی بو طرز ایلہ

! شعشعۀ سیف و خدنگ و بارقۀ طوپ و تشنگ سحاب
 درود سیاه ایچنده برق لامع کبی جوال اولدینی حالده
 : اعسا کر ظفر رهبر مانند باران بلا خندق کنارینه
 و نازل اولغله نهیب مهیب عدوی مخذول سهیل رحیل
 خیول ایله تعا کس ایتدجه پیدا اولان طراقة هول انگیز
 ! غلغله انداز جواثیر و عمان طوفان هیجان جیوش بنیان
 کوه تمکین حصار ایله تصادم ایلدجه خروشه کلان امواج
 خون سیاه رواق علینه دامنگیر اولمشیدی . کرچه
 دشمنده یارای مقاومت قالدی اما عمق خندق درون
 حصاره مانع گذارش ایدی . تا اول زمانه دک جواهر
 ارواحی سرادقات فردوسه پیرایه اعتلا اولان شهدای
 کرامک عناصر اشباحی اول فرکند غیا پسند عمیق اوزره
 بر صراط مستقیم پیدا ایتکله غازیان جلالت نشان کلبانک
 الله اکبردن دیوار حصار مقاومتی سراپا زیرو زیر ایدرک
 بر مهاجمه طاقت انداز قلعه شکافده عون و هباب
 مفتوح الابواب ایله محاکی جنات العدن سرور اولان بلده
 طیه به که

غبارنده نهفته آفتابک نور رخشانی
 رخامنده نمایان اسمانک راز مستوری

گشتند و شب انجمنه ساقیان بر شام

نیت آمدند خورند و شام بر شام

مدحیه سی صفت حیوان صفت بشخصه

اعانت حساب رب غفور ارحم « باده خفته » کار بخت

« فارحانها خالین » دروازه سبیلان داخل ابرار

در آن ساعت هلال شفق بوی رایت غنای برج کرمان

ارتفاع حصارین عید اگر قفس حیوانی اعلان احوال

مستراح جهان ملکوت و سکون فعال لاهوت و نه سولی

اسبان عیش و سر طر و ابوابی

اسد زلف مسموم عید اگر

نام شریف بر نو بود محبتی

حیدر شکست خفته باروی جباری

نعمه به نگیرد آفرای عید سرور ابرار

الان تفرج روح گلینه

و اغیارین عمر جمعه

مبارکین شکر نام آفری سلف ای صبور به قدر سنگین

فصلی قریب و امانت نام بود و امان و تولد و بی نظری و امان

محواله اشتباه جنگله که آید و هرگاه هرگاه نای فبالت

آشوبده صراط صفت از سلف است و برین سیر احوال

درکات عدم اولدینی معتبرات معثوراتند
 وقتا که جمال کلکون طراز ظفر آینه شمشیر محمدیده
 جلوه کر اولدی وزیرای قضا دبدبه دولت
 آفرین ای روزگارک شهنسوار صفدری
 عرشه آص شمدنکره تیغ ثریا جوهری
 تیغکه نوله یمین ایلر سه روح مرتضی
 برغزا ایتدک که خشنود ایلدک پیغمبری
 شناسیله تهنیت فوز ونصرت و علمای کردون کوکبه
 سلطنت

غزا مبارک اوله ای خدیو فرخ دم
 سنکله دربیله عز مکده اولیای امم
 صونلدی دستکه دیوان عرش اعلا دن
 برات منصب صاحبقرانی عالم
 تبشیریه تبریک دولت غایت ایلدیلر . صبحدم حضرت
 خورشید عالمگیر سلطنت

پادشه مهر و ستانبول آسمان
 مهر سوی آسمان آیدهمی
 حکمیه عزم داخل بروج ایدوب صمصام بهرام انتقام
 همت در میان وسهم السعادة پیکان عنایت بر کمان

سمنداسدی خرام وهلالی رکابنه سوار اولمغه جوانب
 بارقه جنابینده مقرر بین کرام مثال سیارات اشعه رایات
 منور خلعت عبقری نقش حشمتله کمال شعشعه دن خیردساز
 عیون جهان وعسا کر سپهر احتشام مانند کواکب کردون
 مواکب سیمین جوشن شعله نسج سطوتله کثرت کوکبه دن
 خیرت انداز درون آسمان نوبت دولت محمدی
 سیراهنک « فانظر الی آثار رحمة الله » وشا طران
 درگاه مؤیدی ادعیه خوان « علیک عون اه » نیچه
 دلنشین عساله رایات غزا هتر از سرور مجاهدین ایله
 موج ارتجاج وبونجه کوه تمکین خیاله جلادت افزا
 تهییج نشاط فوز وفتوح ایله غناج ابتهاج اولدینی حالد
 درون حصاره تشریف نزول ارزانی کورلدی
 جناب امام المسلمین حکمدار عاقبت تبار بادهنک صدمات
 مهاجمات غزاة الله زلزله کیرانهدام اولان سرای سپهر
 اعتلاسنی

بوم نوبت میزند بر طارم افرا سیاب
 پرده داری میکند در قصر قیصر عنکبوت

تبقظیه اورنک سلطنت دنیا کی لطمه خوار پای تحقیر
 ایلدکن صکره « رجعنا من الجهاد الا صغر الی الجهاد

الاکبر « حکمیایہ ایاصوفیہ جامع غرائب جامعنی کہ درون
جنت نمونی

زهی فردوس نانی کیم اولور ثالث اکلدقجه
زمینک کعبه علیاسی چرخک بیت معموری
توصیفنه احق وقبه فلك مثالی

بنم نور وصالک منجمد موج تجالاسی
جهان فیض وتوحیدک منور قلہ طوری

تعریفنه الیقدر محراب وجه توجہه ایدوب اول معبد
کعبه متال عالیدن هیا کل اصنام کونا کون و صدای
ناقوس وار غنونی ازاله ایله صفائح دیوارینی نقشطراز
آیات الہی و شرفات منارینی تشریف سازاذان محمدی ایلدی
عیان کرد مسجد بجای کنشت
بر ایوانش انا فتحنا نوشت

كتابخانه ابو الضيا

Kemal, Namik

قنیرہ

Kanije

اثر کمال

تمثيل ثالث

معارف نظارتك رخصتيله

قسطنطينيه

۱۳۱۱

مطبعة ابو الضيا



اخطار طابع

بورسالة ۱۲۹۰ سنه سنده برنجی دفعه اوله رق
کمال بك طرفندن نام مستعار ایله نشر اولمش ایدی.
مؤخرأ ۱۳۰۳ ده دفعه ثانیه طبعنده ایسه طوغری یه
کندی نامنه نشر ایدلدیگندن بوندن بویله دخی
او نامه نشرنده مجبوریت گورنمشدر .

§

مشارالیه درکه: رساله دروننده فاضی نك کتاب-
بندن، که عنوانی [حسنات حسندر] برچوق شیلر
نقل اولنیور. فقط رساله اوزمانلرک طورنجه ویسیلر،
ترکسیلرگی فوق الغایه مغلق یازلدیغندن و بزم بوگی
رساله لردن اصل مقصود منر عسا کر شاهانه نفراتنه
عثمانلی عسکرلگنک بر طاقم سوابق فاخره منغی یاد

واخطار ایله غیرت و حیت مسلمہ لرینک تزیادینه
 عاجزانه بر خدمت اولدیغندن - مؤلف مرحومک
 روحندن طلب عفو ایدرک - اکثر عباراتی لسانزک
 شمدیکی شیوه سنه نقل ایلدک . « ۱۲۹۰ هـ [ماغوسه]





ترياقى حسن پاشا



JK

فہرستہ

وقتا کہ سلطان محمد خان ثالث اگر ی قلعہ سنی
 فتح واورپانک قوۃ عمومہ سنی قہر ایلہ استانبولہ
 عودت ایلدی، برقاچ سنہ ۱۰۰۹ھ اسلام ساطورجی
 محمد پاشا و اتمکچی احمد پاشا گبی نا اہلر اندہ
 قالدقن صکرہ، اگر ی مظفریتنک حصولنہ سبب
 اولان داماد ابراہیم پاشا مرحومی ۱۰۰۹ھ تاریخیاہ
 دفعۃ ثالثہ صدر تلہ اردوی ہمایونہ سردار ایلدی۔
 مشار الیہ قلبی متین، رأی قوی، دولتنہ صادق،
 ملتی یولندہ ہیچ بر شئی اختیار دن چکنمز مجاہد
 و ہمتی بر ذات اولہ رق ساطورجی پاشانی بردسیسہ
 ایلہ اعدام و اتمکچی احمد پاشانی بر حیاہ ایلہ حبس
 ایدوب اردودہ کی تشویشی بر طرف ایتدی۔
 و کوپر یلی زادہ فاضل احمد پاشا مرحومک قوی

اوزره « اسلام اردوسی مغلوب اولماز؛ فقط باشند
 سردار استر؛ حایدود باشی استمز. » حکمتی اجرا
 ایچون بر عدالت کامله و مهارت فوق العاده ایله
 دشمن اوزرینه یوریدی .

مشهور در که مرحوم سردار لقدم بولندی
 مدتی قوجه اردونک گرك عساكر منتظمه و گرك
 نفیر عام صورتیه طوپانیا لان (لونداتندن) شیخ
 بریسی اهلینک بر باشاق بغداینه ال اوزاتمدیلر .
 او یله قان گوستریلمینجه یدی یاشنده چو جقلری بیله
 ییلدی ر مق محال عد اولانان بر زمانده بوانتظامی
 حاصل ایدنجه قدر پاشانک اجرا ایتدیگی سیاست
 یالکز بر دودجی بی خرسزلق ایتدیگی ایچون
 دودسنک هاودینه آصمقدن عبارت ایدی .

پاشا بودبدیه دیندارانه و عزیمت حمیتکارانه ایله
 دشمن اوزرینه یوروینجه سرحدده بولانان و عصیان
 اوزره اولان رعایانک عمومی دها بارقه شمشرینی

گورمدن آوازہ شہرت عدالتی « شمعنا واطعنا »
جوابیہ قارشولیدلر .

اردوی ہایون [اوسک] قلعه سنہ واصل اولنجہ
سردار اکرم حمیت و دیانتہ مکافات اولہ رق برامداد
الہیہ نائل اولدی کہ اودہ مجاہد مشہور تریاقی حسن
پاشانک اردویہ ورودیدر .

مشارلیہ اوزمان بودین [۱] ایالتدن معزولاً
[پجوی] شہرندہ اختیار عزالت ایتشدی . حتی کندی
ترجمہ حالہ متعلق شاعر مشہور فاضی تالیف ایتدیگی
کتابدہ کندیلہ اولان محبت و محاوراتندن بحث
ایدرده دیر کہ : « مرحوم ابراہیم پاشانک سردار لغی
زمانندہ پچویدن قالقوب استقبالہ کتمسنی توصیہ
ایتمش ایدم ، پاشا مرحوم بن سزک گبی چلبی دگلم .
سردار اسلامہ المی : قولمی صالازیہ رق کیدہم .
برفرست ظہور ایتسون . آغالریمک ہیچ اولماز سہ

هر پارمغه بر اسیر باغیده لم . او وقت سردار ایله بولشمغه
یوزم اولور . « جوانی ویردی .

مرحوم تریاقی ایسه ده مظنه دن بر ذات ایدی .
سویلدیگی لاقردی کرامت گبی چیقدی . قیرّه
اهالیسی دائمیول کسمک وراست گلدکلری یردن آدم
قایمق ایله مألوف بر طاقم ملاعین اوله رق . ینه بر دفعه ده
[پورنوار] پالانغه سنی یا قدقلرینی بزپاشایله مصاحبت
ایدرکن آغالری خبر ویردی لر . مرحوم دفعه « اشته
چلبی ! استقبالك شمعی زمانی گلدی ، جنت استیان
بنمله برابر کیدر . دنیایی کندینه جنت ایتک استیان
یابوراده قالور . یاسردار اکر مک استقبالنه قوشار .
یاخود ذوقی نه ایسه آنی اجرا ایدر . « دیدی ،
یرندن قالقدی . معتادی اوزره معتمد لرندن بر بنده سنه
کندینی بر قالین ایپله صار دیردی . بزده آرقه سنه
دوشدک . دشمن اوزرینه الغار ایلدرک .

پاشای غازی نك موجود معیتی کندینك یگر می
دردت گدیک آغاسی و آنلرک بر رایکیشر [زوبو] لریله

بوفقيرك پرا كنده برقاج چوقه دارندن و برده پچوي .
 شهرينك حر كتمزي ايشيدن يگرمي قدر دلي قانلولر
 ندن عبارت ايدى . قنبره ليلر ايسه آزدن آزون
 بيك كشي يه بالغ و ايو جه تخمين اولنور سه آندن دخي
 زياده ايديلر .

دشمنه [دراود] قنبره يتشدك . مرحومك كرامتى
 ظاهر اولدى . بو بر آوج عسكرا له او قدر ملاعيني
 تار مارا يتدك ، كه هر بر يمز اللريمزك پارمقلى عددنجه
 اونر اسير طوتدق . يالگنر پاشانك اسيري يگرمي
 ايدى . لطيفه ايدرك ياننه واردم : « سوزيگنر
 چيتمدى سيزك اسيرلر زياده ظهور ايدى . » ديدم .
 « بنم آياقلمده سيزك گي چلييلرك الي قدر غوغا
 ايدر » بيورديلر .

مرحوم : محاربه سنده نه قدر شجيع ايسه محاوره .
 سنده ده او قدر لطيفه جى ايدى .

سبحان القادر القيوم ! او قدر جزئي بر فرق ايكن
 هر بر يمز آتمزك آردا گر قاشنده اون اسير باغليهرق

بر دبدبه اسلامیه ایله سردار اردوسنه واصل اولدیغیز
 زمان عسا کر اسلام فرح لرینک شدتندن عادتاً
 مست اولدیلر . معتاد مؤمنین اولان تکبیریرینه
 دشمنک ذلتنی گوسترمک ایچون « یو حا ! .. »
 چاغر شمعغه باشلادیلر .

سردار اکرم ، ذاتاً قدر شناس اولدیغی گبی ، خصوصاً
 صیله تریاقی حسن پاشانک درایت و غیرت فوق
 العاده سنه اولدن برو مفتون ایدی . بویله عقلک
 خار چنده بر مظفریت کامله ایله گلیشنی ایسه اسلامک
 غلبه سنه فال خیر عد ایدرک ، غازی مرحومی هر
 ایشنده مستشار خاص عد ایلدی . وابتدای مشا و
 رده [استرغون] قلعه سی اوزرینه عزیمت آرزو سنده
 بولندیغنی سویلیدی .

حسن پاشا مرحوم « حق تعالی آسان ایلسون .
 فقط هر ایشک گوج طرفی دوشونملی ده آکا گوره
 حرکت اولنمیدر . استرغون اوزرینه توجه اولنورسه
 قنیرده خلعتی گلور . بو کوپر یلری بوزار . و جناب حق

گوسترمسون ، شاید عودت اقتضا ایدرسہ عسکر
اسلامہ رخنہ گلور . باری شمعی [بوبو فحہ] قلعه سنی
فتح ایدہ لم . بو طرفلری محافظہ ایچون ایچنہ اقتضاسی
قدر عسکر قویالم . بوصورتلہ بودین یولی دہ اللہ
اولور . « دیمش و بورای ، عموم پاشالر و بگلر طرفندن
بگنلدیگی گبی ، سردارندہ مقصدی قنیرہ نی فتح اولد .
یغندن و بوبو فحنک ضبطی او مقصدی استحصالہ
خدمت ایدہ جگندن سردار اکرم همان معتادک خلافتہ
اولہ رق ، طبیعتندہ اولان وطن پرورلک و تواضعی
مسندینک شانہ ترجیح ایلہ یرندن قیام ایدوب حسن
پاشانک اوزرینہ قوشار . و نیچون گنلدیگنی بیلدیر .
مکسزین ایکی اللرینی طوتارده « پاشا باباجم ! اللہ
سنک گیلری آرامزدن اکسیک ایتسون . یوقسہ
بن استعداددہ اولان سردارلرک عقلی بودولتک شاتی
محافظہ کافی دگلدیر . « دیر ، اللرینی اوپر . عموم
آغلا شہرق بوبو فحہ قلعه سی فتحنہ فاتحہ چکرلر .
اوسک موقعندہ کی کوپریدن کچیلدکن صگرہ

طوغلارڭ صول طرفه، یعنی بوبو فجه سمتنه دوندیگی
 حسن پاشا گورنجه آت قالدیر هرق طوغری سردارڭ
 یاننه گلوب « او غلم نر دیه گیدیورز؟ » دینجه سردار
 « بوبو فجه یه کتمیه حکمیدک؟ » یوللو مقابله ایتمکله غازی
 مرحوم « خیر او غلم ! بوبو فجه یه کتمیه جک ایدک .
 بوبو فجه یی فتح ایده جک ایدک . پادشاه اسلامک اردوسی
 او یله بر پلانقہ یی محاصره یه تنزل ایتمز . اشته دیار
 بکر بگلر بگیسی مراد پاشا که سلطان احمد اول
 زماننده صدر اعظم اولان و دولت علیہ یی بیك
 بلادن قورتاران مشهور قیوجی مراد پاشا مرحومدر
 بر مسلمان و درایتی بنده کزدر آنی گوندر، قلعه یی
 فتح ای تسون « دیر . سردار مرحوم دخی » پک
 اعلا پاشا باباجم ! اردوده حقیقتده سردار سن سک !
 نه استرسن امرایت اجرا ای تسونلر . « سوزیله غازی
 مرحومی طرفدن هرا یشده مرخص تعین ایدرک،
 چادرلری ایندیرر . و مراد پاشا مرحومی یگچری

کے تھداسی محمد اغا ایلہ برابر اقتضاسی قدر عسکر
ایلہ توکیل ایدوب بوبو فجہنک فتحہ گونددر .
حسن پاشانک کرامتی بوندده ظاهر اولدی .
بورائی اشدیگم زمان یانہ گیتش و «بوقدر وقت
سرحد سکز . گرک عسکرک و گرک دشمنک حالی
معلومکز در . بوبو فجہنک فتحی بویلہ بر فرقہ قلیلہ یہ
نصل حوالہ ایتدیر دیکز . باشندہ سردار اولمدجہ
عسکر مزک غوغا ایتدیگنی و دشمنمزک پادشاہ
و سرداردن ماعدا کیمسہ دن ییلدیغنی ییلزمیسکز ؟»
یوللو اعتراض ایتمشیدم . مرحوم بوکا مقابل «مراد
پاشا سزک چلییلردن دگلدر . اوچ گوندہ بوبو فجہنی
فتح ایدر ؛ آندن صکرده دولتجہ پک بیوک خدمتلرہ
موفق اولور . حتی صدارتندہ بندہ ، سندہ معیتندہ
بولنورز . عربستانی اشقیادن برابر تطہیر ایدرز »
بیورمشدی کہ فی الحقیقہ مراد پاشانک ہمتی و [سگتورا]
بگی دلی نصوح بگک جانی فدا ایتسیلہ بوبو فجہ
قلعہ سی اوچ گوندہ فتح اولندی . و سلطان احمد اول

زماننده حلبه استیلا ایدن جان پولاد وقعه‌سند
مراد پاشا مرحوم صدر اعظم و تریاقی حسن پاشا
مرحوم روم ایلی بگنر بگی ایدی. بوقتیرده اردو
قاضیسی بولندم . «

بوبوفجندك فتحی مژده‌سنی آلدقن صكره
سردار اكرم عموم اردو ایله اورایه گیدر. و قلعندك
آلتنده بر مکمل آیق دیوانی ترتیب ایدر. حسن پاشا
مرحومك رأیله اردونك. دشمن خبردار اولمقسنین،
قیرده محاصره‌سند عزیزمته قرا ویردیر. فقط او صرده
سرحد اسلامك کلیدی مشابه‌سند اولان بودین
قلعه‌سی دخی دشمنك هجومی مخاطره‌سند بولند.
یغندن امرادن بعضیسی « دشمن بودینه گیدر سه
بز نه یاپارز؟ دشمن اردوسنك نردیه توجه ایده‌جگی
حالا معلوم دگل. نه جاسوسلر مزدن و نه طوتدیغز
اسیرلردن قناعت ویره‌جك برخبر آله‌بیلدك . «
دیملکه اصحاب شورا ترده باشلار . قیوجی مراد
پاشا مرحوم « المزدده ایکی ارسلان وارکه بری

سردار مرز بریدہ حسن پاشا در . حسن پاشائی
استدیگی قدر عسکرانہ بودین محافظہ سنہ گوندور :
بز سردار مرز قنیرہ ناک فتحہ گیدرز . بعون اللہ !
ایکی طرف کدہ موفق اولہ جغہ شبہم یوقدر . « قولیہ
عمومی اقاع ایدر . حسن پاشا مرحوم بودین
محافظہ سنہ گیدر : بودین محافظہ سنہ بولنان لالا
محمد پاشا - کہ اوزمان روم ایلی بگلر بگیدی
و مؤخر ابراهیم پاشا طرفدن حین وفتندہ سردار
نصب اولہ برق و سلطان احمد اول زمانندہ صدر
اعظم اولہ برق تاریخلردہ نچہ سفری دیو مشہور
اولان و یگرمی ییلدن زیادہ اوزایان محاربه یہ غالبانہ
ختم ویرن ذاندہ - بودیندن ایالت عسکری ایلہ
چیقارق و یولده [براندوار] و [لادہ] قلعه لرینی
بلا آرام ضبط ایدرک اردوی ہایونہ التحاق ایلدی .
سردار اکرم مرحوم حسن پاشائی یانندن
غائب ایتمش ایسده قیوجی مراد پاشا و لالا محمد
پاشا گبی - دنیا یہ اقرانی نادر گلیر - ایکی قہرمانک

وجودی اردوی هایونک بعونه تعالی مدار مظفریتی
اوله جغتہ امین اولدیغنی فائضی مرحومه سویلر
ایمش . روایت فائضی نک کتابنددر .

قنیرہ قلعه سنک اوزمان - مشهور تاریخ
صاحبی نعیم روایتینده گوره - ایکی طرفی برر اوق
آتمی سازلق و باتاقلق ایمش . اطرافیده اورمانلی
طاغلرله محاط اولدیغندن مترسله یقین وارمق
ویا خود لغله آتمق قابل اوله ماز . گونده قلعه ديه
آنحق دردر، بشریوز گله آتیه بیلورمش . طوپلری
استیلاان یرلره ایریشدیرمک ایچون صو اوزرینه
چبو قدن حصیر گبی چیتلر اوررلرده برطوب عربه سی
کچه جک قدر یول یاپارلر ایمش . اوچیتلر آنحق
برگون طیانرمش . ایرتسی گونی یاتعیر ویاتجدید
اولنورمش . قلعه ديه یقین اولان باتاقلریده اودون
یوکیله طولدیرمغه چالیشورلرمش .

فن حربک اوزمانده بولندیغنی درجه دقت
اولنسون! اسلامک غیرتیده گوز اوکنه آلسون! ظن

ایدرز که منصفانه دوشونیلور ایسه سلستره رساله -
 سند محرز و قیغ " مبالغه در " دینیه مز . بحث
 ایتدیگمز روایت نعیم تاربخنک استامبولده مطبعه
 عمرده آلتی جلد اوزرینه باصیلان نسخه سنک
 برنجی جلدینک ۲۲۹ رقعی صحیفه سنده در . مراق
 بیوران تحری ایده بیلور .

هرنه حال ایسه سردار اکرم بویه چیت اوزرندن
 طوپلر یوریددرک و عتقه فکره گلنز همتلر ایدرک
 قنبره نك محاصر سیله مشغول ایکن محاصر نك اون
 بشنجی گونی قوشلق وقتی قلعه طرفندن بر شدتلی
 صداقویاز . انسان وجودی قدر طاشلر . طوپراقلر
 گوکرده او چمغه باشلار . ایکی ساعت مدت طوزدن ،
 دو ماندن گوز گوزی گورده مز اولور . طوز . دومان
 آچیلوبده اطراف مشاعده ممکن اولنجه باقرلر که
 قلعه نك ذاتاً موجود اولان ایکی قلعه سنندن بری
 یرندن غائب اولمش ! صکرده دن تحقیق ایدرلر که مکر
 دین و دولتی گرچکدن سون بر عسکر قلعه ده اسیر

بواند رق سردار اردو سندن آتدیغی گله لردن سپر لره
 آچیلان گدی کیری طولدی ر مق ایچون انغاریده
 سورلدیگی صرده ججهانه نك قیوسنی آچیق بولمش
 وشوکت اسلامی اعلان ایچون هر اصل ایسه الینه
 کچوره بیلدیگی بریانش قتیلی بیک قنطار دن متجاوز
 اولان باروتک ایچنه براغدرق دشمندن براوچ بیک
 قدر آدمی، قلعه نك محافظیه برابر جهنمک اسفل
 سافلینه. کندینی و کندی گبی اسیر اولان یوز یتمش
 قدر مسلمانن اعلای علیینه گوندرمش ایمش !....
 رحمة الله علیه .

نمچه امپراطوری اولان فر دیناند - که بو محاربه ده
 اوروپانک مجموع قوتنک ریسی ایدی [۱] - بودین

[۱] چونکه آوستریا دولتی ریاست عیسویه معناسنه
 [آپوستولیتی] عنوان دینسیله قانونایک مذهبنده بولان
 اوروپا حکومتلرینک انک ممتازی اولدیغی کبی آوستریا
 امپراطور لرینه دخی روما امپراطوری نامی اضافه ایدیلیر
 ایدی . بوسبيله پروتستالردن ماعدا اوروپا قوای مجموعه سنه
 ریاست ایتک حقنی حائز ایدی . للطابع

اوزرینہ کتمک تصوّر رندہ ایکن حسن پاشا مرحومک
 بودین قلعه سنی محافظہ مأمور اولدیغنی خبر آنجه
 نیتنی تحویل ایدرک . یعنی عادتاً پاشانک مهارتندن
 قورقارق قنیرہ امدادینہ یتشمگی و سردار اکرم
 اردوسیله محاربه ایتمگی حسن پاشا ایله اوغراشمغه
 ترجیح ایلدی .

فائزینک روایتنه گورد ایمپراطور امراسیله
 مشاوره ایتدجه " بن میدانده کی برارسلان ایله
 اوغراشمغنی دلیکده کی بر تلکینک اوزرینہ وارمغه
 ترجیح ایدرم " دیرمش .

ایمپراطور بورای اوزرینہ یوز قرق بیگ عسکر
 و یوز طوپ ایله قنیرہ یه گلمش ایدی . سردار اکرم
 اردوسی ایسه بر معتاد یوز یگر می بیگ کشیدن
 عبار ایدی .

فقط شورالرینہ دقت لازم گلودرکه عساکر
 اسلام هم اردو ایله محاربه و هم ده قلعه نی محاصره

ایدرلردی . قلعه نك محافظلری ایسه عموم تاریخلرک
روایتجه آلتش بیك کشیدن متجاوز ایدی .

بوندن بشقه ابراهیم پاشانك حسن اخلاق
عسکرجه معلوم اولدیغندن ، تریاقی حسن پاشانك
بودین محافظه سنه مأموریتنی افراد عساكر ابراهیم
پاشانك رقابت و حیله سنه حمل ایتدیلر . آنکچون
عمومی سرداره کوسکون اولدیغی گبی ابراهیم پاشا
مرحومدن اؤل مدت مدیده سردارلق مقامنی
تلویث ایدن برقاچ ناهلک اثری اوله رق ، عسکرک
شیرازده انتظامنده پک زیاده خلل گلش و جلا -
لیلکدن يتشمه برچوق حیدودلر - فاضلی نك تعبیری
اوزره - « ایدن قوشاق و تختدن بیچاقله اموال
بیت المالی یغما ایچون » کیمی سردن کچدی ، کیمی لوند
نامیله اردویه التحاق ایتشلردی . که ائ بیوک معرفتلی
دشمن ایله محاربه یه باشلانور باشلانمز « یولداشلر !
آلمان دشمنك آتشنه طیانمز . باشیمزك چاره سنه
باقلم ! بو ذاتی دانشلی دوگوش » . گبی بر طاقم

ترہات ایلہ گیرویہ دوندرک اردوی ہایونک آغرلغنی
غارت ایتمک ایدی .

دولت صفویہ نك زعم فاسدنجه خلافت اسلام
میہنی باتیرمق ایچون آناطولینك هر طرفنه تسلیط
ایتدیگی جاسوسلرک یادگار فسادى اولان
بوجلالی رافضیلر ایسہ اردونك همان نصفند قریب ایدی .
دشمن قنیرہ قربنہ گلنجه قوردیغی اردونك
اطرافند اسکی حربلرندہ معتاد اولدیغی و جہلمہ خندقلر
قازدق و مترسلر یاپارق — اووقتک تعبیری اوزرہ —
« طابور باغلادی . » بونك اوزرینہ اردوی ہایوندن
براز سوارى دشمنہ قارشو واردیلر . فقط گیدنلر
سپاہ و یاسلحدار طاقمند اولیوب جلالی دوکوند .
یسندن اولدقلرندن ، بر ایکی آتیم تفنکدہ دشمنك قرہ
قوللرینہ مغلوب اوله رق گیرویہ رجعت ایتدیلر .
یالکز بگلر کندى توابعی وزیر ادا لرندہ بولنان سنجاغك
نفر عامیہ اردویہ ارقدویردرک یرلرندہ ثبات ایلدیلر .
دشمن ایسہ « اگری » مظفریت مشہورہ سنی

— عسا کر اسلامك بویله دریاقی مقوله سی بوزلدقدن
 صکره یگیچیری و سپاه قوتیله — قزاقمش اولان غازی
 ابراهیم پاشا نك بوزلدویله سردار اولدیغنی بیله یگندن.
 مغلوبلری تعقیبه جسارت ایده مدی. یالکز مترسلرندن
 طوب آتمغه باشلادی. فقط گله اردوی طوبیوب
 اوزرندن آشاردی.

اوگون اقدامه قدر معهود سردن چکدی و لوندان
 حشراتی جنگه طور دیلر. فقط حرکات حربیه لرنده
 عسا کر اسلامك شنی ولان ثبات و شجاعتدن
 اثر یوقدی. گجه ایرایشجه ایکی طرف یرلرینه
 عودت ایله دیلر.

دشمن او گجه طابورینك (کدبالاده دخی
 بیان اولندیغی اوزرد تعبیر قدیمه گورد اردوسی دیمکدر)
 اطرافنی قوجه قوجه قلعه لر و درین درین خندقدرنه
 برقات دها تحکیم ایتمگه باشلادی.

(بواحتیا طك سباب صلیسی دخی ابراهیم پاشا

مرحومك دسایس حربیہ سندن دشمنك نہایت
درجہ دہ ییلقنلغی ایدی)

ایرتسی گونی دشمن ینہ اسکی فن حربلرینہ تطبیقاً
پیادہ سیلہ طوپلرینی اوکھ و سوار یسنی آرقہ یہ آله رق،
اردوی ہایون اوزرینہ بر شدتلی هجوم ایلدی .
بوکدا مقابل سردار اسلام دخی در حال آتہ بندرک
وصفلرینی ترتیب ایدرک، حربہ مہیا اولدی . فقط
عسکرک حالتہ عتمادی اولدیغدن . اوجواردہ بولنان
بر بیوک باتاقلغی پیشگاہنہ سپر اتخاذا یتمشیدی .

دشمن پیادہ یی اوکھ و سوار یی آرقہ یہ
آلوبدہ یوریدہ جک قدر سقیم بر طرز دہ هجوم
ایلدیگی و عساکر اسلام . ابراہیم پاشا ک سایہ
مہارتندہ غایت محفوظ بر موقع دہ بولندیغی حال دہ
محاربہ باشلار باشلاماز ابتدا پاشا ر معیتندہ بولنان،
معہود لوندان نفراتی فرارہ یوز طوتدیلر . و آنی
متعاقب یگچر یلر دخی اردونک تشویشند نمیدر ؟
سردارہ کوسگونلکلر ند نمیدر ؟ یوقسہ باشلر ندہ

کندیلرینہ مناسب ضابط بولنہ مدیغند نمیدر؟ ہرنہ دن
ایسہ... فرارایتدیلر. (نعمادہ) میداندہ آنجق بایراق
صاحبیری وَاہل عرض ضابطلر قالمشدی « دینمش
اولسنہ نظر آیکچمیریلرک مغلوبیتی اہل عرض ضابطک
قلتدن اولمق، سائر احتماللردن زیادہ عقلہ یقین
گورینور.) ہرنہ حال ایسہ میداندہ قالان بایراق
صاحبیری (اوزمانک اصطلاحنجہ سنجاق بکلری
دیمکدر) وَاہل عرض ضابطلر اوجواردہ اولان
اورمانلرہ صغندیلر. وَاکثر عسکرک ہزیمتیہ برابر،
ینہ دشمنک هجومی نتیجہ سز بر اقدیلر .

فائضینک روایتہ گورہ اوگون زیادہ سیلہ دومالی
ایمش . دشمن عساکر اسلامک - خصوصیلہ
شہرت شجاعتلری نیجہ بیک غلغلہ مظفریتلہ اوروپانک
قولاغنی طولدیرمش اولان یکچمیرینک - فرارینی
وَاورمانلردن متصل تفنک آتیلوب طور دیغنی گورنجہ
وَاردونک اوگندہ بولنان باتاغنی تصور ایدنجہ عودتی
ابراہیم پاشانک دسیسہ سنہ وَاورماندن آتیلان

تفكلىرى اورالردە پوصويە قويدىغى عسكر ك دومان
مناسبتىلە — خيالەت گورمش گى — دشمنى يقين طن
ايتمش اولملرىنە حمل ايلدكلرنىدن، اوگون دخى فرا-
ريلرى تعقيه جسارت ايدەمدىلر .

ينە فائىزنىك روايتنە گورە او آقشام ابراهيم پاشا
مرحوم عموم امرايى حضورينە جلب ايدرك « غازى
» گرايك « كندى كندىمزدن اوتانەلم » سوزىنى
« اونوتىمەلم . نە قدر حرب ايتدكسە دائما دشمن هجوم
» ايدىيور بزمغلوب اوليورز . ينە دشمن عسكرىمىزى
« تعقيه جسارت ايدەميور ، هيچ غيرتمىز يوقى ؟ بر كر دده
» بزم هجوم ايتسك نە اولور ؟ « يوللو — اوزمانە قار-
دولت عليه دده هيچ بر صدر اعظم لساندن ايشيدلماش —
بر طاقم محرق سوزلرلە نیاز مندانه امرايى هجومە
دعوت ايلدى . پاشالر ، بكلر واهل عرض ضابطلر
ايسە هجومە بيك جان ايلە حاضر ايدىلر . سردار
اکرم مرحومك سوزلرينە « اكر امرايدرسە كز ؟
» بزم شمدى كيدوب اولمگە مهيانز . فقط عسكرە

« امنیت یوق . سزدن اقل سردار اولانلر نظام عالمی
 « بوز دیلر . بو [لوندات] نفراتی باشیمز دمسلاطایت دیلر .
 « فرمانمگزده مخالفت امر اولی الامرده مغایرت دیمک
 « اوله جغندن بزجه محالدر . فقط آدن قورقارز کدبو
 « عسکرله هجوم ایدرسه کده مغلوب اولوروز . مغلوبیتیمز
 « ایسه دشمنک اقتضایینه سبب اولور . صکره بردها
 « اردوئی طوپا لایه میز . ینه سز بیلور سگیز ! » دیدکلری
 صردهه یکچیری ضابطلرندن اوتوز اوتوز ایکی یاشنده
 بر آدم — که فاضی مرحوم دخی نامنی بیلوبده ابقاسنه
 خدمت ایدمه دیگنه کتابنده پک بیوک تأسفلر ایدر —
 همان آیاهه قالدیرق « دولتی ! بشقه بر چاره من
 « یوق . نصل اولسه مغلوب اوله جق دگلمیز ؟
 « بر کرده غوغایه چیقارز . دشمنی اولدیر مکدن عاجز
 « ایسه ک دین اوغرینه اولمکدن ده عاجز دگلیزیا »
 دیه رک امرانک هجومه قرار ویرمه سنه سبب اولور .
 بو قرار اوزرینه ایرتسی گون عموم اردوی هایونله

هجومه آغاز ایدرلر . دشمنك اردوسی بولان محل جوا-
 رنده مگر بر اورمان وارمش . اورایهده بر قاچ بیک
 پیاده قویمشدر . صکره اسلامك طلیعه سنی گوزر
 گورمز آنلر تفنك آتمغه باشلار و آنلر ك تفنك سسنى
 ایشیدیر ایشتمز معهود [لوندات] ولوندانی متعاقب دخی
 — اهل عرض ضابطدن محروم اولان — یگپیری
 فراره باشلارلر . بو فرار ائناسنده عسکری هزیمتدن
 منع ایچون — بر طرفدن امر آلدقلری حالد یالکیز
 سائقه غیرتله محل محاربه یه قوشان — بر چوق غازیلر
 شهید اولور .

گرچکدن عسکر اولانلر اسلامك هزیمتنی
 گورنجه سردار اکرمك اطرافنه اجتماع ایدرک
 آلدقلری امر وجهله طوغریدن طوغری یه دشمنك
 مترسلری اوزرینه هجوم ایتمگه باشلارلر .

آنلر بر فرقه ایله محاربه یه مشغول ایکن دشمن
 بو فرصتی غنیمت بیله رک قلعیه ذخیره و باروت
 گتورمك فکرینه دوشر . و پوصولرده نه قدر عسکری

دائرہ سی طاقی وایانندہ بولنان برقاچ یوز سپاہ
وَسَلْهَار ایلہ دشمن آلایلرینہ قارشو کیتمگہ باشلار.

عبدالرحمن ایسہ موسوس بردلی قانلی اولدیغندن،
پاشا بوسوزلری سویلر ایکن « گلیورم ! شمدی
غوغاده طوغریلق میدانہ حیقار » دیهرک وپاشا
آتہ بینجہ النی آتینک صاغر یسنہ قویہرق میدان
محاربہدہ بردقیقہ یانندن ایرماز .

فائضی مرحوم درکہ « برادر زادم او محاربہدہ
موجود ایدی . بن تریاقی حسن پاشا مرحومک
یانندہ بولندیغندن برابر دگلدیم . فقط برادر زادمہ
نفسمدن زیادہ اعتماد واردر . — جناب حقک بیک
براسمنہ یمین ایدرم کہ یالان سویلر — بوندن صگرہ
روایت ایتدیگم سوزلر آنندر . ایچندہ یالان ظهور
ایدرسہ کنہای بوینہ . کندیلہ بحت ایتدم . اودہ
گناہی قبول ایتدی . » حاصلی سردار اکرم یالکز
عبدالرحمنی استخصاب ایلہ یکچیریلری اورادہ
براقدی . — نعیمانک قولی وفائضینک تأیدنجہ —

« یاننده اولان اوچ درت یوز سپاہ و سلحدار ایله »
 دشمنه هجوم ایلدی . ایرشدیگی گبی دشمن تفتگیله
 ایچ اوغلانلر ندن - که اسکی تعبیر اوزره پاشانک کندی
 توابعی دیمکدر - و سپاہ و سلحدار دن بر چوغنی
 شهید ایتدیلر .

او صروده ییگیچری آغاسی - که معیت سردارده
 ایدی - مگر اندن قلنجی دوشورمش . فریاد ایدرک
 حضور سردارده گلدی « حاملز نرديه وارده جق ؟
 اهل اسلام پایمال اولیور . » دیه آغلادی . یلواردی .
 سردار آگا باقدی . روم ایلی و اناطولی بگملر
 بگیلرینه و ییگیچری کتخداسی محمد اغایه و طوپچی باشی یه
 گلوب کندینه ملحق اولق ایچون درت بیورلدی
 گوندردی . (دولت علیه اسکی فن حربی اقتضا -
 سنجه امضا و یا مهریله سردار طرفندن بیورلدی
 گلمینجه هیچ بر عسکر ضابطی بولندیغی یردن حرکت
 ایتمز ایمش .) بیورلدیلرینک مالی مترس هجومی
 ترک ایله کندی یانسه گلمدن عبارت ایدی . چونکه

معیتندہ بولنان عسا کر دائرہ سی خلقیلہ برابر طوپی
برقاج بیك کشیدن عبارت اولدرق، اوزرینہ گرا
قلعدن، گرا پوصولردن هجوم ایدن عسکر ایسہ یوز
بیك کشی یہ یقین ایدی .

بوغوغا آرہ سندہ بیورلیدیلاک در دینیدہ عبد-
الرحمن گتوردی . و ہر برنی گتورنجہ یہ قدر
بریندن ویکچری کتخداسی محمد آغانک بیورلیدیسی
گتوررکن ایکی برندن یارہ لشمش ایدی .

سردارک امدادہ دعوت ایتدیگی عسکر عموماً
فرمانہ اجابت ایتدیلر . دشمن ایسہ تفنک ایلہ ہپسنہ
قارشو مقابلہ ایلدی .

حتی محمد کتخدانک یدی آتی اورلیدی !....
یکچریہ نہایت درجہ دہ اقدام ایتدیلر . باشلرندہ
ضابط اولمیدیغدن - نعیمانک قولنجہ - قرق المی
نکردن زیادہ سی چادرلرندن باش گوسترمدیلر .
طوپچیلر بش ضربزن ایلہ قلمبورنہ (یعنی قلمبور)

گتوردیلر. سردار او گنده بر قاق کرده انداخت ایلدیلر.
 دشمن طویلردن وَ خصوصیه غازی ابراهیم پاشا
 مرحومك مهارتندن خوف ایتدکلری ایچون چادرلره
 عودت ایلدی .

ایرتسی گون عسا کر اسلام یئنه دشمن اوزرینه
 هجوم ایتدیلر . غلبه یه ده موفق اولدیلر . فقط
 سبب غلبه فائزی مرحومك .

« هربری بر رستم صاحب قران . »

« تیغی یالین کندی قوچان پهلوان . »

بیتیه وصف ایتدیگی ایکی یوز قدر تاتار ایله یمش
 سکسان قدر یگچرینك — سرداردن وَ ضابطلرندن
 امر المفسزین — بر غیرت فوق العاده ایله دشمنك
 ذخیره سنی کسمکه عزیمت وَ همتلری ایدی .

دشمن عسکرك بو غیرتی وَ بو غیرت اوزرینه
 قلعه یه ذخیره وَ باروت ایله امدادك استحاله یه دوشد .
 یگنی گورنجه — بالاده بیان اولندیغی اوزره بر قاق
 کره سردار اردوسنه غالب گلش ایکن مرحوم

ابراهیم پاشانک مهارتندن ییلمغلقلری جهتیله —
 قلعه‌یی قور تارمقدن امید ی کسیدیلر . ورودلرینک
 یگر می برنجی گونی کیجه یاریسی فراره بارشلا دیلر .
 سردار مرحوم ایسه فوق الغایه احتیاطلی رذات
 اولدیغندن تعقیب ایچون کیمسده اذن ویرمدی .
 یالکنز دشمنک دو کوندیسیله براز اسلحه و مال غنیمت
 اله کچه بیلدی .

عسکر بوندن طولایی سردار مرحومه برقاتدها
 کوسیدیلر — حتی فائضی نک قولی و نعمیانک تأیید —
 نجه — سردار مرحومک براقدیغی مواقع حربیدن
 برر برر چکیلوب استدکلری یرد کتمگه باشلا دیلر .
 شو قدر وارکه بعنایه الله تعالی دشمن « طابور —
 ینک » انهرامی و بالاده بیان اولنان اسلام اسیرینک
 جبخانه‌یی یاققدده گوستردیگی قهرمانلق و اقدامی
 جهتیله محصورلرد بتون بتون ییلمغلق کله رک — حالا
 شهرتی کر دزمینک هر طرفنده دهشت افزا اولان —

سیف عثمانیہ طعمہ اولماق قورقوسیلہ قلعدنک امان
ایله تسلیمنه امراسی بیننده قرار ویرلدی .

دشمنک ایلیچیلری اردویہ چیقیدیلر . سرحد

اسلامک مشهور غازیلرندن پچولی قوجہ سنان
چاوش مرحومی قلعه تسلیم اولنجدیہ قدر رهن
استدیله . سردار - دشمنک نقض عہدده مجرب اولان
عادتتی دوشونہرک - رهن ویرمگہ موافقت ایتدی .

فائضی مرحوم درکہ : « سنان چاوش وقعیدی

ایشتمش . بن مجلسده موجودایکن سردارک حضو -

رینه بر حال ایله گلدی کہ سبحان القادر ! چهره سنه

باقلسہ کوکرده مش ارسلان ظن اولنوردی . همان

او گوزلری قان ایچنیده ، صقالی بیغی بربرینه

قارشمش ، اللارنده کی قیللرک هربری براوق کسلش .

قیافت غریبه سیله سردار مرحومک اتگنه

صاریلہرق : « پاشا ! یارین اللہک حضورندهده بویله

اتگنه صاریلہ جنم . سندن دعوا ایدہ جگم . سکما

برقلعه ویریورلرده بنم گی بر آیاغی چوقوردده بر

اختیاریمی رهن ایتمگه قیصقانیورسن ؟ اللهندن
 قورقمز . پیغمبردن اوتانمز میسین ؟ « دیه برشدتلی
 خطاب ایلدی که یالکیز سردار مرحوم دگل مجلسنده
 حاضر بولنانلر عموماً دهشتدن آغلامغه باشلادق .
 سردار ایسه در حال - مشرب متواضعانه سی اقتضا -
 سنجه - « حَقِّک وَّار باباجغ . اقتضا ایدرسه بنده
 رهن اوله رق گیدرم . یوری حق معینز اولسون »
 دیهرک سنان چاوشی رهن ایتمگه موافقت گوستردی .
 وَاو ساعتمده دشمن طرفندن گلن سفیرلر حضورنده
 - جَنَاحَنَه وَطوپلر پادشاهک اولق اوزره - محصورلرک
 اموال سار دسنه یمین ایله امان ویردرک قلعه یی
 فتح ایلدی .

غریبدر . که سردارک بومظفریتی دخی محرومیت
 غنایم جهتیله عسکر جه قیل و قالی موجب اولمشدی .
 شو قدر وار که سردار جه عمومک امنیتی گوندن گونه
 تزاید ایتمکده اولدیغندن ، قلعندن دشمن طاووغنی ،
 قازینی چیقاردیغنی وَطوتدیغنی موقع . اسلام اردوسنک

يانی باشنده اولدیغی حالدہ عسکر، حتی یمک ایچون
 برشیته محتاج اولدقلری وقت دخی کفار ایچنه
 گیدر واستدیگی اشیا یی پازمه سیله آلوردی. معهود
 لوندان بیله بو طرز غریبلرینک سببی سؤال ایدنلره
 «نه یاپه؟» غازی سردار بویله امرایتدی. «دیرلرایدی.
 هر نه حال ایسه قلعه فتح اولندی. محمد
 کتخدا طویچی باشی و عرب به جی باشیله برابر — قانون
 سلیمانی اوزرد — قلعه یه گیردرک اللی بیواک طوپ
 و یگر می بش ضربن ضبط ایتدیلر .

قلعه نك فتحه عالی مرحوم :

« فتح اولوب قلعه بوزادی طاہور . »

وادیان بر دیگر ی .

« قنبره قلعه سن آلدی سردار . »

مصر اعلرنی تاریخ دوشر مشلردر .

نعیمانک روایتنه گوره . قلعه قرق اوچ گون
 محاصره اولندقدنصکره صیچان یوللارینک یازیسی
 آنجق یاپیله بیلش ایش . صیچان یولی یاپیله میان

یرلرایسه بتون بتون بتاق ایش . بونگله برابر
 اردویه قحطاده مستولی اولمش . براوقه طوز -
 اوزمانلر حکمنجه طقوز درهم عثمانی خالص گمشدن
 عبارت اولان - برغروشه ایش ! غزات اسلام
 اگری غوغاسندن بشقه هیچ بر محاربه ده بو قدر شدت
 و مشقت چکما مشلر ایش . عساکر عثمانیه ایسه
 او وقتلر حکمنجه قاسم گوننه قدر محاربه ایده گلدکلرندن
 وَقَاسَمُکَ اِیکُنْجِیْ کونی یرلرینه عودت ایتگی استیدان
 ایلک قونولری اقتضاسندن بولندیغندن ، گبرویه
 عودت ایچون عادتاً عصیانیه قیام ایتشلر ایش .

بونگله برابر قلعه نی فتح ایتشلر . دشمنک
 اوزمانلر حکمنجه [طابور] دیدکلری قوجه براردو -
 سنی ده بوزمشلر ! تریقی غازی حسن پاشا
 مرحوم ایسه - مأمور اولدیغی اوزره - بودینک
 اسباب محافظه سنی اکمال ایدنجه و خصوصیه قنیر دنک
 فتح اولندیغنی ایشدنجه - ینه اعظم اسلامدن -
 دفتر دار [منغیر قوشی محمد افندی] نی بودین قلعه سنک

محافظہ بر اقدار اکر مر حوم ایله
 ملاقاته شتاب ایلدی و — اوزمانلر حکمنجه بودین
 غایت محصولدار بر ایالت و قنیرہ. طوپی اوچ درت کویه
 مالک بر سنجاق بولندیغی و خصوصیه سرحد اوزرنده
 بولنان قلعه محافظلغده فائضی مرحومک افاده سنه
 گورد شهادتله الله تسلیم امانت و یاخود مصادره
 ایله اموال خبیثه دن تبری ذمتدن بشقه بر فائده
 اولندیغی حالد — بودین ایالتک دفتر دار مر حومه
 و قنیرہ محافظلغی کندوسنه توجیه اولمسنی مصرانه
 و استرحام کارانه طلب ایلدی .

حتی . فائضی مرحومک تعبیرنجه « غزی بی
 مثال » صدر اعظمک نیاز مندانه دامن اقبالنی
 امثال ایتدکده محبوب صاحب جهانلندن تمنای وصال
 ایدر بر عاشق آشفته حال ظن اولنور . درجه ده
 اوقلعه نك محافظه سنه مشتاق ایدی .

سردار مر حوم ایسه کندینک ذاتاً بودین
 محافظلغنه گوندر ادیگی عسکرجه بشقه معالره حمل

اولندیغنی بالتجربه بیلدیگندن - پاشایی قنیرده بر اقق
ایستمدی . نهایت کندیڭ ادا واستدعاسی
و فائضیڭ افاده سنجه « بوفقیڭ الحاح و تمناسی
اوزرینه » په چوی سنجاغنه متصرف اولوق اوزره
قنیرده محافظی عهده سینه توجیه اولندی . حتی
ابراهیم پاشا مرحوم - اوزمانک عادت اوزره
حضورنده توجیه خلعتی گیدیرکن - عنان
اختیارینی طوته میدرق « پاشا باباجم ! بن مقام
» صدارتده بولنده جفده سنک گی انسانلر بویله
« اسسز بریرک محافظه سیچون جان می ویره جک؟ »
سوزیله بویینه صاریلدی . برچوق آغلدی . حتی
پاشایی - لاقردی سویلمگه اقتدار سزلغندن -
الیله اشارت ایدرک گوندردی .

حیفاکه بواشاده سردار عظیم الشان ابراهیم
پاشا مرحومک وجودنده حمای محرقه اثرلری
ظهوره باشمغله برادر زاده سی مرتضی پاشایی - که
صکده لری دولت علیه پک بیوک خدمت ایدن

اعظمند - ياننه دعوتله امور موکوله سنه متعلق
اولان ايشلری وصیت ایلدی . و بیک اون تاریخی
محرمنک طقوزنجی گونی قبل العصر ارتحال ایتدی .
[رحمة الله عليه رحمة واسعة]

تاریخ وفاتی « ماتم سردار »
فأضی نك روايتنه گوره تاریخ تریاقی حسن
پاشا مرحومک ایش .
نعیم ، تاریخدن بحث ایده یور ايسه ده صاحبی
سویلیور .

پاشا مرحومک وفاتی اوزرینه صدارت و سر -
دارلق استانبولده قائم مقام اولان [یمشجی حسن]
پاشایه توجیه اولندی . مشارالیه آلدیغی امر
پادشاهی یه اتباعاً استانبولده یالکز یگر می بوقدر گون
اوتوردقدن صکره بلغرادده شتاب ایلدی .

فقط پاشا، ابراهیم پاشا مرحومک برقلینه دگر
طاقدن اولمديغندن، استانبولدن چيتمدن اول شیخ

الاسلام صنع الله افندی گبی عزیز و مبارک بر ذاتی
 مقام مشیختدن عزل ایتدیرمک و منصب دولتی
 کندی طال قاوقلرینه حصر ایتدیرمک یولنده
 بر چوق سیئاته قالقشدیغی اردوده شایع اولدیغندن،
 ابراهیم پاشا مرحومک افعالنندن اشتباه حالنده بولنان
 عساکر، ماتمنی طومتغه و وفات ایتدیگی محلی زیارت
 ایتمگه باشلادیلر. و اوزر لرینه یشچینک مسلط اولمسنی
 پاشای غازی حقنده اولان سوء ظنلرینه بر مجازات
 الهیه بیلهرک، توبه و انابت و طرف شریعتدن مأمور
 اولدقلری اوزره امر الوالامرہ اطاعتدن بشقه
 چازه بوله مدیلر.

حتی فائضی مرحوم درکه: (بن سردار مرحو -
 مدن پک چوق عنایت و التفات گوردیگم ایچون
 احیا کیجهلری محل ارتحالنه گیدرک بر جزء قرآن
 کریم او قومغی شکر گذارلق و وفا کارلق وظائفدن
 عدایدر ایدم. ینه بر جمعه کیجهسی معتادم اوزره
 گیتدم: گوردمکه تام راحت دوشه گنک بولندیغی

محامدہ غایت اختیار بریکچیری یاتپور و آغلا یهراق
 " بن مشجی نی چو جو قلغندن برو بیلیرم . اوله بر
 " خبیثی نیچون اسلام اوزربنه مسلط ایتدک ؟ سن
 " غازی . حلیم . مروتلی بروزیر ایدک ! عسکرده
 " اولان جاهلرک کستاخلغنه گوجنوبده هچره
 " بوقدر شدتلی جزا استمک شاننه یاقیشورمی ؟
 " حضورنده بولندیغک جناب رب العالمین حورمتنه
 " قیمه » دیهرک استمداد ایدم یور . حالندن مبارک
 بر غازی اولدیغنی تفرس ایلدم . یاننه واردم . برابرجه
 برسورده فتح اوقودوق . هله جناب حق - بنم گی
 عاجز لرک دگل - آنک گی غاریلرک مناجات و نیاز
 برکتیه اسلام اردوسنی یشجینک شامت وایومندن
 طولانی قورقدیغمز درجه نرده مخاطره ید اوغر اتمدی .
 دشمن ایسه قنیرده مغلوبیتندن صکرده بر طرفدن
 عساکر اسلام یتشمدن قوه موجوده سیله [استونی
 بلغراد] دفعه با صدق ضبط ایتدیگی گی . بر
 طرفدن دخی گرک مجارستان و گرک آلمانیا خلقنی

نفیر عام ایدرک و فرانسہ وایتالیان استمداد ایلیدرک
درد یوز بیگدن متجاوز عسکر، قرق ایکی بیوک و
برقاچ یوز کوچوک طوپ ایله قنیر دنگ استردادینه
عزیمت ایلدی .

برکت و یرسونکه دها ابراهیم پاشا مرحوم
صاغ ایکن غازی حسن پاشا مشاهیر مجاهدیندن
منقر قوشی محمد افندی نی بودینده ترک ایله اردویہ
گلہرک دشمنک سفر زمانی گنجہ پای حال قنیر دیہ
حجوم ایتک استیہجانی دلائل عقلیہ و تجرب
عسکریہ ایله سردارہ افہام ایتمش و بودین ایالتی گی
حسرة الوزرا اولان بر منصب جلیلی منقر قوشی
محمد افندی یہ توجیہ ایتدیررک کندیسى - ملحقانی
برقاچ پلانغدن عبارت اولان و محصولی بر اوفوق
سپاہینک دأر دسنی اداردیہ کفایت ایتمین - قنیر د
سنجاغنی استحصال ایله غزانیته کیتمش . قلعدیہ
قیامش ایدی .

اطرافہ تعین ایتدیگی جاسوسلر، دشمنک قنیر دیہ

گلمك اوزره بولنديغنى كنديسنه خبر ويرديلر .
 مشار اليه بوسرى كيمسيه افشا ايتدى . يالگىز
 اداره سنده بولنان امرايه - طوپلايه بيلدكلرى قدر
 ذخيره و عسكرايه دشمن ملكنه تجاوز ايچون قلعهيه
 گلمرينه دائر امرلر گونزدى .

جاسوسلر كى خبرى وجهله نمجه و مجاز اردولرى
 فرانسه و ايتاليان امدادلرينه گان عسكرايه بالاتفاق
 امپراطورلرى و قوراللى رياستيله قنبره نك محاصره
 سنه گلديلر . قلعهده بولنوبده دشمنك درت يوز
 بيگدن متجاوز عسكرينه مقاومت ايدن عساكر
 اسلامك مقدارى ايسه طقوز بيك كشىدن عبارت
 ايدى .

پاشاي غازى « الحرب خدعة » حديث شريفنك
 كانه گر چكدن واقف اولنلردن بولنديغدن، نائل
 ظفر اولمق ايچون اقتضا ايدن دسائسك هيچ برنده
 قصور ايتدى . حتى [زرين اوغلى] كه امرايه دشمن
 بيننده اهالى اسلامك محاربهلرينه زياده وقوف

ایله معروفره: ایمپراطورک مجلس مشاوره سنده رأی
 صوریلنجه: «اگر بوسنده عسا کر اسلام اوزریکزه
 » گلمزده قنیردی آله بیلورسه کز پک بیوک موافقتدر.
 » اگر ترک عسکری اوزریکزه گلورسه حال پک مشکل
 » اولور. چونکد ایش قلیجه طیانمن ترک بوغازینی غوغا
 » دن چویرمز. ایش قلیجه بندیکگی تقدیرده ایسه بزم
 » عجزیمز معلومدر. اسلامده » بر مسلمان بشفه ملتدن
 » اون ایکی کشی یه بدلدز. » اعتقادی وارایکن بو قدر
 » تجاربده اون ایکی عسکریمی بر مسلمانک الندن
 » قورتارمغه امکان بوله مدم. بوندن بشفه اسلام
 » عسکری اوزریکزه گلمسه ده قلعه ده قپانان بر سحر باز
 » تلکیدر. اوتوز بش سنه دنبری سرحد خلقنک
 » گوگانی کاسه یرینه قویدی: آنکله همیزه قان
 » یوتدردی. حسن حالنه اعتماد ایتدیگمز ره بانلریکزه
 » جین دعوت ایتدردک، ینه حیله سنه قارشو طورده
 » جق تدیر او گر نه مدک. حسن پاشا آدمه قلعه
 » ویرمز. استرسه کز بیورک محاصره ده گیدلم!

« اوزمان رايىك طوغرى اولديغنى گوزيكله
گوردوب تصديق ايدرسىكز » ديدىگى مشهوردر .
هر نەرن ايسە امرای دشمن زرين اوغلنىك رايى
دكلميو بده او قدر غلبه لكاه قلعە جوارينه گلنجه . ائ
اول پاشا مرحومك قلعديه گتيرديگى ذخيره عربە
لرني گوردلر . ذاتا قلعەده بولنان عسكرك آزلغنى
بيدكلر يچون « ترك بزم قلعديه هجومزى خبر آلمش
» يالكلر او آوازده ايله قاجيور ! قلعەنى ويرميه جك
» حسن پاشا بويگت مى ايدى ؟ سنى ترك ييديرمش ،
» ياخود عتە گتورمشسك ! » يوللو سوزله زرين
اوغلنى استهزايه آلديلر . زرين اوغلى ايسە « پك
» اعلا ! ترك قلعەدن چيقتسون . هپسنى قيراك . بنيدە
برابر اولدراك » ديو سكوت ايدر . پاشا ايسە
امراى دشمنك بوغفلتمدن تاماميله استفاده ايدرك
ذخيرەنى ايجرويه آليز ، اسباب محاصرهنى تدارك
ايدر . دشمنك هجومنه منتظر اولور . بوتداير

آرد سنده طوپچی باشی یه کندی طرفدن امر
اولدجه طوپ آتلامسیچون قطعاً امر ویرر .

عسا کر اسلام بو امری اشیدنجه غیرت لرینه
طوقونور « نه دیمک ! دشمن گلسونده طوپ آتلسون ؟
دشمنک گله سنه قورشونله می مقاومت ایدد جگزر ؟ »
یوللوسو یلنمگه باشلایلر . فقط پاشانک غیرتنه ، شجاعتنه ،
دیانتنه فوق الغایه اعتمادلری اولدیغدن یاننه گیدرلر ،
سببنی سؤال ایدرلر . غازی مرحوم جوابنده
« اوغللرم ! بزر حدده یز . ایچم زده گرك اسیر ، گرك
« یرلو بو قدر کافر وار ، آنلرک قوللاقلرینی طیقمد -
« یکنزیا . سزه سویلیه جگم لقردی بی ایشتمزلرمی ؟
« ایشیدیرلر ایسه دشمنه خبر ویرمزلرمی ؟ دشمن
« تداییرمزی خبر آلورسه بزموفق اوله بیلورمیز ؟
« هپکنز غوغا گورمش غازیلر سکنز . برکره دوشو -
« نك ! ینه استرسه کز تداییرمی سویلرم . پادشاه
« قوللرینی کورگی یدرک غوغایه کوتورمک مزاجه
« مخالفدر . اولدن بری بیلورسکنز » دیر . عسا کرده

بوکا مقابل « پاشا پدر ! اگر راینگز بزم گیدوب
 « کندیمزی دشمنه تسلیم ایتمکلگنر طرفنده اولسه
 « آکاده قائل اولورز. سن اللهک دشمن اوزرینه
 « چکلمش بر قلیجیسک، کفاره نه قدر شدتک وار
 « ایسه اسلامده رحمتک اوقدردر . دمنکی سؤا-
 « لمزده خطا ایتدک. شمدی یه قدر بیك قصورمزی
 « عفو ایتدیگک گبی بونیده البته عفو ایدرسک »
 دیرلر. شوقلرندن، سرورلرندن آغلاشهرق مأمور
 اولدقلری سپرله گیدرلر .

بوصرده پاشا مرحومک مقدما قلعه یه دعوت
 ایتدیگی بگلردخی گاورلر. دشمنی قارشوده گورنجه
 درحال قلعه یه قوشهرق « بز دشمن ایله متارکده ایدک.
 آرده جنک یوق؛ بوکلان عسکر نه مقوله عسکر در؟ »
 دیوسؤال ایدرلر. پاشای غازی درایتی شجاعته معادل
 وکندی بالطبع لطیفه مائل اولدیغندن، « الحمد لله
 « طوپمزوار؛ سزده گلوب یتشدیگنر. حریفارمسا-
 « فرلگه گلشالر (کلدن کنایه) بر قارپوز ضیافتی

« چکدرز. براز صیحا ق کاورده خوشلرینه گیتز سه
 « کیفاری بیلور. مسافر اومدیغنی ییز بولدیغنی بیر »
 جوابیاه دشمنک نقض عهدینی ایما ایدر. عسکر طوپ
 آتامق امرینک حکمتی دشمنی اغفال ایله اصرارلیدیغنی
 ذخیره و عسکر قلعیده دخولی مسئلهسی اولدیغنه
 اعتقاد ایله حضورینه تشکره کیدرلر. پاشا مرحوم:
 « کبر. نه قدر فنا برشی ایسه جناب حقک نعمته
 « تشکرده او قدر مدو حدر. آنک ایچون کبر اولدوق
 « دگر. تشکراً سویلرم. بنم رأیمی سز کشفه مقتدر
 « دکلسکز. مقتدر اولسه کزده مسلمان غازیلرینه منع
 « اولندیغنی شیئی تحقیقه چاشمقاده اوغر اشحق یاقشماز.
 « ایشته عسکرده ذخیره کلدی. لکن ینه طوپ
 « آتیلیدجق » یوللو چهره سنی اکشیدوب « یوق
 « اکر مرادیکز بگا اعتماد سزلق ایسه ایچکزدن
 « برینی سردار ایدک! بن معیتده نفرکی غوغا ایتگی
 « اوغرنده یگر می یدی یازد یدیگم دین محمد حقیچون
 « بولندیغم مسنددن بیك قات مرجع بیلیرم . »

دینجه عساكر اسلام ینه اعتذار و نهایت درجده
 شوق و سرور ایله آغلاشدوق « سنك هر امرأ
 » الهامدر، سويلدیگکی یاپارز . ممنوع اولدیغیز شیئی
 » تحقیق ایله اوغراشدیغیز یالکز سکا تشكر ایتکده
 » اولان خواهشمنز دندر « دیرلر، یانندن آریلیرلر .
 بوصرده دشمن قلعهنك حالی خبر آلق اوزره

آدم طوتمق ایچون بش بیک کشی سوق ایدر . ربیع - سنه
 ۱۰۱۰ | الاولك سکزنجی جمعه گونی قوشلق و قی قلعهنك
 برقیوسنده . گوندربان دشمن عسکری ظهور ایتکده
 باشلار . پاشا مرحوم عادتاً کرامتله، گلن عسکرک
 آدم طوتمغه گلدیگنی کشف ایدرک طوپ آتمق
 شویله طورسون، قلعهدن سواری حیتمهسنی دخی
 قطعاً منع ایدر . یالکز غزات اسلام قلعهنك
 مترسلرنده تفنك ایله دشمنه مقابله ایدرلر . بوجهته
 دشمن قوتنه اعتماد ایدرک قلعهنك طوپ آلتنه صو -
 قیلور . وزیرین اوغلینك رأی اوزره « دین محمد حقیچون
 باری بزه برطوپ آتک حیه کارلق ایله ایش بتمز »

یوللی اسلام عسکرینک آغزندن لقردی قیاجق بر
 طاقم دسائسه باشلار لر . پاشا مرحوم یکیجوری نفری
 قیافتده اولدیغی حالدده دشمنک مووجه خطابنده
 اولان مترسه يتشور، ویردکلری یمنه مقابل ذاتا سر
 حده يتشمش اولق جهتیه تحصیل ایتش اولدیغی
 محارلسانیاه «ا کر طومز اولسه سزی اولدر مدهن می
 قور قاجغز، فقط بویله جزیره یرده ادم اوتورمز .
 بز مسافر حکمنده یز. سرداریمز نه وقت امر ویررسه
 چیقوب گیده جگر . بز سزه سلاح سز مقابله یه ده
 مقتدرز» یوللو جواب ویرز .

اوصر ده عسا کر اسلام یمنه سویلنگه باشلار، بر
 طوپچی نفری «بز پاشا پیغمبر نامنه ویریلان یمنه ده یلان
 سویلیور» دیر . پاشا مرحوم طوغریجه نفرک یا نه گیدر
 «او غل! پیغمبر آدینه سن یمن ویرسه ک سکا سویلرم . سن
 مسلمان سن . فقط پیغمبریمک دینی اعزاز ایچون، دینی
 انکار ایدنلرک بکا آنک نامیه یمن ویرمک حدی
 دگدر . شمعی شورایه بر محار گلسه ده سکا محمد

حقیچون المده کی تفنگی طولو اولدیغی حالده بکا
 ویر دیمش اولسه ویریر میسین ! « دینجه نفر » البته
 ویرم « دیوجواب ویریر . پاشای غازی « سن تفنگی
 ویرمش اولسن یالکز سنک جانک مخاطره ده قاله جق ،
 اوله ایکن ینه یغبر آخر زمان نامنه ویردکلی یمینه
 اعتبار اتمیورسن . بن قلعه ده طوپ وارد دیم
 خلافت اسلامیه نك شانی بوزیله جق ، شوگوردیگك
 وُش وقت ایچنده عبادت ایتدیگك اولو جامعك
 منار دسی یقیله جقده اوزرینه برحاج طاقیله جق .
 شمعی یمینه اعتبار ایدیم می نه درسك ؟ « دینجه نفر که
 صو قوللی حسن نامنده در « بنم بولا قردمده ایتدیگم
 گناهك شهادتن بشقه هیچ برشی ایله عفوی قابل
 اوله مز : المده کی تفنگی بشقه بر قولنه ویر « دیو
 پاشایه تسلیم ایدرك کندینی دال قلنج خندقه
 آتار . دوشدیگی صرده ده باشی طاشه طوقنوب شهید
 اولور . پاشا مرحوم حسنك جنازه سنی قلعه ده آلور .
 اوزرینه تر به یاپدیرر . قپوسنك اوستنه « دین

محمدی بی گرچکدن سون حسنک مزاریدر «
دیو یازدیرر .

شهید علی پاشا مرحومک نمچه محار به سنده
کیدر کن معینده بولنان شعر و انشا ایله مشهور
شامی زاده برادرینه یازدیغی بر مکتوبده حسنک
تربده سنی گوردیگنی نقل ایتشدرد .

پاشا مرحومک بوقولی عسکرک عمو نمچه
طوپ آتلاق خصوصنده اولان حکمتی تمامیه
گوستردیگندن ، اورایدده اتباعده بر درجه اصرار
ایتدیله ، کد بیق آلتندن گولوشدرک اوچ درت
کره بای حالک طوپ آتله جغز دیو پاشانک اوزرینه
هجوم ایتدیله . پاشا ایسه دایما «اوغلارم بوقلعهده کی
طوپلر علی العموم قرنجلی و چاتلاقدر . بوسنده دن بورایه
نقلنه بن مامور اولمشدم . حتی ابراهیم پاشانک المده
فرمانی وار . قنیر دیه گوندریلان طوپلر دشمنه قرالتی
اولمق ایچوندر . طوپلرک ایشه یرامز لرینی آیر و الا
کلداک کیدر » دیمشدی . بنده باشمدن قورقدم .

بونلری گتوردوم . ایچکزده کیم جسارت ایدرسه
 برینی آتسون ، فقط پاتلادیغی وقت کنلینیده
 یازلر . یازلمسه بیله بن اولدیردم . چونکه دشمن
 بورانن طوپ آتیلدیغنی حیللده حمل ایدیهور .
 طوپ آتیلوبده یازلندیغنی گوررسه قلعهیه دفعه
 هجوم ایدر . وقلعهیی آلور « گبی سوزلرله قلعهده
 بولنان اسرا ویرلو خورستیانی اغفال ایدردی .

قلعهده کیلر بوکشا کشته اوله طورسون آوستریا
 ایمراطوری دوت یوز بیك عسکرله برقاچ بیك
 عثمانینك اوزرینه گلهرك طوپسز برقلعهیی ضبط
 ایدمدیگنه نهایت درجده حدتله امراسنی دعوت
 ایدر . حتی غوغاچه ترك تربیه سندن چیقمه ظن
 اولندیغنی ایچون [زرین] اوغانی مجلسنه گتورمز .
 مجار بگلری علی الاتفاق قنبرهیی براقوب بشته بر
 قلعه نك محاصره سنه گیدمگی رای ایدرلر . و
 حسن پاشا حقنده زرین اوغلنك سوزی عین
 صواب ایش . بوقلعهیی بو آدمك الندن آلامیه جغز «

در لر . نمچه ایمراطوری فردیناند حدتنور « بر
 خالی قلعه‌ی بوقدر عسکرله آلمغه مقتدر اوله‌میہ -
 جقسق نیچون ترک ایله محاربه‌یه باشلق « دیهرک
 امراسنک برینی چاغردر « یارین یا قلعه‌ی
 آلورسون . یا کله‌گی آلورم « دیو تهدید ایدر .
 حریف ایسه زرین اوغلنک ارقداشلرندن
 بواندیغندن ، « ایمراطورم ! اگر یارینه قدر
 حسن پاشا اولمزسه بن قلعه‌ی آلمغه مقتدر دگلم .
 فقط امریکزه اتباعه مجبورم . گیده‌رم .
 مأمولکزدن زیاده غوغا ایدرم ینه مغلوب اولورم .
 اگر عساکر اسلام قارشوسنده اولمزسه م کله‌می‌ده
 الورسک « دیر . بر صالی گونی ساعت درت
 صولرنده عموم نمچه و مجار عسکرینه سردار اوله‌رق
 قلعه اوزرینه هجومه باشلار .

بری طرفدن غازی پاشا مرحوم قلعه‌ی معاینه
 ایدر . دزداری چاغردر، تحقق ایدرکه مگر قلعه‌ده
 بیوک کوچک یوز قطعه طوپ وار ایمش -

طوپچی باشی یه « بن عسکرمله حربه چیقہ جغم .
 بندن اشارت آلدقہ طوپ آتارسہک، یاخود
 اسلام دشمنہ قارشقدنصکرہ ینہ بندن اشارت
 اولدقہ طوپک آرقہسنی کسرسہک پادشاه باشی
 ایچون سنی قلعه برجنه اصارم . فقط بر غیرتلی
 آدمسک آنک ایچون ینہ هرکسدن زیاده سکا
 امنیت ایتدم . بن سکسان یدی یاشندیم .
 وجودم علیدر . کیمسه گورمسون برخلاط بولهلم، شو
 زیرزمینه گیدلم . وجودمی برایوجه صار . وجودم
 صارلدقجه آت اوزرنده طورامیورم » دیر . دزدار،
 سلطان سلیمان زماننده یابیش و حسن پاشا معرفتیله
 اوسک قلعهسندن قنبره قلعهسنه نقل اولتمش اون
 سکر چاپنده و [جهانگیر] نامنده برطوپک قیرلمش
 اولان تکرلگنده کی ایپی چوزر . اوتوزبر آیاق نردبانلی
 زیرزمینه اینرلر، اوایپله پاشایی صارار . دزدار «ای
 اقدام دینمزجه غازیلکمی اییدر یوقسه شهیدلکمی
 اییدر . غازیلک ایی ایسه بنی بوراده براق . دگل

ایسه بنی برابر گو تور . بشقه درلو حتمی حلال ایتیم «
 دیر . پاشا مرحوم «دزد دار آغا! شهادتی الله کیمه استرسه
 آگا ویرد . غزا همیزه فرضدو . سن بوراده او تورده .
 جقسن ! امریمه اطاعت ایده جگمن ! غازی اوله جقسنک !
 احتمالکده بن شهید اولورم ! « دیدرک پار مغنده کی یوزکی
 اندویرد «بوسکا هدیهم اولسون . قیمتلی برشی دگلدرد
 فقط پادشاهمیز سلطان مراد بغداد غوغا سنده بنی
 بر پالانغده محافظ بر اقدیغنه مکافاة ویرمش ایدی «
 دیر . دزد اردد [امر سنک] یوللو جواب ویرد . بری
 محاربه یه وبری قلعه نك محافظه سنه گیدرلر .

مگر پاشا مرحوم [قره پچه] نامنده اولان وایلر وده
 بر چوق او صافی یازلق درکار بولنان محرم خاصنی کندی
 یرینه گیزلوجه توکیل ایدرک . ضابطلره «حین حاجتده
 قره پچه نك امرینی بنم امرم گبی بیلک ! « دیو تعلیمات
 ویرمش ایش . محاربه یه باشا اینجه اسلام عسکری
 ایکی یه بولنمش وبری پاشانک گورمیدجگی بر موقعه
 کیتمش . بو ایکی فرقه یی دشمن تعقیب ایدرک طوپ آلتنه

طوغری یا قاشور . اوصرد دہ پاشا قلعہ دن طوپ آتیلق
ایچون اشارت ویرر . قرہ چچہ بریکی فرقہ نڭ — تعقیب
ایدن دشمنی بتون بتون طوپ آلتہ چکمک ایچون —
— ساقیدہ رجعت ایتدیگنہ ذاعب اولور . همان دزدارک
یانہ گیدرک طوپ آلتسنی نہی ایدر . دزدار « بیلورسون !
پاشادن امر وار » دینچہ قرہ چچہ « سندنہ بیلورسون !
حین حاجتدہ بنم رأیمن چیتمندیو پاشادن امر وار
یا النده کی قتیلی یرہ آتارسن یا شمدی گیدر آغامزہ
سویلر سنی قلعہ قیوسنڭ اوگنہ آصدیریرم »
دیر . دزدار الندن قتیلی براقور پاشا درت دفعہ
دها اشارت ویرر قرہ چچہ نڭ اصرارندن طولانی
طوپ آتمزلیر . غازی مرحوم دوستی قیلندن
اوشاغی اولان محمد آغای دزدارہ ویردیگی امری
اخطار ایچون قلعہ یه گوندرر . برکت ویرسونکە
اوصردہ برو طرفدہ کی فرقہ قرہ چچہ نڭ آرزو
ایتدیگی یرہ گلورده قلعہ دن طوپ آتلغہ باشلار .
فائضی درکە « قرہ چچہ نڭ موافقتی اوزرہ

قلعه دن طوپلر آتلغه باشلادیغی صررده بن پاشانك
 یاننده ایدم . بزم طرفك گله لری اوزریمزدن
 چکردی . حتی بعض کرده عسا کر اسلامدن
 آدم شهید ایدردی بن و عمر آغا - که آشاغیده
 وصفی گاه جکدر - طوپك کسلمه سنه امر و یرمك
 ایچون مرحومه برچوق نیازلر ایلدك . حق
 رحمت ایلسون کندیس ی رأینده بحق مصر برذات
 ایدی . بر درلو نیازمزی قبول ایتدی . « ایکی
 آدم زیاده تلف اولسون دیه عسکری فلا کته می
 اوغر ادم » سوزیله استدعامزی رد ایدی .
 هر نه حال ایسه ایکی آتش آراسنده بولندیغمز
 حالدده اقشامه قدر جنك ایتدك . عاقبت دشمنه
 غالب گلدك . »

« بو محاربه ده مرحومك وجود ضعیفی یازد دن
 چیچك آچمش لیلاق فدانه بگزدمشدی . »
 نعیانك قولنجه قیرده دن آتیلان طوپلرك ،
 اول ایمراطور فردیناندك چادرینه اصابت ایدرك

رؤساندن اوچنی هلاك ایلدی . بونك و شدت
 هجومك اوزرینه دشمن قلعه جوارنده بولسان
 صودن كچرك . فرارده یوز طوتمشله ایكن ، ایمرا -
 طورك بعض بگنر حضورینه گلهرك . عثمانلی
 قلچنك شدتدن شكایتله متریسه گیرمگه و بزم
 عسکردن انتقام آلمغه قرار ویردیلر . محاصرهیه
 باشلادیلر .

بو محاصرهیه گلان دشمن اوروپانك من هر ملتدن
 مركب ایدی . اوزمانلر حكمنجه وحشی عد اولنان
 روسیهلیلردن ایچلرنده آدم وار ایدی . حتی اوچ
 باطریه طوپ دخی برابر گتیرمشله ایدی . دشمن
 متریسه گیرنجه ابتدا روسیه طوپلرینی آتمغه باشلا -
 دیلر . برنجی گله قلعهیی آشدی . ایکنجی گله
 حسن پاشا مرحومك قوناغنه ، اوچنجی گله یگنجری
 ضابطی سفر آغانك او طهسنه اصابت ایلدی .
 فقط هیچ بری کیسهیه ضرر ایتمدی . آند نصکره
 قلعهنك آلتی جهتنه قارشو وضع ایتدكلری قرق

ایکی طوپی بردن آتشکده باشا دیلر . آتش بر درجه شدتلی ایدی که قلعه بر زلزله دائمه حالده ایدی .

فأضی درکه : « دشمنک بوشدتی اوزرینه پاشا مرحوم مشورت مسنونیه ابتدار ایدرک ، عسکرک امراسنی حضورینه جلب ایله » ذخیره مز وار . باروتمزده یتشمک محمدر . عسکر مز آزیسدهده الحمدلله بوجزؤیتمزله برابر عموم اورویایه قارشو طور مقدن احتراز ایتمه یز . فقط وظیفه مزدر . بر کره سرداره خبر ویردم . بنم گیده جک آدم وار . قانونمز اقتضاسنجه یکچریلردن دخی آدم انتخاب اولنسون . رأیم بودر . ینه سزبیلیر سگزر ! « یوللو مرحوم حقنده موجود اولان امنیتلرینی اظهار ایدرک بورائی دخی [سمعنا و اطعنا] جوابیله تلقی ایلدیلر . یکچریلر طرفندن بری محمد و بری احمد نامنده ایکی ، اوطه باشی و پاشا طرفندن قره پچه [رحمة الله علیه] تعیین اولندیلر .

بالاده دخی بیان اولندیغی اوزره قره پچه سرحد

اسلامك مشهور غازيلرندن اولدوق. سرحدليك
جهتيله دشمنك السنه متنوعه سنه دخي واقف اولديغندن،
تبدیل قیافته یگچیری او طه باشیلری آرقه سنه آلهرق،
قلعه دن چیقدی . دشمن اردوسنك ایچندن کچدی .
حامل اولدیغی مکتوبی سرداره گوتوردی . حق
سردار طرفدن امداده کلنه چکنه دائر قنبره یه
بر بشارت نامه ده گتیردی . سردار یرندن بیله حرکت
ایتمدی . یالکز محصور لر بو بشارتله قوت قلب حاصل
ایتدیلر . یگچیری او طه باشیلری ده سگتوارده
یمشجی حسن پاشانك ورودینه منتظر قالدیلر .

بو طرفده ایسه دشمن قلعه یه هر گون لا اقل بیك
گله آتدی . غزات دخی بو گله لرك تأثیرندن
قلعه دیوارینه آچیلان رخنه لری اوزرنده کی اثوابی
یرتارق ستر ایتمه چالیشر لر ایدی . فاضی درکه :
« هله حسن پاشا مرحوم او یاشنده دیوار دلیگی
طولدر مقده و غزات اسلامك غلبه سنه چالشمقده
بر درجه ده غیرت گوستردی، که کندینی جناب حق

طرفدن اسلامك امدادينه گوندلمش برملك ظن
ایتمگه باشلادق . چونکه دشمندن قارشوسنه هرکیم
تصادف ایدرسه آرسالنه مقابل اولمش یبان اشگی
گبی وجودی قلیچ یارمسنندن یول یول سیاه قانلر
ایچنده قالیر ایدی . کندی ایسه وجودنده کی فصله
فصله جریحهلردن . اووا آراسنه دوشمش قاپلان
قیاس اولنور ایدی .

« بزمدده شوخ ایدی ورزمدده شیر . »

« صاحب کلک وصاحب شمشیر . »

« بزم ورزمنده یوقدی اقرانی »

« قولی شمشیر ایدی یارمنی تیر . »

« بزم عیشنده رزم ایشبنده »

« آکا هیچ گورمدک عدیل ونظیر . »

اوصافنه مظهر تام اولان حسن پاشا مرحومك
همت عالیہ سی اودرجهده ایلرو وارمشیدی . که ملائکة
مقرّبین صحیحاً امداده گلش اولق لازم گلسه
اسلامه آندن بیوک برخدمت ایده مز ایدی . »

بوجوم واقعا دشمنی قلعہ جوارندن دفع ایتمگہ
 کافی اولامدی . فقط محاصرہ بی امکانسز براقہ جق
 قدر خصمہ گوز داعی ویرمشیدی . - حتی برقاچ
 گونلر او قدر کلیتلی برارد وایله قلعہ نك اطرافنی بتون
 بتون محاصره آلتنه آلمغه جسارت ایددمدیلر -
 عسکر ایستدکاری گبی چیقار طشره دن ذخیره
 آلیرلر ایدی . عسکر دگل، حیوانات بیله قلعہ
 جوارنده گزر ایکن دشمن طرفندن هیچ کیسه
 تعرض ایدمزدی .

عاقبت ینه بر مجلس مشاوره ده گرك امپراطور
 وگرك امراسی - کندی کترتلی ینه واسلامك
 قلعته نظراً گوردکاری جسارتسزلك پك بیوك
 برعیب اولدیغنه دائر - برطاقم سوزله یکدیگری نك
 حمیت جاهلیه لرینی تحریك ایله محاصره بی اتمامه
 قرار ویردیلر . واوزمانك فن حربی اقتضاسیجه قلعہ
 جوارنده بولنان نهری - که وسعتده طونه یه یقیندر -
 گچید ویردیگی یردن سازله طولدیره رق واوزرینه

چیتدن برنوع دوشمهلر پاهر ق و دوشمهلرک اوزرنده
سپددن متریس لر قالیر دیلر ، برده تحته دن منتظم
کوپری ترتیبه گتیر دیلر . قلعه خندقه باغلادیلر .
بری طرفدن — فائضینک روایتجه — حسن
پاشا مرحوم دشمنک بودرجه اقدامنه نظر آ قلعه نك
محافظه سندن مایوس اولدق ، آغلایمغه باشلامشیدی —
بالتصادف مقبولی اولان قره پچه حضورینه دخول
ایله پاشانک گوزنده یاش گوروبده سببنی تحقیق
ایدنجه « دشمنک تیمورندن قورقماق . تحته سندن می
قورقاجغز ؟ سن بنی دعادن اونوتمه ! بن شمدی
گیدر همتگاهه کوپری بی یقار گایرم » دیدی .
حضورندن چیقدی .

فائضی دیرکه : « پاشا مرحوم قره پچه نك
لاقیر دیلرینی صرف تسلییه حمل ایتمشیدی . بز
امرای عسکرله برابر مرحومک حضورنده باشیمزک
چاره سنی دوشمنگه مشغول ایکن ، قلعه دیزداری
گلدی ؛ کوپرینک یا نطقده اولدیغنی اخبار ایلدی .

پاشا صرحوم بو خبری آنجه « قره‌چیه بوقلعه دکمز .
 شونی - ولو مجروح اولسون - هر کیم قور تاره
 بیلیرسه المدن گلان ایولگی حقنده دریغ ایتیم »
 دیمکله و دأر دسندگی آصدقانک کافهسی پاشانک
 قره‌چیه حقنده اولان توجه تامنی بیلکله، عمومی
 بردن خندقدن طیشاری قره‌چیه‌نی تحرّی یه چیقديلر .
 کندینی اوچ محترق اولمش شهید آراسنده صاغ
 طرفنک اثوابی یانیق اولدینی حالدله بولديلر .

« پاشا صرحومک مخصوصاتندندر که دأر دسنده
 بولنان آصدقاسی التفتی دنیاده هر درلو اقبال و آماله
 ترجیح ایدرلر ایدی . بر برینی چگنیهرک قره‌چیه‌نک
 صاغ اولدیغنی مؤدهیه گلدیلر . ایچرندن هانگیسنه
 ایستدیگی مکافات سؤال اولندی ایسه بر آفرینه
 قناعت ایلدی .

« قره‌چیه ایله برابر جنازه‌لری بولنان اوچ شهید
 ایسه الک بیوگی اون طقوز یاشند اوچ برادر ایدی که
 اوچی ده مشهور بوسنه آلا ی بگی خسرو بک

اولادندن ایدیلر. حسن پاشا مرحوم او قدر جزوی بر عسکرله قنیر تپی عموم اوروپانک هجومندن حفظه اقتدارینی بو قدر تجارب ایله گوستردی. فقط امرای عسکر، ینہ سرداردن استعانه یه قالقشیدیلر. «

« سردار اولان یمشجی حسن پاشا حمیتلی بر آدم دگل ایدی. فقط قنیر تپده او یله بر آووج آدمک گوستردیگی شجاعت فوق العاده سگیرلرینه طوقند. یغندن و حسن پاشانک شهرت مجاهدده سی کندینک زوال دولته سبب اوله بیله جگنی مجالس مشاورده بعضی امرانک تعریضاتی ایله آکلادیغندن و خصوصاً صیله کندی غیور دگل ایسه ده فوق الغایه متکبر بر آدم اوله رق، نفرات عسکر یه طرفندن آیاق دیواننده « قاسم کچدی. بزبوند نصکره نره یه گیده جگز؟ » یوللو وقوع بولان افادات نهایت درجه ده عظمتنه طوقندیغندن، مناسب تسر و لزوم سنر اوله رق، اردوی هامبونی قالدیردی. گویا قنیر تپنک امدادینه عزیمت ایلدی. بونکله برابر مزاجنده اولان تلون غالب

گاہرک ینہ رأینی تغیر ایله بلغراد طرفندہ بولنان
دشمن طاہوری اوزربند گیتمگہ عزم ایدرک، کیفیتی
حسن پاشایہ خفیاً بیان ایله اکتفا ایدی .

واسطۂ مخابر داولان قرہچہ ایسہ او طہ باشیلری
برمعتاد سکتوراده براقہرق، النده کی اوراق ایله برابر
تبدیلاً قنیرہ دیہ واصل اولمش ایدی .

فائضی دیرکہ: « عسا کر اسلام شدت محاصرہ دن
فوق الغایہ صیقلش ایدی . پاشا مرحوم دخی دائماً
قرہچہ نڭ ورودینہ انتظاراً گجہلری برایکی ساعت
اویقو او یومز . و بزم گبی ندما سیلہ برابر استشارہ لر
و درگاہ باریدن استمداد لرلہ مشغول اولور ایدی .

» بر جمعہ گجہسی ایدی کہ دیزدار طرفندن آدم
گاہرک قرہچہ نڭ ورودینی اخبار ایتمکله همان سفیر
معمدینی حضورینہ جلب ایتدی . گلان مکتوبلری
او کسہ آتدی . برربرز او قودم . گرک بوفقیڑک و گرک
مجلسدہ موجود اولان قرہ عمر آغا، وزیر اعظم دن
دخی بر امید خیر اولمدیغنی دوشندکجہ، قلعه نڭ

استخلاف صندن قطع امید درجه سنده مایوس
اولمشیدق - یالکز پاشا مرحوم مکانت مجاهدانه
و فطانت فلاطون پسندانه سی اقتضاسنجیه هیچ تلاش
گوسترمیدرک « قورقیاک چو جو قور ! بو گلان
مکتوبلرده بزه براردو قدر خدمت ایدر » سوز -
لریله جمله مزه تسلیمت ویردی . بز ایسه کندینه
اولان حرمت فوق العاده مز اقتضاسنجیه سوزینه
اعتماد سزلق چیقماق خوفندن نه درلو تدبیره
گو کندیگنی سؤاله جسارت ایدمزدک .

« وقتا که صباح اولدی . امر سرداری ایله غایت
طنطنه لی بر آیاق دیوانی ترتیب اولندی . پاشا موقعنه
قوریلان بر کرسی عالی اوزرینه قعود ایدرک ، امرای
اطرافنه جلب ایله صدر اعظم طرفندن گلان وعد
مکتوبنی تکریمات فائقه ایله قرائت ایتدیرد کد نصکره
اطرافنی قهرمان پسندانه وراز آشنایانه بر نگاه ایله
سوزدرک دیدی که : « ایشته غازیلر ! بز بوراده عادی
یالانقه حکمنده بر اوفاجق قلعه نك محافظه سینه

مأمور برقاق بیسک پادشاه قولىز . حال بوکه
 سرحد اوزرئندە دولتمزک - هرطاشی بونک گی
 برقلعه دگر - نیجه مملکتلری وارکه هربرئندە بزم
 یوز مثنز مجاهدلر دشمن شرندن مخاطره لر ایچئندە
 طورییورلر . حال بویله ایکن ینە پادشاهمزک سردار
 اکرمی مجرّد بزم گوستردیگمز غیرتە حرمت
 وعسکر اسلامک شانی اعلاء بوقلعهی آنلرک
 جمله سنە ترجیح ایتمش . امدادمزە گلیور . یاشمدی
 بوقدر مشقت چکدکن صکرە سردارک بزلر
 حقئندە اولان امیدینی هبایه ویرمک غیرتە یاقیشرمی؟
 بن جمله کزدن اولکنندن زیاده همت مأمول ایدرم .
 گورەیم سزی! خلیفە روی زمینە نصل خدمت ایدە
 جکسکز . « اقوال متجلدانه سیله تشویقاته باشلا نیجه،
 عموم عسکر بر آغزذن «همزک جانمز، باشمز بویوله
 فدادر» دیدیلر . گلبانک چکلدی . دعا اولندی .
 هرکس قلعهده مأمور اولدیغی طرفه خلوص نیت
 وکمال غیرتله عزیمت ایلدی . »

عسکر اسلام بو حال لراہ اشتغال ایدہ طور سون .
 بری طرفدن دشمن مقدّمایا پدیغی کوپرینک احرار .
 قندن فوق الغایہ متأثر اولدوق . ثبات مصرانہ سنی
 اعلاناً اندن دها منتظم بر کوپری انشا ایتدیر مشیدی .
 فقط آئی ده پاشای مجاهدک تداییر خارق العاده سندن
 قورتارمدی .

مشارالیه کوپرینک دوبه لری ختام بولدیغی
 گجه شجاعت ومهارتنه اعتماد ایتدیگی مجاهدلرک ائ
 گزیده لرندن بر قاجنی تعین ایلدی . گتدیله : هر نه
 یاپدیله ایه یاپدیله . کوپری یه چنگال ایلشدر دیله .
 ایکی اوجنی چکدیله . قلعه یه ربط ایتدیله .

کوپری اوزرنده بولنان عسکر بو حال حس
 ایدنجه کندیلرینی صویه آتوب غرق اولمقدن بشقه
 سیف عثمانیدن نجاته بر طریق بوله مدیلر .

دشمن اردوسی ایه : قلعه نک بویله انساندن
 ظهورینه اینانیمه جق درجه ده مهارت وغیرتله مدافعه
 اولندیغی و کندولرینک هر درلو تدبیرلری نتیجه سنز

قالدىغى گورنجه، حصول مقصددن مأيوس اولمغه
باشلايدىلار. ۋە فقط يەنە اقدامدن گىرو طورمق
ناموسلىرىنە طوقىدىغىدىن، برتدىرەدەھاسلوک ايتىدىلار.
اودە شوکە: قلعه جوارىندە بولغان نهرلرک اوزرىندە
چام آغاجىدىن گىملر ترتىبلە اوزرلرىنە مىشەدىن ۋە مىشە-
نك اوزرىنە - تفنك و خبارەکار ايتامك ايچون -
گوندىن قاپلامەلر اوردىلار. ھەر بىرىنەدە يوز نفر عسکر
ادخال ايلدىلار. سفىنە ترتىباتى ختام بولدىغى كىچە
اردولرىندە برىيوك شىنك اجرا ايتىمىلرايدى. برى
طرفدىن ايسە پاشا مرحوم گىملرک ترتىباتى ۋە شىنك
اصلانى اوگرنىك مراقنە دوشەرىك، قلعه آلتە، منتخبى
اولان غازىلردىن برى پوصو ترتىب ايلە ايكى اسيرالە
كچىردى. بونلردىن برىنى حضورىنە جلب ايلە
شىنك شىبىنى استفسار ايلدى. (گىملرک صورت
ترتىبىنى ايسە اسيرلر طوتلەدىن اول جاسوسلر معرفتىلە
خبر آلمىشدى) استنطاق ايتىدىكى اسير اجرا اولغان
شېر آيىن دىشمىك استونى بلغراد قلعه سەنە استىلا

ایتمسندن نشئت ایلدیگنی خبر ویردی . دیگریده
 آریجه استنطاق اولنجه اولکنک قولنی تصدیق
 ایلدی .

پاشا مرحوم استدیگی معلوماتی استحصالدن
 صکره تصور ایتدیگی تدبیری اجرا ایچون اسیرلرک
 ایکسینی بردن حضورینه جلب ایله « نه دندرکه
 شمدی یه قدر طوتدیغمز اسیرلر ایچنده مجار و خرووات
 طائفه سندن کیمسینی گوردمیورم . یوقسه اردو گزده
 آنلردن عسکر یوقیدر ؟ » یوللو برسؤال ایراد ایتمکله
 اسیرلر ایچمزدده مجار و خرووات وار ایسه ده ترکله
 متفق اولدقلرندن احتراز اولندیغیچون آنلری قلعه
 جوارینه اوغراتمازلر « جوابنی ویردیلر . پاشای
 مدبر، ینه گویا کتم مرام مسلکنی اختیار ایله
 اسیرلره خطاباً مجار و خرووات عسکرینک مقدارینی
 استفسار ایتمکله اسیرلر « خروواتدن بشقه یالکزاراوتوز
 بیك مجار وارددر . خرووات ایسه مجاردن کثرتلیدر »
 دیدیلر .

بوسؤال وجوابدنصکړه اسیرلری قره عمر آغایه
 تسلیم ایدرک اعدام اولمخلرینه الیه اشارت ایلدی .
 فقط بوتنبهیی متعاقب قره عمر آغایی تنهاجه حضورینه
 جلب الیه برمدت نزدنده آلیقومشدی .

عمر آغا حضورنده چیتقجه اسیرلری و قلعه
 دزدارینی یاننه آلهرق ابتدا بونلری قلعهده اولان
 یوزالمی قدر خروات و بش یوز قدر حجار اسیرلرینک
 بولندقلری محادن کچیردی . و کندیلرینه « ایشته
 بونلر مجاردر . نوبته ایچلرندن هر گجه بیك فدائی
 قلعهنک امدادینه گلیرلر . مجارلره امنیت ایتیکز .
 بنده سزدنم . کوچک ایکن اسیر اولمشدم . واقعا
 شمدی پاشایاننده معتبرلردنم . حکممهده بیك قدر
 آدم وار . بوقدرده دولت و ثروته نائل اولدم .
 بونلری فدا ایدوب قارشویه کچهم . فقط ملتمی .
 وطنمی هیچ بروقت اونوتمدم . نهوقت آلنور ایه
 بنده ایمراطورک برقولی اولورم . فقط قلعهنک
 آلنمی گوجدر . ایچکزده سنرک غالب اولدیغکزی

استمیز آدمیر وار . قلعه‌نک ایسه ذخیره و بارودی
 بریالمقندن و محافظلری اوتوز بیگدن زیاده‌در . مکر
 بوراده قالوبده بوز اوزرنده قیشلایه‌رق و ایچکزده کی
 دشمنلری تپه‌لیه‌رک، برایش گورده بیله‌سکیز ! پاشامز
 شمعی سزک اعدامکزی امر ایتمشیدی . بن مانع
 اولدم . آلدیم امری اجرا ایتک بردرلو غیرتمه
 الویرمدی . ایشته‌سزی آزادایدیورم . گوردیگیزی
 سویلیکیز . بنم خیرخواه‌لغمی ضابطلریکیزه بیلدیریکیز
 یوللو برچوق شیلر سویلدکن و اللرینه براز بیاض
 اتمک اعطا ایلدکن صکره گویا خفیاً برقایقه اردو -
 لرینه ارسال ایلدی .

حریفلر او حال ایله موقعلرینه گتدیلر ! پاشانک
 لطائف الحیلندن حاصل ایتدکلری معلوماتی حقیقت
 حال اولمق اوزره ایمراطوره بیان ایتدیلر . ایمراطور
 ذاتاً قلعه‌نک استخلاصندن قطع امید ایتمش ایکن بو
 تفصیلات جدیده ایله برقاتدها متالم اولمش و بیانی
 محاصره‌دن ال چکمه‌گه قرار ویرمش ایدی .

فقط او اثناده سردار یمشجی حسن پاشا استونی
 بلغراد قلعه سی آلتده غایت فاحش بر صورتله بوزلمش
 و بودین والیسی محمد پاشا ایله مشاهیر امرادن
 کتخد محمد آغا او آرهلوق شهید اولمش اولمئریله بو
 خبر انہزام، مشار الیہمانک رأس مقطوع لریله برابر
 ہر سک ماتیوشی [۱] طرفندن وارد اولدیغندن،
 بر تجربہ اخیرہ دہا اجرا ایتک نیتیلہ معہود شہر
 آینک ایرتسی گونی قلعه پیشگاہنہ مکالمہ یاپراغیلہ
 ایلچیلر گوندردی .

[۱] ہر سک ماتیوشی تعبیری مثلاً (ہر سک پرنسی) کہی
 بر معنی افہام ایدیور . حال بوکہ وقتیلہ بزدہ یازو یازانلر ایشدکاری
 اجنبی برکلہک اصلنی تحقیق ایتکہ غالباً لزوم کورمدکارنددرکہ برر
 سورتلہ قولاقلرینہ واصل اولان اجنبی اسملرینک اولا طرز تلفظنی
 تبدیل وثانیاً معناسنی تغییر ایتدکارندن اسکی کتابلر مزدہ کوریلان
 اسمارک اکثری پیانغی معما حکمنی آلییور . اصل غریبی کمال بک کہی
 خصلت تدقیق حائر بردانکدہ بو کہی الفاظ اجنبیہ بی اولدیغی وجہلہ
 قبول وابقا ایتسی وایضاح واصلحنہ ہمت ایتامسی در .

بزدہ قالورسہ بو ہر سک ماتیوشی دکل (ارتس ہرزوغ ماتیش)
 درکہ آلمانجہ (ارتس ہرزوغ) پرنس دیمکدر . بزم ہر سک لفظی
 دخی ہرزوغ محرفیدر . ماتیش ایسہ مجار پرنسلرندن ایکدیسیدہ
 بہادرلکلہ مشہور بزر ذاتدر . [للطابع]

سفیرلر گلدیلر : سردارک مغلوبیتنی اخبارایله
 پاشا و کتخدای شهیدک باشلرینی میدانہ دیکدیلر
 و عسکرده خطاب ایدرک «ایشته سردارکتر بوزولدی.
 گلک ! ایمراطورک قلعہسنی تسلیم ایدک ! صکرده
 امان بوله مزسکتر . حسن پاشا کیفنه تابع عنادجی
 بر آدمدر . هیکتری قردیرمق ایستر . سز آکا
 اویمایکتر ! جانکترک . مالکترک محافظهسنه باقکتر !
 ذاتا اردومزک کترتی گورییورسکتر . او جانبدہ
 بولنان عسکر مزده بو طرفہ گیرسه بزہ نصل
 مقاومت ایدہ بیلیرسکتر ؟ اگر اینانمزسه کتر محمد
 پاشا ایله محمد کتخدای بیلنلردن بری چیقسون .
 باشلری معاینه ایلسون ! » یوللو بر طاقم ترهات
 سویلدیلر .

اهالی و عسکر بو خبرلرک استماعندن نہایت
 درجہلرده مکدر اولهرق ، همان طوبدن پاشای
 غازی یه مراجعت ایتدیلر ووقعہی نقل ایله « تدبیر
 سنک . اراده ینہ سنکدر » دیدیلر .

فائزى دركہ : « مرحوم يئنه خير مايسى
اولان متانت فوق العاده جہتياہ بوياتردیدن قطعاً
فتور گتيرمدى . غازيلرى اطرافنه جمع ايتدى .
شو مقدّماتى سرد ايلدى : « معلومكز دركہ دشمن
بوسوزلرى سزہ آجيدىغندن سويلمز ! خصمك
يايغاردسنه نہدن اعتماد ايدہ جگز ؟ گلن باشلر گر -
چككن محمد پاشا و محمد كتخدانك اولوب اولمديغنى
دها بيليرز . ايسترسك قرہ نچہي گوندير ؛
تحقيق ايدہ بيليرز ، فقط فرض ايدہ لم كه صحيح اولمش .
بز بورايہ محمد پاشا و يا محمد كتخدا ايچون قيانمدق !
دينمزہ ، دولتمزہ خدمت ايچون بو قدر محاصرہ
مشقتلرينى چكك . آنلر شہيد اولدى ايسہ اللہ
دينمزہ ، دولتمزہ زوال و ير مسون ! ايكي بندهسى
گتدى ايسہ پادشاہمز صاغ اولسون ! محمد پاشايہ
بودين ايلتنى بن استحصال ايتشدم . پادشاہمزك برديگر
بندهسى دہا اويلہ نچہ بر محمد پاشانر بولوب وزير
ايتديرمگہ مقتدردر . فقط بوقلعه الدن گيدر ايسہ

قرق محمد پاشانک قانی دوکلسه بردها استرداد
 اولنه ماز. بونگله برابر قلعه نك دشمن الینه دوشمیه.
 جگنه ایکی دلیم وار؛ بری شودرکه: دشمن محاصره یه
 ربیع الاولک اون ایکنجی مولد نبی گجیه سی
 باشلادی. سلطان انیا عالمه رحمت گوندرلمشدر.
 مأمول ایدرم؛ که جناب حق علیه الصلوة افندمزك
 لیه وادتنه حرمة بوقلعه بی شرّ اعدادن محافظه
 ایدر. ایکنجیسی شودرکه: هرکیجه آقشام اذانی قلعه
 برجلرنده الله الله دیدرک گلبانک چکلدکجه دشمن
 سسکزی باصدیرمق ایچون موجود اولان طوپلرینی
 بردن آتشیلور. بوصورتله اسم اعظم الهی بی تحقیر
 ایدیور. امید وارمکه غیرت الله ظهور ایدر.
 دشمن قلعه بی آله مدقندن بشقه بتون بتون مضمحل
 اولور. ان شالله طوپلرینی ده گوتوره مز. سزکلان
 ایلچیلره هیچ جواب ویرمیکز! هان قلیچ گوستر-
 یکنز! بزه آنلرله آشنالق لازم دگل. هان آرامزی
 سیف آیرسون! »

پاشانک بو سوزده دخی کرامتی ظهور ایدرک
سویلدکلری عیناً فعلله گلمشدر .

عسکر ایسه سوابقنه نظراً غازی مرحوم حقنده
فوق الغایه بر حسن ظنه ذاهب اولدقلرندن، سوزلرینی
فال خبر اتخاذ ایتدیلر . بیاغی تبشیرات واقعہسی
فعله چیقمش قدر ممنون و متسلی اولدیلر .

پاشا بودیواندن صکره بردبدبہ قهرمانی ایله
سوار اوله رق ، قلعه سپرلرینه طوغری عزیمت
ایلدی . فقیرده یاننده ایدم . باشلر متریسه پک
قرب اولدیغندن، یار قدیمی اولان محمدپاشای شہیدک
رأس مقطوعنی بر نظردہ بیله زک، گوزلری قان ایله
یاش ایله طولغہ باشلدی . فقط ینہ در حال تجددینی الہ
آلدی . گوزندہ کی یاشی، قانی غائب ایدرک، عرفینک .

« بحفظ کریمہ مشغولم اگر بینی درونمرا »

« زدل تا پردہ چشم دوشاخ ارغوان بینی . »

خیالنه ما صدق اولدی . و دفعۃً برتدیر اختراعیلہ
« یوباشلرک آراسنده محمد پاشا یوق . قرق ییلق »

دوستمدر . نه قدر اوزاقدن گورسدم بیلیرم . اولان
اولنجه محمد کتخدانک باشنه واردونک انهرامنه دأر
اولان روایت دخی یالان اولدیغی نه دن معلوم ؟
بونلر دشمن طرفدن بزی اغفال ایچون ایجاد اولمش
بردسیسهدر . باشلری گله ایله یرلرندن دوشرمک
کیمک الندن گلیر؟» دینجه، پچویلی بهرام نامنده بر
طویچی بو امرک اجراسنی تعهد ایتمکله غازی
طرفدن رخصت صادر اولدی. طویچی یگتی
[ببل طوی] نامیله مشهور اولان طوی نشان
ایدراک برنجی آتشده باشلری صویه دوشردی .
فقیر ایسه پاشایه تقرب ایله بومعامله سندن طولای
متعبانه یوزینه باقدم . مرحوم مرادیمی برنظرده
ادراک ایله قولاغمه طوغری یناشدق کیمسەنک
ایشیدهمیدجگی صورتله «محمد پاشا مرحوم بر مجاهد
ذات ایدی. قلعه‌نی تخلیص ایچون بنم باشنه ایتدیگم
سؤ معامله‌نی عفو ایدر» سوزیله سؤاله یر بر اقدی.

گلان ایلیچیلر گوردکلری حال اوزرینه سب
 وشم ایدرک اردولرینه عودتله کیفیتی ایمراطورلرینه
 بیان ایدنجه، ایمراطور نهایت درجده غضبناک
 اولدرق، قلعه دن هرکیم بر آدم طوته بیلیرسه اون پاره
 قریه تملیکنی وعد ایلدی . قوجه براردو بو وعد
 اوزرینه الارندن گلان جد واقدامده قصور ایتمدیلر .
 فقط عنایت الهیه و پاشای غازی نیک حسن تدابیری
 سایه سنده انسان دکل بر حیوان اخذینه بیاه مقتدر
 اوله مدیلر .»

وقعه نیک ایرتسی گونی هر سیک ماتیوشی [۱]
 معیتنده بولنان یوز اللی بیگ کشیک براردو ایله قلعه
 جوارینه حقیقه گله رک، آیاغ نیک توزی ایله بر عالی
 دیوان قوردیردی . احوال حربی مذاکره یه قیام
 ایلدی . هرکس دن اول کندیس قح کلام ایله
 عمومده خطاباً « بنم عسکر م سزک نصقنر قدر یوق

[۱] یعنی پرنس ماتیاش . للطابع

ایکن بر قوجه سردار اردوسنی بوزدم. استونی [۸]
 بلغرادگی ترکک اڭ بیوک، اڭ مهم قلعه لرندن برینی
 آلدیم. سز بوقدر کثرت وشو کتله برابر شو او فاجق
 بر پالانقینی ضبط ایدم دیکیز! بونه حالدر. هیچ یورده.
 گنزدده مردلکدن اثر یوقیدر؟» یوللو بر طاقم تشنیعانه
 قالمشغله ایمراطور فردیناند «بن بویله عسکر کور.
 مدم، هر نه سویلر سده قارشودن قلیح گوستر لر.
 نه اولومدن قور قار لر، نه اخافدن متأثر اولور لر!» دیه
 کمال حزن وغصبندن آغلامغه باشلادی. ماتیوش
 ایمراطورک بوتلاشنی ینه کندینک وعسکرینک
 رخوتنه حمل ایله «اوچ آی بوقدر جق بر پالانغه
 ایله اوغراشیلر می؟» سوزینی بر قاچ کره تکرار
 ایدنجه، ایمراطور معیتنده بولنان امرا «بز عاجز
 قالدق. بیورک! اداره بی سزید اقتدار کره آلاک!

[۱] تاریخلر مزده کی. [استونی بلغراد] تعبیری
 اسلاوجه [استاری] محرفی در. استاری ایسه قدیم
 معناسنه در. [للطابع]

جملہ من امر گزہ اطاعت ایدرز « سوزیلہ کنڈینی
الزام ایتدیلر . ماتپوش ایسه قنیرہ مجاہد لرینی
سردار اردو سنده کی جلالی حشر اتنه و تریاقی حسن
پاشانی یتشجی حسن پاشایہ قیاس ایلدیگندن ، قوما -
تدینی مع الممنونیه قبول ایتدی . و حصاره قارشو
ینه بر ایلمچی گوندره رك سردار سکتوازه کتدی .
« یالکز بزه قارشو طوره مدی . سز بوجز ویتکز
« ایله برابر ایکی اردویه نصل مقابله ایدہ بیایرسکز ؟
« ملوک نصارانك کافه سی بوراده موجوددر . سزه
« سلام ایدر لر . مراد کز پادشاه کز خدمت ایسه
« بو قدر اولور . قیش گلدی . سزه بر طرفدن
« امداد احتمالی قالدی . ایمپراطورك قلعه سنی
« تسلیم ایدیگز . صاغ سالم چیقار گیدرسکز بر قیلکز
« ضرر گنز » یوللو بعض تسویلات تبلیغ ایتدیردی
ایسده قلعه دن ینه بر معتاد قلیج گوستردیلر و ایلمچی
اسکی لقر دیلرینی تکراره باشلانجه حریفی سرحد

غازیلری تفنگه طوتدیلر . اوده سوگدرک مقامنه
عودت ایلدی .

تاریخلرک روایتنه گوره ماتیوش ، حسن پاشانک
ایلله آیاق پاتردیسی ایلله قلعه تسلیم ایتدیجگنی
بیلیردی . ایلچی گوندرمکن مرادی ایسه قلعهدن
جوابه تصدی اولندیغی صورتده عسکر اسلامک
افکارینی ایشیدیلله جک سوزلردن استدلال ایدی .
قلعهدن یالکز قاج گوستریلوبده بشقه برسررشته
ویرلینجه ماتیوش اظهار تهوّر ایدرک ، ایرتسی گون
هجوم ایلله قلعهی آلفه وایچنده موجود اولان
عساکری قلیچدن کچرمگه بر بیوک مجلس مشورتده
بیك درلو اصرارلرله قرار ویردیردی . بوقرار
اوزرینه قلعهدن آدم طوتمغه ینه پک زیاده اقدام
ایتدیلر . ینه موفق اوله مدیلر . نهایت ماتیوش
عسکرینک منتخبلردن اوچ کشی تعیین ایتدی .
بونلر قلعه قیوسنه گلیدیلر . اظهار اسلام ایلله
کندیلرینی قلعهیه آلق ایچون آدم ایستدیلر .

کیفیت حسن پاشا مرحومه خبر ویریلنجہ آدم
 طومتغہ گلدکلیخی ادراک ایلہ اوزرلرینہ طوپ
 آتاسنی امر ایتمکله برطوپده ایکسی هلاک اولدی.
 وبری مجروحاً نجات بولدرق اردویہ عودت ایلدی.
 بووقعه اوزرینہ ماتیوش قلعه نك تسلیمدن
 واسیر آله یلک امیدندن بتون بتون مایوس اولمغله
 ایرتسی گون ایچون هجومی ترتیب ایلہ بیك سکر
 یوز سردن گچدی تحریر ایلدی . وبدنه چیتوب
 بایراق دیکنلرد اون و حسن پاشا مرحومی هرکیم
 اسیر ایدہ بیلیرسه یوز چفتلک تملیکفی وعد ایتدی.
 قلعه نك اکثریری گلہ ضربندن طوپراقله
 برابر ولمش ایدی . دشمن ایسه برطرفدن قلعه
 قارشوشنه، هربری قنبره دن بیوک یتمش قدر طابیه
 انشا ایتدکن بشقه نهر اوزرینہ دخی یگرمیدن
 زیاده کوپری قورمش ایدی . مقدما ترتیب ایتد-
 یگی سفینه لری دخی اوگون نهره ایندیردی .
 پاشای غازی دشمن اردوسنك حرکاتندن و

سفینه‌لرک نهره نزولندن یورویش ترتیباتی مشاهده
ایتمگله گیلرک یناشه بیله جگی طرفلرده قلعه‌نک
طولبه‌لرینی کسیدردی . کیلان یرلره پشرو ایله
طولو بال یمز طولر قودیردی . وینه برعالی دیوان
ترتیبه عموم امرا و نضراتی حضورینه جلب ایدرک
— فائضینک روایتجه — شو مقدمات ایله تحریض
مجاهدینه اقدام ایلدی: « غازیلر! دشمنک حرکا -
تندن هجوم اماره‌لری گوریندور . ماتوشک اردو -
سیله برابر بورایه گلیشنه باقیلورسه سردار من
یا آنلرک دیدیگی گبی مغلوب اولمش و یا خود بنم‌ظنم
گبی سفر موسمی گچدیگندن بو قلعه‌نی سزاک غیر -
تکزه امانت بر اقدرق . مشتیاه عودت ایلش . حقیقت
حال هر هانگیسی اولور ایسه اولسون بز بوراده
سردار ایچون حرب ایتیمورز . الحمد لله مسلمانز .
مقابله مزه‌گلان دشمنله وظیفه جهادی اجرا ایتک
اوزریمزه فرضدر . پادشاه قولی یزه ولی نعمتمز
اولان خلیفه اسلامک بر قلعه‌سی دکل بر آوج

طوپراغی ایچون جانمزی فدا ایدرک یدیگمز اتمگی
 کندیمزہ حلال ایتک جملہ مزہ واجبدر . ملتیز
 سرحدک امنیتنی بزم ہمتسزدن بکلیور . ایکی قوم
 آراسندہ آچلان میدان مبارزہ نك قرارینی بزم
 غیرتمز ویرہ جک . اوچ آیدر آچ قالدق ، یاصدق
 یرینہ قلیچہ یاصالاندق . بوقدر اخوانمز گوزیمزک
 اوگندہ شہید اولدی . ایچمزدہ یارہ یمدک انسان
 قالمدی ، گلہ لر ایچندہ یووارلاندق . بوقدر ہمتک ،
 بوقدر غیرتک نتیجہ سنی بوگون گورہ جگز . الحمد للہ
 جملہ کز بیلیرسکز کہ دشمن قارشو سندنہ وفات ایدنلریمز
 شہید اولور . صاغ قالانلریمز کرک دنیاہ وگرک
 آخرتہ نجات و سلامت بولور . بن آلمان دشمننک
 هجومنی بیلیرم . برکرہ یوزی دونر ایسہ مغلوب
 اولدیغی گوندر . یرلر کزدہ ثبات ایدک ! ایلک هجومن
 ییمایک ! آندن صکرہ بعون اللہ نصرت بزمدر . «
 بومقدّماتی متعاقب پاشای غازی المرینی قالد -
 یردی . آق صقالینک اوزرینہ انجو دانہ سی گبی یاشلر .

دو کدرک. غزات موحدینک سلامتته خیر دعالر
ایلدی .

هرکس آمین خوان اولدیلر . و بربرلریله
وداعلا شدرق و جانلری تنده اولدقجه دشمندن یوز
چویرمیه جکلرینه ویرلرندن آیرلمیه جقلرینه یملر
ایدرک متریسلرینه گتدیلر .

وقتا که صباح ایرشدی. دشمن آلایلری باشدن
آیاغه تیموره مستغرق اولدقلری حالده صف صف
هجومه باشلادیلر . معهود سردن گچدیلر گمیلرده
ایلدی . اشارت هجوم اولمق اوزره اڭ اؤل اڭ
بیواک طوپلرینی آتشلیدیلر . گله سی قلعه دیوارندن
آشدرق بریکچیری چور باجیسنک اوطه سنده قرار
ایلدی . بونی متعاقب لشکر عدو . درت طرفدن هجومی
تشدید ایله گمیلری یورتمگه باشلادیلر . گمیلر خندق
جوارینه تقرّب ایدنجه پاشای غازی امر ایلدی .
مقدّما حاضرلنان بال یمز طوپلری آتشلیدیلر .
بعون الله تعالی برایکی کرّه آتش اولنور اولنماز کمیلرک

جہاں سی بارہ پارہ اولدی . ایچندہ بولنان سردن
یکدیلاک عمومی بردن صویہ دوکیلہراک آب و آتش
آراسندن پک آز جان قورتیله بیلدی .

بو حال دشمنجه بریواک رخنه ادبار اولدی
ایسده گراک ایمپراطوراک و گراک ماتیه شک تشویقانی
ایله حریفلرینه غیرتی الدن بر اقدیلر . وار قوتی
بازویه ویردراک . موجود اولان عسکراک کافسیله قاعده
برشدلی هجوم دها گوستردیلر . عسکر اسلام
دشمناک او یله امواج دریا صاییشجه آلا یلرله قلعده
طوغری ییغیلوب گلدیگنی گورنجه ، بالطبع لرزدناک
اضطراب اولمغه باشلامشلا ایدی . هله همتلری
وار اولسون بر طرفدن پاشای مجاهد و بر طرفدن
قلعه ده بولنان یکچیریلراک ضابطی سفر آغا و بر طرفدن
عمر آغا و بر طرفدن قلعه دیزداری و بر طرفدن قره
پچه . قلعه ناک هجوم اوزرند بولنان موافعی طولودیزگین
طولاشه رق و اندیشه و تردد حالنده بولنان افراد
عسا کره امر جهاده متعلق اولان فضائی و شان

شجاعت عثمانیه بی تکرار و اخطار ایدرک . هر کسک
ثبات و غیرتی مع زیاده اعاده ایتدیلر .

فائضی دیرکه : « هجوم یدی ساعتدن زیاده
امتداد ایتمشدی . ایچمزدده غازی سلطان سلیمان
مرحوم زمانندن قالمه بر طاقم اختیار سردن گچدیله
وارایدی . که هربری یوزدن زیاده محاربه گوردکلری
حالده بوشدنده بر ملحمه کبرایه تصادف ایتدکلرینی
سویله لرایدی . دشمن درت کرده قلعه نك بارولرینه
صاریلوب حیققدی . دردندهده بغایه الله هزیمت
فاحشه ایله پریشان اولدی . عاقبت یدی ساعت
صکرده قلعه نك هجوم ایله ضبطندن امیدى کسدرک
ایمپراطور و ماتیوشک بولندقلری موقعدن ویریلان
اشارت اوزرینه رجعت قیققریه ایله عودته باشلادیله .
» مجاهدین اسلام بو عودتی گورنجه همان
سپرلردن طشرده اوغرایوب دشمنی متریسنه قدر
تعقیب ایلدیله . یالکز پاشا حضورینه گتیریلان

كالدراك مقدارى اونسكز بيگدن زياده ايدى .
عدونك تلقاتى بوندن قياس بيوريه بيلير . «
بومضفريت جليله عسكرك وجداننده بر درجه
حسن تاثير حاصل ايتمش ايدى . كه او قدر جزوى
يرفرقه . دشمنك يوز بيگدرجه اردوسنى هيچ حكمنده
صيار اولديلر . حقى كل يوم پاشى غزىنى
خجومه رخصت طابيله ادعج ايدرلر ايدى . مرحوم
ايسه وقت مرهونه انتظار اولمىنى توصيه ايله
برابر عسكركه استمالتلر ويرير وموقعلرنده ثبات
ايچون ترغيبات كافيه اجرا ايلر ايدى .

دشمن . اوغرادىغى انهزام شديد اوزرينه اقتضا
ايدن تدابيرى مشاوره ايچون ينه بر مجلس عمومى
عقد ايلدى . اثنای مذاكره قلعهدن كنديلرني
دفع ايدن سكر : طقوز بيك عسكرك اسلامى وهما
سكسان يوز بيك كشى يه ابلاغ ايلديلر . اووهم
اوزرينه قلعهدده ادارديه كافى ذخيره قالماش اولمىنه
ذاهب اولدوق . قيشك محاصرهده دوام ايتمگى وبو

صورتله قیرینی آجاق سایه سنده استرداد ایلمگی
 قرارلشیر ذیلر . حتی ایچلرندن بعض امرا قیش
 باصمەدن طوپلارک المانیا قلعه لرینه اعاده سنی تاسیب
 ایتشلر ایکن . مالطه حاکی بولنان [دون ژو آن] بورایه
 معارضه ایله « ذاتا طوپلریمزله برابر ترک بزی آدم
 یرینه قومیور . اگر طوپلری گوندرا یسه ک قلعه ده کی
 عسکر هر گون هجومه چیقما جغنده هیچ اشتباه اولمشون !
 ایش قیجه طیندقدنصکرده نه قدر غلبه لک اولسوق یینه
 عثمانی عسکرینه مقاومت ایدمیه حکمزی چکی
 هجومده پک آجی بر تجربه ایله دها آکلادق . هله
 سگتورا طرفنده بولنان سردار اردوسنک اوزریمزده
 گیمگه نیتی یوقسه بیله طوپلری گوندردیگمزی
 ایشتدکلری گبی محاربه یه جسارت ایده جکلری
 معلومدر . بز بر قلعه نك مستحفظلریله طوپلریمز
 موجود اولدیغی حالده اوغراشمغه مقتدر دگل
 ایکن . قوجه بر اردویه طوپسز اولدق نصل
 مقاومت ایدمیلیرز ؟ بئم رأیمه قالیر ایسه بالعکس

ممکن اولدیغی قدر دها طوب گتیرتمی . محاصره دیه
 او صورتله و کک شفته دوام ایتلیدر . « دیمکله
 عمومک رأی بونک اوزرینه قرار ایلدی . قلعه نی
 گرمی تام ایله دوکسکه باشلادیلر . حتی گونده
 ایکی بیگدن زیاده گته آتارلر ایدی . تعدد
 ضرباتلریله قلعه نك دیوارلری علی العموم یرله برابر
 اولدوق . شهرک اطرافنده طوپراق یغملرندن بشقه
 استحکام دینسکه صالح برشی قالمامش ایدی . هله
 شهر ایچنده کی خانلرک تملرینه وارنجیه قدر
 کافه سی سوکمش ایدی . غزات اسلام ینه ذرّه
 قدر فتور گتورمیدیلر . گوندز آچیلان گدکلری
 کیجه لری سپد پارچه سی و اثواب یرتیغی ایله
 طولدیرمغه چالیشیرلر ایدی . دشمن بو حال حس
 ایدرک کیجه لری دخی آتشک آرقه سی کسمامگه
 باشلادی . ینه عساکر عثمانیه نك غیرتنه فتور
 گیلدی . ینه هرکس گته ، قورشون آراسندن
 سکدرک ، طوپراق یغملرینی ممکن اولدیغی قدر

رخنه‌دن بری طومتغه الدن گلان اقدامی صرف
 ایدر لر ایدی . خصمین آراسنده بوکشا کش دوام
 ایتمکده ایکن قلعه‌نک باروتی توکشمک درجه‌سینه
 گیمگله، غازی حسن پاشا مرحومی نهایت درجه‌ده
 تلاش آلمش و اوقدر مکانتیه برابر بو بایده راست
 گلدکاری معتمد لرندن تدبیر استمگه باشلامش
 ایدی . قلعه دیزداری کیفیتی خبر آنجه مرحومک
 حضورینه گیدرک جبخانه‌ده دشمن زمانندن قاله
 برخیلی کهرچله و کبریت موجود اولدیغنی و بونلردن
 قلعه‌یه قیامته قدر کفایت ایده‌جک بارود یا پیاه بیله -
 جگنی خبر ویرمگله، عسکر آرمسند باروت یا بمق
 بیلیر آدم تحریسنه باشلانلیدی . هان اوگون
 بشنجی آغا بلوگنده بولنان یگچیریلردن [اوزون
 احمد] میدان چیقاراق عجمی اوغلانی ایکن
 بارود دستگاهنده خدمت ایتدیگی جهته‌له او
 ایشده ملکدسی اولدیغنی و کبریت ایله کهرچله
 موجود اولنجه فندیق و یا سگود آغاچندن کور

یا قیلہرق، آنکله بارود اعمال ایتک قابل اوله جغنی
 خبر ویردی . قلعہ ناک اطراف ایسه تمامیه
 سگودنک ایدی . همان غازی مرحومک امری
 اوزرینه اوزون احمد معیتنه لزومی قدر آدم تعیین
 اولندی ، بونلر کوتوکدن هاون پیدا ایتدیلر ،
 کمور یاقدیلر ، هرگون قلعہ یه لزومی اولان بارودی
 یتشدیرمگه باشلادیلر .

فائضی دیرکه : « قنیرہ محاصره سی صحیحاً مثلی
 گورلماش بر غربیه روزگار ایدی . بز
 « ییری گیدر بری گلیر اولدی بلالرک ! »

سیرینی آنده تمامیه مشاهده ایلدک . بارود
 غائبه سی هنوز بر طرف اولمش ایدی که پاشانک
 کیلار جیلک خدمتده بولان مجار کوله لرندن [خندان]
 و [کنعان] نامنده ایکی دلی قانلی بر گجه قلعهدن فرار
 ایدرک ، دشمن اردوسنه دخالت ایلدیلر : و مرتد
 اولدیلر . بو خبر قلعهده شایع اولنجه شمعدی یه قدر
 ایدیلان تداییرک کافه سی ثمره سنر قاله جغنی و کوله لر

قلعه‌نک حانی تمامیه دشمنه خبر ویره جکلرندن،
 اعدانک قلعه‌بی محاصره‌ده ثبات واصراری قات
 قات زیاده‌لشدجگی وهاله‌ خا‌ط‌ر‌ل‌ری تخدیش ایت‌م‌گ‌ه
 هرکسه بر یأس تام مستولی اولمش ایدی. امرای
 عساکر برر ایکیشر طویلان‌ه‌رق جمعیتله پاشای
 مجاهدک مجلسنه گتدیله . گوکلرینه دوشن
 خوف وتلاشی کمال سوز وگدازله بیان ایتدیله .
 پاشای غازی بر معتادینه هیچ فتور گتورمکسزین
 یالکیز « بن آنک چارده‌سنی بولورم » وعد مختصری
 ایله دفع مجلس ایلدی .

مگر بز عاقبت کاره منتظر اولوب طورر ایکن
 پاشا کجیت طرفه معتمدلرندن بر قاق کشی ارسال
 ایله ایکی اسیر طوتدیرمش . فقیر حاضر اولدیغ حالده
 اسیرلری جلب ایله « بزم طرفدن اردوگزه ایکی
 آدم گوندیرلمش ایدی . نه اولدی . نه سویلیدیله . نه
 حالده‌درلر ؟ طوغریسنی بیان ایدرسه‌گ‌ز سزه زوال
 یوقدر » یوللو استنطاقه باشلادیله . اسیرلر گیدن

دلی قانلیئر ایمپراطور حضورینه چیتد قنبرینی وقلعهده
 برار عسکر وار ایسهده ذخیره پک آزالدیغندن
 محاصرهده دوام اولندیغی حالده سهولتله فتح میسر
 اوله جغنی سویلدکلرندن بحث ایتدیله . بونک اوزرینه
 پاشا الیه اعداملرینی اشارت ایتدی . مگر ده
 اولجه قره عمر آغایه تعلیمات مخصوصه ویرمش ایش
 مومی الیه اسیرلری « بن اولدیریرم » دهرک جلاادک
 الندن آلیر . مأمور اولدیغی اوزره « بن ده سزدنم .
 بوندن اول اله گیرن اسرای دخی بن قورتارمش
 ایدم . سزی ده جلااد الندن قورتارمق ایچون آلدیم
 جنس وملتله باری بو قدر جق بر خدمتم سبقت
 ایتسون پاشا کولدری مخصوص قاچردی . مرادی
 قلعهنک ذخیره سز لگنه و عسکرک آزلغنه ایمپراطوری
 اقناع ایدرک . اردو کزی بوقیش بوراده آلی قوم قدر .
 سردار ایله خبرلشدیلر . هوالر بوزلدیغی گبی آنلر
 سگتوار طرفندن هجوم ایدجک ، پاشا قلعه دن
 چیقاجق . سزی ایکی آتش آراسنده براقه جقلر .

خبر یکنز اولسون ! بوقلعهده قوجه براردو ایله بر
 ییلق دخیره . مهمات موجوددر . مجارلردخی ترك
 عسکریله متفقدر . هر كیجه نوبته قلعهناك امدادینه
 بیك كشی گوندریورلر . « دیدرك وبرمعتاد اللرینه
 براز خاص اتمك ویررك گویا خفیاً صالیوریر .
 اسیرلر اردویه گیده طورسون پاشای مدبر
 سرداره شومالده برعریضه یازار :

« بعد الاقلاب بوندن اقدام گوندردیگم
 معروضاتده عسکر و ذخیره مزك كثرثی و بارود مزك
 براز آزالمش ایسده دشمندن قالان کبریت و کهرچله
 ایله آنك دخی اعمالنه چاره یولد نفیزی بیان ایتشدم .
 مجارلرله اتفاق ایتدك . آنلرله خبرلشدرك تعیین
 اولنده حق وقت مناسبده اردوی هایونك بو طرفه
 كمسنه قرار ویرلدی . واسطه مخبره اولق ایچون
 كوچكدن بری اولادگی بویوتدیگم خندان و کنعان
 بنده لرینی فراری صورتنده ایچلرینه گوندردم . ایمرا
 طوره کندیلرینك بابالری دینه عودت ایتدکلرینی ،

قلعہ دہ ذخیرہ و عسکر اولمدیغنی، حاصلی بگندیگی
 یلانی سویلیہ جکلر . و محارلرک رأی و قرارینی
 طرف عاجزانہ بیان ایلبہ جکلر در . دشمنی
 ایناندملرینہ امید وارم . همان ذات والای سردار
 اگر میلری وقت مرہوندہ یتشمگہ مہیا بولانگز !
 ایلرودہ خندان و کنعاندن نہ خبر آیرایسہم عرض
 ایدرم . باقی فرمان »

مکتوبی یدیمین اجرا آتی حکمنده اولان مجاہد
 مشہور قرہچہدی جلب ایلہ دشمن اردوسنک کوزہ
 کورینہ جک بریرینہ براقہسنی امر اینر .
 قلعہ دن عمر آغانک قویویردیگی اسیرلر ماجرای
 ایمپراطورہ نقل ایتدکلری صرہدہ قرہچہنک دخی
 همان او گچہ تبدیل قیافتلہ اردویہ گیرمک ماتیوشک
 چادری جوارینہ براقہدی مکتوب معہود ایمپراطور
 حضورینہ کتیرلمکله روایت واقعہ ایلہ مال مکتوب
 بربرینی تأیید ایدنچہ کولہلرک جاسوس اولدقلرینہ
 دشمن عنہدندہ ہیچ شبہہ قالماز . ایکیسنی دخی

جلب ایدر . « قلعه‌ده بر آدم بارود یاپارمش
 صحیح‌میدر؟ » دیه‌صو رارلر . چو جو قلمر سختی اعتراف
 ایت‌مگانه ایمپراطور « یاسر قلعه‌ده بارود یوقدر »
 دیمش ایدیگنر نه ایچون کلدیگنر آ کلاشدی « سوزیله
 ایکسینی دخی اعدام ایتدیرر . فاضی درکه :

« بر صباح موسمی عمر آغا ایله برابر حصاردن
 » دشمنك حالنی سیرایدركن متریسه طوغری بر قاق
 « کشی کلدیلر . منظره مزه ایکی باش دیکدیلر .
 » [حسن پاشا ایشته جاسوس سسلیك گله‌سی ،
 » سردارده کوندردیگك مکتوب‌ده طوتلدی] دیه
 « مباحاته باشلادیلر . دشمنك بو غفلتنی گورنجه
 » قلعه‌ده بولنان سائر مجاهدلرله برابر بی اختیار
 « کولشدك . وَغیرقی تدبیرینه معادل وَتَك باشنه
 » بر اردویه مقابل اولان او یله بردستور کاردانك
 » رفاقتنه دوشدیکمنز ایچون جناب حقّه بیوک بیوک
 » تشکرلر و پاشا مرحومه کمال خلوص ایله دعا لر
 « ایلدك . »

پاشای غازی هر كوچك امارد دن بر بیو ك تدیر
 چیقار مق و طو تدیغی دسایسی سرحد امكانه قدر
 گوتورمك شانندن اولان دهاته روز گاردن اولمغله
 مقد کی مکتوب حیلہ سندن حاصل اولان استغفا
 ددی تضعیف ایتك عزمنه دوشهرك، سرداره بر
 دیگر مکتوب دها تحریر ایتدیردی . شومالده که :
 « سگتواره تشریف بیورلمش . قدمکزمبارك
 اولسون ! بزه ارسال اولنان آغا جدرایله برابر اوچیوز
 اللی یگیچیری ویوز بیك آلتون ویوز قنطار بارود
 و سکیان قنطار قورشون ویوز قنطار پکسماد بازار
 ایرتسی گیجه سی صباحه یقین دشمن گورمکسزین قلعه یه
 بالسلامه داخل اولمشدر . لطف بیورمشسکز .
 فقط احتیاجمز یوق ایدی . زیرا بر ییالمق ذخیره
 و بارودمز موجوددر . عسکر مزده مقدار کفایه دن
 زیاده در . اصل نیازمز بودر که گله جك بازار گونی
 بزم اسکندر کتخدایه اون بشیك قدر فدائی عسکر
 اعطاسیله ارسال بیورکزر . سحر وقتی بو طرفه

ایر شسونلر . ذات دولتگز راحتسز اولمیگز . مجار
 بگلری اسکی دوستلریمزدردر . کندیلریله اتفاق
 ایلدک . بازار گونی صباحلین بزایچردن چقا جغز .
 آنلرده طیشاریدن چالیشه جقلر . اسکندر کتخدا
 دخی سگتوار طرفندن گلیر ایسه دشمنی برباد
 ایده جگمزه امید وارز . اردولرینه ک اطرافنده
 حندق یوقدر . انشاء الله فرصت بزمدردر . خیر
 دعادن فراموش بیورمیگز .

بوندن اقدام ایمپراطوری برفرصت دوشیردرک
 اعدام ایچون ایکی آدم گوندرمش ایدم . بیچاره لر
 اله گیرمشلر . شهید اولمشلر . یرلرینه دیگر ایکی
 مناسب آدم تدارک ایتدم . گوندردم . مأمولدرکه
 بونلر ایمپراطوره ظفر بولورلر . واولیه خصم قویدن
 دولتمیزی خلاص ایدرلر . باقی فرمان »

اوصردده قره پچه سردار اردوسنده بولندیغندن .
 پاشا عمر آغادن لسان بیلیر مناسب بر آدم ایستدی .
 سرحد غازیلرندن عثمان نامنده برینی عمر آغا توصیه

ایتمکله پاشای غازى تنهاجه ياننه چاغردى . الينه يوز
 آلتون ايله آلتى بىك آچمەك بر تيمار احسان ايلدى .
 فرنك قيافته گيرهك دشمن اردوسنه كىتمسنى و تهيئە
 ايتديكى مكتوبى بر مناسب يره بر اقمسنى توصيه
 ايتدى . آندن صكره عثمانى خلق ايچنده حضورينه
 جلب ايله « سنى سرداره گوندره جگم . واصل
 » اولنجه قلعه نك حالى مكر اولديغنى سويله .
 « دشمن بوراده قشلامق تداركنده در . بش اون
 » گونه قدر يتشمز لر ايسه حال مشكل اولور . اگر
 « مكتوب صور ارايسه دشمن النه گيرمك قورقوسندن
 » ويره مدك ، بوراسنى شفاهاً بيان ايت . شايد
 « طوتيله جق اولور سهك كندىكى آلتى بىك غروش
 » قدر بدله كس . او پارە يي ويرز ، سنى قورتايرم .
 « ديهرك گوندردى .

فائضى دركه : « مگر عثمان مأمولك فوقنده
 » غيرتلى بر غازى ايمش . پاشادن آلدیغى امر
 « اوزرينه همان اوگون چيقار . مكتوبى بر يرده

« براقصه قناعت ایدہ من . دشمن قرہ قوللورندن
 « مخصوصاً کچمگہ چالیشیر . برسولتاتہ جعلی اولہرق
 « منازعہ یہ طوتوشور . مکتوب جبیندہ بولندیغندن
 « چپکنی بر معرفتہ اوغراشدیغی سولتاتہ قایدیرر .
 « کند ی غایت چویک بردلی قانلی اولغہلہ منازعہ
 « میدانندن قاجار . سگتوار یولنہ طوغری گیدر .
 « گچہ ایریشنجہ اورمانلر آراسندن ینہ گلیر . قلعہ یہ
 « داخل اولور . گلوبدہ بر تفصیل کیفیتی پاشاہ
 « بیان ایتدیگی زمان مجلسندہ حاضر ایدم . غازی
 « مرحوم فوق الغایہ منون اولدی . وبوائر مہارتنک
 « ظہورندن صکرہ عثمانی خواص منتسبینندن عد
 « ایدرک بردہا یانندن ایرمہدی .

سولتات ایسہ چپکنی قایدیغی گبی جبینی
 قارشدیرر ، مکتوبی بولور کمال مسرتلہ ایمراطورہ
 گوتورر . ایمراطور یانہ ترجمان دعوت ایدر .
 مکتوبی الہ ویرر . ترجمان ورقہ یہ بر کرہ گوز
 گزدیردکن صکرہ بومکتوبک حسن پاشا طرفندن

سردارہ کوندرا دیگی و ایچندہ پک مہم مواد اولدیخی
 جہتہ میداندہ و قومسی جائز اولدیمہ جغنی ایمپراطورہ
 بیان ایلدیگندن چادری خلوت ایدرلر . مکتوبی
 او قورلر . مانی ایمپراطورہ فوق الغایہ موجب دعشت
 اولدق ماتیوشی و محرم خاصی اولان وزیراسنی دعوت
 ایدر . مذاکرہ یہ باشلارلر . نہایت عمر آغا اسیرلرلہ
 ہرنہ کوندردی ایسہ جمد سنک صحیح چیتدیغہ
 و سردار گلزدن اول اردونک اطرافہ برخندق
 چویرمک لازم گیلہ جگنہ قرار ویررلر . و گویا
 بو مکتوب الدینہ کچما مش اولسہ حاللری پک مشکل
 اولد جفندن آینلری اوزرہ پایانک ہمت و روحانیہ سنہ
 بیوک بیوک تشکرلرلہ برابر مکتوبی طوتوب گتیرن
 سولتانہ دخی پک زیادہ اکراملر . التفاتلر ایدرلر .
 بری طرفدن پاشای غازی وقعہنک تفصیلاتی
 خبر آنجہ مکتوبک دشمنجہ حاصل ایتدیگی
 تأثیراتی او گرنمک ایچون منتسب جدیدی اولان
 عثمانی برقچ غازی ایلہ مأمور ایتدی . گتدیلر ،

قلعه جوارنده ایکی اسیر طوئدیله . حضورینه
گتیردیله . پاشا بونلری « ایچکزده بزم چوق
دوستمز وارد . حالکزدن تمایله خبردارم . اگر
یالان سویلر سه کز سزه اشد عقوبتله جزا ایدرم . »
مقدمه سیله استنطاقه باشلایه رق اردودن حوادث
سؤال ایتدی . اسیرلر مکتوب قضیه سنی ، اردونک
اطرافنه خندق چویرمک ایچون دلال ندا ایلدیگی
و مجارلرک چادرلرینی براقه رق اطرافه طاغلقلرینی
حبر ویردیله . پاشا مجارلرک فرارینی ایشیدنجه
سروردنن آغلامغه باشلادی . فقط در عقب طرزی
تحویل ایله دسیسه سنک تأثیراتندن بردسیسه ده
اختراع ایدرک . مجارلرک گویا کندیله متفق اولدقلرندن
طولای گتدکلرینه پک زیاده ملال ایلدی . بو حواده
اینامیه جق اولدی . تکرار تکرار اسیرلری استنطاق
ایتدی . مجار چادرلرینک یغما اولندیغنی کندی
گوزیله گوردکلرینی متعدد یمینلرله تأمیر ایدرک
سویلدیله . پاشا اختیار ایتدیگی جعلی حدتله

« گتیردکلری قرە خبرە مکافاة » بونلری اعدام
ایدیگنر ! » دیهرک حریفلری جلادە تسلیم ایلدی .
قرە عمر آغا بر معتاد اسیرلری جلاد الندن
قورتاردی . مجار ساییسلرینک آراسندن کچردی .
« ایمپراطورە بندن سلام ایدک ! مجارلر اردودن
« طاغدیلر ایسەدە بوجوار دەدرلر . حتی گوردیگنر
« عسکر آنلرلە گلدی . مکتوبی گوتورن آدم
« قاچمش ، البتە کیفیتی سردارە خبر ویرر . ینە
« اسکندر کتخدانک وبلەکه مجارلرک فرارینە بناء
« بالنفس سردارک گلمسی مقرر ددر . غافل بولنمسونلر »
سوزلریلە اسیرلری فرار صورتندە صالیویردی .

حریفلر اردولرینە گیدرک گوردکلرینی عرض
ایتدیلر . ایمپراطورک تلاشی برقات دها مزداد
اولدی . عمر آغایە خیردعالر ایلدی . و ماتیوشلە
بالمذا کرە سردار یتشمەدن قلعهنک ضبطنە چارە
اولق اوزرە یاپدقلری خندقک کنارینە برایی
گونک ایچندە اوتوز بش قدر طاییە انشا ایدرک

قیرۂ اوزرینه گجہلی گوندزلی بش آلتی بیٹ گلمہ
آتمغہ باشلادینلر .

قلعہ ایلہ اردو بودرلو مبارزات وتدابیر ایلہ
استحصال غلبہ چالشمقدہ اولسون . بری طرفدن
قرہچہ اولکی مکتوبی دشمن اردوسنہ برافردن
صکرہ طوغریچہ سگتوارد گیدر واورادہ بولنان
یکچیری اوطہباشیلرینی یانہ آله رقص سردار اردوسنہ
عزیمتله یشجی حسن پاشانک حضورینہ چیقار ،
قلعہ نک حالی مکدر اولدیغنی و امداد اولمیدیغنی
صورتده قیرۂ الدن گتدکدن بشقہ گراک ساحل
وگراک اردوچہ پک بیوک محظورلر توجه ایلیدجگنی
بیان ایلر . بونک اوزرینہ سردار اردودہ بولنان
امرای حضورینہ جلب ایلہ قیرۂ ایلہ امداد ایچون
چارہ تحرری ایدرایکن جلالی بوزندیسی برطاقم
حشرات ینہ سفر وقتی کچدیگندن وھوانک برودتی
جهتیه عسکر سوقنک امکانشزلغندن بحت ایتمگہ
باشلاینجہ یشجی حسن پاشانک نخوت جبلیدسی

حرکت ایدرک عموم عسکر تخلف ایتسه بیا
 کندیسی دأرەسی خلیقیا قنیرەنک امداداینه
 گیده جگنه یمین ایلدی . عسکری چارەسز اتباع
 ایتدیله .

سردار اردوسنک سگتوارە یتشدیگی صرەده
 ایدی که قنیرە طرفلرنده برشدتلی صوغوق ظهور
 ایلدی و - اوچ آیدن بری هواده برپارچه بلوط
 گورلماش ایکن - بردن برە سیل بلاگی یاغمور
 یاغمه باشلادی . هان اوگون آقشام اولنجە
 برودت برقاتدها تکر ایدرک یاغمور قارە تحوّل
 ایله اوچ گون، اوچ گیجە آرقەسی کسلدیگندن،
 دشمن عسکری کوبکلرینه قدر قار ایچنده قالمشله
 ایدی . بونگله برابر ینه غیرتی الدن برامدیله .
 بالعکس مصیبتلری زیادهلشدکجه آنلرده اقدامی
 زیادهلشدیردیله . آتشی بردرجه تزید ایتمشله
 ایدی که فائزینک قولنجە « گویا که کثرت برودتدن
 طوپ آتشیله ایصنق ایسترلر ایدی . »

بوصر دده سردارک دخی سگتوارده گلدیگی
 آرالرنده شایع اولمغله و برودت گتدکجه زیاده -
 لشدرک ال آیاق طوتمقدن قالمغله. عسکر طاقی
 گروه گروه فراره یوز طوتدیلر . ایمپراطور
 برطرفدن فراریلری اعادهیه جالیشیر و برطرفدن
 دخی طوپ بارگیرلینی - مقدما پاشانک تدیری
 ایله طاغیانلان - مجارلر گوتورمش اولدقلرندن -
 طوپلری نقل ایتمک ایچون حیوان تدارکیله
 اوغراشر ایدی .

پاشای غازی طوتدینی اسیرلردن بو حالی خبر
 آنجه غزات آراسنده اک زیاده معتمدی اولان
 عمر آغایی اوچ یوز فدایی ایله دشمن اردوسنی
 باصفه مأمور ایتدی . فائضی دیرکه : « مرحوم
 » درویش مشرب بر ذات اوله رق، ادخار امواله
 « هیچ بر وقت رغبت ایتمدیگی گبی، گرک کند -
 » یسنک و گرک معیتنده بولنانلرک خدماتنه مکافات
 « ایستیدرک دولت علیه بار اولمغی دخی آداب

« عبودیتہ منافی عدایتدینگندن، عمر آغایہ حرکات
 « فداکارانہ سند مقابل وعد ایدہ جک برمال بولہ -
 « مدیغندن، ودولتجہ آنکچون برمسند استحصالی
 « استدعاہ دخی قیشہ مدیغندن کندی آرپہلغی
 « اولان ودارہ سنک تعیشی آنک حاصلاتہ
 « متوقف بولن ان پچوی سنجاغنی مومی الیہ
 « خدمتک بدلندہ توجیہ ایتدیرمگہ عہد ایتدی.»
 عمر آغا مأمور اولدیغی اوزرہ پاشانک بایراغنی
 النہ و تعین اولن اوچ یوز یگیدی یانہ آلہرق،
 دشمن متریسارینہ طوغری بر هجوم گوستردی .
 بونلر متریسہ یاقلاشجہ قلعدن ذاتاً مہیا اولان
 طوپلری اللہ اللہ صداسیلہ دفعۃً آتشدیلر. دشمن،
 اوزرلرینہ یاغان گلہ لرک تأثیریلہ ہرج و مرج
 اولدیغی صرہدہ، عمر آغا برنجی مترسی باصہرق
 آندہ موجود اولان طقوز یوز کشی بی ایچلرندن
 بر آدم قورتلماق شرطیلہ دفعۃً قلیچدن گچردی .
 و متریسدہ بولن ان اوک طوپ ایلہ آنلرہ کفایت

ایده جک قدر ججانهی ضبط ایلدی . ایمپراطور
 دشمن اردوسنک هیئت عمومیه سنی بر طرفدن
 طویلرک آتشی و بر طرفدن عسکرک خارجه
 هجومی گورنجه چادرلرندن طشره چیقیدیلر .
 سگتوار یولنده بر مناسب موقع طوتیدیلر . عاقبت
 حاله انتظاره باشلادیلر . پاشا مرحوم بو اثر
 موفقیتی گورنجه خارجه بولنان غازیلرک
 امدادینه بش یوز یگیت دهه گوندردی . کندی
 دخی صباح نمازینی قیلهرق سگتوار قیوسنک
 اوست طرفده قرار ایله گرک میری و گرک کندی
 خزینه لرند نه قدر پاره موجود ایسه یانه جلب
 ایدرک ، اسیر و گله گتیرنلره ایثار ایتمه باشلادی .
 دشمنک شاشقینلخی و خارجه بولنان سکر یوز
 دلاورک اقدامی بر درجده ایدی ، که نعمانک قولنجه
 پاشانک حضورینه یغیلان گلرلر تخمیناً اون سکر
 بیگه بالغ اولمش ایدی .

او حالده پاشای مجاهد وقعیهی بر عریضه

مخصوصه ایله سرداره بیلدیردکن صکره، قلعهده
 یالکز آلتی یوز کشی ترک ایدرک، عسکرک بقیه سنی
 یانده استحاب ایتدی. بالذات دشمن متریسلری
 اوزرینه یوریدی. ده پاشا متریسلره وارمهدن
 طوپچی باشی قرهچچه قارشوسنه ورود ایله دشمنک
 قرق بش بیوک طوپی ضبط اولندیغنی اخبار
 ایشدر.

فأخى مرحوم دیرکه: «سکز یوز کشینک
 » برقاچ مترسی باصق واون سکز یگر می بیك
 » دشمن اعدام ایلك وقرق بش طوپ ضبط ایتك
 » گبی مئر عظیمیه موفیقی اصحاب گزین زمانلردن
 » بری مثلی گورلماش برلمه کبرادر، که پاشانک
 » برکت خلوص نیتیه ظهوره گمشدر.»

پاشا مرحومک هجومی اوزرینه همان اوگون
 متریسلرک کافه سی ضبط اولندی. ایمراطور ایسه
 سگتواردن سردار اردوسنک ظهورینه منتظر ایدی.
 اطرافه گوندردیگی آدملر او طرفدن گلیر گیدر

کیمسه اولمدیغنی خبرویرنجه حسن پاشانک دسایسنه
آلدانوبده متریسلی ترک ایتدیگنه برندات شدید
ایله پشیمان اوله رق، عسکرینی یاننه جمع ایله سواری
وپیاده سنی درت قات اوزرینه ترتیب ایدرک، عسا کر
اسلام اوزرینه یاردلی قوردگی بر شدتلی هجوم
دها گوستردی .

پاشای مجاهد بو هجومک اماراتی گورنجه، گرك
قلعه ده و گرك یاننده بولسان طوپلری دشمنک
گله جگی طرفه حواله و غزات اسلامی بر چوق
مشوق و مؤثر سوزلرله مجاهدیه تحریک ایدرک،
مهاجملری بر متانت رستم پسندانله ایله قارشیلدی که
دشمن عسکری اسلام اردوسی ایله چارپیشیر چارپشمر
قایده اورمش طالعه گبی، پراکنده و پریشان اوله رق
گیرویه رجعت ایتدیله . عسا کر اسلام ایسه همان
تعقیبه مباشرتله قیرده صحراسنی انسان لاشه سندن
براولو مزارستانه بگرتدیله . ینه نعمانک روایتجه

اوگون پاشا حضورینہ گتیریان کلہلر اوتوز بیکدن
متجاوز ایدی .

پاشا بر طرفدن اسیر وکله گتیرن غزاتہ
احسان ایدر و بر طرفدن - دشمنک کترتندن
احتیاطاً - کندی طرفندن امر گتمدجہ چادیرلرہ
گیرمامسنی عسکرہ تنبیہ ایچون اطرافہ آدملر
طاغیدر ایدی .

دشمن ایسہ بومغلوبیتیاہ چارددرلرینہ صوقیاہرق -
حیران حیران برتدیرتحریرسیلہ مشغول ایکن ، پاشا
طوچجی باشی نی جلب ایلہ ایمپراطورک چادرینہ گلہ
ایرشدیرلمسنی اکیداً تنبیہ ایلدیگندن ، قرہچہ همان
قلعہیہ عودتہ شاعین طوپی بر آتشده ، گلہسنی
تاچادیرک تپہسنہ اوردردی . گلہنک تاثیریلہ
ایمپراطور توابعندن خیلی آدم تلف اولمش ایدی .
بونک اوزرینہ ایمپراطوری . امراسی بر آتہ
بندیردیلر . و « ایش ایشدن گچدی . عثمانلی

گچد طرفلرینی ضبط ایدر ایسه بزه نجات ممکن
دگدر « دیهراک فرارده سوق ایلدیلر .

او یوز بیگلرجه آدمدن مرکب اولان قوجه
اردو ایسه. صحراده یولنی غائبایتمش چایلاق آلائی
گی اوبک اوبک اوتیه بری یه طاغلمش ایدی .

ایمپراطور یوز کشی ایله آنجق جاتی خلاص
ایده بیلدی . اردوسنده بولغان طوپلر ، عموم
جنگانه، عموم ذخیره . خزینه سی . تخت وتاجی
یرلو یرنده قالمش ایدی .

پاشای مجاهد صلوٰۃ عصری ادا ایتدکن
صکرده. عمر آغا ایله سرحد امراسندن مصلی بگی
اوج بیگ کشی ایله دشمن اردوگاهنک ضبطنه
گوندردی . واعدانک کوکئی کسمدکجه چادیره
گیرمک و غنیمت المقدن اجتناب اولنمسنی قطعاً
امر وتاییه ایلدی. بونلری متعاقب قنیرده جوارنده
بولغان یوللرک هر برینه ایکی بایراق عسکر تعینیه
آهسته آهسته گتملرینی و دشمندن کیمه راست گلیرلر

ایسہ قیرملرینی و آرقہ لرنده آدم براقوب ایلرویه
کچیرملرینی توصیه ایتمش .

بو صرده اقسام تقرّب ایتمگله پاشا مرحوم
اوگونکی وقعه بی دخی سرداره اعلام ایدرک، نمازی
ادا ایتدکن صکره ینہ قلعهیه عودت ایلدی .

عمر آغا و موصلی بک فرقلری یاتسو وقتی
اردوگاهه واردیلر . و اطرافی ضبط ایدرک بیوک
بیوک آتشلر احراقیاه وصوللرینی قلعهیه اخبار
ایلدیلر .

ایرتسی گون صباح اولنجہ پاشای مجاهد نماز
وقتی قهرمان واری سوار اوله رق ، کمال دبدبه
وسطوتله اردوگاهه عزیمت ایتمش ایدی . غازیلر
نبریک ایچون ال اوپدیلر . کندی دخی جمله سنه
خیر دعالر ایلدی . دیوانی صاودقدن صکره ایمپراطورک
اوطاغنه عزیمتله ایچرو گوردی . گوردی که بری آلتون
و بری گومشدن مصنوع ایکی قفس ایچنه برتخت
عالی قورلمش ؛ قفسلرک هر پارمقلخی اوزرنده برر

مجوہر وار ایدی کہ ہربری بر مملکت خراجی دگر
ایدی . تختک اطرافہ قرمری قطیفہ اورتولی
اون ایکی صندالیہ دیزلمش ایدی کہ ہر برینک
صاچاقلری انجو و صرمہ ایلہ اورلمش ایدی .
تختک پیشگاہندہ آلتی ذراع طولندہ غایت مزین
ومصنع بریمک سفردسی وار ایدی .

پاشا مرحوم بوطنطنی گورنجه شکرانہ فتح
اولہرق ایکی رکعت نماز قیلدی . و حضارہ خطاباً
» بوقدر عجز مزله برابر بویله بر فتح مبینہ مظہر یتمز
» مجرد جناب حقک عنایتی و رسول اکرم
» افندمزاک معجزاتی برکتیدر . خلوص نیتلہ
» چالیشر و سردارہ - ولو بنمگی بر عاجز اختیارہ
» اولسون - انقیاد اولنور ایسہ جناب حق
» اسلامدن نصرتی بروقت دریغ ایلمز « سوزلریلہ
آغلا یہرق . یانندہ بولنان مجاہد لری تحریص و تطیب
ایتدکن صکرہ ، ایمراطورک تختہ بر قلیج اوردی ،
گچدی ، اوزرینہ اوطوردی . امرایی دہ اطرافدہ کی

اسکملره اقعاد ايله اڭ اؤل ايمراطورك چادرينه
 کيملر اڭ گيرديگني استفسار ايلدي . اوچ يگچري
 ايله، دوت سرحدلي ايلرو گلهرك . بو خدمته
 کنديلرينڭ موفق اولدقلىنى عرض ايتديلر .
 پاشا مرحومك ايسه كرمى كرامتنه معادل اولد .
 يغندن « بو چادرده جېخانهدن ماعدانه قدر اشيا
 » وار ايسه سز گدر « ديهرك اويدي مجاهدى
 برلاقرديسى ايله آن واحده كندينى دائره سيله
 برابر صاتون آله بيله جك قدر ثروته مستغرق
 ايلدي .

كندى چادرده اوتورر ايكن نائل اولديغى
 غزاي غراده اڭ بيوك معينى اولان قره عمر آغايه
 سبقت ايدن عهدى وجهله بچوى سنجاغنى توصيه
 ايله معيته اوچ بيك كشي ويردرك بوزغون دشمنك
 تعقيبنه مأمور ايتمشدى . بوفرقة ممتازه گتديلر ؛
 اڭ اؤل [پاوليت] گچيدنده دشمنك حدسز حسابسز
 يوك عربهلرينه راست گتديلر، كه جمله سى اموال

وارزاق ایله مالامال ایدی . یوکده خفیف بهاده
 آغیر اولان اشیایی اغتنام ایتدیلر . البیسه گئی ،
 ارزاق گئی ، آغیر شیلره دونوب باقغه بیله تنزل
 ایلدیلر . بونی متعاقب صوینی کچدرک ، دشمن عسکر -
 ینک دوکوندیسنه هجوم ایتمگه باشلادیلر . هانکی
 فرقدیه تصادف ایتدیلر ایسه هان بایراقلرینی آتوب
 اوکلرندن قاچرلر ایدی . نفرات و آحاد ناس
 مقوله سندن ماعدا یالکز ضابطان ومعتبراندن
 آلتی بیك دشمن تلف ایلدیلر . طوتدقلری
 اسیرلرک ایسه عددینی جناب حقدن بشقه کیسه
 میلز ایدی .

طوتیلان اسیرلره سبب انهزام صورلدجه
 حسن پاشانک سرداره گوندردیگی کاغذ اله
 گیرد کدنصکره درونلرینه بر خوف مستولی اولدیغنی
 وگوزلرینه خیالات گئی یشیل باشلی ترکلر گورینه رک
 قلعه ده کی عسکر اوزرلرینه هجوم ایتدکجه آنلرک
 دخی برابر هجوم ایتدکلرینی سویلرلر ایدی .

(بوروايتك نفلندە فائزى و نعيمًا و پجو متفق -
الكلمه درلر .)

پجويلينك عمر آغادن نقل ايتديگنه گوره ذكر
اولنان فرقه دشمنى تعقيب ايدر ايكن اوتدده بريده
بريره جمع اولمش برطاقم عسكرك گوزرلر ايدى . كه
كنديلرينه تعظيماً جمله سى بردن اوتوردقلى يردن
قاتلارلر . باشلرندن شابقه لرني چيقارلرلر ايدى .
عساكر اسلام ايسه مغلطور اولدقلى مروت
و مرحمت جليله لرى اقتضاسنجه زبونكشلكه تنزل
ايتيمرك . اومقوله عجز دني حاللرى اوزره ترك ايدر
واينروده دنج دشمن تحريسنه گيدرلر ايدى .

بوملحمه كبرادن غزات اسلامك فرداً بعد فرد
نائل اولدقلى خزائن غنيمتدن ماعدا - يالگزميرى
ايچون قرق ايكي پاره بيوك و بيگه يقين چوك طوپ
و خمپاره ايله بش شاهى ضربن ، يوز اون درت
بيك تفك ، اون قدر كولنك ، براوقدر چاپا .
گوزدك ، اللى قدر مكمل اوطاق ، اون بيگدن زياده

عادی چادیر و حدسز حسابسز طبل و علم و صندوق
و عربیه و قاعده ده بولنان اهالی و عسکری بر سنده اداره
ایده جک ذخیره و مهمات ضبط اولمش ایدی . حسن
پاشا مرحوم بتون اردو ایله ایکی آی گجه گوندز
چالیشهرق ذکر اولنان غنائی قلعه ده آغنه کوچ
حال ایله موفق اوله بیلدی .

غازی مرحوم ایشلرینی اکملدن صکره
[شقلویش] ده سردار ایله ملاقات ایدرک هر نه
عرض ایتدی ایسه قبول ایتدیردی . یالکز
یشجی حسن پاشا « سنک گبی مجاهد بر ذاتک
» آرپه لغنی نصل بشقه سنه ویردم » سوزیله پچوی
سنجاغنی عمر آغایه توجیه ایتک ایستمدی . یرینه
کوستندیل سنجاغنی تکلیف ایلدی . پاشا ایسه
عنقا مشربانه بر استغنا اظهار ایدرک « بن پچوی بی
» عمر بنده کزه توجیه ایتدم بکا آرپه لقی لازم
» دگل . اکر عرضم رد اولنور ایسه منکسر
» اولورم . کوستندیل سنجاغنی ده قیرده غراسنده

« خدمتی سبقت ایتمش بر بنده گزوه ویرمک مراد
 « دولتگزار ایسه مصلی بک اویله بر احسانه لایق
 « اولمشدر » دیهرک طلبنده اصرار ایلدیگندن،
 پچوینک عمر آغایه وکوستندیلک مصلی بگه توجیه
 امرلری یازلدی . وقیردهده محصور قلان سار
 غازیلره بشر آچه ترقی احسان اوله رق . استحصال
 ایتدکلری غنیمت عظیمه نك اوزرینه بویله بر احسانه
 مظهریت کماة مجاهدینک مسرت و غیرتلرینی قات
 قات مزداد ایلدی . یشجی حسن پاشانک انهرامی
 و استونی بلغراد گبی قوجه بر قلعه نك استیلایه
 دو شمس خبرلری استانبولاه عکس ایتمکله، گرك
 سرای هایون و گرك دیوان دولت بر ماتم شدید
 ایچنده ایکن، حسن پاشانک موفقیت جایلاه سی
 بشارتی گنجیه، اودرجهده شوق و سروری موجب
 اولمش ایدی، که بیاغی پای تختده هر خانه بر عالم
 شهر آیین حکمنه گیرمش ایدی .

عواطف سلطنت سزیه دن غازی مرحومه

بو خدمتہ مکافآء رتبہ وزارت توجیہ اولندی .
خط ہایون ایلہ وزارت توجیہی قانون عثمانیجہ
معتاد دگل ایکن، پاشانک قدرینی تجیلاً انواع
التفاتی حاوی برده خط گوندردی .

بوخط تاریخ عثمانیدہ مثالی پک نادر گوریلان
تلطیفنامہ لردن اولدرق . سرای ہایونک درجہ منونیتہ
دلالت ایلدیگی ایچون عیننی زیرده نقل ایلدک :

« الحمد لله الذی فضلنا علی کثیر من عباده .
« المؤمنین . وفوض الینا مقالیدہ مصالح المسلمین ،
« والسلام علی سید المرسلین (اما بعد) سنکہ قنیرہ
« بگلر بگیسی اختیار قولم ومدبر وزیرم حسن
« پاشا سن ! بوسال فرخندہ فالده رهنون اقبال توفیق
« ذی الجلال . امت محمدیہ اور اولوب . ایلدیگک خدمت
« سدء علیایہ عرض اولنوب . سعی بیدریغک مشکور
« ونامک نیک نامان دفتری سلکندہ مسطور
« اولمشدر . بر خوردار اولهسک ! سکنا وزارت
« ویردم . وسنگله محصور اولان قوللرمکہ مقتضای

« ترتیب سلطنت ایله معنی اوغللر مدر . یوزلری
 « آغ او له ! ملحوظدن زیاده چالیشوب جان و باشلرین
 « دین او غرینه و بزم یولیمزده دریغ ایتمدیلر .
 « و مقدر بشر اولان سعی جمیلی گتوروب راه
 « حقدہ عظیم چالشمشیر . آب و آتش آراسنده
 « کاه خریق و کاه حریق اولمقدن پرہیز ایلیوب،
 « برج و بندہ تعین اولندقلری محلدن آیرلما مشیر .
 « و کاه نبرد گاہہ حیقانلری کفاری قاجیروب،
 « و جنگچلرین قیروب، یوروش ایلدکلرنده جیوش
 « آھن پوشلرین گریزان و اموال غنایمی ریزان
 « ایلمشیر . بارک الله فیہم . بوندن بویله دخی سنک
 « امرگہ رام اولوب، ہر نہ خدمت تکلیف ایدرسہک
 « اداسنہ دقت و اہتمام اوزرہ اولہلر . سکا اطاعت
 « و انقیاد اوزرہ اولدقلری بنم رضای ہایونمہ
 « سببدر . بوپند نامہ می غازی قوللرم محضرندہ
 « او قویوب (اطیعوا اللہ و اطیعوا الرسول و اولی الامر
 « منکم) معنای شریفی آنلرہ بیلدیردسین ! سنگاہ

« محاصرده اولان قوللریمه ویردیگنک ویرگو جمه
 « مقبول هایونم اولمشدر . جمه کزلی حق تعالی
 « حضرتلرینه اصمردم . »

فائضی دیرکه « برگون پاشا مرحومه گتدم .
 چهره سنده اودرجه ده علامت ملال وار ایدی . که
 قنیرده محاصرده سنک اڭ مخاطره لی زمانلرنده بیله
 کندینی اوگونک اونده بری درجه سنده محزون
 گورمامش ایدم . بو حالنی نعوذ بالله تعالی درسه .
 دتجه بروقه حدوثنه حمل ایتدم . سبب کدرینی
 صوردم . جوابنده « دهانه اوله جق ! قنیرده
 « ایتدیگمز جزوی بر خدمته مقابل بزه وزارت
 « ویرمشدر . وخط هایون گوندرمشدر . حال بوکه
 « قانونی سلطان سلیمان مرحوم مقبل ابراهیم
 « پاشایی تفویض تام ایله وکالت مطلقه سنه تعیین
 « ایتدیگی زمان یدینه یالکیز برمنشور اعطا
 « ایلشیدی . پیاله پاشا مرحوم سلطان سلیم
 « حضرتلرینک دامادی بولندیغی و محاربات بحریه ده

« کافہ ملوک نصارانک دوناملرینہ غلبہ ایتک
 « و ساقیز فتحہ نائل اولمق گبی برچوق موفقیتلری
 « گورلدیگی حالدہ، کندیسینہ وزارتی چوق
 « گورمشلر ایدی . خلیفہ اسلامک خطّ ہمایونی
 « قنیرہ محاصرہ سی گبی خدمات جزوئیدہ مکافات
 « اولغہ باشلادی . و دولت علیہنک وزارتی بنم
 « گبی قوجہ مش فرتوتلرہ قالدی . بوکا تأسف
 « ایتیمیدہ نہیہ آجیدیم ؟ » دیمشیدی .

« مرحومک شان سلطنتہ اودرجہ رعایتی وار
 « ایدی، کہ تلطیفات دولتی کندی نفسندن بیہ
 « قصقانیردی . حاصلی بززمانمزدہ اودرجہ شجیع،
 « اودرجہ دقایق حربہ واقف، اودرجہ مدبر،
 « اودرجہ کریم، اودرجہ غیور، اودرجہ حلیم،
 « و بوقدر مکارم اخلاقیہ برابر اودرجہ متواضع
 « برذات گورمدک . »

رأی عاجزانہ مزہ قالیرسہ فاضی نک حسن
 پاشا مرحوم حقندہ اولان مداحی مع زیادتہ

شایسته در. خصوصیه غازی مشارالیه شمذیکی گبی،
 فن حربك ترقیدار اولدیغی برزمانده بولمیه ورق،
 استعمال ایتدیگی بونجه دقایق عسکریه و دسایس
 حربیه کنی تجاربندن استحصال ایتش ایکن،
 نائل اولدیغی مظفریت جلیلهیه دائر عالمك تواریخ
 عسکریه سنده الك شانی برنام براقان اعظم مدن
 معدود اولق لازم گلیر.

مع مافیه بوخصائل علیای عسکریه بی ملتزمك
 مشهود اولان ذوات معدود دسینه منحصر ظن
 ایتمالیدر. چونکه افراد ملت تابع اولدقلری
 دین مبین محمدی اقتضاسنجه امر جهادده بذل
 مقدوری سرمایه سعادت دارین بیلدکلری گبی،
 طبعاً دخی شجاعت مفرطه و اطاعت مشروعه
 و جفا کشك و سلاح شورلق و غیرت و ثبات گبی،
 عسکرلگه لازم اولان مزیاتك کافه سنی جامع
 اولدیغندن و خصوصیه دمبدم کمالات و معرفتی
 ترقیدار اولان مکاتب شاهانه و اردوی هایونلرک

تحصیل و تجربه ده حاصل ایتمکده اولدینی ملکات
 راسخه جهتاریله شجاعت عثمانیه معلومات عسکریه
 ایله برقات دها قوت گلدیگندن، قنبره سردار
 و محافظلرندن ظهور ایدن خوراق عادات شمذیکی
 ضابطان و نفراتمزدن دخی ظهور ایده جگی و داما
 ظهور گلدیگی عسکر مزك حالی بیانلرجه امور
 بدیهه دندر. هر نه قدر عسکر دگلسه کده او صنف
 عالیدن ظهور ایتمکده اولان بونجه ضابطانك
 نه قیمتده بر طاقم اصحاب کمال اولدقلرینی لایقیله
 تقدیر ایله یکمزدن و سایه معالیوایه جناب پادشاهیده
 عسکر لگك هر جهتجه ابدال بیورلمقده اولان
 اقدامات جلیله و ترتیبات نظام پرورانه آلایلرده
 دخی ضابطان یتشدیرمکده و نفراتك قابلیت
 مجاهدانه سنی بر سرعت فوق العاده ایله میدانه
 چیتار مقده فوق المأمول بر تأثیر بلیغ گوسترمکده
 اولمسنه نظراً، خصائل جلیله عسکریه مزك گوندن

گونه تأسیس و ترقی ایدہ جگندہ و اسلاف عظامدن
شہرت جالادتلی و اولہ انداز جہان اولان
قہرمانلرک حالہ ہیچ بر وقت غبطہ و تحسیرلہ
باقدیرمیہ جغندہ شبہ یوقدر .

تم

کتابخانه ابو الضیا

Kamal Naimik

(کمال بک)

عرفان پاشایہ مکتوبی

[مواخذات اذیبی شاملدر .]

İrfan Paşaya mektûb

برنجی طبعی


معرفی عمومی نظارت جلیلہ سنک رخصتیلہ

هرحق طابعکدر

قسنطنطینہ

۱۳۰۴

مطبعہ ابوانضیا



(بکال بکک)

عرفان پاشایه مکتوبی

(مؤاخذات ادیبی شاملدر .)

دولتو افندم حضرتلری !

انتساب دولتلردن بهردیاب اولمق شرفنه مظهر
اولانلردن دگلسه مده حریت افکار اوزرینه مؤسس
اولان اعتقاد عاجزانه محجه بیان حقیقت ، معارفه و یا
عبودیت احتیاجلرندن وارسته اولدیغندن ، آداب
قدیمه جه بو حرکتک کستاخاغه محمول اوله جغنی
یلمکه برابر ، ملاحظات آتیه نک عرضنه جسارتدن
بردولو کندیمی آله مدم :

برمدتدنبری غزتهلرده مجموعه عرفان پاشا

عنوانیله آثار برگزیده داورانه لرندن بر مجله نشر
اولدیغنی گورمکده و ذات والای مشیرانه لرینک
مزیات شعر و انشا ایله اشتهار آرای کمال اولدقلرینی
بیلدیگم جهتله اثر دولترینک مطالعه سنی فوق الغایه
آرزو ایدرکن کثرت مشاغل ، بو مقصدمه حائل
اولدیغندن ، طولانی حقیقه متأسف اولمقده ایدم ؛
برآز خالی زمان بولدیغم گبی مجموعه سنیه لرینی مسار
عتمکارانه تدارک ایتدم ؛ و مشتاقانه مطالعه یه باشلادم .
نیاز عفو دولترینی مقدمه مقال ایدرک شوراسنک
بیانه جرأت ایدرم ، که دها دیباجه یی اوقور اوقوماز
آثار آصفانه لرینی شهرت شایعه فضیلتلریله متناسب
بوله میه جمعه مع التأسف یقین حاصل ایلدم ؛ چونکه
امور مسئله دن اولدیغنی اوزره ادبیاتک اساسی حقیقته
موافقت اوله رق ، بر اثرده او شرط موجود اولدجه
تزیینات بدیعیه و خیالات شاعرانه ایله اقسام ادبدن
معدود اوله بیلمسینه امکان یوقدر .

افند مزایسه دیباجه دولترنده « برمدنبر و ترک

« جامهٔ حیات ایدن ارباب سخندن اکثرینک اثرلری قدر
 « بیلیان و یا مسلك اسلافه معارض اولان نورسیدگان
 « اللرینه کچوب ضایع اولدیغندمی » عباره سیله
 زمانم زده عالم نشریاته زینت بخش افخار اولان و اثرلرینی
 خلقک نظر رغبتنه مقرون گورمک شرفنی احراز
 ایدن طرز جدید ادب طرفدارلرینی قدر بیلامک
 و مسلك اسلافه فضولی معارض اولمق گبی ایکی
 سیئه ایله اتهام بیورمش اولملرینه نظراً تقلید
 اسلافدن عبارت اولان طور معهودی التزام ایتدکلی
 آکلاشیلیور . او مسلك مرده پسندانده ایسه
 عرفان مجسم وصفنه بحق شایان بر نحریرک بیسه
 گوزل بر اثر میدان گتیرمسنه امکان یوقدر؛ دولتلو
 [سامی پاشا] حضرتلرینک [رموز الحکمى] و ذات
 والالرینک شو مجموعه لری [بودعوايه] یقینیاتدن
 ایکی دلیل صورتنده گوستریله بیلیر :
 رموز الحکمک ائ اعتنالی یازلمش یری اولان
 [قصیده روحیه] ترجمه سنه اماله نظر بیورلسون؛

دها برنجی عبارتند معنای یوق ! حال بوکه او مقاله
 شرقك اعظم حکمائی اولان و حتی معقولاً توجه
 جهانك هر طرفه نه قدر افضل ظهور ایش ایسه
 جمله سنه مرجع طویلان قوجه [ابن سینا ك]
 غایت مشهور و معتبر بر اثرندن مقتبس اولیور . شاید
 خاطر نشان آصفانلری اولماق و اهمه سیله بحث
 ایتدیگم عبارتدی زیرده عرض ایدیورم :

« زرفت نگاه ذوی الابصار دن عری و حفی
 « و ادراك حقیقت و ماهیتی عقول و افهام اولی النهایه
 « ستیر و حفی بر ورقای علوی سریرت که »

نور نگاهی صرمه لی قاشه تشبیه رنگ آشنای
 ادب اولانلرجه قبول اولنور شیلردن اولدیغی بر طرفه
 طورسون، گورنمز یرینه (نظر قاشندن صویش)
 استعاره سنك استعمالده اضافت و ملایمت دگل، حتی
 عقله موافقت دخی یوقدر؛ چونکه نزد دقیقه دانیه
 داورانه لرنده تعریفدن مستغنی اولدیغی اوزره بر جسم
 ایچون عریانلق نظردن اختلافی دگل بالعکس

مرئیاتی موجب اولسق طبیعی بولندیغندن، گورنمز
 یرینه لباس نظردن صویلمشدر؛ دیمک مثلاً بر آدامک
 وفات ایتدیگنی « دواى ثمانى نوش ایتدی » عبارده.
 سیاه بیان ایتمک قیلندن اوله رق، هیچ بر علاقه،
 هیچ بر مناسبتله بلاغت و حکمته توافق ایتمز. هله
 طوی سکنر کله دن عبارت اولان « ادراک حقیقت
 و ماهیتی عقول و افهام اولی النهایه ستیر و خفی »
 عبارده سنده اوچ حشودن ماعدا معنادن دخی اثر
 یوقدر. بر شیئک ماهیتی عقله مستور اوله بیایر؛
 فقط ادراک فعلانک قوه فاهمه دن مخفی اولمسنه
 دنیاده امکان متصور میدر؟

مساعده سنیة آصفانه لرینه اتجا ایله برابر،
 برارده مجموعه دولتلرندن بحثه اجتناسار ایده جگم؛
 ظن عاجزانه مه قالیر ایسه وطنک هر حال و کالجبه
 امید استقبالی اولان نوظهوران عرفایه قیمت ناشناس
 نظریله باقان بر ذات عالیقدرک مجموعه سی زیزده

برقاج نمونه سنی ایراده متجاسر اولدیغم خطئیات ایله
مالامال اولماق لازم گلیردی .

« کیم اولسون ذات پاکک اولیو بدعت تکوین ؟ »
« حیدیت سکا وصف گزیندر یا رسول الله ! »
« بیتی نصل موافق ادب عد ایدلم ؟ مخخر موجودات
صل الله علیه وسلم افندمزك مسند جلیل لولا کدن
شکایتلرینی ایما ایدر الده بر اثر وارمیدر ؟ یوقسه
خواجه کائناته تعلیم حکمت اتمکده قدماي ادبانک
صلاحیتلری داخلمده میدر ؟ »

— ۲ —

« عروج سدره یه عسرتی وار جسم شریفکده »
« سکا سلم بونه طاق بریندر یا رسول الله ! »

نه دیمک ؟ معراج نبوی نردبانمی محتاج ایدی ؟
اثر قدرینی بیلر، نورسیدگان سوزلریله تحمیره تنزل

بی‌سور یلان بندگان دولت‌لرینک مسسک قدمايه
اعتراضمز شویت عالی مشیرانه‌لرنده اولدیغی گبی
برصنعت اوغورینه معنای فدا ایده گلمک اعتبارنده
بولندقلرنندو .

سیدلرک . سعدالدینلرک ، و آنلره مقتدا اولان
ویا اقددا ایدن بونجه اعظم علمانک بلاغت و اعجاز
قرانی نبین وقواعد ادبیہنی تعیین یولنده تدوین
ایتدکاری کتب متداوله میداندو طوررکن ابن
هانبلرک ، انوریلرک ، غیر وجیه تشبیهلرینه ، صرف
بلاغته مغایر مبالغه‌لرینه تقلید ایتک المزدن گلمیور!
آرده هیچ بروجه شبه موجود اولمقسزین طبقات
افلاکی نردبانه بگزتمک ایچون برمجزه کبرای پیغمبری
نردباندن حقیق گبی برحرکت عادیہ حکمنه تنزیل ایدن
آثارد ، شعر دبه میه جگزر . ادبیات اسلامیه ده پیشوامز
اولان شعرای عرب دخی تشبیه اعتبار ایدرلر
ایمش ؛ فقط اوصنعتہ اتباعاً نظم ایتدکاری سوزلر
عنترک :

« وودت تقیل السیوف لانها »

« لمعت کبارق نغرك المبتسم »

بیتی گبی صحیحاً قوه متخیله نك طبیعتدن استنباط
ایلدیگی بدایعدن ایش .

دائماً تقلید ایده گلدیگمز بلغای عجمك اعظمی ده
تشبیه زیاده مائل ایشله؛ لکن او یولده اختراعاً
میدانده گتیردکاری اثرلر عرفینك :

« دلم چو عشق زلیخا نشسته در خلوت »

« غم چو تهمت یوسف دویده در بازار ! »

مفردی گبی طبیعت شاعرانه نك عالم خیالدن اقتباس
ایلدیگی روایعدن ایش .

۳۸۳

« قبول ایتمز علوقدر و شانك شین رداصلا »

« دخیل در گهك غمدن امیندر یارسول الله ! »

بیئتك ایگی مصراعنی یکدیگرینه ربط ایتك انچون
زنجیری تحرری ایده لم ؟.....

« نیجه محو ایلز عمان احسانک که نسبتله »
 « معاصی قطره مادن کمیندر یارسول الله ! »

سوزی، رضای جناب بنوی به فصل قرین
 وله بیلیر، که خصیصه ذات قدسیلری اولان
 رحمة للعالمین صفت مبارکه سی یالکز شفاعت مرتبه سنده
 اوله رق، محو عصیان منحصرأ ارحم الراحمین جناب
 حقه مخصوص بر احساندر . نه وقت اراده بیو -
 ریلور ایسه ذات آصفانه لرنجه استفتاسی پک قولای
 اولان مسائل شرعیه دندر، که علیه الصلوة افند مزه
 محو عصیان اقتداری اسناد ایتک فقهاً و کلاماً هیچ
 بر قاعدهیه توافق ایده جک، شیلردن دگلدر .

— ۵ —

قصیده سخن عنوانلی منظومه دولتلاری نفعینک :

« سخن اولدرکه بلا واسطه طبع ساییم »
 « اوله مقبول دل نادره سنجان فہیم . »

مطالعہ اولان قصیدہ سی میدانہ ایکن ادبیات
 عتیقہ طرفدار لری نزدندہ دخی پک قولایلقاہ نشرینہ
 جرأت اولنور شیلردن دکلدر ؛ ظن ایدرم . میدانہ
 اولان بیک درلو نقایصندن قطع نظر ، ایچندہ ییتلر .
 وارکہ هیچ معناسی یوق ! مثلاً :

مذاملاً

« سخن اولدرکہ اولہ مصدر حق تعیر »

مذاملاً

« لفظ بیگانہ صدور اتمہیہ پیدا ونہان »

نہ دیمک ؟ نہانی لفظ برسخندن فصل صدور ایدر ؟
 برشی سـ و یلنمدکجہ لفظ اولمق و سـ و یلندکدن صکرہ
 نہان قالمق ممکناندنمیدر ؟ ..

۶

« نقش اولور طاق معالای سپہرہ بو سخن »

« شوق دیداری ایدر مہر و مہی سرگردان »

ییتنہ لطفاً بر کرہ امالہ نظر بیوریلورمی ؟ بو سخن

طاق معلاى سپهرک نردسنه یازيله حق؟ کيم یازده حق؟
 سبحان الله! فلکده قلم او طه سیمی وار؟ بودرلو
 او هامی دمی افاعیل و تقاعیل موافقت ایلدیکیچون
 بدایع دن عد ایدم ده ادبیات حرمتنه و ترقی انسانیت
 نامنه اوله رق، تدوین وانتشارینه خدمت ایلیم!

غرض مبالغه ایسه فن بدیع میدانده طور یور؛
 معلوم سامی داوانه لری اولدیغی اوزره بدیع دایر -
 اولان کتب معتبره نك بیاننه گوره « مبالغه -
 مقبولدر؛ اگر عقلاً و عادة وقوعی قابل ایسه .
 بوکا تبلیغ دنیلیر . گوپر یلی فاضل احمد پاشا مر -
 حومك وصفنده نامنی تخطر ایدم دیگم برشاعرك

« رسطوگی، هر برسوزی بر حکمته برهان، »

« حیدر گی، هر جمله سی بردشمنه آفت ! »

مدیحه سی گی .

« مبالغه - مقبولدر، اگر عقلاً ممکن و عادتا

باطل ایسه . بوکما اغراق دینلیر . « [صبری
شا کرک] [۱] مراد رابع وصفنده اولان

« سنسک او اعجاز نمای طفر »

نورانی

« کیم که سنی آ کسه دم کار زار »

« دشمنک اولدم گورینور چشمه »

« کندیسی حیدر قلیجی ذوالفقار! »

قطعه سی گبی فیروز شمس الدین

مبالغه - « مدخولدر ؛ اکر بر مناسب توجیه .

ایله اغراق درجه سنه ارجاعی قابل اولماق اوزره

عقل وعادتجه امکاندن عاقل ایسه . بوکما غلوانمی

ویریلیر . « نفعینک برقوناق ستایشنده اولان

[۱] [صبری شا کر] نفی ایله معاصر و آنک طرزنده

انشاد نظم قادر بر شانردر دیوانی برنجی دفعه اولدرق

۹۶ سندسی معرفت عاجزانده الجوانب مطبوعه سنده

باصدر اشدی . [للطابع]

« طرء طاق ورواقى همسر ذات البروج ، »

« خالك باك آستانى بوسه جاى انس و جان . »

هذيانى گي .

ايشته نظر استخفاف عاليارينه مظهر اوله جق قدر
اولسون ميدانده ناملرى سويلانيلان ادبيات صححه
طرفدارلرى لسانمزه مبالغه نك مقبول ومعقول اولان
حدلردن تجاوز ايدوب ده مدخول اولان غلو مرتبه .
سنه واردرق ، مدركات بشريه يي اساسندن خراب
ايدرجه سنه ادبيات نامنه برجهان وهمياتك وجودينه
ميدان ويرلماسى آرزوى خالصانه سنده درلر .

— ۷ —

بوتشبيه ومبالغه مسئلهلرى لسانمزه ادباسى
يئنده موجود اولان اختلافك الك بيوكلرندن اولد .
يغچون اوخصوصجه ايگى مثال ايله بعض ايضاحات
عرضنه جسارت ايتك ايستم :
معلوم سامىء داورانلريدركه لسانمزه نظمآ نفى

وَنَثْرًا وَيَسَى الْبَيْتِ اَدِيبٌ عَدَّ اَوَّلَهُ كَلَشْدَرُ ؛
 حَقِيقَتِ حَالَهُ دَخَى شَيْوَهُ اَفَادَهُ وَقَدَّرَتْ تَحْيِيْلَهُ
 مَرْحُومَلَرُكُ جَمْلَهِيَه رَجْعَانَنِي اِنْكَارُهُ مَجَالُ يَوْقَدَرُ ؛
 حَالِ بَوِيْلَه اَيْكَنْ نَفْعِيْنَكْ دِيَوَانَنِي آچِييُورُزْ اِبْتَدَاسْنَدَه :

« عَقْدَةُ سِرِّ رَشْتَةُ رَازِ نَهَانِيْدِرْ سَوْزَمْ ؛ »

« سَلَاكُ تَسْبِيْحِ دَرْ سَبْعِ الْمَثَانِيْدِرْ سَوْزَمْ »

بَيْتِيْ گُورِيِيِيُوْرُزْ كِه مَنَاسَبَتِيْ مَنَاسَبَتِسْمَزْ تَشْبِيْهْدَنْ
 تَشْبِيْهِيَه اِنْتِقَالِ جِهْتِيْلَه سَاعَتَلَرْجِه اِتْعَابِ اَفْكَارِ اَوَّلْنَسَه
 جَمْعُوْعَنْدَنْ بَرْمَعْنَا اسْتَخْرَاجْنَه اَمْكَانِ گُورِيْلَه مِيُورُ !

وَيْسِيْنَكْ اَشْهَرِ آثَارِيْ اَوَّلَانِ [سِر] يَنِي تَتْبَعِ
 اَيْلِيُورُزْ ؛ صَحِيْفَةُ اَوَّلِيْسْنَدَه شُوْ مَقْدَمَه گُورِيْلِيُورُ :

« دِيْبَاجَه طَرَازَانِ صَحَائِفِ آثَارَه خَفِيْ دَكَلْدَرْ كِه
 « اَوَّلِ خَاتَمِ يَمِيْنِ رِسَالَتِ وَخَاتَمَةُ شَرْفَنَامَةُ نَبُوْتِ صَلَّى اللهُ
 عَلَيْهِ وَسَلَّمَ جَنَابِيْنَكْ اَخْبَارِيْ بِيَاْنَنْدَه سِرِّ رَشْتَةُ تَالِيْقَه
 « چَكِيْلَانِ جَوَاغِرْ كَلِمَاتِ ، يَغْنِيْ مَجْلَدَاتِ كُتُبِ مَبْسُوْطَه
 « حَاوِيْ اَوَّلِدِيْنِيْ نَوَادِرِ مَعْجَزَاتِ وَمَلَاْحِمِ وَغَزَوَاتِ اِگَرِ »

« مضبوط حافظه روات ثقاہ اولدیغی اوزره مجموعه
 « دورنك اوراق لیل ونهاره ثبت اولنسه ایدی؛ هنوز
 « تباشیر صباح الخیر ولادتلری انوارندن برزده وصف
 « اولغندن شیرازه اوراق مؤلفاته ابریشیم زرتار ایام
 « کفایت ایتیدی .. »

دقت بیورلسون که مبالغه ایچون آردهدہ بتون -
 بتون منطق غائب اولمش؛ زیرا (اوراق دورنك لیل
 ونهاره کنجایشیدیر) اولیان وقایع، کتب مبسوطه به
 صیغیشه بیلک ظرفک احاطه ایدمه جگی برشیئی
 مظاروفک محیط اوله بیلسنه احتمال ویرمک گی دائره
 عقلدن خارج وجهاء محالاته داخلدر .

بومعنا ومنطقه مغایر سوزلری میدانده ایکن
 آثار قدمائی بعض یرلرنده مثلا گوک یوزی [جان -
 اریگنه] بکرده دلش اولسنه ویا برعباره نك آخرینه
 درکار و دیگرینک آشکار گتیرلدیگنه باقوبده قاعده
 عرفان و وجدانک ترجمان مدرکات وحسیاتی اولق
 لازم گیلان ادبیات نوعندن فصل عد ایدم ؟

نصایه انتخاب سامیء شیراندلرینه مظهریتله
تخمینه اعتنا بیورلمش اولان برغزلده، که سامنیگدر؛
شو ایگی تشبیه لطفاً منصفانه دقت اولنسون !

« خط سبزین دیدی اول طوطیء عشوه سؤالده »

« زمرّدن ککنار آینه رخسار آلمده »

بیتمده عقل ایله ؛ وجدان ایله ملایمتدن اثر وارمیدر ؟
قرمزی آینه ویا شیل صقال جهانک نرسنده
گورلمش ؛ دنیاده می یز ؛ عالم خویاده می یز ؛ جنت
اعلاده می یز ؟

« اوشلای چشم مست اولدقده شیرین خوابدن یدار »

« شکر آلوده بادام دو مغز اولدنی خیالده . »

تصووری بعض آج گوزلی مکتب خواجه لرمزک
جنتده محلیدن دیوارلر تخیل ایتدکلرینه یقین بر
طبیعتسزک دگلمیدر ؟

بوتشبییه و مبالغه ده کی خلاف طبیعت حاللردن
 قطع نظر ادبیات عتیقه طرفداری اولان ذواتجه
 برکله وزن و یا قافییه آلتنه گیرد کدن صکره معنا
 احتیاجندن وارسته عد اولندیغنی گوریورز ! و بو
 حالی ده - عجز و قصور منری اعترافدن خالی اولما مقلاه
 برابر - بلاغته مطابق گورده میورز . بوبابده دخی
 ینه سحیه سنیة عاطفتکاری آصفانه لرینه اغتراراً
 مجموعه دولتلرندن برقاج مثال ایرادینه جسارت ایدرم :

« اول رهرو حجازه سلامت میسر ایت »

« حجازه (عزایمنه) حضری رهبر ایت »

بیتمده اولان (عزایمن) کله سی عزیمت عادیه جمعی اوله -
 رق بریرده استعمال اولندیغنی یوقدر . معلوم عالی
 داورانلریدر، که بوکله صیغه جمع ایله ادا اولنجه دائماً
 خواص معناسنه استعمال ایدیایلر . وزن ایچون ایسه
 عرف و اصطلاحی تغیر ایتمکه ادباً بر جواز گورده میورم .

« یارب برای حق بدیهیء مرآضا . »

مصراعنده اولان بدیهی لفظنک مقامه نه مناسبتی وار؟ نزد والای داورانه لرنده واسته اخطار اولدیغی اوزره [بدیهی] اصطلاحات فنوندن اوله رق، تصو- راتدن حرارت و مرارت و تصدیقاتدن نفی و اثباتک اجتماعنده اولان فقدان امکان گی نظر واستدلاله محتاج اولمیان معلوماته اطلاق اولنور. ذات حضرت مرآضوینک حق امامت و خلافتلری ایسه شرعاً و عقلاً مثبت و محقق و مدلل و مصدق، والحاصل بودرلو توصیفاتک جمله سنه احق اولمقله برابر، [بدیهی] دگلدی . حتی [نبوتک] دخی بدیهیاتدن اولدیغی برعالم طرفندن ادعا اولغامشدر. اگر نبوت بدیهی اولسیدی حضرت فخرکائنات (صلی الله علیه وسلم) مجزه ابرازینه محتاج اولمازلر ایدی . تفریق حق و باطلده اولان حداست فوق العاده لری جهتیهله

[فاروق] عنوان جلیانه مظهر اولان حضرت عمر
رضی الله عنه افندمن دیانت جلیله لرینک اظهارنده
قرقنجی قالمالردی .

کذلک امام علی (کرم الله وجهه) افندمنک
حق امامت و خلافتلری دخی بدیهیاتدن اولسیدی
جمل وقعه سنده محبوبه رسول الله ایله برابر عشره
مبشردن ایکی ذات عظیم الشان بولمازدی ؛ حضرت
زبیر و طلحه (رضی الله عنهما) معرکه نی ترک ایچون
حضرت امام همام ایله بحث و احتجاجه محتاج اولمازلردی .
کذلک عشره مبشردن سعد بن ابی وقاص
(وَحِب رَسُولَ اللَّهِ) اسامة بن زید (وَمُؤَيِدُ بَرُوحِ -
الْقُدُس) حضرت حسان بن ثابت رضی الله عنهم
افندیلرمن گبی اعظم بیعت خصوصنده تردد ایتمز .
لردی ؛ باعث وقعه صفین اولان « والیء مستولیء
شامه » لسان شریعتده « مجتهد مخطی » دینلردی .
محمود ثانی دورینک مآثر ادبیه سنی زمانزه
نقل ایدن اصحاب قلمک ذات عرفانسمات مشیرانه لری

دخی قدماً وفضیلةً اعظمندن بولندقلربنه نظراً دور
 اخیرک مسالک عتیقجه اڭ بیوک استادی وحتی طرز
 جدید ادبیاتک بعض جهتلرله هادی ارشادی اولان
 [عاکف پاشا] نک [تبصره] سی البتّه منظور
 دولتلری اولمش ؛ و برادر مادرئ مشیرانلری
 اولدیغنی ایشیتدیگم [دانش بک] مرحومک بعض
 اوصاف درایتی حائز اولدیغنه بافیلمجه مطالعه سینه
 بای حال برقات دها اماله نگاه دقت بیورلمشدر
 صانیرم . مرحوم ایسه « بدیهی » تعبیر اصطلاح
 حیسنک « بدیهه » و « بداهه » کلهلری گبی
 اشتقاقده مشترک اولان تصریفات لغویه ایله
 موقع استعمالنده کی نقصان تدقیقندن طولایی شعر
 وانشاده ادبیات عتیقه طرفدارلری عنندنه مشاهیردن
 معدود اولان پرتو پاشایی تجهیل ایلشدرکه عاکف
 پاشا مرحومک بو محاکمه سی دخی نزد سامی عرفا
 پناهیلرنده مظهر تدقیق اولمقدن قورتیله مامق لازم
 گلیر ایدی .

خلاف عرف ادب کلمه استعمال نده طور قدیم
 طرفدارلرینک مبالا تسرلغنه مجموعه دولترنده مشهور
 عاجزانه اولان « طوتلر آهین زنجیر ایله سوداگران
 عشق » مصراعنی بر دایل اتخاذا ایلسهم حقسنز
 بر حرکت ایلامش اولورم ؛ چونکه [سوداگر]
 سوادلی ویا سودازده معناسنه دگل « سود »
 لفظنک مرکباتدن اوله رق، عادتا [تاجر] دیمکدر .
 بر تاجرله دمیر زنجیره مربوط اولمق آره سنده هر نوع
 علاقه نك فقداتی تعریفه احتیاج گوره مم .

ینه بوقیلدن اوله رق

« نصل کیکشته شهره مقصود اولیم بیلم ؛ »
 « ذهاب گوی یاره نفس کچرو زادر اهدمدر ؟ »

بیتمده (زادره) رهبر معناسنه استعمال بیورلمش
 ایسه ده هانگی لغت کتابنه مراجعت ایدلسه پک
 قولای تحقیق اولنه جنی وجهله (زاد) کلمه سی

قلاغوز معناسنه دگل قبا ترجه مزده « آزیق »
دینیلان [لوازم سفر] یرنده مستملدر .

۱۲۰۳

ادبیات قدیمه جه بو خلاف قاعده تصرفلریالاکثر
برلفظه منحصر قالمیور؛ فناوتاریخاً باهرالبطلان اولان
برطاقم عقاید سخیفه بی دخی مضمون نامیاه وزن وقافیه
تحتنه ادخال ایدیورزده بر معرفت یامش گی میدانه
قویورز !

مثلا اثر خامه غرایب نمای دولتری اولان :

« عقل وادراکنی گورسیدی اگر افلاطون »

« شرم ایله اولمشیدی کوشه خنده پنهان »

« حسن تدبیرینه اولسیدی ارسطو وافف »

« عصره مرصاد تحسره اولوردی نگران »

بیملرنده اولدینی گی که حکمای یوناندن خم نشین
اولان [افلاطون] دگل [دیوژندر .] هلد [ارسطو]
مدت عمرنده رصد قورمدینی گی اکثر فنونه معلم

اول عد اولمقله برابر، یونان حکما سنه و حتی کنندن
 اول گیلان [تالیس و فیثاغورث] گبی قدمایه نسبت
 دخی فن هیئجه اوچنجی، بشنجی مرتبه ده عد
 اولانلردندر.

« اما الشعر حكمة » قول جایلی میدانده
 ایکن افلاطونی گلیون و آرسطونی هیئون عدا -
 دنده گوسترن سوزلره حکماً و حکمة شعر دیمکده
 معذور اولان « نورستگان » بنده لرینک معارض
 اولمقده حقی بواندقارینی شیئه انصاف و مشرب
 عرفان دولتری پک قولای تصدیق ایدر اعتقادنده
 بولندیغم ایچون بو قدر تصدیعات کستاخانهیه جرات
 ایدنیورم .

— ۱۳ —

شعر امرنک وزن و قافییه او یونجه معقولات
 و حکمیانده دخی کیف مایشاء تصرف ایدرک ،
 ایستدکاری گبی بر عالم ایجادینه قالدیشه گلدکاری

لسانم زده ادبیاتک روح اصلیسی اولمق لازم گلان
 حکمتدن بتون بتون آیریلهرق، خرسیتیان موتالری گبی
 گوزل کینش بر جنازه حکمنده قالمسنه سبب اولیور.
 مثلا افندمزك :

« قابلیت ایله مشروطدر انسانیت »

« گرچه ناقابل اولانلر دخی انسان گیرد. »

بیتنه اولدینی گبی که قابلیت سوق کلام و مقتضای
 مقامه گوره درایت معناسنه استعمال اولمش؛ و بناء
 علیه درایتدن محروم یر ادیلان ابنای جنسمز تحکماً
 عالم انسانیتدن طرد ایدیلهرک، منطقک تعریفاتی بیله
 خلاف معقول گوسترملک استلشدرد !

شعدی بوییتک غلو مطلقنی عربک :

« اقبل علی النفس واستکمل محاسنها »

« و انت بالنفس لا بالجسم انسان » [۱]

[۱] امام ماوردینکدر . للطابع

يېتىندە مرموز حقيقتە قىياس ايدن برصاحب تميز،
 ادبياتىمىزنىڭ نقايسىدىن نصل شكايت ايتىمىز ؟ يېتىلمىگەن
 ايكىسى دە تربيە نەفسە مشوق اولق ايجون سويلەش
 شوقدر واركة ايكىنجىسى نەفس ناطقىيە اڭ بيوك برفائەدە
 ابراز ايدىيور ؛ اولكىسى ايسە منطقدىن اڭ بيوك
 برفائەدە افران ايليور !

— ۱۴ —

ادبياتىڭ حقيقتىنى ادراك خصوصىيە گرچكىدىن
 « نورستگان » وصفە لايىق اولان طاقىڭ آثار
 قدماجه اڭ بيوك مادە منازعلرى اولان مسئلەنى
 خاتمەيە تعلق ايدەرك ، برفاچ كەلە تصديق سىر -
 دولتلىرىنە جىسارىت ايلدىم :

بىز بىندگانىڭىزنىڭ زەھنىيە فوالغايە تردد ويرىن
 شىلردن بىرى دە مىسلا ذات والاي مشيرانەلىرىنىڭ
 سىز يىتلى برتارىخىدە و غايت واسع برزمىندە ،
 « قيد تارىخىدەم قافىيە نظمىم ضيق . »

مصراعنده اولدینی گبی اوفاج-ق بر قافیه ایچ-ون
 عظمتی برخلاف اختیار اولنه گلدیگندن قطع نظر،
 قدما وتابعلرینک آثار منظمومه ومنشوره لرنده وزن
 وقافیه وحتی الفاظ وترکیباتجه پک چوق شایان نظر
 یرلر گوردیگمزدردر : مثلاً سامینک « گوهر خونین
 داغ وار ایسه کانیدر گوگل . » مصراعنده وزن یوق!
 افندمزک :

« فزوندر تاب حسنی درت قات وقت شبابندن »

مصراعنده ده وزن اولدینی گبی .

ابن کمالک :

« هراستدیگم گاره الم برکز ایریدی ؛

دنیا ده کشی گلدیگمه باری دگیدی . »

بیتمده قافیه مفقود . افندمزک تخمیس و « تغزیلرلرند »
 قافیه دن هیچ اثر گوریله مدیگی گبی .

مترجم قاموس سیر حای ترجمه سنده وعاکف پاشا

تبصره سنده (تطمین) لفظی قولاً انشأ. اوسوز ایسه
قاعده عربی دگل. منشآت سنیه لرینک برنجی
تذکره سنده گوردیگم «زاییده» کلمه سی زاده معناسنه
اولق شرطیه فارسیده مستعمل اولمדיغی گبی.

نفعی :

«جهان حیران قالور آثار لطف حق تعالی به»

مصراعنده (حق تعالی) ترکیبینه (لطف) کلمه سنی
اضافت ایتمش. حال بوکه حق تعالی مفردات جهتیه
عربی ایسه ده ترکیب اعتباریه ترکیبه در؛ ترکیه ترکیبه
ایسه عربی ویا فارسی برلفظک اضافت فارسیه ایله
اضافته جواز اولمדיغی معلوم عالی وزیرانه لریدر.

منشآت سنیه لرینک ایکنجی تذکره سنده مشهور

چا کرانهم اولان «حیوة جدیده» ترکیبی عربی ایکن
نشوء جاویده قافیه یایمق ایچون حیات جدید یازمق
فصاحت اسان عثمانی به قطعاً جائز اولمیه جنی گبی.

۱۵-۱۳

تصدیعه بوقدر اصرار بتون بتون خلاف ادب
ایسه ده نتیجه ابتدا ایتمدن استطراد یوللو برقاچ کله
دها ایرادنندن بردرلو کندیمی آله میورم . بوجسارتم -
ایسه مجموعه دولترینک مقدمه سنده قولکوزک و اخوان
افکارم اولان سائر نورستگان بنده لرینک مظهر
اولدیغز استحقارندن نشأت ایتدیکی چون عذر قبول ایتمز
برقباحت دگلدر صانیرم :

معلوم سامی مشیرانه لری اولدیغی اوزره « هرکه
زحمی خورد البته فغانی دارد . »

بندگان دولترلی رشیده و مدارس سایه سنده
بردرجه یه قدر لسان عرب و قواعد ادب ایله اوغرا .
شوق . بعضی لرمز بردرجه یه قدر اوروپا لسان
وادیاتیه دخی اشتغال ایتدک . خلاصه الخلاصه
اوله رق ، گوزل یازمق گوزل دوشونمکدن و شعر ایسه
وجدانک حسیات خفیه سنه برلسان دیگر ویرمکدن
عبارت اولدیغی اوگرندک . مثلاً یا الکزجه

« احراز و امتیاز » کله لرینی و یا « نخبه آمال و مقصد
 مافی البال » ترکیب لرینی قافیسه یا یمق ایچون یازیلان
 شیلره حکم و یرمیورزده سوز اولنجه دولابده کی [۱]
 « انسان هر ییلدیگی آیاغناک آلتنه آلسه باشی گوگه
 ایرر . » یولنده اولسون وینه مثلا اوجقی زاده ایله
 (یای) کله لرندن برجناس چیقارمق ایچون تنظیم اولنمش
 بیتلری بر بازیمجه افکار و یا چوجق او یونجاغی صورتنده
 گوریورزده شعر سویلنیه جکسه صاری زیبگناک :

« الله دیدم یتاغانه طیاندیم؛ »

« بن سنکچون آل قانلره بولاندم . »

بیتی و یا هیچ اولمز ایسه روحینک :

« دردک کیمه آکسهک سکا بر حکمتی واردیر »

« اولدیردی بزی آه ییلغزمی بو حکمت ! »

« ناچار چکر خلق بو محتلاری یوقسه »

« آدم قاره طاغ اولسه گتورمن بو کاطاقت ! »

[۱] اوتاریخده نشر ایدیلیر بر مجموعه ادبیه ایدی .

یتـلری یولنده سـو یلـنـک لازم گایر اعتقادند
بولیور . بواعقادی ایسه تمامیه موافق حقیقت
و مشوق ترقی گوردیگمزدن، ذات والای داورانه لری
گی زمانمـزک افـاخم عرفا و اعظم ادبـاسـندن تحسین
وز بیت بکار ایدک . بوامیدمـزده [عاکف] پاشانک
[دانش] بک و [رشید] پاشانک [شناسی]
مرحوملر حقند گوسـتردکـلری حمایت خالصه و محبت
استرقاب بر اندازانـدن استـدلـال اولمـشـیدی .
نه فائده سی وارکه آلتـش سـنـهـلـک بر عمر و رفاهیتک
نتیجه سی اولق اوزره طوی طقسـان صحیفهـلک [۱]
بر مجموعه جک نشرینه موفق اولان ذات والای عرفان
پناهیلری دخی او مجموعه نـک مقدمه سـندـه «نورستگان»
معرفتی سـوز آ کلامـزلق و قدر بیلزک گی برطاقم
سیئات ایله اتهام بیوردیگز !....

[۱] عند الحساب اوتاریخده عمرلریک بهر سنده لرینه

بر یحقی صحیفه اصابت ایتشدر

یقیناً و صحیحاً معلوم عالی آصفانه لری اولق لازم
 گلیرکه ادبیات عتیقه علینه قیام ایدن یگرمیشر،
 یگرمی بشر یاشنده چو جوقلرک سـ و یلدکاری یولده
 یازدقلری شیلردن ماعدا خصوصت ایتدکاری ادبیات
 عتیقه طرزنده دخی هیچ اولمازسه مجموعه دولترینه
 فائق اثرلری موجوددر؛ برکزه (بارقه ظفرله)
 (نغمه بحر) نظرگاه تدقیق دولتلرندن کچـ یرلدیگی
 حالد بوا دغای عاجزانه می انصاف سامیلری دخی
 تسایم ایدر ظن ایدرم .

لیک زلفه مغانیله عالی زلفه لیسنه
 ۱۶

جمله مزه الک زیاده داغ درون اولان و بالاده
 برنبده ایما اولنان بر مسئله دخی قدما ی ادبامز ایله
 آنلره اقتدا ایدنلرک بر فکر، وزنیه، قافیه سیله
 سـ و یلنجه عقل دگل دینه دخی مخالف اولسه
 حکم سزدر؛ اعتقادینه اتباعلریدر . بو بابده الک بیوک
 شاعر لرمزک آثارندن بیٹ قدر دلیل گوستریله بیلک

قابل ایسده تصدیق زیاده لشدیر مکن احترازاً
بالگز مجموعه دولتارندن بر مثال ایرادیه اکتفا ایدرم :

« مادام مقامه گورده شخصه گورده در سوز »

« معناسنی مقرون حقیقت گوردمم هیچ »

بیتی « کما الناس علی قدر عقولهم » تنبیہ جانی
عادتاً تزیف ایدیور !

ساعت ۱۲ روز چهارشنبه ۱۳۰۲

172

بوقدر تفصیلاتدن مراد عاجزانم عرفان جبلی
 و فضائل مکسوبه دولتری انکار معناسنه دگل
 مسـلک عتیقک فنا و عقلاً ، وجداناً و دیانه مردود
 اولدیغی و آنک علیهنده بولنغله تحقیر و استخفافه
 لایق بر خطاده بولندقلربی دلائل معقوله سیاه برابر
 نظر تدقیق سامیلرینه عرض ایتمکدر . افندمزگی
 عرفایه شایان اولان ، ملوک اندلسدن حکمک :

« الشیخ ان یحوی النہی یتجارب »

« وشباب رأی القوم عند شبابہا . »

قول حکیمانہ سنہ اتباع ایلہ ملتک سرور عمری ،
مدیتک چراغ عرفانی ، شرقک امید اقبالی ،
استقبالک مدار حیاتی ، اولان نورسیدگان بندہ لرینی
طوتدقلری مسلك حقیقتہ ترغیب ایلہ « عرفان مجسم »
کچنمگہ ، پدر عرفا اولمفی ترجیع ایتک ایدی .
بوفیضہ استحقاق گوسترن اوستادلرمن مزارلرہ
طاپنرجہ سنہ مردہ پسندلکدہ دوام ایدر ؛ ووقتیلہ
انواع خطیئاتدن مرکب سـ ویلدکاری برقاج بیتی
میدانہ قویمق ایچون بوگون الی قلم طوتان نہ قدر
اصحاب ادب وار ایسہ جملہ سنی تحقیری مقتضای
حالہ دہا موافق عد ایلر ایسہ قوللری دخی او
یکرمیشر ، یگرمی بشر یاشندہ چوجوقلر لسانندن
اولہرق ، یمین ایدرم کہ بوندن بویلہ ولو قافیہ سـیلہ
وزنیلہ اولسون حمزدنامہ حکایاتی و غول بیابانی روایاتی

دکله میه جگر . و جانمز تنده اولدجه شوامت
مر حومه یه دخی دکلتما فکه چالیشه جغز ! هر حالده
امر و فرمان حضرت من له الامر گذر .

کمال

(ماغوسه دن ۱۲۹۱)

کتابخانہ ابوالضیا

Kamal, Namik

تخریب خرابات

(ضیا پاشا مرحومک خرابات عنوانی اثرینی مؤاخذدر)

Tahrīb-i Harākat
اثر
کمال

ایکینچی طبعی

معارف عمومیہ نظارت جلیله سنک رخصتیہ

هرحقى طابعکدر

قسطنظمیہ

۱۳۰۴

مطبعة ابوالضیا



تخریب خرابات

مقدمه منظومه

ای مفخر زمره ادیبان !

سنسک بزه ترجمان عرفان .

از باب شباب قوتیاه

کلك هنرك اعانتیاه

طرز قدما بتون بوزولدی

بر طور نوین وجود بولدی .

دست ابداده گلك عرفان

اولدی هاله ترجمان وجدان

بومسلکه سن مؤید اولدك

اول حکمته بلکه موجد اولدك

ترجیع ایله فکری قیلدک احیا
 ترکیب ایله شعرى ایتدک احیا
 کتابه رساله وراثت
 اولمشدی نمونه بلاغت
 حریته یازدیغک مقالات
 قدر هنرک ایدردی اثبات
 سوز وار ایسه نامه ظفردر
 یا شرحی نه دلنشین اتردر !
 مقصد ادبه اولنجه خدمت
 بونلر ایده مزمی یا کفایت ؟
 ای جامع مجمع کالات !
 لازمی ایدی بزه خرابات ؟
 طرز عجمی نیچوندر احیا ؟
 کلک ادبه پاپاقلر اکسا !
 الویرمدیمی ندیم ونفعی ؟
 شعرک بزه وارمی هیچ نفعی ؟

اڭ پارلاغی اڭ بیوک یالاندر
 طوغریسنی بول بنی ایناندر !
 ایر مشمی خدنک آسمانه ؟
 وار مشمی کړک لامکانه ؟ [۹]
 جوزایه دوزمی گوزده مردم !
 هیچ قطرده بحر اولورمی یا گم ؟
 مقبول اوله می شعورسنز شعر ؟
 یر کاره یارارمی نورسنز مهر ؟
 شاعر دیتک اهل دل دیمکسه ،
 خوش مشرب ومعتدل دیمکسه ،
 لایتمی اولا اورند کامل
 مدّاح اعظم وار اذل ؟
 جهالهده عیب ایکن یالان سوز
 هر سویلدیگی یالان طولان سوز

[۹] فلک وزنده فارسیده بدرجین دیدیگمز قوشه

اطلاق اولنور . للطابع

نظم کرده حکم یولن آچارکن
 نثر کرده در و گهر صاچارکن
 بیلم نه دن ایتدک اتخابی ؟
 میدانہ گتوردک اول کتابی !
 هرکس آکامی مقلد اواسون ؟
 سوزینه یالان طولانی طولسون ؟
 اسلافی یا ایتک ایچون ابحال
 لایقیمی معاصرینی اغفال ؟
 میدانده بدیع ایله معانی
 بزده او قودق براز بیانی
 ترکیده قصیده گورمدن بن
 بش بیتى بیه مطابق فن .
 مضمونلری و همدن ظنوندر
 عقله گوره عادتاً جنوندر .
 شعر عربی به لاف یوقدر ؛
 فرسیده ده خوش کلام چوقدر .

آنلره طولاییدی اتخابک !
 تحسینه سزاییدی کتابک !
 اما که عجمده انوریدن
 سلمان وظهیر و عنصریدن
 مدحیه لر اتخاب اولماز
 بو عصرده ارتکاب اولماز
 وقتیه گوزل صانیرمش اسلاف
 میدانده دگلی حق وانصاف ؟
 آثار عربدن اختیارک
 مقبولیدر اهل اعتبارک
 ترتیبک اگرچه معتبردر
 بر قاق یری جالب نظردر :
 لایتمی ایدی جناب کعبی .
 هم کعبه ایکن جهانده کعبی .
 تا اولمش ایکن رسوله صاحب .
 سرخوشلره اینلک مصاحب ؟

طبعیله هم ایلور مباحات
 ایتمکینه داخل خرابات !
 اول برده ایله صائرمسک سن
 آلوده ایدی اوپاک دامن ؟
 اصحابی دگلسه ترک اولی
 حسانی نیچون بگنمدک یا ؟
 مدح نبویده اول یگانه
 بر گلشیدی بو خاکدانه
 گفتارینی با حدیث احمد
 روح القدس ایلدی مؤید
 پیغمبره سوز بگندیرن ذات
 ایتزمی جهانیه فضل اثبات ؟
 لایقیمی دگلدی یا سموئل [۱]
 اولسهیدی یزید ایله مبدل ؟

[۱] سموئل قبل الاسلام مدینه جوارنده متکین اولان
 موسویلردن برشاعر مشهوردر . کندوسی شعرده زماننک
 سرافرازی و میاننده ساکن اولدینی قوم عربک مکارم

کفتار معلق لیدک [۲]

مقبولیدر اعقل و بلیدک

اما که مقال « ما خلا الله »

دیوان بلاغتند بر شاه

توحید ایله چون موشع اولمش

منظور نبی افصح اولمش .

لایقیمی ایدی آنی اونوتمق ؟

صکره بزه نورسی اوقوتمق !

اخلاقیه تخلص ایتش اولدوغندن : خصات وفاده ملتک
ممتازی ایدی .

حتی « وفاء سموئل » ضرب مثلی بین العرب مشهور
وکتب امثالده مسطوردر .

مومی الیهک وفاسی حقندده مشهور اولان حکایات
تاریخیه دندر .

شعراى جاهلیه دن (اسرى القیس) پدربنک فلاکتندن
صکره مالک اولدیغی ذی قیمت اسلحه سیله زرهلرینی سموئله
تودیع ایدرک کندوسی مخرب ختمانی اولان (حارث بن ابی
شمز غسانی) دن اخذ ثار مقصدیله (عراقیسه) مراجعت و طلب
امداد و معاونت ایچون بلاد رومه عزیمت ایتش و فقط

چوق منتخباتی فارسیدن
 بر درلو بگنخدم هله بن
 اسبابی ایلمده اتیان
 وارایسه اگر سوزمده نقصان
 عفو ایلر ایسهك اولور مرؤت
 رد ایلر ایسهك اولور عدالت
 بوحیدینی فیضی ادیبك
 یانعتنی عرفی غریبك

قونیہ مضافتندن ایوم (آنامور) دینلان محله ارتحال
 ایتش ایدی . حارث ایسه امری القیسك وفاتی وسموئل
 نزدندکی اماناتی تحقیق واستخبار ایتدیگندن برفرقة کلیه
 ایله مومی الیهك ساکن اولدیغی محله کلهرک او سرده ده
 سموئلک اوغلنی دخی اله چکورمکه « یا امری القیسك اسلحه سنی
 تسلیم ایدرسك یا خود اوغلنکدن امیدیکنی کسر سك » دیه
 خبر گوندرمش و سموئل ایسه حارثک ظفر بوله میه جفی
 بر برج متین دروننده متمصن اولدیغی حالده « بنم ایچون
 و دییه قلنان اماناتی آخره ویرمک ناقبلدر . سن ایستر
 ایسهك اسیرکی اولدیره بیلورسك ! »

تنقیح اولورمیدی لایق ؟

ایراد دگلمیدی صادق .

اشعارده یا سلیم اول

اولمغله کمال ایله مجمل

تک ایدی بیان فارسیده

شاه ایدی جهان فارسیده

نفعی بی اونمه جائز اولماز

نورس بومقامی جائز اولماز

جوابی و یرمسیله غدار مرقوم بیچاره نك اوغلانی گوزی
اوکنده اعدام ایله جیتوب کتمشدر .

[۲] لیبذ بن ربیعة بن مالک درکه شاعر مشهوردر .
کمال بگك « ماخلا الله » ديه اشارت ایلدیگی مقال بیت
آتیدن کنایه در :

« الاكل شيء ماخلا الله باطل

وكل نعيم لاحالة زائل . »

حتی بو بیت منظور حقایق نشور جناب رسالتپناهی
اولدقدده اسان حقیقت بیان نبویدن بوندن ابلغ نظم
اوله ماز یوانده کلام تحسین سنوح ایلشدر . للطابع

نفعی به اولور دینسه لایق
 ترکیسنه فارسیسی فائق
 عرفی به سزا طوتلسه همدم
 دیوانتی گورمدگسه یلم
 نورس اوقنور بلامیدر هیچ
 شاعر لگه آشنامیدر هیچ ؟
 بر اهل کمال الیه هیات
 بر خر اوله داخل خرابات !

(ماغوسه)

۱۲۹۱

کمال

خراباتی اوقومغه موفق اوله لی طوپنی بر قاچ گون
 اولدی . ملاحظاتیتمیده همان بو گون اکمال ایتک
 مجبوریتندیم . اگر او یله اولمسه ایدی : مرادم
 « المرؤ عدولما جهل » قوالیه مخاطب اولماق ایچون
 افکار عاجزانهمی نظم ایله بیان ایتک ایدی . ایکی
 ساعت ایچنده شوقدر موزون سوز سویلک اقتداری

قصور لرینک ده ینسه او یولده تنظیمی امکاتی اثباته
 کفایت ایدر ظن ایدرم . مقصدم فخر دگل ، فقط
 اعتقاد مجه علوی علوی فکر لردن . خفی خفی حسلردن
 عاری اوله رق : امالات وحشویاتدن مرکب و فقط
 [افاعیل و تفاعیل] مطابق بر قاچ یوز سطر یازی
 یازیویرمک و هر سطرک نهایتنی ده قافیه لی و تعبیر آخره
 بر حرف اوزرینه گتیرمک او قدر بیوک بر معرفت
 دگلدر : بناء علیه ملاحظات ناچیزانه می نثر ایله اکمال
 ایدم جگم چونکه :

ظن مجه طبیعت صحیحه .

خاصیت وجودت قریحه

موزون سوزده مفتقر دگلدر :

اول صنعته منحصر دگلدر .

ایشته مقدمه ده اولان و بالاده تشریح و تصریح

اولنه میان بعض جای نظر لری ده زیرده بیان ایدم یورم :

« اما او قودقده گلستانی
 « درك ایتکه باشلادم لسانی »

بیورلمش !

یلم که قرائت گلستان
 ترکی بی ایدرمی ترکه تیان ؟

§

« هم اول صرده بر ایکی شاعر
 « تمیزیمه اولدیلر مظاهر . »
 « اولمق شعرا ایله مباحث
 « افزایش فرقه اولدی باعث
 « بر نکته ورستوده اطوار
 « حافظدن او قوتدی خیلی گفتار »

بیورلدقن صکره تمیز دولترینه مظاهر اولان
 شاعر لر ، افندمره حافظ او قوتمغه مقتدر اولان نکته
 ورلر کیملر ایسه شعرای رومک تعدادی صرهنده
 اسملرینی نیچون گورده میورز ؟ طوته لم که تمیز باهر التمايز

ادیبانه‌ترین معاونهت ایدن شاعر لر [کاظم پاشا] و
 [حتی بك] اولسون . البته حافظ او قودینگز
 ذات (نورس افندی) دگدیر یا .

« ایتدم شعرای رومی تحقیق

» آثار وزمانلریله تطبیق

» گورددم اولمش خلف سلف هپ

» ایران شعراسته خلف هپ

» اول سوزه باشلامش نوایی

» تقلید ایله فارسی ادایی

» گیش شعرای روم پیشین

» قیلش اواداده وزنی تعیین

» تقلید ایله چون لسان بوزولمش

» اوزان عروضی غائب اولمش

» حیقده لسان طبیعتدن

» البته دوشنر فصاحتدن

» فعلن فعل اولمه‌دن نمایان

» رmq ایله ایدی بزده اوزان

مصر اعنّده ختام بولان یدی بیت عالیگزده بر کرّه
اماله نگاه دفته تنزل بیوررمیسگز ؟ بزده پارمق
حسابیله شعر سویلیان [عاشق عمر] فلانلر [نوانی] دن
مقدمی ایدی یا ؟

« کرم افندی دگلسه لایق

» کسه التفاتک بوینوادن . »

قوشمه سنک قائل اولان ندیم، تیمورلنک ندیملرندن می
ایدی ؟

« آقشام اولور گونش باتار شمّدی بورادن »

« غریب غریب قوال چالار چوبان اووادن »

شرقیسنک صاحب اولان [ضیا بک] (یعنی مخاطب

اولان صاحب خرابات) دوات سلجوقیه رجالدنمیدر ؟

مادام که « چیقّدقّه لسان طبیعتدن - البته دوشر

فصاحتدن » یاقدمانک وَحّی [قهوه] شاعر لرینک

شیوه عثمانییه مطابق اوله رق - ولو آز اولسون -

سویلیه بیلدکلری شیلری هیچ خاطره گتیرمیوبده

بزی آنامزدن طوغدق طوغه لی [فعلن] وزننده

ایشدیگمز (روزگار) کلمه‌سنی فاعلات وزننده
 اوقومتغه مجبور ایدن وَاثَّ حکیمانه‌لری بیه « حکمت
 گر او علم ایسه که احکام فلکدن - اندیشه عقل
 بشری باخبر ایلر » یوللو ترهات ایله مال اولان
 شیدرله مشغول ایتک نهدن التزام بیورمیش ؟ هله
 اوزان فارسی‌یه متعلق اولان

« وار ایسه ده بعض فضله ، نقصان

اوزان عربدر ؛ آنده اوزان »

بیتی ده بنده کزده اغرب گورندی .

قیل شعرینه عطف چشم امعان !

هیچ وارمی عجمده فضله اوزان ؟

میدانده در ای ادیب سامی !

عبدالغنی وعروض جامی .

« بن اوله مدم اگرچه شاعر - اولدم شوقدرکه

فهمه قادر » بیتی چا کرلرینی . عفو دولترینی رجا

ایله کندیمی بختیار عدایتدیگم حالده ، عادتا کستاخلغه

مجبور ایلدی . شعره « اغذبه اکذبه » قاعده بی

فائده سنی اساس طوطه جق ایسه ک بوگا بر دیه جگم یوق.
حقیقت حال آرانیه جق ایسه افندمز صحیحاً شاعر
سکزر. فقط بشقه لرینک دکل کندی آثار سنیه کزاک
بیله تمیزینه قادر دگل سکزر ظن ایدرم.

شاعر لگنزه [ظفر نامه] میدانده طور رکن
[ترجیع و ترکیبی] بیله دلیل گوسترمگه حاجت یوقدر.
ولو طور قدماده اولسون شعر آگلامدیغنزه
ایسه یالکزر نفی دیوانندن اولان انتخاب دولتلرینی
برهان قاطع صورتنده ایراد ایده بیلورم.

ادبیات عتیقه مزله مألوف اولان ذواتدن هر کیمه
ایستیلورسه مراجعت بیورلسون. نفیعنک :
« زهی سمند ملایمکه حسن رفتاری

اونتدیرر دل عشاقه شیوه یاری »

مطلعنده اولان و شیخ غالبک

« (اوصاف براق) فخر عالم

رحشیة نفی آندن اقدام . »

مدیحه سنه اکتساب مظهریت ایدن قصیده سنی براقوبده

« بارک الله زهی رحش هایون سیمایا

که قومش نامنی سلطان جهان باد صبا. »

مطالعیه ابتدا ایدن و افندمزک

« آنجق گورینور که کلفت ایتمش :

گویا جبر طبیعت ایتمش . »

یتنک - سکت ملیح مناسبت سزلگندن قورتارلمسی
ایچون .

تنظیمه کلفت ایتشدر .

اجبار طبیعت ایتشدر .

صورتنه قونلسه - مطابق تامی اولمق لازم گلان
قصیده سنی انتخاب ایتک جائز اوله بیله جگنی تصدیق
ایده جک بر فکر سلیم بولنه بیلورمی ؟

برده چغتایی سوزلرک املاسنی ترک ایتمکن حجاب

اولندی : بیورلمش فقط خراباتک برنجی جزوئنده

چغتایی بر بیت بیله یوق . عجبا [علی شیرک :]

[بیقرانک] چغتایده انتخابه شایان و هیچ اولمازسه

اختیار بیوردیغکز « بنفشه » قصیده‌سنه هر جهته
 بدیهی الر حمان قصیده‌لریمی یوقدر؟ یاخودبومشاهیرک
 چغتایی اولان آثارى منظور عالی‌لریمی اولمامشدر؟
 مقدمه حقیقه شایان تعجب بر بیت دها
 گوردم که شودر :

« هم رتبه‌لرنجه عاجزانه
 » چکدم شعرایی امتحانه »

بورتبه ایله امتحان ایشنی دوشندکجه کنیدی
 [دارشوراده] ظن ایدیورم . یوز باشی ، ملازم
 نصب ایدرگی ، شاعرلره امتحان ایله تعیین مزیت -
 ظاهر - یگی چیقدی .

« اول یوق ایدی اشبو روایت یگی چیقدی . »

« مشهورلری بیان اولندی . »

« آثار ایله امتحان اولندی »

ایسه صاحب دیوان [اشرف پاشا] نیچون دوشو -
 نلامش ؟ بیچاره آدم نورسدنده آشاغیمی ایدی .

« آیرادی بزمه چونکه اسلاف »

« وارسون بزیده آیرسون اخلاف »

نه دیمک ؟ بو عصر ترقیده یالکز سوابقک کمالات
ونقایصنی آریوبده زمانمژک حالنی سکوت ایله کچشد
یرمک نه دن اقتضا ایتسون ! مادام که [مؤاخذه] یولی
آچلادی ؛ معاصرین حقلرنده یازیله جق تحقیقات
و مباحثات ادبیه نك هم افکار زمانیه و هم ده
کندیله رینه فائده بخش اولسی مقرر ایکن ، یالکز اثرلرینی
نقل ایله اکتفا ایتک و ستایش و تعریضی اسلافه
حصر ایلک روامی اولسه گرک !

« گوسترمک ایچون خطا، صوابی

هر شیوه دن ایتدم انتخابی »

سوزی اعجب الحجاب دگمیدر ؟ هیچ خطا و صواب
گوسترمک ایچون منتخبات مجموعه سمبی یاپیلور ؟
دیمک که بواثرده اشعارک هم اڭ گوزلاری ، هم اڭ
فقالری انتخاب ایدلمش !

« اسلافده احمد و نجاتی
 « آواره دلشکسته ذاتی
 « ترکی سخنه تمل قومشدر
 « گرچه تملی گوزل قومشدر

یونسده اولان افادات سنیدلرینک تاریخ ادبیاتمزله
 هیچ موافقتی وارمیدر ؟ حضرت [مولانا] و [سلطان
 ولد] نه جهتله اونودلمش ؟ [مولد] ینک هر بیتی
 [سهل متع] عد اولنان [سلیمان دده] نیچون
 نخطر بیورلماش ؟ [شاهدی] نک ترکی آثاری
 عجبا منظور دولترلی اولماشمیدر ؟ حتی نظیفک
 منتخباتنده بیله بر غزلی واردر . یاخود احمد و نجاتی
 و ذاتی دنیایه بوصایدیم ذاتلردن مقدمی گیشلردر ؟
 « طرز غزل وقصیده بازی

ناخواس او قدرکه وزن تازی

بیتنده کی « وزن » عجبا نه معنایدر ؟ عربی وزن
 دیمک ایسه خراباتده کی اشعاردن هانکیسنک وزنی
 اوزان عربیهدن دگلدز ؟ برده [اوزان عربیه]

« ناخوش » تعیرینہ نہدن مستحق اولیور ؛ یوق ؛
 (تازی) کلهسی (آو کو پگی) معناسند ایسه
 وزنر تازی گبی . اگری . بوگری برشی حکمندهمی
 گیرمش دیمک اوله جق ؛

» پر حشو و اماله وزحافات

انشاد ایدنه بلای آفات »

بیتده کی « بلای آفات » تعیرینکده معناسنی
 آکلایه مدم .

برده قدما نك حشویات و امالات وزحافاتی
 تعداد ایدوب طور رکن . مقدمه ده کی ایبتک همان
 برئاشنده موجود اولان [سکتله ره] دقت ایتماک
 روامیدر ؛ اما فضا لیده . غالبده . سائر بعض قدماده
 سکتہ وارمش .

هر طورینه اقتضانه لازم ؛

جائز سده اجترانه لازم ؛

- « اولمش یوتبدل لسانه
 « باعث ایکی خسرو یگانه
 « سلطان جهان سلیم اول
 « خاقان مؤید و مبجل
 « ایتمش اوشمهنشه مظفر
 « ملک سخنی دخی مسخر
 « اگر سوزی فارسیدر آنک
 « مقبول و مسلمی جهانک
 « یوق روم آرانور ایسه سراسر
 « اول شیوهده فارسی دیمش ار
 « اولمغله شه جهان معنی
 « دیوانی طورر جهانده حالا
 « اوغلی دخی پادشاه عرفان
 « صاحب قانون خان سلیمان
 « گورمش ایدی تربیت پدردن
 « البته چیتار گهر گهردن

« تأسیس بنای دولت ایتدی

« تنظیم لسانه همت ایتدی

« ظاهرده و عالم سخنده

« کندوسنه خلقی قیلدی بنده

« صورتده دگل فقط جهانگیر

« ملک هنزیده ایتدی تسخیر

« ویردی بو ایکی شه فضیلت

« هم دولته، هم لسانه وسعت

« مجلسرینه ندیم داخل

« اولمش ایدی زمره افاضل »

مصراعنه وارنجیه قدر اولان اون ایکی بیتک مآلنه
نظراً سلیم اول و سلیمان قانونی سایه سنده انتظام
بولمش اولیور .

حال بوکه [فاتحک] شعر و انشایه خدمتی آنلردن
زیاده در ؛ دینلسه مبالغه می اولور ؟ [فریدون]
مجموعه سینه مراجعت بیوریلور ایسه کندی قلمیه
یازدیغی بر طاقم [نامه لر] گوریلورکه [جودت قریحه]

و تمایلات مجدّدانه سنک نه درجه عالی و مؤثر اولدیغنی
لایقیله اثبات ایدر.

« زلفکک زنجیرینه بند ایدک شاهم بنی

« قوللغکدن ایتسون آزاد اللهم بنی »

مطلعنده اولان غزلی گبی آثار منظومه سیده ادبیات
عثمانیه ناک عادتاً مؤسسلرندن معدود اولدیغنی گوستر.

مزمنی: ابن کمالر. ابو السعودلر. باقیلیر سلیم و سلیمان

زمانلرنده ظهور ایتش ایلر احمدلر. بجاتیلر. سنان

پاشا لرده حضرت فاتحک عنایت و عاطفت و حمایت

و صحابی سایه سنده وجود بولمش دگمیدر؟

« باقی ایدی نیجه صیف و کانون »

« پرورده خاص شاه قانون »

« اولمشدی او پادشاه نقاد »

« هم پادشه آگه همده اوستاد »

« هر شعر ویرشده شاه ذیشان »

« هم رتبه ویرردی همده احسان »

بیتلرینه باقیلورسه. بر ملتده ادبیاتک ترقیسی صحائف
اشعارک « مقامک جنت اوله! » کاغدی حکمنه کچمنه
توقف ایده جک! عجبا! اومیروس [الر] اوری پید [الر]
[امری القیس] [الر] [طرفه] [الر] [شکسپیر] [الر] ،
[گوته] [الر] ویتقور هوغو [الر] و [لامارتین] [الر] [کیمک]
چراغ عاطفتی اولمق قوتیله بولندقلری مرتبه
علیای شاعریته واصل اولدیلر .

خراباتک جمعندن مقصد عنایات بیغایات پادشا -
هیدن محرومیت جهتیله بر وسیله استرحام و اشفاق
و ذریعه اقبال و استحقاق ایسه آکا دیه جک یوق .
اولیه اولیوبده حکمت ادبی میدانه قویق ایسه
آکابر سایه سنده وجوده گله جک ترقیات ادبیه
ملتک افساد اخلاقندن بشقه بر شیئی منج اولیه جنی
[۴] اومیروس اسکی یونانیلرک شهنامه انشاد ایتش بر
شاعر مشهوری و اوری پید کذا فاجعه ناظمی در . امری
القیس ایله طرفه شعرای جاهلیه عربدن و شکسپیر
انگیزلرک گوته آلمانلرک و هوغو ایله لامارتین معلومدرکه
فرانسزلرک عصر حاضر شاعرلرندن در . للطابع

خاطر د کلد کجه انسان اویله شعرده، وزنیله، قافیه سیله،
صنعتیله، فلانیله برابر [گاو زمینی] اکلندیر مک
و یا خود حرارت مرکزیه ایله بر قاندها شعشعه لخمق
ایچون دونه دونه یرک دینه کچسون دیمکدن بشقه
بر سوز بوله میور .

بر گوزل شی میدان گلدیگی وقت خلق رغبت
ایتمیور می ؟ برملتک توجهنی و ویردیگی بدل خدمتی
هیچ طوته لم ده بعض اکابرک تمایلان هوسکارانه سنی
شعرده امستاد و مشوقی عد ایدلم ؟

» صکره ایدیلوب بو شیوه تجدید

» آثار عجم اولندی تقلید

» اوزانده بحر زحافات

» تکثیر تتابع اضافات

» جمله ادوات وصف ترکیب

» توسیع تسلسل تراکیب

» بردن گیردی بزم لسانه

» هب نامه لر اولدی شاعرانه

« اڤ جایی تعجی بوبابک

« باعثلریدر شو انقلابک

« استانبول ایکن مقرر عرفان

« استانبول ایکن مطاف بلدان

« یاپدی ایکی طشرهلی بوحالی

« وانی بریسی بری رهالی

« یعنی بری نفعی سخنور

« هم دیگری نابی معمر

« بونلردر ایدن لسانی توسیع

« بونلردر ایدن بیانی تنويع

شو افادات سنیهلرینه تنزلاً دقتله بر نظر بیورر -

میسکیز؟ اولاً، آثار عجمه باقیدن صکرده می تقلید اولندی؟

« اول سوزده باشلامش نوایی - تقلید ایله فارسی

ادایی « بیوران افندمز دگلیسکیز؟ بو بیت ایله

یوقاریکی افادات آردسنده اولان تناقضی تعریف

اقتضا ایدرمی؟

ثانیاً. عجبا باقی اثرینک تعطیلیه نفعی و نابی زمیندر-
 ینک ظهورندن صکره مراد رابع و محمود اؤل ایله عجم
 شاعلرینک و باقیدن اؤل فاتح ایله حسن طویل و حتی
 بایزید ایله تیمورک مخابراتی شاعرانه دگلدی ده شمیدیکی
 [کنعان بکلرک:] فلانلرک یازد گلدکلری ایکیشربحق
 سطرلی نامه لرگی عالی و یا فؤادانه می ایدی؟ یا خود
 شو عریضه عاجزانه مگی عادی ترجمه برشیلر میدی؟
 تکرار اخطار ایدرم: فریدون بک منشاتی الله
 طوریمور: باصمه اولدیغندن تدارکی کوچ برشی
 اولمدیغی گبی شمیدی به قدر منظور دولتلی اولمش
 اولدجغنده دخی هیچ شبهه یوقدر.

اؤل آکا باق گوزگله شویله !
 افکار یکی خلقه صکره سویله !
 ثالثاً.

ای واقف هر مکانی رومک !
 بر آیدد و انمی ارض رومک ؟
 بو قدر تتبع و توغل ایله برابر شعرای عثمانیه نک

اسکی اعتقادجه رئیس الرؤسایى عد اولنان نفی
وانده دگل ارضرومه تابع (حسن قلعه) سنده
وجوده گدیگنی و وانی اولق شویله طورسون،
هیچ بروقت، بر مناسبتله وان ایلتنك حدودینه دخی
اوغر امدیغنی یلیورسکز ! دیمکه دیم وارمیور....
شو. « وانی » تعیری [ضرورت وزن] ایچون
ایسه . اعتقادمجه ضرورت . امور دینده اولور :
شعرده دگل . یوق و قتیله . یعنی ایران شاهلرینك دور
خرافتنده ارضرومك وانه تابع اولمسی علاقه سیله اوكله
قونمش ایسه . بوتصرف عینی عیننه بر زمان ارضرومك
[اسکندر] اداره سنه دوشمش اولسنه نظراً نفی یه
[الینوز] دیمك قیلندن اولمز می ؟

« ترکی دلی اول ایدی یکتا - ایتدی آنی فارسی
دوبالا » اعتقادینی زمانمزلک ادبیات جدیده سنه
مستشهد اولان بر ذاتك لسان عرفانه قطعاً یاقشدیره .
مدق . واقعاً ادبیاتمزلک حال حاضرینه نظراً فارسیدن
بر وقت استغنا بزم ایچون قابل اوله میه جغنی انکاره

مجال یوقسه ده ، لسانمزی ذاتاً فارسی تلویث ایتش
 و آثار ادبیه مزده گوریلان فضائل عقلیه و لطافت
 حسیه نقصانی بتون عجم مقلد لگندن نشأت ایتش
 اولدیغنی دخی اقرار ایتک ضرور یاتدندر . بو حاله
 نظراً بزم مهارت ادیبانه و کمالات حقایق جویانه -
 لرندن امیدمز ایکی لسان بیننده استلافی . امتزاج
 شیر و شکر دگل . اختلاف خطا و صواب قییلندن
 بیلهرک . ممکن مرتبه خطایی صوابدن آیرمق ایچون
 بر طریق سهولت بولمق و او طریق دیلیر یله . نمونه -
 لریله . قواعد یله . مخاطبات یله برابر آداب صحیحیه
 هوسکار اولان نورستگان عرفانه ارانه بیورمق ایدی .
 یوقسه معلوم عالیاری اولدیغنی اوزره « صباح معرفت که
 ماهیت اشیایی گوسترمک شانندندر : انوارینی هر
 طرفه نشر ایتدجه خیالات گبی حقیقت و طبیعتک
 خارجنده اولان اویله بر طاقم آثارک » معقول و
 مقبول عداو لنمسی عقلاً قبول اولنور شیلردن دگلدر .

« عثمانلی لسانی بو لساندر
 « فکر ایله نه بحر بیکر اندر
 « عثمانلی لسانی بیلن ذات
 « بر بنادرکه حاضر آلات
 « بر قاج درلو اداته نائل
 « بر قاج نوع انقلابه قابل
 « هر قنغی خیال ایسه مصوّر
 « الفاظی گلیر آنک برابر »

یتلریله لسانمز ایچون ایراد بیوریلان مدایح
 « ایشته بو سببیه درکه الان
 ترکیده یوق ارجاله امکان »

یتیه مخالف دگل . بیاغی بوغاز بوغازه گلیورد گلی ؟
 بر کرده ملاحظه بیورلسون ! ابیات علیدلرینه
 نظراً تر کجندک اوزانی اول پارمق حسابیه ایمش .
 فارسی یه تقلید اولنمش . آرده افعله . تفعله حاصل
 اولمش : وزنی بوزمش . لسان فصاحتدن دوشمش ؛
 اوجهته ارجاله امکان قالماش : مع مافیه فارسی ایله

ترجہ شیلر . آبلہ شکر گبی امتزاج ایش . انسان لسان
عثمانیدہ ہر نہ تصور ایدر ایسہ اظلمہ گتیر مگہ اوسایدہ
مقتدر اولور مش ! دیمک کہ لسانمزی ہم فارسی بوز مش :
آلتی اوستہ گتیر مش : ہم فارسی دوز اتمش . دنیادہ
اٰک برنجی لسان اتمش ! بر شیئی ہم اودر جہلردہ تنظیم
ایتمک و بو افساد و اصلاح بر آندہ و بر زماندہ جاری
و موجود بو اتمق قدرت الہیہ دن بشقہ هیچ بر قوت
ایچون موجود اولہ ماز صانیرم . حتی قدرت الہیہ دخی
جمع اضدادی آثار مشیتندہ گوسترمیور . عجب بو فارسی
بزم لسان ایچون [بت پرستلر] اٰک معتقدات باطلہ سندن
اولان [الہہ البیان] حکمندہ اولہ رق . امکان عادینک
خارجندہ بر طاق تجلیات استحالہ گدازہ می مالکدر ؟ !
« سائر لسن عتیقہ نک ہب

معقولاتی اولور مرتب »

بیئتہ گنجہ :

چون السنہ اصطلاح فندر

البتہ لسنده برلسندر .

مع مافیہ منازعۂ لفظیہ بویلہ یرلرده جائز اولمديغندن،
اختیار بیوردیغکز یولده یازده بیلورسکیز .

گرچه - الفاظ غریبه هیچ چکلیمز - اما «بر
سورچن آتک باشی کسلیمز .» شو قدر وارکه سائر
لسانلرده مرتب اولان معقولات ایسه بزم لسانده
غیر معقول اولان لقر دیلرده ترتیب و یاتعیر صحیحیه
تنظیم و تدوینی جائز میدر ؛ انتخاب دولتلری ذاتاً
او اعتقادی ایما ایدیوریا !

مع مافیہ اویله بر اعتقاد . ولودات دولتلری گبی
بر مقتدای اهل عرفانک رأیله مؤید اولسه دخی
عقلاً وَفناً مردود اولمق لازم گلور .

« سائر لسن عتیقه نك هپ

« معقولاتی اولور مرتب

« قطعاً او حدوددن چیقماز

« انسان بوگا یا نصل صقماز ؟

« منظوم ایسه باخصوص او صورت

« بر قاچ قات اولور او دمده کلفت

» تضیق عروض بر جہتدن

» ہم قافیه وردیف رھزن

» محسنہ اولور قتی سزاوار

» بر دلہدہ گوزل دینلر اشعار

» اما کہ بزم لسانمزدہ

» ہر درلو ادات یانمزدہ

» افکار عرب خیال ایران

» محصول ممالک خراسان »

شویدی بیتاک حکمنہ باقیلورسہ السنہ عتیقہدہ

قافیه وردیف وار ایش گبی گورنیور . حال بوکہ

السنہ عتیقہدن (سانسقریت) دہ چیچمدہ

یونانی عتیقہدہ . لاتینجدہ قافیه اولدیغنی بیلمیورز .

حتی عبرانیہ دخی یوقدر . اسکی لسانلردہ قافیه

وسجعی یالکز عربدہ گوریپورز . ردیفہ گنجہ

عربیدہ دخی یوق . بناء علیہ او مانعہ بلاغت

اعتقاد عاجزانہمہ گوردہ فارسی جدید ایلہ بزہ

محصردر . حال بویلہ ایکن السنہ عتیقہبی قافیه

وردیف قیودی آلتده بولخقه ایهام نرودن حاصل
 اولمش بر تصور اولدیغنی و بویله بر ادعا صنایع لفظیه
 زنجیر لرینی قمر مقده ضربات آهندسته سی امور مشهور
 رددن اولان خیالک افندیك قلمدن فصل صدوره
 گلدیگنی ادرا کدن نه درجه بیان عجز ایتسه م شایسته در!
 « افکار عرب خیال ایران » افده سندن صگره
 « محصول ممالك خراسان » وصفی ایراده نه حاجت
 وار ایدی؛ افکار عرب محصول خراسان میدر؛ یوقسه
 خیال ایران ایله محصول خراسان بینده ایر یلقدن ،
 غیر یلقدن بر اثر وار میدر؛ خراسانی چین ایالتلرندن
 و یا اوروپا مالکندن بریمی صایه جغز؛ و یا خود باشنده
 پایاغی آیاغنده پاشماغی ایله دائما گوره گلدیگمنز خراسا
 نیلری بادیهلر ایچنده حادی بر جهل و یا خود بادیه
 نشیننه دخی هادی کمال می عد ایده جگزر ؟

« مد ویردی کیمی الفه نونه

« ویرر حرکه کیمی سکونه »

اعتراضی ال اؤل افند مزه عاند در ضن ایدرم . دلیم

سؤال بیوریلور ایسه ایشته : مقدمه ده کی « صاحب
 قانون خان سلیمان » مصراعی البتہ خاطر دولترندن
 چیقما مشدر . [سکت ملیح] ویا [تقلید قدما] ویا
 [تجویز ادبا] نامرلیله اولسون وگرك بشقه برجهت
 تاویل ویا تعبیر بولنسون شعر دده . انشاده ده لغت .
 قاعده . ادباً ، عروضاً ، [هامون] وزننده اولان
 [قانون] کلمه سی [جهلون] وزننده یعنی (قنون)
 صورتنده استعمال اولنه ماز .

آندن ماعد ا قانون کلمه سنک وای اماله اولماز سه
 خان لفظنک الفنه بر حرکه ویرملک اقتضا ایدہ .
 جگندن . و حال بوکه بر مصراعده چفته سکتہ .
 اولحنایت شعریه مبتلا اولانلر عندنده دخی جائز
 اولمديغندن . یا مصراع بتون بتون وزنسر قالورہ
 ویا خود و او اماله سنہ ضرورت قطعیه مس ایدر .
 هایینه خرابانده آثار دولترندن اولدوق . گورہ
 دیگسر « نیچون غصب ایتدی یلم جامعن سلطان
 محمودک » مصراعنده کی [سلطان] کلمه سنک الفی

اماله اولنخامشدرده [سلطان محمود] ترکیبی بر ترکیب

اضافی صورتند می عد ایدمشدر ؟

عین اماله سنه گنجیه: ظن ایدرم که افند مزك بیور.

دیغکز گبی بونی اختیار ایدن یالکز ثابت و سامی

دگلدز . اثرلری انتخاب دولترینه مظهر اولان

افاضلك همان هپسندده گوریله بیلور . مع مافیه [اماله]

عین [لسانمزك شیو سنه گورد « اسم فاعل » الفعه

حرکت و یرمك قدر ثقیل گورنمیور .

مثلا شناسی مر حومك :

« بن شهید اولمدن عشقکله مزارم قزایم

« طاشیمی گوزلرمك قانلی یاشیله یازدیم . »

یتندده عین اماله سی موجود اولمقله اویتک « ثابت ،

سامی بوسهوی ایتمش — راغب . عاصم او اثرده کتمش . »

بیتی قدر آهنگ سلاستدن بری اولسی لازم گلمیه .

جگنی تصدیق ایتیه جك بر حسن طبیعت یوقدز .

« شاعر ، دخی طفل ایکن عیاندز ؛

« عرفانه مشربی نشاندز .

« هر طرز واداسی لا بالی
 « بر بشفه روشده جمله حالی . »

بیوریلور .

بوا یسه نشان شاعریت
 سنسک آکا بردیل البت .
 عزتده زمانه هب مبین
 ذلتده جهانده عب مداهن .
 ... دون او چجی کاتب .
 بر گونده مقرب و مصاحب !

لکن صدد ادبیاتده ایکن هتک پردۀ اسرار ایدر
 یوللو قد حقیرانه مدن بعض مناسبتسز لکار صدور
 ایتک باشلا یه جق . اوجیتله ینه مقصده شروع ایتک
 مجبوریتنده بولسورده : سیاسیات معشوقه وجدانه
 اولد یغیون .

.....

مثلا نفیعینک حالندن بحث اولنورکن .

» بیروم گبی خور زمانه

قیدی او یگانه جهانیه «

بیورمش! تواریخ دولته البته توغل علیتری واردیه
 بیروم «خور زمانه» دکل دولتش الگ مشکور الخدمه
 وزیراسندن بر ذات ایدی . گوستریه جک بر قباحتی
 وار ایسه افرط مداعنه سیدر . حال بوکه نه قدر
 مداعنه ایتش اولسه غلوهده . مبالغهده نفعینک هیچ
 بر وقت کعبه وارامن .

.....

 اویله ایسه او بیچاره حتمنده مسالک فکرینی بتون
 بتون بر طرف ایدوبده برینی «خور زمانه» تعبیریله
 حقیر ایده جک قدر اظهار خصوصیتدن مقصود نه
 اولدیغنی بیله مدیگمدن بو قدر سويلاندی طوردیم .
 بوندن اضراب گوردیگم بر انکر مخصوص دولتی
 ده تعریف شاعریته دائر اولان بیت آئینک مآلیدر:

« فکرینی صلاحه سالک ایلر »

« بیلزکه عمومه کملک ایلر. »

عجایب! برانسان شاعر اولنجه عمومه کملک ایتامک
ایچون فکرینی صلاحه سالک ایتسونده [قصیده] نامنده
بیك یالان. یوز بیك هذیاندن مرکب استعداثرله
رتبه ومعیشت دینهرک نائل اولسون. صکرده
رامی پاشانک. سفیه ابراهیم پاشانک مسلکنی احیا
ایلسون. اوزیمان عمومه خدمت ایتمش اولور او یله می؟
« سبحان من تحیر فی صنعہ العقول ! »

بوفکری. حمیت پروران وطنه رایت کش مسابقت
اولهرق. شرقک حقوق عدالتنی تا اقصای غربدن
اعلا واعلاننه چالیشان و او یولده نشر ایلدیگی انوار
افکار ادوار مظلمه نك صباح غرب انفلاق وانتهاسی
عد اولندیغی جهته ضیای حمیت عنوان مفخره تنی
بحق احراز ایلان ذلک لسانندن می ایشیدیورز!
یاینه شاعر لک و صفنده «چو قلق آنی باغلامز
عقاید» نه دیمک؟ افندمزده شاعر بولندیغی جهته

کندی مصراع کز کندی حقنژده حاصل
ایده بیه جگی فیکری ملاحظه بیور مدیکز می؟ ناملرینی
ایراد بیور دیغکز شعرا ایچنده اصحاب گزین واولیای
کرامدن بوقدر ذوات وار: آنلری عقیده سزلگه نسبت
ایتمک بر بیوک حد ناشناسلق اولمازمی؟

قلم بلاغت دولتلری افکار عمومی میداندلر نده خطبه
خوان بیان اولمغه باشلادیغی زماندن برو هر صدای
دلقربی رسوخ عقاید وحب ملتده اولان درجه
کمال عالیترینه بر برهان ناطق اولدیغندن، افندمزه
اسناد الحاد کیمسه نك الندن گلمز: فقط حیفاکه بزده
شعر لقردی او اسون دیه سویلنیه گلدیگندن. ذات
سینه لری گبی ادبی، لسان حقیقت ایتمکده مهارت
فوق العاده سی مسله اولان بر نظر حکیم صاحبی دخی
اشعارده میخدمز اولان مسلك سقیم سایه سننده بویه
افکار وحتی عقایدینه مغایر هفواتدن حفظ لسان
ایده بیور! بو حاللری دوشندکجه - ای جامع جماعه
کلمات! لازمی ایدی بزه خرابات؟ - بیتنی نصل تکرار

تکرار ایراد و تذکار ایتیمیه؟ لاحول ولاقوته الا بالله؟
 « بر شاعرده منتهای مقصد،

« بر شیشه شراب و بر سمن حد »

نصل لقردی؟ بویولده اولان فکر عالیملری
 موافق حقیقت ایسه بر ملتی اصلاح ایچون سفیهلرندن.
 حیدودلرندن اول شاعر لرینی یا طبیعتلرندن کچیرمک
 ویادیلر قالدیرمق اقتضا ایتزمی؟ بو مشرب
 قلندرانه و مذهب عطاالتپورانه نك هانگی جمعیت
 متمدنه ایچنده بقاسی جائز اوله بیلور؟ خراباتده
 ناملری مذکور اولان اعاضمدن جناب لید و کعب
 بو طورده می ایدیلر؟ سلیملر. سلیمانلر. ابن کماللر.
 ابوالسعودلر. احمد پاشالر. یحیالر عمر لرینی (سمن حد)
 قارشیسنده شراب، شیشه سی او گنده می گچوردیلر؟
 بوملاحظه دولترلرینه باقدقچه بر قاج کلینی بریره
 گتوروبده افاعیل و تغاعیل اصولنه توفیق ایده یلکده
 مالک اولدیم اقدار جزؤیدن طولانی کندی کندمدن
 نفرت ایده جگم گلیور.

برده شاعر لر ایچون انشاد بیوریلان :

« مدحکده اگرچه ایلر اطرا

« ایشنده سکا ایلر مدار »

بیتنده کی مصراع ثانی شعرایی بر نوع تزکیه حکمنده
 گبی گورینور . اگر اويله ایسه موافق حق اولوب
 اولدیغنک تمیزینی نه وجدان عالیرینه حواله ایدرز ؟
 معلوم دولتری درکه انسان دنیایی اغضاله موفق اولسه
 بر شخص قالدورکه آنی الداتمنه امکان اوله مز : اوده
 کندو نفسیدر . فقط برنجی مصراعک حاوی
 اولدیغی فکر حقنده قولگزرده عفو دولترینه معزوراً
 بر قاچ سوز سویلمک ایسترم : شاعر اوته کینک ،
 مدحنده نیچون اطرا ایدرجک ؟ وزن ایله لقردی
 سویلمکدن مقصد پاشا اگلندیر مکمیدر ؟ اعتقاد
 عاجزانده قالدورسه « ادب بر معرفتدرکه انسانه
 خصلت آموز ادب اولدیغیچون ادب و اهلی ادیب
 تسمیه قلمشدر . [۱] » حال بویله اولنجه بر آدمی

[۱] بوجه ادبیه شناسینکدر . للطابع

ولو نه قدر بیوک بر مقامده بولنور سه بولانسون «بور ستمی
 طرح ایدن معمار طبع پادشاهیدر — بومعناجه آکا
 صنع بشرده دینسه بهتاندز « بیتیه عقل وَ نقلک کافه
 حدودینی پایمال ایددرک . حاشا الوهیت مرتبه سنه
 اصعاد ایتک هانگی نوع ادبه توافق اید بیه جگنی
 بیلکده ذهنلره حیرت الویرسه شایان دگیدر ؛
 معقول شناس بر ذاته « که عصری غبطه بخش عصر
 فاروق وَ سلیماندر . « مصراعنی حاوی بر مدحیه
 ویرلسه استیزادن بشقه ندیه حمل اید بیلورلر ؟
 دقت بیورلسون که غلو وَ اغراق ابتلاسی فطانت
 مسلمة علیه لری گبی : استعدادک خدمتهاسنه باقلاشمش
 بر قوه ادراکی نه سقیم گریودلره دوشوریور ! ایشته
 اولدجه سوز آگلار بعض بندکانگزک ادبیات
 عتیقه یی بتون بتون امحایه چالیشه جق درجه لرده
 طرز جدیده طرفدارلق ایتدکلرینه اکیوک سبیلردن
 بری ده اشعار مزده بودرلو ترهاتک هر صحیفه
 باقلدجه گوزه چارپه گلسیدر .

« هر کیم که ایشنده صادق اولمز .

« انسان دیمك آکا لایق اولمز »

یتیمی ده سکوت ایله کچشدیر یله جك شیلردن دگلدیر .
 دیمك که بر حیوان ناطق ایشنده صادق اولنجه سوزنده
 [مسئله] نی آندیره جق قدر کذاب اولسه ینه
 کندینه گر چکدن انسان دیمك جائز اوله جق .
 نه غریب شی ! [يعرب بن قحطاندن] [] بری
 [صدق] مادّسی قوالک او صافندن بیله گلو رکن شمیدی
 آتی فعله وصف مخصوص عد ایلک التزام بیوریلیور !
 بوبدعت غریبه ده بر قاق کشینک یالان سوز سویلک
 سیئه سنه اولان ابتالارینی بر فضیلت و معرفت صورتنده
 گوسترمک ایچون اختیار اولنیور . عجبا یالان
 قارشمده شعر سویلک قابل دگلدیر ؟ قدمای
 عرب نیچون اطرائی مدحیه لوازمندن عد ایتمز لر
 [★] يعرب . ينصر وزننده این قحطاندر که مجریع
 قبائل یمک یدریدر . لغت عربیه نی ابتدا تکلم ایدن مرقوم
 اولدیغی و عرب تسمیه سنک دخی بونک اسمندن مأخوذ
 بولندیغی مرویدر . للطابع

ایمش؟ نیمون ملال متمدن‌ده هم یالانجیلق یوق. هم‌ده
شعر وار؛ بر آدمه، مثلاً زمان دولتمده جیلان یاوریلر.
ینک آرسلان سودی امیدگنه دایر انسانلر اؤدکل.
طاوشانلر اؤینه قوای یلقه اینانه میه جفی بر طاقم ترهات
ایله مداح اولمقدن ایسه سایه عدلنده بر ملکک بختیار
اولدیغندن بحث ایتک طوغری اوله یلسی احتمالنندن
قطع نظر. حد ذاتنده ده پازل اق. ده اشنالی دگمیدر؛

« اولسه نه قدر قوی طبیعت

« یوقدر جاہل سوزنده قوت

بیتی ده موافق حقیقت میدریا؛ او میروس زمانینک
ارسطوسی می ایدی؟ تعلقات سببعینی غزالیلر،
رازیلر. ابن سینالر. فارابیلر. سیدلر، سعدالدینلر،
جلال دوانیلر می سویلیدی؛ ایام جاہلیت اشعاری،
عربک اؤ مقبول اولان آثاری دگمیدر؛ بر کرده

« طالع عقله معاون اولمز

« بخت ایله هنر مقارن اولمز. »

بیتنی پیشکاه تدقیقه وضع بیوریکیز. بر کرده یالکیز

عثمانیلردن تعداد ایتدیگنر شعرا ایچننده ایکی
پادشاه. بر صدر اعظم. اوچ شیخ الاسلام. ایکی وزیر
و بر خیلی اصحاب. مراتب بولندیغنی تصور ایلدیگنر :
اوزمان امینم که بعض متصلفین ادبک کندولرینه
مدار مفتخورت و یا تعبیر آخرله بهانه فقدان قناعت
اولق ایچون عدم آباد توشمدن زور ایله وجوده
گتورمک ایستدکلری بوقاعده باطله ناک حقیقت حال
و طبیعت عالمه نه درجه لرده مغایر اولدیغنی نظر حکیم
ادیبانه لرینه دفعه کندی کندینی گوسترر .

مقدمه علیدلرینک بر صحیفه سنک تا آلت طرفنده

« قابل ایده راسین، لامارتین

« نفعی گبی بر قصیده ترین !

« ممکن سنائی و فرزدق

« مولیر گبی بر تیاترو یازمق »

بیورلمش . باردون ! اون سکریحی و اون طقوزنجی
عصر میلادینک انواع حکم تجربیه و بدایع مدنیه
ایله پرورده ایده گلدیگی اصحاب ترقی ایچنده طبیعت

شاعرانده ائٹ ممتاز عد اولئش آدملر بر طاقم هياكل
هائله مصورلرينك اثر غرينه اتباع ايدوبده معبود
حيواناتك وياقوناق ويا اعظم وصفنده زمين
و آسمانى و غرش و لامكانى بر برينه قارشدير درق.
ترهات سويكگه تنزل ايتمز لريا ! ويقتور هوغونك
(اوريانئال) نامنده اولان كتابي البته نظر تدقيق
دولتورندن چمئشدر . شرق خيالئنك معقول
و مقبول اولانلرينه غرب ادبى نه گوزل تقليد
ايديورلر مش : آندن استدلال بيورد بياورسكز .
يقينا معلوم عاليلرى اولسون كه اگر راسين وياخود
لامارتين تشبيهده . مبالغده طبيعتك فوقه چيتمنى
جئز گورمش اولسولردى لسانلرنده نفعينك قصائدى
قدر مزين وياخود مصنع شيلرميدانه گتورمگه
مقتدر اولورلردى . يالان سويلك اقتدارى عجملرله .
تركاره منحصر بر خاصه دگيلدر آ .

اوفجق برشى دها خطارينه جرأت ايدرم :
راسين ، لامارتين قصيده تنظيميه مشهور اولان

شعرادن دگدرلر. مادامکه ادبای شرق و غرب
 آردسند مداحلغه متعلق بر مقایسه اجرا بیوریله حق
 ایدی. نفعی یه قارشو فرانسه شعراسندن (ژان
 باتیست روسو) گوسترمک دها مناسب اولمازمی
 ایدی؛ آنکده آنری فرانسر لساننک مستشهاد
 تندندره؛ بناء علیه منظور حقایق جویانه لری اولمش
 اوله جغنده اشتباه اتمم.

یاها سنائی گبی، فرزدق گبی عجم و عربده
 صحیحاً ادبیاتنک روحنی، حقیقتنی ادراک ایدرک،
 شعر سویلمش؛ و اثرلریله اصحاب شعوره مثال امثال
 اولمغه لیاقت گوسترمش اولان اعظم اسلام حین
 اقتضاده مولیئر گبی برتیا ترو ترتینه نه دن مقتدر
 اوله مسونلر؛ نهایت سنائی و فرزدق تیا ترولی
 برملکده ظهور ایتماشلر. آنکچون برتیا ترو
 یامامشلر. افندمنر ایسه.

« اقلیمده حکمی یوقی فرقک،

« وضعیتی برمی غرب و شرقک؟ »

بیوریورسگز. عجب اعتقاد دولت لر نجہ گونش طوغدینی
 زمان ضیاسی ایران و بغدادہ دہا اول طوقحقہ
 اورالرجہ تیاترونک امکان حصولی نزع ایدر برقاعده
 حکمیدمی وارد؟ یوقسہ پارسدہ گوزل قوم دیایازلق
 وضعیت موقعیہ عوارضندن بر حال میدر؟ آلتی یوز
 ییلق بردولتز: اون سنہ اولنہ گنجہیہ قدر بزددہ
 بر تیاترو یوق ایدی. اوفقدانی شرقک وضعیتندمی
 بیلہلم؟ اولیہ ایسہ شمدی دنیانک آلتی اوستنہمی
 گلدی؟ نیچون ترکلردہ تیاترو یامغہ مقتدر اولہ
 بیلورلر؟ چین اقلیمی بزہ گوردہ اقصادی شرق ایکن
 اورادہ تیاترو اوروپادن قدیم اولدینی متفق علیہدر.
 « وضعیت شرق و غرب » افکارینک بطلاننہ بودہ
 مشرق قدر جلی، گونش گی بدیہی بر برہان دگمیدر؟
 شرک مکسب اخلاق اولدینی دنیادہ کیم ادعا
 ایتمش؟ و خصوصیلہ تیاترولرک مکتب حکمت اولدیغہ
 کیم ذاہب اولمش کہ

« لکن بویله اثرلرین هپ

« اخلاق عمومیه صائمه مکتب »

بیوریلیور . تیاترونک براگنجه اولدیغنی و فقط
فائده لی اگنجه لردن بولندیغنی ادبامز بالدفعات عمومک
نظر تدقیقنه عرض ایتشار ایدی . مع مافیہ شمعی
شونی دیه بیلور زکه عمومک اخلاقه اوروپا تیاترولری
مکتب اولمینگه خرابات هیچ بروقتده اخلاق اوگر دیر
بر کتاب اوله ماز : چونکه دروننده موجود اولان
ترکی قصائدک هیچ اولماز سه نصفی عمومک صلابت
وتر بیتنی افساد خصوصنجه « پاله رو آیالک » ائشنیع
(فارس) لردن آشاغی دگلدیر .

« اشعار نقاؤه زیاندر

« معیار بلاغت لساندر

« آینه سی شعر در لسانک

« هرکاری لسانله در جهانک

« اشعاره گلور ایسه تنزل

« البته لسان بولور تزلزل

ویرژیل رمی ظهور ایلدی . عصر اخیر مدنیته
فرانسہ بیوک جمهور و ایمپراطورلق قوتیه حاکم عالم
و صربی ائم چندگی وقت آرد لرندہ بر راسین . بر مو-
لیر . بر لامارتین . بر هوغو و ارمیدی ؟ بو قدر دلائل
تاریخیه میداندہ طور رکن شعری انتظام عالم لوازمندن
گوسترمک استجلاب توجهاتہ مدار اولق ایچون
اختیار او انمش توجهات شاعرندن معدود دگلدردہ
یاندرد ؟ شعرك نقصان و یا فقدانی حالندہ [او امر
حکومت] تعبیر غریب عالیدرخه «زیب صماخ رغبت»
اولیه جغنه دائر ایراد بیوریان ادعانك محکمہ
وجدان دولترلندہ دخی بطلانی اولدن مسله اولدیغنه
آثار سنیہ لرندن ادلس تاریخندہ طوائف ملوکك
شعرايله مکاتبه لرینی دخی تکلفات زائدہ و تشریفات
بی فائدہ قیلندن و بناءً علیہ دلائل انقراضدن عد
ایش اولدیغنز دلیل دگمیدر ؟ البته یازدیغنز
اونتامش و اولیه بر قول حکیمانهی «سوز اوله شام»
قیلندن اولدق یازمامش سگزدرد !

« تاحشره قدر طورر مقرر

« صاحب دیوان اولان هنرور »

بیتی هیچ بر شیئه بگزیدمی یا ؟ انصاف بیورلسون ،
یارین بنده بردلیک طوتدیرر و مثلاً .

« امین سابقده طلابی »

« لحوقم کتب اقلامی »

« بوله م فردوس جنتده »

« افندمله جمیعانی »

یولنده برقاج بیك بیت سویلیهرك بر دیوان ترتیب
ایلرسده . حشره قدر مقرر و یا تعبیر صحیحیاه معروف
اوله جنم اولیاه می ؟ بو بشارت قرین صحت : یعنی مقبول
بر روایت ایسه ابنای بشر ایچون نه بیواك سعادت !
او حالد هر کس " نه روا شهرت ایچون زمزمه
اولق بوال " مصراعنی ورد زبان و موزون و مقفا
بر آلا ی هذیان ایددرك بو جهان فانیده ناهنی ابقا
ایتمگه چالشسون ! فقط حیفاکه حقیقت حال اولیاه

گلان حروف علتک اماله سینه اعتراضی حاوی
یوقارولرده بر بحث کچمشیدی . افندمن البته غالبک
« جان حیران » بیتنده اولان امالیه معترض بولنور-
سکیز . فقط بنده کزک ظنجه مرحوم او تعریضه
قارشو — بن ایستهم (جان) یرینه (روح) کله سنی
قولالنه بیلورم . شو قدر وارکه روحک [لام الفعی] ایله
حیرانک (فاء الفعی) تعاقب ایلدیکندن سوزده بر تنافر
حاصل اولیور : بو تنافر ایسه لسانه الف اماله سندن
ثقیل گلیور .

حال بوکه نفی « اگرچه خطبه دن طی ایتدیلر
سلطان عثمانی » مصراعنده سلطانک الفی اماله ایتش :
دیمک که بر اماله یی یالکیز تجویز دکل استعمال ده ایتش .
نفعینک آتاریده لسانزده بلاغه دگل ، فقط فصاحت
مستشهداتنددر . بناءً علیه بن دخی طرز افاده ده آنک
اثربنه تابع اولدم . کزک بکما و کزک نفی و سامی و ثابت
و راغب و عاصمه بوندن طولانی قصور بولماش اولسه کز
جمله مزک روحی شاد بیورمش اولوردیکیز : چونکه بزم
اماله لر نه قدر ثقیل اولسه افندمزک « نیچون غصب
ایتدی بیلم جامعن سلطان محمودک ؟ » مصراعنک عینی
اوله جفی گبی ترجیع بلاغت پرورانهلرینک مطلبی اولان

« بوکارگاه صنع عجب در سخانه در : »

هر بحث بر کتاب لادن نشانه در .

بیتندن متناظر اوله ماز. بیتک برنجی مصراعنده اولان «بو»
کله سنک ترکجه شیودسنه مغیر اوله رق. و او اماله سی. ثانیاً
« صنع » و « عجب » کلمه لرینک عینلری بر برینه چار .
پشدیغندن طولانی بزم ملاتک قبا تعبیرلرندن اولان «عین
چاتلاق» ضرورقی. و ثالثاً (عجب) کلمه سنک باشنی
کسیورمکه برابر در سخانه ده اجتماع ایدن (راء)
و (سین) حرف ساکنلرینی موزون اوقومق ایچون
ضیق صدره اوغرامش بر ذاتک نقص آلمسنه تقلید
مجبوریتی وار. مصراعی وزنه گتورمک بیاغی منجنیق ایله
چکمرکه احتیاج کوستریور .

مصراع ثانیده کی « هر بحث » لفظی ده حلقومدن
جیقارکن انسانک غرتلاغنه صاریلیور . (جامدن اوده
اوضوران قومشولرینه طاش آتمه دها خیری اولزمی؟)-
دیه بیلوردی .

§

هرنه حال ایسه : استطرادلردن ینه صده

انتقال ایدلم :

« نفی بونی صانمه مفت بولمش :

« اوچ پادشاهک ندیمی اولمش ؟ »

سوزی مطابق حقیقتیدر ؛ نفعینک طبیعت
 شاعرانه‌سنی پادشاه ندیم‌لگی خلق و ایجاد ایلمش
 او یله می ؟ بنده‌گزه قانورسه افندمزاک « بیرام گبی
 خر زمانه « تحقیرینه وَ نفعینعینک « فیلسوف وزرا
 ثانی عقل اقل « یوللو بیک درلو توقیرینه مظهر
 اولان وَ بونکله برابر ، نهایت جانسه قصد ایدن
 بر ذات حقنده کی اوصاف و هجویاتی دقتله مطالعه
 اولنسه وَ یا حود دیوانیه سهام قضاسی اله آله‌رق ،
 گورجی محمد پاشا حقنده اولان :

« زیر عنقای شکوهنده فلک بر بیضه

« کف میزان وقارنده زمین بر مثقال »

بیتیه ینه آنک هجونده بولنان

« مجسم ظرطئیح بسته دیو دماوندی

« مصوریسته افسرده بطریق انصرافی »

بیتی بر برینه تطبیق ایداسه بیچاره‌نک ندیم‌لکدن هر
 درلو مدایخنه ندامتدن . وَ بو حقیقتی :

« هله بن تائب اولدم هجوايله هم انتقام آلم » [۲]
 گبی سوزلرله توصیفات یهوده سنك صرف یالان اولد-
 یغنی انتقام نامیله اخلافه آکلامغه مجبوریتدن بشقه
 برشی استفاده ایدم دیگی پك قولای میدان چیقار.
 حسن طبیعت ادیبانه لرجه هر درلو تعریفدن
 مسبغنی درکه نفی، ندیم اکابر اولمق دگل « زکوة می »
 آرقه سنده میخانه میخانه طولاشدیغی حالدده دخی
 « یوقلنز سك هیچ وارمی دلده داغك یارمسن
 بویله می گوزلر گوزلر عاشق بیچاره سن .
 » آه ایله حالی ییلنمز عاشق بیچاره نك
 « چاك چاك ایتسون مگر آهی دل صد پاره سن . »
 گبی طبیعت شاعرانه سنك گر چکدن قوتنی گوستره
 جك یولده سوزلر سویلمگه عاجز قالمز ایدی .
 حدت بیورلماز ایسه براز دها گوزدك ایده-
 جگم ! افندمز بر زمان :

[۳] مصراع ثانیسی شودر: « اکر ویسی بو خراکده
 قالورسه ینه ارزانی » [لطابع]

”مرحمت قیلدی جناب حق بوملک وملتہ
 ”سن مؤیدسک خدادن آگلادم حق الیقین“
 بیورمشدیکز ! آندن بریدی سکر سنہ صکرہ دخی :
 ”یارادی کندیسنه سلطنت عثمانی
 ”ذاتہ دینسه سزا شاه جهان ثانی“

بیوران ینہ افندمزسکر ! دیمک کہ شبعر اینچون
 ندیملکده نتیجہ ندامت استقرائی برهاندرله ثابت اولیور .
 اما افندمزینہ ندیملک هوسندن واز چکہ مزمشسکرده
 اوروپا سیاحتی گبی یالکز ذاتکزه دگل ... بحق
 مدار افتخار اولمغه لایق بر حرکتکزی قصایدکزه
 جان قورقوسی گبی (تعبیر معذور اولسون) برتوهمه
 حمل ایله ملتزم صمیمیری اولان مسلك حمیتہ پاپو-
 حجبی اوغلی احمدپاشا گریوہ سنی ترجیح بیوررمشسکر !
 اگا اصحاب قلدن اولا وطن پرور لر نہ دیه بیلسون ؟
 دیسلر دیسلر شونی دیه بیلور لر :

— احتمال کہ ندیملک مقصدینہ ینہ نائل اولورسکر :

فقط ندامتگزاف [یوم ندمه] قدر سوزمیه جکنه اعتماد

§

بیوریکز !

ینه هتک پرده اسراره باشلادق ! هایدی ضد -

دمزه رجوع ایدلم :

« گردون یدی باشلی بر بیالاندر

» مسلوعی آنک هنوراندرو . »

بیته جواب اوله رق :

شاعر سوزی بزده هپ یالاندر ؛

بو بیت ایسه آگه بر نشاندر

دیسهم اغبرار بیورلمز یا !

فلکک ارباب کماله دشمن اولدیغنه متعلق مشهور

اولان قاعده فاسده نک حقسرلغنی یوقاروده عرض

ایتمشیدم ؛ آنک ایچون بوراده تکراره حاجت گوردمم .

شوقدروارکه افندمز فن هیئتله توغل بیورمشکزدرو ؛

ماخذ استدالام ایسه ترجیع بلیغ عالیترینک بر بندی

صرف هیئت دایر اولسی در . فلکی یدی باشلی

بر بیالانه تشبیه ایتمک هیئت بیالان برذاته یاقیشورمی ؟

ترجیعک دیگر بنددن آکلاشلدیغنه گورد
 مناقب طبعیاته دخی اشتغال بیوردیغی گبی اوروپاده
 بولوندیغی زمان البته حیوانات باغچه لریله نمونه خاندلر
 گورولمشدر : عجبا کتابلرده مرسم . باغچه لرده جانلی ،
 نمونه خانه لرده قدید اوله رق : نظر مجسس حقایق
 بینانه لری یدی باشلی برییلانه تصادف ایتشمیدر ؟
 نفی شاعر الویردی : بر ازده صبری شا کره
 نقل بحث ایدلم :

صبری یالکنز « بر برجسته قصیده یازدی . »
 او یله می : یوقسه آنک دیوانیده منظور عالی لری اولمیدیه
 قصیده مشهوره سی نظیفک منتخباتده می گورولدی ؟
 صبرینک :

« کچدی قیلجمن فتن روزگار . »

« سیف یدالله اولوب آشکار . »

مطلعنده اولان قصیده سی هیچ اولماز سه عزت ملانک ،
 نوریس افندینک « همان بر اول قدر واردر که موزون

و مقفادر « مصرعنه مصدق اولان هذیانلری قدرده
نظار انتخابه مصادف اولمغه شایان دگلمیدر ؟
صبرینک آثارنده :

« گویا که صیقوب بتون حواسن :

« جمع ایش آند هب قواسن »

توصیفنه لایق برسوزور ایسه بالاده ذکر ایتدیگم
قصیده در . حالا بکر قالمش : شمدی به قدر برشاعر
تقلید جسارت ایدمه نامش . بیه مکه نفی گورمدیمی :
یوقسه قصیده ناک تنظیمی او بیچاره ناک اعدامندن
صگردمی ایدی . ملتزم عالیلری اولان قصیده ناک
ایسه ادبیات عتیقه جه دخی : صنعتلی اولمقدن بشقه
برمرتیی یوقدر . نظیره سنه دقت بیورلسون که نفی
اجبار طبیعت اتمکسزین نصل تفوق ایش : صبرینک
قصیده سنده ادبیات عتیقه به گوره

« جهان گویا که بر شخص معیندر تصوّره

فلک ابروی خمشته وجودی چشم مبنادر . »

متانتنده بریت وارمیدر ؟ ادبیات صحیحه اعتبارجه

« بلا اندر بلاد دلده درد عشق یار اما
 « یازقلر آ که کیم بر بویله سودادن مبرّادر! » [۵]
 بیتدن نکته لی، او بیتدن گوزل، او بیتدن لطیف
 برشی گوریله بیلور می .
 هله صبرینک قصیده سنی وصف ایچون، بر
 موجب التزام اطرا :

« بر مطلعی وار غزلده حتی
 « معجز دیدی آ کتا اهل معنی »

بیورلمش . الله الله ! بو مطلع :

« ویرر صبره درنک سایه طورسه سرو بالادر .
 « آلور چشم قراری گتسه جوی سیم سیمادر . »
 یتیمی اوله جق ؟ شمدی بنده کز عاشق غریبک
 « شیطان بونک نر دسندده ؟ » مصراعنی تحریف
 ایتسه مدده « معجز بونک نر دسیدر ؟ » دیسه طارماز -
 سکزیا ؟ البته طارماز سکز : چونکه مطلعده ذاتاً
 [۵] بو بیتلرک ایکیسیده نغینک قصیده صبرییه
 اولان نظیره سنکدن در .

لفظجه زینت و معنایه تشبیهدن بشقه بر صنعت یوق
اولیه دگلمی ؟

برنجی درجده مصرع اولی اله آلام: صبرینک
سودیکی محبوب طور دینی زمان انسانک صبرینی
گولگه گی درنکدن محروم ایدر بر یوکسک سروی
آغاچه بگزرمش! مصرعنک معنایی بوندن عبارت
اولیور. هایدی صبرک گولگه تشبیهی صبرینک
بولندینی زماجه مقبول اولسون: ویاخود خیالات
غریبه قیلندن عد اولسون: معذور طور اولسون.
بویک سروه بگزردلمی دخی کذلک. فقط بر محبوب
طور دینی زمان یوکسک یوکسک سرولر صالانمقده
مضطر اوله جغه عجباً صبری آخرتدن دنیایه گلمش
اولسه نه دلیل گوستره بیلور: یوقسه سرولر یرلرنده
طور دینی و اهتراز ایلدیگی حالده گولگه سی هیچ بر
وقت صالانمیه جغه دایر دنیاده بر قاعده می کشف
اولمشدر: باخصوص که بر آدمک بوینی سروه
بگزتمک مبالغه دن کنایه ایکن صگره مشبه به اولان

سروی « بالا » سوزیله توصیف ایتک شاعرک
 ذهنده معشوق یرینه بر (غول یبانی) تصویر
 ایتدیگنه حمل اولنسه حسن طبیعجه بر یا گلش
 یوله می گیدلش اولور ؟

هله ایکنجی مصراعک تقدیر عالیرینه مظهر
 اولدیغنی دوشندجه شاشقینلغدن بیاغی گولیورم .
 بر گوزل، یوریمک حالده ایکن ولو چیر چپلاق
 اولسون . نهره اصل بگزور ؟ عجاآق ییلان گبی یوزی
 قوی سورینه رکمی یورر ؟ یوقسه بر نهرک طالغدرینه
 اولدجه بگزدمک ایچون گیده جگی یرد قیچنی
 قالدیرد قی گیدر ؟

عجیدرکه مراد رابع شعر اسندن ریاضی انتخاب
 دولترینه مظهر اولمش ده فهیم اونودلش ! بنده گز
 مجموعه دولترلنده برقاج قصیده سی اولان و فهیمک
 پرستشکارانه مقلدی بولنان حق بک افندیگ یرنده
 اولسه یدم فهیمک :

« مھرى دوندردك يولندن ماھى ايتدك سینه چاك
 « معجزاتك سويلنور كشور بكشور روز وشب. »
 بيتنى حاوى اولان نعتنى نظر تدقيق مزیات آشنا-
 ییلرینه عرض ایدر؛ وَحق
 استادلری اوتمه اوילה
 بر بیتته گل نظیره سويله !

تکلیف کستاخانه سنه دخی جسارت ایلردم . وَکافه
 اصحاب تمیز البته بنده گزی حقنى بولوردی . چونکه
 خراباته توقیرات و تکریمات عظیمه ايله قبول بیوریلان
 نظم ايله شیخ غالب بالاده بحث ایتدیگم « روز وشب »
 قصیده سنی دقتلر ، اعتنالرله تنظیره چالشدقلری حالد
 بر مصراعنه یتشمامشلردر . نظم ايله شیخ غالبك
 دیوانلری مطبوع وَفهمك آثارى ایسه هر کتابخانه ده
 وَاکثر شاعرده موجود اولدیغندن . اراده بیوریلور
 ایسه قصیده لری بر برینه تطبیق ایدرسکزر .

ریاضینك « فخریه لزی بلیغدر پك » بیورلمش !
 فخریه حقنده ملاحظات عاجزانه می بالاده عرض

ایتمش اولدینجه جهنمه بوراده تکراره حاجت گوردهم:
فقط :

« نامیه فضاه خوار فیضمدر »

« کاسه مهر جرعه داندرد »

بیتی یولنده اولان ترهاتی بلیغ تعبیریه وصف ایتک
زنجییه مرجان اسمی طامق قبیاندن اولسهده چکلیمز .

« نابی دخی سویلمش قصائد »

« اماکه مقوله زوائد »

« اویمز آکا پک قصیده نظمی »

« توحیدیدر الگزیده نظمی »

« صلییه سی . نعتی دلنشیندر . »

« عزلییه سی بر گوزل زمیندر . »

« آنجق گورونورکه کلفت ایتمش :

« گویا جبر طبیعت ایتمش . »

دیدکن صکرهینه نابیدن بش قصیده انتخاب ایتک

وَ خصوصیه توحید ایله صلییه وَ نعت و عزلییه دن ماعدا

آرد یرد برده جلوسیه قارشیدیر مق قول و فعل

دولت‌لری آردسندہ بر بیوک تناقض گوستریور. ہاہ
 صلیہ «ہیکل بازوی اقبال حسین پاشا کیم» مصراعی
 گبی «اگرچہ وزن نہ دارد ولیک بیغنیست» تہکمناک
 ماصدقی بولان برسوزی حاوی اولدینغی خالد اوچ قوجہ
 ملتک منتخبات آثار شعریہ سی آردسنہ نصل ادخال
 بیورلمشدر: اوراسنی ادراکدن عاجز قالیورم!

«نابیہ منیف ایکن مقلد

» آندن ابلغ دیمش قصائد . «

بیور بیورسکیز! منیف ہانگی اثرندہ نابیہ تقلید
 ایتمش؟ بندہ کز منیفک دیوانی باشدن آشاغی
 مطالعہ ایتشدم. درونندہ نابی شیودسنہ یقین
 بر بیت بولہ مدم: وار ایسہ گوسترلسون!

«تعقید ورکیکہ اوغرامز ہیچ

» ایلر او قودقچہ طبعی تہیج . «

یولندہ ستایش عالیدرینہ مظاهر اولان غزلیات نابی
 «زغفران نوع نباتک خواجہ نصرالدینی در.» ویا

« پائیندلیک کفش یاپار مستزاد ایدن » قیلندن
اولان گوزده لکلر مییدر :

نابینک بر قاج گوزل غزلی وپک چوق گوزل
بیتی اولدیغنی کیمسه انکار ایتیز : فقط دیوانی سراپا
مطالعه بیورمش ایسه گز « تعقید وریکه اوغرامز
هیچ » حکمنک بتون بتون خلاف واقع اولدیغنی
افندمزده اعتراف بیوررسکیز .

هله تناقض گتدجه چوغالیور . نابی حقنده

« ترکیده طوزی فارسیدر :

« اطوار عجم مامرسیدر . »

دینلمش ایکن، در عقب :

« نابی به بواختراعدر خاص

« تسلیم ایدر آنی اهل اخلاص »

بیورلمق اصل جائز اوله بیلور : بیتلر بر بریننیک [نیزن
باقشلی] طور میورمی : نابی عجم مقلد مییدر : اختراع
مخصوص صاحب مییدر : لله ورسوله ! ذهن دراک

دولتدارنده. اولاً آگدا برقرار ویرایش اولسهده
صکره بیان افکار اولنسه نه لازم گلودی ؟

هله فضولی ایچون تنظیم بیوریلان
« یانقدر او عاشق کتابی

» نظمده قوقار جگر کبابی . »

یتنی او قودقچه کندیمی خراباتده دگل بالچه قپوسی
لوقانطه لرنده ظن اید بیورم. عفو بیورر سکر اماشو
« جگر کبابی » مضموننه نه قوقش سوز، نه ایگرنج

تصور! دیمکن بر درلو کندیمی آلامیه جنم. فضولی
دیوانی کدی یاور یاری ایچوننی سویلش : یوقسه
آرناودلرک مانده یوتدی دیدکلری مشهور کتابیدر.
برده فضولی ایچون :

« ایتمز غزلنده فکر صنعت

» صنعت اولور آنده بی صنعت

دنیلور سهده پک ظن ایدم چونکه :

« ای اولوب معراج برهان علوشان سکا

» گو کدن اینمش خاکه استقبال ایچون قرآن سکا

« ماد نومیدر بویا ایتدکده عزم آسمان
 « ایلمش افلاک پارمق قالدیروب ایمان سکا . »

وایا

« هر حباب اشگمه برعکس صالمش پیکرم .
 « شاد ملک محتم طومتش جهانی لشکرم .
 « عشق سرگردانیم گوگسده یریر داغله .
 « برسههر سائریم ثابت جمیع اخترم . »

وایا

« عشق معماری یاپان ساعتده گردون مخزن
 « دود آهم چیتمغه آچمش کواکب روزن
 بیتلری قدر صنعتلی شعر اوילה تکلفسزجه سويلمیز .
 فضولینک ابیاتی ایسه یوزده طقسان اعتباریله صنعجه
 بالاده گوستردیگم مثالر فوقنده در . اعتماد بیورلمازسه
 حتی بک افندی یه صوریله بیلور . نورس افندی
 حصر تلریده شعردن بی بهره بولندقلری حالد برار
 معانی ، بدیع . فلان گورمش اولدقلرندن بوقول
 ماجزانه می تصدیق ایدرلر صانورم .

اسکی نائی حتمده

« الناضی سلیس و منتخبدر .

« مضمونلری باعث طربدر . »

دنیلدکن صکرده،

« بویولده ولی کلامی چوق یوق

« ملبوسندن برهنهسی چوق . »

بیورمش ! او برهنه لری هانگیر ی اولدینی ایراد
اولمش اولسیدی افدمزدن یکی برشی او گرنمش
اوله جغز جهتله جمله مره بر عظیم منت حمیل ایدیلور
ایدی : زیرا شمدی به قدر ادبیات عتیقه طرفدار لرنند
نائلینک بر بیتنه گرك سلامت و گرك متانجه تعریض
ایدر بر ادیب گورمامش ایدك .

« روحی ایله حامی سخنساز

« يك شیوه و يك اداء يك آواز

« چون ایکیسیده عراقدندر :

« اهل دل وصاحب سخندر . »

اوله می ؟

اشعارده حامی ایله روحی
 برگونده می ایچدیله صبو حی ؟
 یک نشئه میدر او ایکی استاد
 آمد نرده یانرده بغداد ؟

روحی نفییدن اول و بناءً علیه افندمزك
 ترتیبجه شعرای ترکك قدما سندن، حامی ایسه نابیدن
 صکرده: و او جهته او اخردن معدود اولمق لازم
 گلورکن. نصل یک شیوه ویک آواز اوله بیلورلر؟
 حامینک اشعاری نابی و یادها طوغریسی ارانیلورسه
 صائب مقلد گندن عبارت دگمیدر؟ روحی ایله
 بینلرنده نه مناسبت بولمیش بردرلو آکلایه مدم.
 احتمال که بوعدم تفرس بنده کزك ادراکسر لگمندنر:
 او حالده قصورمی عفو بیوررسکیز. فقط:

« دریای محیطی در وحدتله لبالب
 » کونین ایکی جنبده ایکی ساحلنر در . »

«پاك طينت كوشه وحدتده خوار اولسونى هيچ
 گوهر آغوش صدفدن دور اولور قيمتلنور.» [۱]
 بيتى آردسندە كرك طرز تصور و كرك شيوة افاده جه
 بر ملايمت بولنه ييلسنه احتمال ويردم .

برده لطفاً عفو بيور كز بر شى دها اخطار
 ايده جگم: «چون ايكي سيدة عراقندره: اهل دل و
 صاحب سخندر» بيتنه باقيلور سه عراقدن ظهور ايدن
 آدمرك عمومى هم اهل دل و هم صاحب سخن
 اوله جق . او حالده دولت ادبيات ايچون [براجمن
 دانش] ترتيب ايتك ايستسه استانبولده نه قدر كرد
 و بغدادلى وار ايسه جمله سنى آگدا اعضا ايتك لازم
 كلمز مى؛ رأى عاليه بحه منتفك عشيرتنده كى بدويلرك
 عمومى برر شاعر آتش زباندريه ديمك اوليور. ينه
 تكرر ايديم «سبحان من خير في صنعه العقول»

«تنظيم غزلده برده يحيى

«بز وادى خاص قيلش احيا»

[۲] بيت اول حامينك، ثانى روحينكدر .

بیتند بیان بیوریان یحیی هانگیسی اولیور؛ ندیمک
 « کلامش کرچه غزلده باقی و یحیی گبی. » مصراعیه
 ثنائیدیگی مرثیه مصطفویه [] صاحبی یحیی بکمیدر؛
 یوقسه شیخ الاسلام یحیی افدیمیدر؛ هانگیسی
 اولور اولسون .

« صکرده بو یوله ندیم کتمش

» تقلید ایتش زیاده ایتش . »

بیتیه ندیمی آلدردن برینک اثرینه تابع عد ایتک
 عجبا نه درلو فکره مستنددر؛ ترکستانده نه قدر یحیی
 کلمش ایسه هیچ برینک

» آچش اولدی سیندسن برکره آرام وسکون

» سیندن یلم نه حالتدر کریران اولدی هپ »

و یا خود :

» بویدن خوش . رنکدن پاکیزه در نازک تنک

» بسلمش قویننده گویا کیم گل رعناسنی »

[] مرثیه مصطفویه دن مراد سلیمان قونینک ۴۱

باشنده اعدام ایتش اولدیفی شهزاده سلطان مصطفی به
 سویلمان مرثیه درکه مجموعه ابوالضیاءه نشر اولمشدر .

و یا خود :

« بر شکرین کرشمه سی بر طاتلی خنده سی

» بر نازنین تکلمی بر خوش اداسی وار . »

و یا خود :

« آناڭ آتاڭ سنڭ وارا یسه مهر و ما هدر جانا

» که بر باقشده مهره بر باقشده ماعه بگز رسک . »

و یا خود :

« قیل نکه بالا بلندانک خط رخسارینه

» باق سیاه فتنه نک رایات مصحفدارینه »

و یا خود :

« قشدرین بالاده سیرایت رخنرین گورزیرده

» قیل تماشا باغ خلدی سایه شم شیرده . »

بیتنری گبی برسوز سویلدیگی نظر تدقیق ادیبانه نرینه

تصادف ایتمشی اولسه گره ؟

« سنسک اول صاحب کمالات فنون جزو وکل

» کیم اولور هر بر کلامک ایلدن ایله ارمغان ! »

بیتیه توصیف بیوریلان و مبالغه شاعر اندلری اولدو
 حقیقته متقارب گورینه جک قدر فضائل علیه
 و عقلیه بی جامع اولان شیخ الاسلام اسبق عارف
 حکمت بک مرحوم ، لسان عثمانیده ندیمدن بشقه
 عرب و عجم تقلیدندن بری بروادی مخصوص آچمش
 شاعر اولمادیغنی دایما سویلر طورردی . افندمن
 ایسه مشار الیهی هم فنون جزو و کلمده « صاحب
 کلمات » اولق اوزده وصف بیوریورسکیز : همد
 آنک مخترع و منفرد عد ایلدیگی بر شاعری یحیی
 مقلد لگیله آتھام ایدیورسکیز ! یا بز هانگی قواله
 اتباع ایدلم ؟

چوق نیاز موجب کلال اولور سده بر کرده ها
 استدغای عفو ایتمک مجبور اوله جنمده شو آشاغیده کی
 لقر دیلری سویلیه جگم :

ندیمی تعریف اتند مرتبه مزاحه وار مغله آتھام
 ایدوبده ،

« بر جسمه دیمك ایچون مصفی

« یاپدیردی قمر ایله مربی ! »

یولنده ایراد بیوردیغکز بیت البته خاطرنشان

عالیگز دریا ؟ نفعینك :

« راست قیلسه قدینی ایرمزینه قصرینه چرخ

« ایده ترتیب عناصردن مکر کیم نردبان . »

و یا صبرینك :

« نه ممکن شمدی روی دلبران اولمق خط آورده

« جهان يك طور و يك خاصیت فردوس اعلا در . »

و یا حتی بك افندینك :

« سخن صدر صقه سی معموره دارالقرار

« جای دیوانخانه سیدر اوج کسرای زمان . »

و یا خود افدمزك :

« عنایاتیه مرده عالمه بخش حیات ایلر :

« یاعیسی در کف پر جودی یا خود ابر نیساندر . »

یتلری ندیمك « گونش مرباسی » تشبیهندن ده

معقول میدر که تعریض عالیلری یالکز اوتدکی بیچاره یه
حصر بیورلمشدر ؟

یا هله ندیمک قمر ایله مربی یاپدینگی وارمیدر ؟
دیوانندن قطع نظر قصیده سی ، مجموعه منتخبات
عالیلری اولان (خراباته) طوروب طورییور .
یوقاریگی تعریض دولترینه دعوت ایدن :

« قمر خمیرده سی یاخود کنش مربیسی

« بلورشاخی یاخل لؤلؤ شهوار »

بیتی دگمیدر ؟ اوبیتده ندیم مربایی قمر دنی یاپدیر -
مش یوقسه گونشدنی ؟ قمر دن یاپدیردی ایسه
نیچون بیتی (خراباته) بالاده کی طرزده درج اولمش
گونشدن یاپیردیسسه نیچون « یاپدیردی قمر ایله
مربی » بیورلمش ؟

اوج بیوک لسانک محاکات ادبیه سنی حاوی
اولان برکتابده بوقدر آحیق دقتسزلك جائز میدر ؟
برده مادام که ثابت ایچون :

« بر نعت شریفی وار که دلکش

« معراجیه دخی آکا اش »

بیوریلیور. او حالد یالکز نعت شریفی منتخباته ادخال

بیور و بده معراجیه بی ترک ایتک ترجیح بلا مرجح

دیمک اولمز می ؟

« عزت ایله هم نظم و سامی

« بر شیوه ده نظم ایدر کلامی . »

بیتی قلم ادیبانه دولتلرندن صادر اولدیغی زمان ،

آندن اوتوز بر بیت یوقاریده اولان :

« نابیه بو اختراعدر خاص

« تسلیم ایدر آنی اهل اخلاص .

« راشد ایله وجدی، لمعی، رامی

« راغب، عاصم، منیف، سامی

« اول مکتبه اولدیلر مداوم

« اول خواجهدن اولدیلر ملازم . »

افادائی بتون بتونئی فراموش بیورلمش ایدی؟ یوقسه

نابی. نظم زماتی ادراک ایتمش ایسه ده نظم نابیه

نسبت قدمادن اولدیغی و او حالد سامی ایله یکشیود
عد اولنججه سامینک نابییه چراغ اولسی ممکن
اولهمیه جغی خاطر نشان عالیریمی اوله مدی ؟

برده سامینک معلوم اولان هر درلو تکلفات
ادبیه سیله برابر، اطوار قدما مساعد اولدجه بلاغتی
ساده لکده آرایان نظم ایله آره لرنده نصل مجانست
تصوّر بیورلدیغنه بر درلو عظم ایرمیور ! هله
سامی ایچون :

« ایتمز ایسه التزام کلفت

» رنگین سویلر سوزی بغایت . »

دیمک . ادبیات عتیقه نقطه نظرجه بتون بتون خلاف
واقعی التزام دگلمیدر ؛ انتخاب ایتدیگنر نعتده سامی
نه قدر کلفت ایتمش : مع مافیه نعتی ده نه قدر رنگین
سویلمش . روحییه اولان نظیره سنده آزمی تکلف
ایتمش ؛ بونگله برابر ترکیبی نه درجه استادانه در ! هله
« او زلف و حال ورخ » و « مجنون برلیلا ایکی »

غزل لرندن صنعتلی، وَفَقَطْ نَهْ قَدَرِ صَنَعْتَلِ ايسه او قدر
لطافتلی آثار هانگی شاعر مزك ديواننده بولنه بيلور؟
عزت پاشا حقنده :

« شاياندر اولور ايسه مفاخر

» مدح ايتدی آنی منيف شاعر . »

يولنده اديبانه دگل عادتاً بی ادبانه مفاخره لری
مرّوج شیلر سويلك مشرب حکیمانه و افکار
حقایق پرورانه لرینه یاقیشورمی ؟
مثلاً حقى بك افندی منيفك :

» بو علی منقبه عزت بك افندی کیم اودر .

» عقلی چاك افکن جیب خرد افلاطون . »

يتمنى حق ساميلرنده :

يعنى علامه تحریر ضيا بك - كه آنك .

عقل کل قوۀ ادراکنه اولمش مفتون

يولنده اوتہ کندن دها مبالغه لی و تعبير آخرله دها يالان
بر يولده تظير اينش اولسه افخار بيورر ميدنگز ؟

سید وهبی به متعلق اولان :

« اشعاری دوکله هپ حضوره

« کلز بر ایکی غزل ظهوره . »

یتنه منصفانه اماله نگاه بیورلسون ! وزن وقافیه
ایچون بو قدر منعاسزلق اختیارینه جواز وارمیدر؛
سید وهبیک دیوانده ایکی یوز قدر غزل واردر.
حال بویله ایکن اشعاری بتون بتون حضوره
دو کولجه نصل اوله جقده یالکلز سکر اون غزل
ظهوره گله جک ؟ مراد منتخب غزل دیمک ایسه
بویله می افاده اولنور ؟

کوپریلی زاده لردن اسعد پاشا ایله عبدالله پاشا
شاعر اولمغله. افرادی سلطنت سنییه برقاچ کره
تجدید و احیایه موفق اولان. برخاندان عظیم الاقدارک
نه دن مدار مفخرنی اوله بیلور ؟

عبدالله پاشا مرحوم دیلم که شرق سفر لرنده
برچوق مآثر عظیمیه موفق اولدقن بشفه دولتک
اعتلای شرفی یولنه فدای جان ایتش اولسنه نظراً

کوپرلی خاندانک مدار مفخرتی دگل، فقط اعضای
فاخره سندن عد اولمغه شایاندر. آجق اسعد پاشا
گبی مدت عمرینی مکابره ایله کچیرمکله برابر کافه
مقاصدینی «برشیشه شراب وبرسمن خد» مسلك
قلندرانه سنه حصر ایتمش: وَ حَتَّى برادری بولنان
عبدالله پاشانک، قدر خاندانی محافظه، وقوع
بولان عرض واستدعای مخصوصی اوزرینه وزارت
رفع اولممش اولان تن پرور بر آدم برقاق گوزل غزل
سویلمکله محمد پاشارک، فاضل احمد پاشارک، شهید
مصطفی پاشارک عمجه زاده حسین پاشارک نهدن
مدار مفخرتی اولسون؟

برده ظن عاجزانه مه گوره کوپرلیلردن عربی
دیوان صاحبی نعمان پاشادر. عجبا توصیف بیوریان
دیوان عربی آنک آثاری اولوبده سهو آیرینه عبدالله
پاشامی دیناشدر؟ یوقسه عبدالله پاشانک آیروجه
عربی دیوانی واردرده بنده گرمی یلیورم. بوندن
بشقه عبدالله پاشانک ترکیه اشعاری اولدیغی تاریخلرده،

تذکره لرده گوریه مدی . مرحوم یالکز عربیده
شاعر اولغله . ترك شعراسی بیننده اسمنی یاد ایتک
نهدن اقتضا ایتسون ؟

اکثار کلام ایراث ملال ایده جگنی بیادیکم
حالده راغبله عاصم حقنده اولان :

« سوزده ایکسی دخی متیندر

» غایتده لطیف ودلشیندر . »

بیتنه دخی « جای نظردر » دیمکن بر درلو کندیمی
آلامیدجیم . عاصم ایله راغب پاشانک متین ولطیف
ودلشین اولان سوزلری دکلدرده کندیلریمدرکه
بیت عالیلرنده سوزده ایکسنک دخی متانت ولطافتدن
بحث اولیور ! مرحوملر عجباً شاعر دکلردیده
ایکی پهلوان ویا ایکی محبوب دلستانمی ایدیلر ؟

سنبل زاده وهبی ایچون :

« اما که قصیده وغزلده

» بکزر قوقوسز کله جیلده . »

دیند کدن صکره سخن قصیده سنک انتخابنده نه معنی
وارایدی ؟

« و اصف دخی بر لطیف شاعر

« معلوماتی ولیک قاصر .

« یارای طبیعت ایله سویلر

« غایتده سلاست ایله سویلر . »

حکمنده ده حقیقتدن بر اثر اولمדיغنی اثبات ایچون
پک چوق سوز سولمگه اختیاج گورنمز . و اصفک
اشعارنده جهلنه دلالت ایدر هیچ بر سوز اولمديغنی
گبی . دیواننک نصفندن زیاده سی دخی « اولمه سوقق
سپور که سی قالدین قادیجق اول : « مصراعی گبی
سلاست دگل انواع زکاکت ایله آلوده در .

اوده کندینه و زمانینک شیوه تکلمنه مطابق
صورته بر وادی آچق ایسته مش : افعیل و تفاعیل
بالاسیاه موفق اوله ماش . و هبی دگل ابن کمال
اولسه ایدی ینه نابی یولنده بر شاعر اولمسند

احتمال یوق ایدی . چونکه نابی صرف عجم مقلد -
 لگنی . واصف ایسه یانک زجه استانبول ترجه سی
 شیوه سنده شعر سو یلگی التزام ایتملز . بو حاله گورد
 واصف . اکر تمایلات موجودانه سی اوزان عجم یرینه
 یارمق حسابی التزام درجه سینه گو تورد بیلیدی :
 متمزده مشهور و مقتدر بر شاعر اولوردی . یوق سه
 طبیعتی استانبولک شیوه الحان نازکانه سیله پرورده
 اولمش بر چلبی حکیم فارابینک علیله ظهیر قار یابینک
 طبیعتی جمع ایلسه ینه اورفده آغزی نغمه سازلغده
 البته میل ایتمز .

« یوق رومده مشنوی دیمش چوق

» ایرانه قیاص اولانسه هیچ یوق . »

بیتنی انسان گوزینک اوکنه آلوده او فود قجه اشعار مز
 حقنده نفینک « همان بر اولقدر واردرکه موزن
 و متفی در . » مصراعنی تکرار تذکار ایتمکن بشقه
 خاطره نه گلور ؟

بر قاج سطر یازی بی افاعیل و تفاعیل و قافیله و وروی یه

موافق یازد جغز دیه منطقتك اڭ بدیهی قاعده سی
 و بدیهیات اولیہ نك اڭ بیوك اساسی اولان « برشی
 هم وار، هم یوقی اوله ماز . » قضیه سنی ده می ابطال
 ایدم جگز ؟ الله ایچون اولسون شوراسنی آکلا یهلم !
 رومده مشوی سویلش شاعر چوققی یوق، هیچمی
 یوق ؟ یاخوق هم قلیل ، هم معدومیدر ؟ وقتیه
 اکاذیب شعریه حقنדה :

« شویله شهرت بولدی عالمده یالانی شاعرک :

« یانسدده کیسه اینانمز خانمانی شاعرک . »

یوللو شکایتلر وقوع بولمش . انسان بویله جامع -
 النقیضین سوزلرک شعر سایه سنده عالم ادبیاته داخل
 اولدیغنی گورنجه بر شاعرک خانه سنی یانارکن مشاهده
 ایلسه اینانمیه جغی گلمز می ؟

« بویولده امام اهل عرفان

« [مولد] اثرین یازان سلیمان

« اولدر شعرای رومه استاد

« اولدر ایدن اهل نظمی ارشاد . »

اویله می؟ عجایب؟ هانیا یوقاروده « احوال اشعار
ترکی . » بحثنده

« اسلافده احمد و نجاتی

« آواره دلشکسته ذاتی؛

« ترکی سخنه تمل قومش لر؛

« گرچه تملی گوزل قومش لر ، »

دینلشیدی یا ! مثنوی طرزی ترکیه سخن نوعندن
دگمیدر؟ یوقسه احمد و نجاتی و ذاتی صاحب مواد
سلیمان ددهدن مقدمیدر؟ برده سلیمان ددهنک
مولدی حقنده :

« درت یوز سنهدن بری افاضل

« بر سوز دیمهدی آکا مائل . »

بیتی نه مطالعه ایله ایراد بیورلدیغنی سؤاله جسارت
ایلسهم. عجبا معذور طوتیلور مییم؟ عیب دگل آ؟
آکلایه مدم !

بنده کزک بیلدیگمه قالورسه سلیمان دده سلطان

اورحان عصری رجالدن اوله رق ، حتی عالینک

[کنندالخبار] نده تفصیل اولندیغی اوزرد شهزاده
سلیمان پاشانک ۱۳۸ تاریخنده روم ایلییه وقوع
بولان کذارینی :

«گرامت گوستروب. خلقه صویه سجادده صالمشسک»
«یقاسن روم ایلینک دست تقوی ایله آلمشسک!»
یتیمه تبریک ایلمشدر. بو حاله نظرأ مرحومک جهان
معارف وادیده ظهوری بش یوز الی سنهیی متجاوز
ایکن درت یوزسنهدن بری مولدینه نظیره سویلنیله
مدیگندن بحث اتمکده معنی ندر؟ عجبایوز الی
سنهدر مولد نبوی منظومهسی قابل تنظیر اولماق
مزیتندن ساقطمی اولدی؟ یوقسه شاعرک:
«یا مگردر عبارتی ترکی

«بشیوز آلتون دویت دینارست»

قولی گبی ترکک اصطلاحات شعریهسنده درت یوز
سنه تعبیری بش بحق عصر معناسیمی افاده ایدر؟
مولد منظومهسنک دایما قبول عامیه مظهر اوله گلمسینه
نظرأ احتمال که رأی عالیدری گبی،

« عشق سخن آنده مجتهدر ؛

« باشند باشه سهل ممتعدر . »

شوقدر وار که بر اثر نه قدر بر گزیده اولسه
وَحَتی افصح ناس اولان نبی آخر زمان علیه الصلوة
والسلام افندمزك احادیث سنیه لرندن بولنسه « مثل
قرآن » تشبیه یله وصف ایتمه فقهاً وَ کلاماً وَ عقلاً
وَ ادباً جواز وارمیدر بیله مم ؟ بو جوازی افندمز
گی زمانمزك علامه ادبی عد اولسان وَ حَتی اوج
بیوک ملت اسلامیه لساننك کافه آثار شعریه سنی
انتخاب و محاکمه طبعنیه اقتدار گورن بر تحریر
صاحب کمالاتك آثارنده تحری ایلدم .

« قرآن نه عجب اولورسه فائق

« مخلوقه شبیه اولورمی خالق . »

بیتنه نظراً ذات دولترلینك دخی اوتشبییه جائز اوله
بیلک اعتقادنده بولندقلرینی آگاددم . بناءً علیه
مولد نبوی منظومه سی حقنده اولان « قالدی ینسه
بکره مثل قرآن » مصراعنی دخی اشعارده قواعد

عقلیه و نقلیه ایله تقید سزلك اعتیادندن نشأت ایتمش
بر سرج لسان اولدیغنه حکم ایتمکدن بشقه بر چاره
بوله مدم .

§

صاحب خمسه یحی حقنده :

« سیف اهلی ایدی او اهل تمیز

« سیفی قلبی گبی ایدی تیز . »

دیناش ! هانی اعتقاد عالیرنجه :

« شاعر لره منتهای مقصد

« بر شیشه شراب و بر سمن خد »

ایدی یا ! او حالد بر شاعری اصحاب سیفدن اولمغه
توصیفه ندن زوم وار ایدی ؛ عجبا ادیب یحی قلیجیله شیشه
شرابك طپه سنی می آچار ایدی . یا خود منتهای
مقاصدندن بری اولان سمن خده بر برلك می ایدردی ؟

§

نجيفى حقنده :

« حقا كه نجيفى هنركار

» يازدى نجه برگزیده آثار .

» محسين او شاعر قوی به

» کيم ترجمه يازدى مثنوی به .

بولنده اولان ستايش اديبانلرينى دخى حقيقته

موافق بولدمدم . چونكه ترجمه نك شاعر لکه تعلق

ايدر بر يري يوقدر . واقعا :

» فکر ايت نه قدر بضاعت ايستر

» بو نظمه نه استطاعت ايستر ! »

قولی مسلدر . فقط او (بضاعت) واستطاعت

طبيعت شاعرانه به عائد بر مزيت اولسه گرک .

بنده گراڭ ظنمجه اشعار بشقه . تنظيم کلامه اقتدار

بشقه در .

برده افندمز و عيبنك نخبه سنى . تحفه سنى

شاعر لك آثارندن عد بيورمشسكنر . فقط بيله مم كه

تاريخده يكانه لگى مسلم اولان سرورينك او معرفتى

نیچون اقسام شعر دن خراج عد اولخس ؟ تاریخ
 اقسام شعر دن معدود اولیجه لغت کتابی - ولو منظوم
 اولسون - فصل شعر نو غندن صایله بیلور ؟
 « نایده او یولده پهلواندر

» خیریه سی فضلنه نشاندر.

نه دیمک ؟ نایبک خیریه سی شعر اعتباریله
 نخیفینک ترجمه سندن آشاغیمیدر ؟ اوروپا اشعارینک
 بعض مزایاتی تسلیم یولنده اولان تعریف عالیلرندن
 آکلاشایدیغنه گوره، نه دن بوگونلرده ترجمه طریق
 ترجیح بیورلمغه باشلامش بیلهم ! البته برلساندن
 برلسانه ترجمه اولنان شی مثلاً مائی گوزلی، آق بکزی،
 صاری صاحلی بر انگلیز قزینه، قاره گوزلی، قاره قاشلی،
 اسمر بکزی بر عرب دلبرینک البسه سیله زینت ویرمک
 دیمک اوله جنی ایچون بدایع پسندان عالم نظرنده
 طبیعتک ایجاد اید بیله جگی هر درلو محاسنی جامع
 اوله ماز. ادبیایجه ترجمه دن. اولسه اولسه یالکز اصحاب
 قلم بعض فوائد استحصال اید بیلدیگی واختراعندن

ایسہ ولو مکمل اولسہ بیلہ هر اوقور یازارک مستفید
اولہ گلدیگی فکر حکیم و طبع نقاد عالیترینہ خفی دکلدر .
ہلہ ناینک خیریہ سنہ :

» صنعت ایلہ ایلشدر اول پیر
» عصرندہ کی حال ملکی تصویر .

» ظلم وزرای سویشدر :

» حال فقرای سویشدر :

» علم و ادب اوگر دیر زمانہ

» تعلیم کمال ایدر جہانہ .

توصیف لریلہ ویریان شرف و عنوانہ نظر آ خیریہ ،
مثنوی یولندہ اسامزده یازیان آثارک دگل . ایراندہ
مشہور اولان شہنامہ لریک . خمسہ لریک فوقندہ اولمق
لازم گلہ جگندن . اعتقاد علیہ لریجہ » جہانہ تعلیم
کمال » ایدن اولیلہ بر اثر . اکمل آثار اولمق اوزرہ
ایراد بیورلمق اقتضا ایدردی . نحیفینک مثنوی
مولوی ترجمہ سی آندن شائق اولسہ بیلہ فضیلت
ترتیب و تصویر جباب ملای روم (قدس سرہ

حضرتلرینه (عاندیمک اولوب . کندیسنک معرفتی
ایسه بر ترجمانلقدن عبارت اولغله . آنک خدمتی
نابینک فضیلتندن مقدم ذکر ایتک لاتشیه (ضیا
بک افندی حضرتلرینک ترکیب وترجیع و ظفرنامه
گبی . بونجه آثار حکیمانه وادیبه لری وار ایستده البتده
هیچ بریسی قصیده برده مزیتنده دگلدر . و حال
یوکه دیار بکرلی شعبان نامنده بر آدم قصیده برده بی
حت المفظ ترجمه یه ترجمه ایلدیگندن . او آدمک بلاغت
عثمانیه جه ضیا بک افندی یه تفوقی لازم گلور .)
اعتقادنده بوانحق قیلندن اولزمی ؟

§

شیخ غالب مرحوم ایچون . حسن وعشقی
تعریف یولنده ایراد بیورلمش اولان :
« گامشدر او شاعر یگانه
» گویبو کتاب ایچون جهانه ! »

یتنده بر نوع تناقض گورنرمی ؟ رأی عالیلرینه
باقیلورسه شیخ غالب هم بر شاعر فرید اولمق و هم ده

حسن و عشقی آثار بر گزیده دن او له رق . سائر شعر لری
 زوائد قبیلندن بوالحق اقتضا ای دیور . بر شاعر یالکتر
 بر اثر میدان قویمقله نصل یگانه و صفه لایق او له
 بیلور ؛ بر قافیه خاطر یچون بو قدر آچیق بر منطق سزلغه
 جواز وار ایسه ، اوراسنه نه دیهلم ؟

§

بعض ملاحظات عاجزانهم تکرر ای دیور سده
 بواکثار مقتضای حال سائقه سندن تشأت ایتدیگی
 ایچون معذور طو تلمق امیدنی مقدمه مقال ایدرک ،
 شوراسنی بیان ایتمک ایسترم که . یوقار وده کی :

« بر شاعره منتهای مقصد

« بر شیشه شراب و بر سمن خد »

بیتی قواعد کلیه صورتنده تمهید بیورلدق دن صکرده .
 عزت ملا ایچون :

« گور مشمی عجب سپهر دوآر

« بر او یله سخنور فدا کار »

« باش قوییدی : بودولتک یولنده

« جان ویردی بوملتک یولنده

« نادانلری منع ایچون خطادن

« قورتارمغه دولتی بلادن ،

« کندی باشنی قودی بلایه ؛

« سیواسده اوغرا دی قضایه . »

ستایشلری خلاف مقصد اولزمی ؟ حقیقت حالد

دخی فداکارلقله شاعرلک آرسندده نه مناسبت اوله

بیلور؟ مولیرک [میزانتر وینده] اولان و «انسان هم پک

ناموسلی اوله بیلور . هم ده پک فنا مؤلف اوله بیلور .

مألنده بولنان مصراع البته نظر دقت ادیبانه لرندن

قورتلامشدر . او حقیقه بناءً بزده دیه بیلور زکه ملا

مرحومک حمیت وطن پرورانه سی هم کندینه ، هم

ملته مدار مفخرت عد اولنسه شایسته در . فقط

اشعار ی متخباته دخول مزیتندن بری اولدقن بشقه

نوهوس بر شاعرک قنندن صادر اوله میه جق درجه لرده .

خطیّات ایلہ مالا مال گورینور : از جملہ انتخاب
بیوردیغکز قصیدہ سندی کی .

» باغ معنای خیالم او قدر ناز کرد :

» برك گلبرك ترطبعه باتار لفظ ديكن . »

بیتك مصراع اولندہ کی » باغ معنای خیال «
ترکیبندہ ہیچ معنی اولدیغی گبی ، مصراع ثانیدہ کی
» برك گلبرك « گل پیراغنك پیراغی ديمك اوله رق :
بونك ایسه استانبولجہ اك زیادہ مستعمل اولان » باب
هایون قیوسی « غلط معروفندن ویا حود نصرالدین
خواجہ نك « طاوشانك صوینك صویی » یولندہ کی
حکایہ معلومہ سندن بر فرق یوقدر .

یا هله افندمر عین امالہ سی گبی . بر مساهله
جزوی و نون ساکنندن اول گلان حروف علی
قصر ایتامك گبی یوزده بر مصراعك آنجق سلاستنه
طوقنه بیله جك بر نقیصه خفیفه ایچون عزت ملا
ایلہ بینلرنده کی فرق ، ثری و ثریا رتبہ سندی اولان

ثابت و سامی بی تعیب و مؤاخذہ بیورمش اولدیغکز
 خالدہ « لفظ دیکن » تعبیرینه نهدن ایلمدیغکز .
 عربی بر کمدنک ترکی بر لفظہ اضافتی گی . زروا
 تأویل قبول ایتک لازم گلسه بیلہ توجیهی قابل
 اوله میسه جق بر خطای فاحشی مقبول عد ایدہ
 بیلورمی یز ؛ رای دولتر نجدہ اون ایکی کمدن عبارت
 ایکن معناجہ قوس قوجه ایکی هذیان و لفظاً ال
 آچیق بر سقامتی حاوی اولان بو بیتہ دخی شعر
 دیمک لازم گلور ؟

§

« احوال اشعار ترکی » فصلانده افادات سنیه لر -
 ینه متعلق ملاحظات قاصر نه م بوراده ختام بولدی :
 فقط او فصلی بتون بتون الدن براقه میه جئم ده
 [استطراد] قیلندن بعض شیلر دها سویلیه جگم :
 خراباتده عاکف پاشانک . نوعینک . نشاطینک بعض
 آناری وار . حال بوکه مقدمه ده اسملری یوق !
 بو ذاتلر شاعر ایدیلر ده ناملرینک ذکرینه وزن

وقافیه می مساعد اولمدی : یوقسه شاعر دگل ایدیلر ده
 اثرلری قضا ویا بشقه بر اقتضا ایله می خراباته درج
 اولندی : برده یوقاروده بالمناصبه بحث ایتدیگم
 فهمیدن ماعداملتک خیلی بیوک شاعرلری اونودلمش !
 بر ایکیسنی تعین ایدیم : احمد ثالث دورنده ظهور
 ایدن کلیمک دیوانی نصل اولدی ده منظور دولترلی
 اولهمدی : منظور اولدیسه نه دن اقتضا ایتدی : که
 نامی ذکر اولمندی ؟ شو زیرده یازدیم :

« عیاندلر خون دل مد نگاه چشم پرگوده

« گورک اعمجاز حسنی گلر آچمش شاخ آهوده

« اولور ماد نوه پیوسته تیر آهی عشاقک

« خیال ایتدجه مژگان سیاهک زیر ابروده . »

بیتلری عزت ملانک دیوانه . هیچ اولمزسه آندن

انتخاب بیوریلان قصیدهیه دگمزمی ؟ وحتی صبری

شاکرک اعمجاز درجه سنه چیقاردیغکز قصیدهسی

عیارنده دگمیدر ؟

« چشم انصاف گبی کامله میزان اولماز .
 « کشی نقصاتی بیلک گبی عرفان اولماز .
 « ایلسدک هر نه قدر طوضی ید تعلیم لسان
 « سوزی انسان اولور اتما اوزی انسان اولماز .
 یوللی حکمتنرله دیوانچه سنی مالا مال ایدن (طالب)
 او [ترجیع] نفیس و [ترکیب] سلیس یازان قلمک یارم
 سطر جق برستایشنه اولسون مستحق اولمازمی ایدی؟
 بیچاره نورس قدیمک نه جرمی وار ایدی ، که
 آنک نامی لسانه بیله آلمسونده شمدیکی نورسک ترکی
 وفارسی (تأدباً نعت مستثنا) ایکی پارچه مزخرفاتی ایله
 خراباتک اوتدسی . بریسی تلویث اولنسون ! حق الانصاف -
 ف عالم طبیعتدن افند مزده ادا بیورلمق لازم گلسه
 دیوان دوئلترینه ادخال ایچون یگی نورسک «صورتی»
 قصیده سنی می قبول بیورزدیگنر : یوقسه اسکی نورسک :
 « حجله گاد خسروی برشب که تزیین ایتدیلر ؛
 « خون فرهادی حنای پای شیرین ایتدیلر .

« چیتمدی بر نیتن قد بلند همته

« اطلس گردونی بر قاج کرّه تخمین آیتدیلر. »

وایا: « چوقدن حصوانی گوردهم مدعارک

« تائیری قالمشدر افندی دعارک ! »

وایا: « غنچدنک کتدی باشی آردیه بر خنده ایله

« وار قیاس ایله بو گلشنده دمام گیلنی ! »

طرزنده اولان اشعارینی می ؟

« فصیح و بلیغک آثاری البته گورلمشدر: او

بچاره لر فصاحتده. بلاغتمده و اصغدن. فلانندن آشخی

می آیدیلر. که هیچ بر یسنک شاعر لکاری دخی تسلیم

بیورلماش؟ بلیغک او ادبیات عتیقه ده سامیدن.

منیفدن گورو قالمیان قصیده لرندن : او [همامنامه]

[تری نامه] گبی. نوزمین اثر لرندن قطع نظر. یالکز:

« کیوب بر آل اتکلک هاله دن میدانه عزم ایتمش

« سماده مولوی آیینی تصویر ایدر مهتاب

« النده خامه زرینی مولانای رومیدر

« گجه آثار شمسی شوق ایله تنظیر ایدر مهتاب. »

بیترنده نابی گبی. راغب گبی. اسکی افکاره گوره
ملک ال بیوک شاعر نرندن معدود اولان اعظم
ادبایی چکنه مش اولسی. طبیعتک پارلاقغنه بر
برهان دکمیدر ؟

انتخاب دولترینه مظهر اولان و « مفتی فن »
صفیه تعریف بیوریان وهبی. مهتاب غزلرینی
تنظیر ایچون طبیعتده نه قدر قوت وار ایسه بذل
ایده رک. اثر معنومنی میدانده گتوردکن صکرده. بر
مجموعه ده بلیغک غزلنی گورنجه « بزانی و راغب ایله
او غزاشدق : اگر بلیغی گورمش اولسه یدق بوزمینده
تعاب طبیعت کسه تاخلغنی اختیار ایتمز ایدک . »
دیدگی بین الادبا شهرت بومش بر فقوره در . شمدی
نصل اولیورکه افندمز وهبی بی شاعر عدایدیور .
سکرده آنک کندینه فلق گوردیگی بر شاعری
هیچ مثابه سنده طوتیورسکر :

نظیفک منجباتنده فصیحدن بر چوق آثار وار،
سائر نرندن قطع نظر یالکر شو :

« گنجهر عزم ایتدیگم اول ماهه سایه م خوفیدر .
 « بر طریق ایله قبول ایتمز محبت شرکتی . »
 بیتی گبی واصفده، نورسده برسوز وارمیدر ؟
 شمعیلر، نظامیلر، خیالیلر، نادریلر، امریلر،
 فائزیلر، عالیلر، آلیلر، شافی زاده لر، تذکره جی
 نعمیلر، شیخ رضالر، پرتولر، عزتلر، دانشلر، جاویدلر
 بر طرفه طورسون، بیچاره فطنتله لیلانک نه قباحتی
 وارایدی که اسملری سلسله شعرايه داخل اوله مدی ؟
 نورسک آثارنده :

« گلر قزاریر شرم ایله اول غنجه گنجه
 « سنبل خم اولور رشک ایله کاکل بوکولنجه . »

ویا خود

« پر آتشم آچدیرمه بزم اغزیمی زنه ار
 « ظالم بنی سویلتمه دروننده نه لر وار ! »

بیتلری قدر گوزل برسوز گوردیکزمی ؟
 عفو عالیرینه استناداً بر مسئله حقنده دها بعض
 اشکال عرض ایده جگم : انتخاب بیوریلان قصائدن

بعضلرینی تنقیح و ترخیم ایله قولانغی. قویروغی کسایش
 کدی یاور یسنه بگزتمکده نه لطافت وار ایدی؟ ذاتاً
 اشعار مزده ر بطث قلتدن و موجود اولاندیرینک
 توجیهات و ملاحظات دورا دورده احتیاجندن شکایت
 ایدوب طور ییورز. او یولده اولان آثار تنقیح ایله
 بر قاندها ارتباطدن ساقط اولنجه لذتله او قوننه یلمک
 احتمالی وار میدره؟ شوراسی شایان تأسفرکه تنقیحات
 واقعهده اکثریت اوزرده اڭ فنا بیتدر ابقا و اڭ گوزل
 سوزلر ترک اولنمش! مثلاً بنده کز شعر ایله الفت
 باشلادم باشلایه لی باقینک نامی آ کلدقچه سنبل
 قصیده سنک و او قصیده دن بحث اولندقچه :

« دامن کوه قناعتده می بتمش یلم

» برپایز ایله کچندی نیجه ییالار سنبل »

یتمک وصفتی ایشیدیردم. افندمز ایسه آنی تنقیح
 ییوزمشکزده

« ینه قرآش صفت دستنه چاروب آلمش

» که ایده خدمت خاک در دوار سنبل . »

باقی گبی تشبیه به غایت ثقیل و متاسبتسز بر سوزی
 ابقا بیورمشکز ! بوکانه دینم هیچ عاکف پاشانک
 عدم قصیده سندن :

« آ کلامش نسبتی مهر و وفای یاره

« ایدن اولدر دل بیچاره بی جویای عدم . »

باقی گبی رنگین و نازنین سوز طرح اولندقدن صکره
 عزت ملانک یوقه روده بحث ایتدیگم دیکنلی میکنلی
 باقی بر منتخباته ابقامی ایدیلیر :

§

تربیدسزلگه محمول اولسه بیله ایکی مغناسیله
 ادبه متعلق بر افاده نك دها ایرادن کنیدی بر درلو
 گری آلامیورم : شونی دیمک ایسترمکه :

بن کتدگکز یوله گیدیم

بر منتخبات جمع ایدیدیم .

شهنامدر ایتش اولسه انشاد

بر ییتی ایلمزدم ایراد

قلمیر تمیلنی حق دولترلرندە ولو لسان علیلرندن
 اولسون ایشمگە تحمل ایدەمز ایسه کده . بیک ایکی
 یوز سنەدن برو دنیانک همان بر ئلشده نشر آنا کور
 ایدن اوج بیوک قومک اک بر گزیده . اک منتخب
 شعرلرینی جامع اولمق اوزردە ترتیب بیوریلان ایکی
 یوز سکسان بش صحیفه سنی کندی آثار علیله لرینه
 حصر ایدەجک قدر اعتنای نفس حالندە بولمە لرینی
 دخی کمالات تواضع پرورانه و فضائل ادیبانه لرینه
 یاقشدرەدم !

هله ایراد بیوریلان قصائدە ولو ادبیات عتیقه
 مطابق اولسون عصرک ترقیات حکمییه سی ایله اصلا
 توافق ایدەمیه جک بعض بیتلر بولندیغنه تأسف
 اولنور ؛ ازجمایه :

« دکلدر جدول دریا اولان جاری بوغازلردن
 « اوشوخی گورمگە گویاکه دریالر شتاباندر . »
 بیتندە معنادن اثر گوریله میوز ! استانبول حقتندە :

« هو اسی روح بخشا، خاکی رشک روضه رضوان
 « شرابی آب حیوان، دلبری غایتده فتاندر . »
 بیتک « خاکی رشک روضه رضوان » غلوئی مبالغت
 شاعرانه سیاحتیله اعتیاده باغشالایهلم؛ مملکتک شرابی
 وصف ایتمکده بر لطافت وارمیدریا؛ خصوصیه
 افندمز اوروپاییده گورمشدیکز « بر شیشه شراب
 و بر سمن خد » مقصد شاعرانه سندن اوزماندر البته
 بتون بتون اتقا بیورلما مشیدر !

بوغاز ایچی وصفنده اولان :

« ایکی جانبده رنگین کاخدر . کاشانه لری ریر
 « ایکی ساحل سراپا باغ و بوستان و گلستاندر . »
 بیتی صرف بداهته قرشو بریا لان دگمیدر ؟ واقعا
 ایکی سه حلقه افندیلر مزاک بعض شدادی بهالریفی .
 قوناقلرینی گوریوروز . فقط قوز غتچقده کی جینیت
 یالیدری قیلندن اولدوق اکثریت اوزره ایکی ساحلی
 حوتمش اولان خرابه لری او کاخلردن . کاشانه لردن

گهستانگردن. بوستانگردن قیاس ایتمگه عقل قائل
اولسه. گوزراخی اولمق احتمالی وارمیدر؟ یوقسه
بوغاز ایچنک وصفی ایچون الدقمه آننججه خیال بی مثال
دولتلی مسی عالم اولان سرعت جولانی اقتضاسنججه
(تایمس) ویا (سن) نهرلرینک کینارینه می انتقال
ایتمشیدی؟

«روا اولماز اگر تشبیه اولنسه بیت معموره»
«بونک حسنی عیان زیر آنک آثاری پنهاندر.»
نه دیمک؟ اولا بیت معمورک آثارندن نه مراد اولنمش؟
عجبا «بیت معمور» بیتلر می یاپار: بنالرمی اعمال
ایدر؟ ثانیاً بیت معمور اعتقادمزجه «بیت البی»
اولوب: احتمال که توصیف بیوردقلری سرای
شدادک جنتنه فائق اولاییلور. فقط اللهک بیتندن
مرجح طوالمسنه عقل ونقل جواز ویررمی؟
«بورسمی طرح ایدن معمار طبع پادشاهیدر.
بومعناجه آکا صنع بشردر دیاسه بهتاندر.»
بیتده کی نکتہنی بیلمکدن دخی:

« ادراك معالى بو كوچوك عقلاه گر كمز

زیرا بوترازو او قدر ثقلتی چکمز . »

معذرتندن بشقه سویلیدجك برسوز بیاہمیورم .

یعنی شونی آکلامق ایسترد که مدوج دولتلارینی

صحیحاً تألیهی بیورمق ایسترسکز ؟ یوقسه مقصد

عالیاری انسانیتدن ملکیت و یا حیوانیت و جمادیتہ

تحویل ایتکمیدر ؟

..... »

« که عصری غبطہ بخش عہد فافارق و سلیماندر . »

.....

.....

.....

.....

..... دیرم که مقصد مبالغہ ایش . ملت

اسلامیدنک ادوارنده ال ضعیف الک آشانی گوردیگمز

ر عصری : برنی ذیشان ایله بر صحابی عالیقدرک

دنیاده عدالت و اقباله هیچ مثلثی مشهود اولین
 دور دولترینه ترجیح اتمک شعرد دگل حما
 صایقازمی آرد سنده بیله اولسه عندالله مسئلیتدن
 و بین الحق محجوبیتدن بری قاله نیاسی قابل اوله حق
 یالانلردن دگلدر صانیرم .

« عنایاتیه مرده عالمه بخش حیات ایلر
 « یاعیسی در کف پر جودی : یا خود ابر نیساندر . »
 تشبیهی انسانه نه قدر غریب گورینور . مدوح
 دولترینک یالنگز آوجینک ایچی [الوالعزم] دن
 پیغمبر اولنجه بتون وجودی نه اولمق لازم گلیر ! ینه
 تکرار ایدلم : « سبحان من محیر فی صنعہ العول ! »
 « کل و بلبدن اوزکه کیمسهده یوقدر زماننده
 « گرک فریاد و افغاندر : گرک چاک گریباندر . »
 بیتنده نه عجب شیوہ لسان اختیار بیورلمش ! او قود قجه
 کندیمی علایشیر زمانی بخاراده : و یا فضولی وقتی
 بغدادده ظن ایدیورم .

هاه منتخبات آردسند ایکی مغناسیله مهممل ایکی
 قصیده درج اولمسنی کمالات ادیبانه لرینه بر وجهه
 لایق گوردمدک. چونکه: «کلام مهممل اولورسه
 مالد امالده اولسه مکمل اولور.» یولنده
 بر قاعده گوردمیورز. هریتی هیچ اولمازسه او ایکی
 قصیده عالی رینک ابیاتی قدر اولسون متین
 بر مهممل دیوان گورمشم. قصیده سنیه لرینک
 خراباته درجیه برابر او دیوانه وحق صاحبک
 اسمنه دأر مقدمه ده بر کله بیله بولنماسی غریب
 دگمیدر؟ قصیده لرک مهمملاتی یک نظرده آکلا
 شلیرشیلردن اولدیغندن، تصدیعدن احترازاً او باده
 تفصیلاتدن اجتناب ایدرک. یالکز هر بیتنه بر کره
 اماله نگاه دقت بیورلمسنی توصیه ایله اکتفا ایلدم.
 شیمه مسامحه کاری عالی رندن اغتصاب غموا یله
 برابر بهاریه حقنده دخی بر قایچ کله سویلمک ایسترم:
 «دوندی بر شوخ دل آشوبه طرب گاه چمن
 «کیم زخی گل زلفی سنبل. غازه سیدر از غوان.»

تشبیهلرندن حاصل اولان تصوّر (دولاب) کڤ اون
 دردنجی نومروسنده گوردیگم [چارشنبه قاریسی]
 تصویرینه ده رحمت او قودیور. [۱] باغچه قدر، یعنی
 دیو آنلرندن بیولک بروجوده گل قدر جق بر چهره نصل
 یاقیشیر؟ یا هله ارغوان ایله غازه بیننده نه وجه شبه
 تصویر بیوردیگز؛ ایلاق گل یار اغنه یایشق بر شیمیدر؟
 «هر فراز نخله گیدردی بر زرین کلاه

«صبح دم عرض شکوه ایدوب شه خاورستان.
 تشبیهنه بوزمانده محل وارمیدر؛ پادشاهلرک شوکا
 بوکا آلتون کلاه گیدیردیگی نرده گوریلور؛ اسی
 شاعرلرده بویله تشبیهلر یاپارلرمش؛ فقط زمانلرند
 مشبهه عد ایتدکلری اشیاده موجود ایش دگی؟
 «بید مجنونه صفاسندن ینه گمش جنون
 «کیم گومش زنجیرلر طاقش آکاجوی روان.»

[۲] دولاب ۱۲۹۰ سنه سنده نشر اولنان بر مجموعه

ایدی.

مألی تصوّرات شاعرانه‌ک اعاجیبندن معدود اولسه
 شایسته‌در. گوش زنجیر لوله باغلی دلی گور مامشدر.
 بوتشیه اولسه اولسه خفایای تشریقاتی بزم گبی
 عجزده مستور اولان عاداتندن مقتبس
 برشی اوله جق !

« سرورلر افلاکه سرچکمش مثال قدّیار . »
 مصراعنده قدی توصیف اولنان « یار » غول
 بیابانمیدر ؟ یوقسه بعض مثلدرده ایشته‌یگمز باشی
 گوکده، آیاقلری یرده اوماجی عربمیدر ؟

برواعظ. اگر فلان گجه: فلان نماز ادا اولنور.
 سه. مکافاة انسان باشی مشرقده. آیاغی مغربده
 برحوری یه مالک اولور: دیمه‌سی اوزرینه سامعیندن
 برینک : — واعظ افندی! فقیر اونمازی قیلارم؛ فقط
 مکافاتی اولان حوری بی ایستهم؛ چونکه بن باشینک
 یاننده ایکن آیاق اوجنده ویا وسط بدنده برمنه.
 سبتسزلک ظهور ایدم ییلسندن امین اولهم ! —

دبیدیگی مطالبات ادبیهده مشهور اولان حکایاتنددر.
 اوقیلدن اویله | عوج بن عنق | آگی افلاکه سر
 چکمش اولان و مفتونلری ایچون آیاغنه یوز سور-
 مکر بشقه برحاله وصول ممکن اولمیان (یار) دن
 فارغ اولسوق حقی دگلمی یز :

« صانکه برگنجینهدر : بو حسن ایله روی زمین
 « اژدهای پاسباندر آکا قات قات آسمان . »
 بیتده اولدیگی گبی، نفعینک :

« شپچراغ دین و دولتدر وجودک حفظ ایچون
 « قات قات اولمش اژدها در هفت چرخ چنبری . »
 تشبیهنک عیناً نقلنه قواعد ادبیهده بر جواز وار ایسه
 بنده کزده برینک حقنده :

وجودی جوهر علم و هنر گنج نهانیدر

فلکلر قات قات اولمش اژدهای پاسبانیدر .
 مطلعنده برقصیده سویلگه باشلایه جنم . یا هله اتحاله
 تنزل بیوریلان مال باری دگرلی برشی اولسه !

ترجیعک: - « اجرام بی‌نهایت ایلہ پر در آسمان »
 مصرعیاہ بدأ ایدن بندندہ فن ہیئتجہ اولان معلو-
 مات گونش قدر جلی ، سیارات گبی متعدد دلیلہ
 گوستردکن صکرہ . افلاک ییلان گبی بوکم بوکم
 برشی اولدیغی اعتقادندہ بولندیغکرہ نصل احتمال
 ویرہیم ؟ او اعتقاددہ بولندیغکرہ حالہ او یلہ بر
 مناسبتسنزلگی لسانہ گتورمکرہ نصل تعجب ایتیم ؟
 افندمن شاعرک اینامدیغنی سویلر طاقندنمیسکر ؟
 انوری حقندہ ایراد بیوردیغکرہ » استاد یالانجیدر
 نہایت « وصفی حق عالیلرندہ قبول بیوررمیسکر ؟
 افلاکدہ طبقات اولمغلہ اژدرہ بکزدنسی نندن لازم
 گلسون ؟ قات بشقہ ، بوکم بشقہ دگمیدر ؟
 « گاہ ساغر باددہ گہ بادہ ساغر دہ طوروب »
 « گلدرہ لالہ ، لالہدہ گل صورتی اولسون عیان . »
 تصوّرینک . مقدمہدہ کمال شدتلہ تقبیح ومؤاخذہ
 بیوردیغکرہ شوکت و بیدل خیالاتندن آشانی قالور

یری وارمیدر ؟ معهود ابراهیم پاشا چراغانلرنده
 یومورطه قبوغیله قنبدیل یوزدیرلدیگنی یاد ایتک
 ایچونمی شراب ایچنه قدح قویویریه جک ؟ یوقسه
 قسطمونی عمله سنک ایران چناغنه چامچاق صالیو -
 یرلدیگنه رندانک عشرت مجلسنده تقلیدمی اولنور ؟
 بوندن بشقه گلک بادهیه تشبیهی یالکز رنگندن طولایمی
 اولیور ؟ طوته لم که گلک مله رنکچه مشابهی اولسون .
 برینک اجسام صلبه دن ، و دیگرینک اجسام مایعه دن
 اولدیغنه نه دیه لم ؟ گل ده لاله ، لاله ده گل صورتی عجبا
 طبیعتک هانگی ندیعه سندن استنباط اولنمشدر ؟ فرض
 ایدم که گل بر هوس طفلانه ایله لالهیه قونیله بیلسون .
 بو وضعده بر لطافت حاصل اولمق احتمالی وارمیدر ؟
 هه لاله گلک ایچنه نصل درج اولنه بیلور ؟

« مجلس فضل و هنر ده خواجه دانش قرین

« عرصه جود و سخاده رستم صاحبقران . »

یتنک تشبیه اتنده بر ملایمت گورده میورم . رستمک

ترجیع ایلده نه آلیش ویریشی اولسه گرك !
 مجباً بواسطه ایکسینک آخری میم اولمق مناسبیه
 (حاتم) یرنده می استعمال اولمشدر ؟ یوقسه حاتم
 دیندیگی حالدده صاحبقران قافیه سی معناسز قاله جغندن
 بر اوشاغک افندیسی طرفندن مرجان بالغی آغمه
 گیدوبده پالاموط کتیردرک . مظهر سؤال اولنجده ،
 « کیم اینمش دئزک دینه . کیم قومش بونک آدنی ؟
 ها پالاموط دیمده مرجان دیویر ؟ » یولنده کی
 جوابی گبی ، ها سزده رستم لفظندن حاتم معناسی
 آکلایویرک می بیوریله جق ؟

« بابی اول برج شرفدر کیم دگل زر خلقدر
 » مهردوات . ماه اقبال آنده ایتش اقتران . »

مفردی برشیئه بگزیدی ؟ مهر و ماهک قرصلرینی
 خلقدر کی اورتیسی دلیک برشیئه تشبیه ایتک
 موافق طبیعتیدر ؟ یاها اوگومش گبی بیاض اولان
 قرک صاب صاری آلتونه مشابه طوقلسی دنک آشنا .
 یان معانی نظرنده اصل مقرون قبول اوله بیلور ؟

« ملجاء بیچارگانسک دستگیر اهل غم

« خاکپای دولتکدر : عالم کھف الامان . »

مضمونیہ غریب کورینور ! عالمک التجا کاھی
نہ تحف کھف ایمش کہ آفاق توزندن یاہش ! ظاہر
بوندن طولایی اومق کر کدر کہ دنیا دہ روز کاراؤ خفیجہ
بر صدمہ سنہ اوغرایانلر . اوتوزلرک ہمان برہوا اولسی
مناسبتیہ صغہ جق بریر بولہ میورلر !

« قندہ بن ، قندہ ادای حق وصفک اولسدہ

« گنج حکمت خانہ فکر مدہ بیٹ واسع لسان . »

مآلیدہ یگی چیمہ برشی ! کوشہ لردہ ویا خزینہ لردہ
دل صاقلاندیغنی ایشتماش ایدک ! واقعا بعض بقال
دکانلرینک کوشہ سندہ . بو جانغندہ ادر نہ نک صیغیر دلی
گوریلور : فقط البتہ مضمون دولتری آندن مقببس
دگلدر . گرک بہاریہ و گرک جلوسید و گرک شتاییہ نک
حاوی اولدیغی خلاف طبیعت برچوق مبالغاتک برر
برر تشریخنہ گریشمک . اوزونلغی کلال ویردجک

درجه‌یه گمش اولان عریضه عاجزانه می خرابات
 قدر بر کتاب شکنه گتوره جگندن، و سویلنیه جگ
 شیلر بدایع آشنای کمال اولان نظر حکیم دولترینه
 ذاتاً مستور اولمدیغندن، اوتفصیلاتدن کف لسان
 ایلدم . فقط شتاییه نك ایکی بیتنی بر درلو مسکوت
 عنه براقه میه جفم؛ او بیتلرده :

« زمستان کدی؛ حکم زمهریر ایردی جهان اوزره
 « فلك آق جامه لر کسدى سواد بوستان اوزره »
 مطلعیه

« ویرر اول رتبه طبع آتسه حکم برودت کیم
 « سمندر پاره لر پرواز ایدر باد وزان اوزره . »
 مفردیدر . سکوت ایله گچشدرمدیگمه سبب ایسه
 دنیاده اثواب کیر بوستان اولدیغنی ایشتمدیگم
 و برده سمندره پارچه اسناد ایتمکده بر توجیه شاعرانه
 بوله مدیغم در . ذکر اولنان قصیده لر صرف مبالغات
 عجمانه و خیالات طبیعت گدازانه دن عبارت اولدیغنی
 اچون محاکمه لرنده پکده اهمیت یوقدر . فقط

«شکرانه» عنوانی اولان قصیده بتون بتون غریب
 برشی اوله رق، بز ایسه ذات والای کریمانه لری
 حریت پروران زمانک مقتدرلرندن، واستقبال امتک
 امیدگاهلرندن بیلدیگمز ایچون آنک حقننده بعض
 استیضاحاته احتیاج گورورز . [°]

.....

«یاواردم اعتذار وتضرع لر ایلدم

» اصلا تغیر ایتدی کین وخصومتی

[°] نقطه ایله گچیلان محللر ضیاپاشا مرحومک مسلك
 سیاسی حقننده بعض مؤاخذات واستیضاحاتدن عبارت
 اولدیغندن، و تخریبی نشردن مقصود اصلی ادبیاتک اقسام
 عدیده سنه متعلق اولیه بر اثر گزیندن منتسبین شعروانشانی
 مستفید ایتکدن عبارت اوله رق سیاسیات و شخصیات
 گبی مسائل ایسه ذاتاً بوجموعه نك مقصدندن خارج
 بولندیغندن یا لاختیار ترك اولندی . [الطابع]

بیورلمش . حال بوکه مابین هایون دن بری هانگی
 مأموریتده بولوندریسه کندیسنی تحقیر و اعتراضلر
 آلتنده ازده گلدیگنر برار احوال ملکه واقف
 اولانلرک جمله سینه معلومدر . ظفرنامه کبی آثار
 برگزیده لرینک هر بری کرک آنک وگراک رفیقنک
 کو گلرینه ، هلاکلرینی تسریع ایدجک درجه لردده
 تأثیر ایلدیگنی ده هرکس بیلور . بونلرک آردسندده
 برده یالوارمقلر ، اعتذارلر ، تضرع لر می وازایدی ؟
 عالمه قارشو سیئاتندن بحث ایلدیگنر آدملرک مجالس
 تمهائیده اتکلرینی اوپر ، حسن توجه لرینی می نیاز
 بیورردیگنر ؟ استغفرالله ! بز علو فطرت سنیه لرینی
 بودناشدن دایما بری بیلورز .

.....



اشعار ترکی حقنده بو قدر تصدیقات کفایت

ایدر . شمدی برازده فارسی و عربی ید متعلق بعض
مطالعات ایرادینه جرأت ایدد جگم :

خراباتک فهرستنده شعرای عجمدن اوتوز سکر
ذاتک نامری گوریلور . حال بوکه مقدمه نك اشعار
فارسی بحثه متعلق اولان فصلنده بو اوتوز سکر
ذاتدن اون برینك نامی یوق . بونلر شاعر ایسه
نیچون مقدمه ده حاللرندن بحث اولنه مامش : دگلسلر
نه دن اثرلری خراباته داخل اولمش : بو التزام
غریب شعرای ترك حقیقده دخی وقوع بولمش :
و حتی بالاده اشارت اولمش ایدی . هر نه حال ایسه
مقدمه نك احوال شعرای ایران عنوانی فصلنده :

« ایرانده دینور برنجی شاعر

« استاد ادیب رود گیدر .

« لکن گورینور که بوروایت

« عقلاً اوله من قرین صحت .

« زیرا او هنرور گزیده

« هر وزنده سوییلمش قصیده ،

« هر وزنده قطعه ایتش املا »

« بر چوقده رباعی دلارا »

« بر مخترع جدیده البت »

« بوجودتی ویره من طبیعت »

« زیرا حکم طبیعت اوزره »

« افکار یورر بطائت اوزره »

« عالمده ظهوره گلدی روشن »

« تدریج وتلاحق ایله هر فن . »

یونانده کی محاکمه علیه لری دخی برایکی جهته مجروح
گورینور . اولا شعره مخصوص بعض فنون وار
ایسده شاعر لک ماده سی برفن دگلدی : بناء علیه
ترقیسی تلاحق افکاره احتیاج گوسترمز .

بالعکس ال بیوک شاعر لر منسوب اولدقلری
ملته رده ادبیاتک ابتداسیله برابر ظهور ایده گیشلر .
دره عربده انتخاب معلقات . یونانده اومر . لاتینده
ویر ژیل . اسپانیاده سروانتز . انگلترده شکسپیر .
فرانسه ده قورنی . مولیئر . آلمانیده شیللر ، گوته گی .

ناتیاً. ولو شعراڭ ترقیسی تالاحقه محتاج اولسون؛
 رودکی نځ هر وزنده. هر نوع شعر سو یلیسی ایرانده
 کندندن اول شاعر کلدیگنه دلالت ایتمز. چونکه
 معلوم عالیلری اولدیغی و حتی مقدمه ده دخی بیان
 بیورلدیغی اوزرده. اوزان عجم. عروض عربدن مستعار.
 در. رودکینک زمان ظهورنده ایسه عربک عروضی
 تدوین اولمیشیدی. مشار الیهک معرفتی کندی
 لسانی اوزده عربک اشعارینه اوزان و حتی صنایعیه
 تقلیددن عبارت اولیور. بوقدر مزیت ایسه بر صاحب
 فطنت ایچون نهدن محال اولسون؛ نیچون تالاحق
 افکار و تنابع ادوارد احتیاج گوسترسون؛

« فردوسییه وصفده ایرلمز

» بر کیمسهیه بوشرف ویرلمز »

مالی انکاری غیر قابل بر حقیقتدر. فقط فردوسنک:

« فروشد بماه و برشد بماه

» یل نیزه و قبۀ بارگاه »

یولنده اولان مبالغاتی جکیلیر شیلردن اولدیغی

تصدیقده مجبوریّت در کاردر . حقنده اولان ستایش
 دولترینی متعاقب او نقیصه‌سندنده بحث بیورلمش
 اولسیدی . عصرک افکار حکمتدها مطابق وادیات
 حاضردهک موجودلرندن بولتمق صفت فاخره دقایقشنا .
 سیرینه هرجهتله لایق اولوردی صانیرم .

» یازق اوشه‌نشه قوی‌یه

» سلطان جلیل غزنوی‌یه

» ایتدی اوسخنور جهانیه

» بجلی ایله ظلم بیکرانه

» کیتدی ایکسیده قانلی موجود

» شهنامه ایله هجای معهود

یولنده اولان محاکمه سنیله‌ری عصر مزده رغبت عرفایه
 دکر می؟ محمود غزنوی فردوسی‌نی مأمول ایتدیگی
 درجه‌لرده بهر دوار احسان ایتدیه بوگاسبب مذهجه
 اولان اشتباهی ایدی . حدود هند و چین اوزرنده
 شوکت اسلامی اودرجه اعلا ایتمش و پدردن بولدیی
 ملکی یالکز مشرکلر لندن فتح ایتدیگی یرلرله بش

آلتی قات توسیع ایلمش اولان بر شهریار غازیڭ .
 بر قاج بیڭ یارلق یالاننه قاپیلو بده بر رافضی بی
 اومدیغی قدر توقیر و بیت المالی بیهودیره اتلاف
 ایتدیگنه تأسف ایتک افندمزگی قواعد شرعیه
 و دقایق مدنییه و قوفلری مسلم اولان بر ذات عالیقدرک
 وجداننه لایح اوله حق خواطر دن میدر ؟ محمود
 غزنوینڭ فردوسی حقنده اهلپرورلگی ایلرو
 گو توره مامسی کندجه بر نقصان اولسه بیله، فردو-
 سینڭ دین و ملتیه او قدر خدمتی سبقت ایتش اولیه
 مبارک بر ذاتی هجو ایتکده اولان ادبسنرلگی قدر
 بر قباحت دگلدر آ ! اغراقات معلومه عجمانه دن
 حکیم عنوان کاذبنه نائل اولمش اولان فردوسینڭ
 هجو معهودی بقا بولمغله نه لازم گلورکه مبارک :
 «اگر شاه را شاه بودی پدر

» بسر بر نهادی مرآتاج ور . «

ییتنده هم پادشاه مرحومک سلطنت میراث یدیلرندن
 اولمادیغی حالده قلیجی اتمگیله اومسند نائل اولدیغی

گوستردرك شاننى اعلا ايتمش و همده كندوسنك
 بيوكلكى بيوك طوغمقده قياس ايدجك قدر افكار
 ستميه اصحابندن بولنديغنى ابراز ايلشدر . خاقانى
 حقنده :

« طبعى غرّا و شعرى غرّا
 « اما ادراكدن معرّا »

بيتى ايكي سكتة ايله برابر برده معناسزلى جامع
 دكليمدر ؟ مادامكه خاقانينك شعرى ادراكدن
 معرّا در غرّالغنه نصل حكم اولنه بيلور ؟ واقعا
 آنى تعقيب ايدن :

« چوق نكتلرى آچلامشدر .

« چوق سوزلرى آكلاشلامشدر »

بيتى ايله خاقانينك عموم ابياتى ادراكدن معرّا
 اولنديغنه ايتا اولمش ايسهده بوده يوقارو كي بيتى
 تاويل دكل بياغى نقض ايدىور . مصراع ثانى
 (اما چوغى دركدن معرّا) طرزنده اولسهيدى
 سكتة قبيحدهن و معناسزلقندن قورتلغله برابر . ايكي

یتک مالی دخی یکدیگرینی مؤید اولمازمی ایدی ؟
نظامی ایچون ایراد بیوریلان :

« ویرمش آکا شهرت و صلابت

« تکثیر تنافر و غرابت

یتی ده جالب نظر گورینیور ؛ اولا تنافر و غرابت
نظامی یه نصل شهرت و صلابت ویره بیلیور ؟
دیمک که او شهرت منفور و کاذب و او صلابت مدّعی
اهل صلیب گبی غریب و غارب ایمش ! یا حال بویله
اولنجه نظامی حقنده :

« بر درینه لیک او پیر فانی

« یوق خمسه سنه نظیر ثانی »

ستایشنه محل وارمیدر ؟ خمسه سی تنافر و غرابتدن
بری ایسه نیچون تصریح بیورلماش ؟ خمسه ده او
نقیصه لری جامع ایسه نصل دنیاده نظیری بولنجه جق
بر اثر عد اولنه بیلیور ؟ برده : « یوق خمسه سنه نظیر
ثانی » مصراعنده اولان ثانی قیدینه نظراً نظیر اول
موجود اولمق لازم گلهور . او نظیر هانگی خمسه در ؟

سعدینک وصفنده اولان :

« بر جیس ادا عطارذ آیین

« شعری شعری ونثری رنگین »

یتنده او قدر یلدر تشبیهلری جمع بیوردیغی حالد
مصراع ثانینک قافیه سنده رنگین یرینه [پروین] دینله-
مدیگنه تعجب ایتدم . بولفظ مراعات نظیری اکمال
ایتدکن بشقه ادبیات عتیقه یه گوره نثر ایله پروین
آرسنده برطاغ نعلق علاقه سی اولدیغدن : مناسبتلری
برجناس خطیدی عبارت اولان « شعری : شعری »
ترکیبندن دها کوزل اولوردی صانیرم .

« تنظیم سخنده ایلرم بن

« سعدی بی مرجع انوریدن »

یتنده اولان مرجع کله سنک . ایلرم اداتیه برابر
ترجیح مقامنده استعمالی شیوه لسانه یاقیشورمی ؟
سعدی ایله انورینک مقایسه سنده :

« ایتمش عمرین او صاحب لاف

« اغراق و مبالغه ایله اتلاف

- « ممدوحنی کوکلره چیقارمش
 « یوق کوکلره لامکانه وارمش
 « ایتمش صله دردی ایله بیجا
 « برخرمنشی مسیحه همیا
 « مغناده گدالغه اوزنمش
 « شعریه شرابه دک دینمش
 « حقا که لطیف سوزده بولمش
 « فرض ایله لم که معجز اولمش
 « نظمنده نه دگلو اولسه صنعت
 « استاد یالانجیدر نهایت
 « اما او قو سعدی بی سراپا
 « باق نیچه قصیده دلارا
 « تدقیق ایله بتون بیان
 « طوت وصفده او یله بر یالان
 « نظم ایتدیگی نسخه فریده
 « هب موعظه در دگن قصیده

«مدوخنی خیره سوق ایدر هپ

«هر بر سوزی بویوله گیدر هپ

«سویلر عدلک ثوابی اوزره

«سویلر ظلمک عذابی اوزره»

بیورلمش ایکن قصائد سنیدلرنده سعدینک مسلکی

ترک اولانوبده انورینک طریق سقیمه گیدلمسی

شایان استغراب دگمیدر؛ بز افندمزگی مقتدای

ادبا و ملجأ عرفا اولان برداتی :

«وراک بفعل مایقول وربما

«مزق الحدیث یقول مالا یفعل»

بیتنک مصراع نانیسنده اولان گروه ایله اطراد

حالنده دگل. مصراع اولک وصفنه مظهریتله انفراد

کالنده گورمک ایستر ایدک. جناب مولانا و حضرت

گلشن حقنده ایراد بیوریلان .

«مقصدلری بونلرک عیاندیر

«شعر ایله حقیقتی بیاندیر

« شاعر دیمک اویله اهل حاله

« اسناد نقیصه در کماله »

بیتلرینه نظراً اعتقاد دولترنجه بر انسان نظم ایله
افاده مرام ایتمک ایستدیگی زمان حقیقتدن بتون
بتون انسالخ ایله یالاجیلق ایتدجکه شاعر عنوانه
مظاهر اوله میه جق! قولگزده بو ادعایه قرشوفضولینک
« الدانمکه شاعر سوزی البته یالاندرا! » مصراعنی
ایراد ایلسهم، رأی عالیلرینه معارضه صد دنده
یند او فکر دن آیرلماش اوله جغمدن. انفعال دولترلینی
موجب اولماز صانیرم. شوراسنی ده آیروجه بیان
ایتمک ایسترم. که حضرت ملای رومک مشو یسی
وگرك دیوانی نشئه تصوف اوزرد صرف الهیاتدن
معدود و صنایع شعریه دن عاری بعض ابیاتی حاوی
اولمقله برابر، ایرانک الکیوک شعرا سنه غبطه رسان
اوله جق پک چوق اشعاری دخی جامع و بناءً علیه
حضرت پیر (قدس مأثرهم) ولی و همده شاعر در.

« نای خشک و چوب خشک و خشک پوست

« از کجای آید این آواز دوست »

بیتدن گوزل بر مفرد نظامینک خسته سنده ده بولنه ماز.

« من بنده شدم بنده شدم بنده شدم

« من بنده بیای تودر افکنده شدم

« هر بنده که آزاد شود، شاد شود

« من بشاد برانم که ترا بنده شدم »

رباعی سنده متین بر اثر خیام ده دخی یو قدر .

§

مقدمه نك اشعار عربيه متعلق اولان فصلنده :

« کعب بن زهیری قیلدی حضرت

« شایسته پرده سعادت

« حسان ایدی شاعر پیمبر

« اصحاب کزینده شاعر اکثر

دیورسکتر ؟ اصحاب کزین اکثریت اوزرد شاعر

اولنجه مولانا گبی. گلشنی گبی اهل حاله شاعر دیمک

نەدەن كماله اسناد نقيصه قبيلىدن اولسون ؛ اصحاب
 نبى حقنده جائز اولان بروسف اولياى كرام ايچون
 فصل تنزيل قدرى موجب اوله بيلور ؛ اصحاب حالك
 كعبى يازان يىغىرىدن عالى اولديغنه دائر بر قاعده
 جديده مى كشف اولمشدر ؟

§

نه غريبدر كه رود كينك زمان ظهورندن بيك
 تاريخنه گنجيه قدر آلتى يوز المى سنه دن زياده در .
 ظهور ايدن ايران شعراسى ايچنده يالكر اوتوز آلتى
 ذاتك نامى تعداد اولمش ايكن بيك تاريخندن
 صكره گلان شعرا حقنده هم :

« بيكدن صكره گلور اواخر

» بر شاعر تام ايچنده نادر »

وهمده تعريض گورنلرندن قطع نظر ، ستايشلرياه
 برابر اون بش شاعر اسمى تعداد بيورمشدر . فصل
 اوليوزكه اعتقاد عاليلرجه ايرانده شعرك دور كمالى
 اولان آلتى بچق عصر ظرفنده شاينان ذكر يالكر اوتوز

درد شاعر ظهور ایدیورده زمان انقراضی بولنان
ایکی عصر ایچنده اون بش منتخب شاعر بولنیور ؟
« اکثر سوزی طالب وکلیمک
« اشکنجه سی طبع مستقیمک »

قولی موافق حق بر سوزمیدر ؟ طالب کبی :
« هنوز اندک شعوری دارم ای ساقی زمن بگذر
« بچشم مست خود تکلیف کن این جام خالی را »
یولنده لطائف و یا کلیم کبی :

« بامن آمیزش او الفت موجست وکنار
« روز و شب بامن و پیوسته گریزان از من »
طرزنده بدایع اختراعنه قادر اولان بلغایه طبایع
سلیه نک اشکنجه جلادی نظریله باقق نصل لایق اولور ؟
قاآنی به دائر اولان :

« کلسه نه عجب سلفدن آخر
« مجلسره کج گلور آکا بر »
بیتک مألنی « عادت بودر آخزده کلور بزمه آکا بر »
مصراعیه توارد قبیلندن عد ایتک ایستردم . فقط

او یولده اولان توار د لریك كیترتلی اولدیغندن اقتباسده
 بودرجه ایلرو کتمک جائز اولدیغنی اجتهاد عالیلری
 مقتضیاتندن اولمق ظننه ذاهب اولیورم . از جمله
 مناجاتده اولان :

« ذاتک سنک اول قدر بیوکدر

» یاننده بیوکک اڭ کوچکدر «

بیٹی شاعر دگل : بلکه انسان نظریله باقغه دخی
 تنزل بیورم دیغکز بر ذاتک [۲] باصلمش ، طاغلمش

وَحتی تیاتروده بیله اوینامش اولان

« آلهی بیوکسک بیوکسک بیوک

» بیوکک یانگده قالور پک کوچک «

بیتمه پک بگز یور ؟ کذلک مناجاتده اولان :

« بوقبهده گرچه چوق صدا وار

» یوق دارد صندن اوزکه دیار «

بیٹی « باقی قلان بوقبهده بر خوش صدا ایمش »

[۲] بو زادن مقصد صاغیر احمد بک زاده علی

حیدر بکدر .

مصراعنک قالب آخره وَ « لیس فی الدار غیره دیار »
 مصراعنک لسان دیگره افراغ و نقلندن عبارت
 گورینور !

§

حلیه خاقانی به متعلق اولان : « تنظیرینک
 اولماز احتمالی » مصراعیله نابینک دیواته دایر اولان
 « بش بیتنه بر نظیره سویله » مصراعی ایسه شیخ
 غالبک حسن و عشقنده عینیله مسطوردر .

سنبل زاده وهی حقنده :

« برده نه عجبکه خلقی اول پیر »

« سرقتدن ایدوب هماره محذیر »

« ایلهر ایکن اعتنا اوزینه »

« اوغرار کندی بیوک سوزینه »

« دیواننده او مفتی فن »

« دزد سخنک دیلن کسرکن »

« منظومه سی میرزا نصیرک »

« دیواننده طورر او پیرک »

« کتمنده نیچه تکلف ایتمش
 « تحریف ایتمش ، تصرف ایتمش
 « صانه آنی کیمسه طویمامشدر
 « حیفاکه غلافی اویمامشدر
 « اول نظم گزین طورر سراسر
 « آتشگده ده مثال اخگر »

یولنده بوقدر تعریضدر ایراد اولنمش ایکن اقتباس
 واتحالدده او درجه ایلرو وارمق حیثیت ادیبانه
 و شان حق گویانه لرینه موافق برشمیدر ؟ شعرای
 ایرانه متعلق اولان ملاحظات عاجزانه می ختم
 ایتدن اول شوراسنک دخی بیاته لزوم گوریرم که
 شیخ عطارک بلیکه گلستاندن زیاده مشهور اولان [پند]
 منظومه سی عجبا نیچون آثار ادبیه دن عد اولنمامش ؟
 یوقسه عطاردهده شاعر دیمک نقصیه اسناد ایتمک
 قیلیدن می عد اولندی ؟ یاخودکه [پند] ولو شاعر -
 لکجه اولسون [خیرید] نک وخصو صیله مولد منظومه -
 سنک دوشنده میرر ؟ طوته لم که شیخ عطار آثارنده

بیان حقیقت ایدگی ویا تعبیر آخرله یالان سو یلد-
یگیچون کندوسنه شاعر دیمک فکر عالیرینه توافق
ایده مامش: یارباعی و قطعده انفرادلری مسلم کل
اولان خیام و ابن یمنک بیله لسانه آلتامسی نه مطالعهیه
مبیدر؛ شعرو حکمتی مزج ایتکده کندندن صکره
گلان ادبانک عمومیه غبطه رسان اولمش اولان
[ناصر خسرو] لک معهود فہیم تذکرہ سندہ کی قصیدہ۔
سی اولسون منظور عالیری اولماشمیدر کہ الی الابد
السنہ حمید و تذکرہ دائر اولمغه شایان اولان اسمی
ایکی کلمہ ایله یاد اولمغه شایان گورولمامش! بونلردن
بشقہ نظیری گبی، خیالی گبی، قدسی گبی، فدا گبی،
نعیم گبی، نیچہ نیچہ اصحاب هنر خرابات عالیرندہ بر
مصطفیٰ آرامہ نائل اولمق شرفندن محروم اولمشلردر کہ
الکادناسی نورس دکل، حتی صائب گبی بیک شاعرہ
ترجیم اولنہ بیلور۔

§

اشعار عرب حقندہ اولان انتخاب دولترینک

اڤ ز ياده شاين تأسف جهتی قلیدر . شیخ نصل
 اولورکه خراباتک یوزاون صحیفه دن زیاده یری بزم
 گبی ادبیاتک دها معناسنه واقف اولمامش برملتک
 مبالغات و اغراقی طواید رسونده . گراک کثرت و گراک
 لطافتده یگانه جهان اولان اشعار عربدن او مجموعه ده
 یالکز یتش صحیفه بولنسون ! بنده کز عموم شعرای
 عربک آناری انتخاب اولنیدی دیمک ایستیورم .
 فقط ترکیجه نک او حاورانی کر زمانلی صاحجه لرینه
 مدخل بولنان بر مجموعه ده ابوتمامک معلقات سبعة
 اشهارنده اولان « السیف اصدق انباء من الکتب »
 قصیده سنک بیله ادخال ایدلماسنه طوغریسی نقادانه
 بر حرکت نظریله بافتده معذورم .

§

« چون شامده سلطنت قورلدی

« اخلاق عربده فاسد اولدی

« مجد اولدی ردائته محول

« حریت اسارته مبدل

« بنیان دروغ اولوب مؤسس
 « مدح امرایه دوشدی هرکس
 « یعنی شعرا اولنجه مضطر
 « اشعار اولدی وسیله جر
 « اعجام ایله اولدیلر مخالط

« ایتدی بوده قدر شعری (ساقط) »

یولنده اولان تدقیقات حکیمانه نه دیه لم ؟ شو قدر
 وارکه هرکسک مدح امرایه دوشمسی : حریتک اسارته
 مبدل اولسندن نشأت اتمه بر حال اولنجه : افند مزائ
 اوصاف پردازلغه گوستردیگنر اعتنا مسلك حریت
 پروانه لرینه یاقیشورمی : ثانیاً اعجام ایله مخالط اولمق
 عربده قدر شعری اسقاط ایلدیگی حالد بزد
 بطریق اولی ادبیاته بیک درلو خلل ونقیصه ایراث
 ایدجگی معلوم ایکن . آثار عجمدن و خصوصیه او
 آثارک مبالغات و ترهات ایله مال اولانلرندن یوز
 صحیفه ک قدر سوز انتخاب ایتک « کفتی بکن وباز
 زن سنک ملامت » معاتبه سنه عرض استحقاق

ایلمز می؟ بوحالری و برده افندمزك سلطان ادبای
 زمان اولدقلریتی دوشوندجکه « هرکارکه خسرو
 بکند شیرینست » دیمکدن بشقه سوز بوله میورم .
 مع مافیه خاتمهیه دائر دخی قلمک دیلی دوندیگی قدر
 بر قاج سوز سویلمک ایسترم .

« جمع اولمدی جمع اوللدن اجسام

» بر انجمن ایچره بوجیه اقوام

» بن دردینی بونده حاضر ایتدم

» کویا جمع عناصر ایتدم »

نه دیمک اولدیغنی آ کلایه مدم؟ مقدمه نك سائر
 یرلرندن فهم اولندیغنه کوره خرابات، عربی و فارسی
 و ترکی اشعاردن مرکب اوله جق؟ عجبا جمعه ده داخل
 اولان دردنجی لسان هاکیسی اولیور! بوندن مراد
 چغتایی ایسه آنی ترکه دن بشقه بر لسان عد ایتک
 مثلاً فضولینک افاداتنده اولان شیوه مخصوصه نظراً
 بغداد لسانی دخی بر لسان دیگر حکمنده طوتمق
 قیلندن اولمازمی؟ برده حالا عناصر اربعه تشبیه اتیله می

او غراشه جغز؟ بو قدر آجیق. بو قدر فاحش خطیئات
دخی، نظم ایله سویلینجه کسوه حقیقته می گیرد؛

«شبان هوسنمای تنظیم

» ایتسون بو کتابی لوح تعلیم

اوله می؟ ملتک عرفان و حمیتجه امید استقبالی
اولان ارباب شبابک:

«روی کردونه روان اولسه سموم قهری کر

» چشمه خورشید اولوردی کوره قطران فشان»

و یا:

«سپهر فتح ابوالفتح طاهران صاحب

» که بر سپهر کی من سپهر کم ز نهاست

یتلری یولنده تیمار خانه یاوه لری سویلدرینی می آرزو

بیور بیور سکز؟

«ساده گوریمجک بو اتخابی

» تعریض ایچون ایلر شتابی

» اول نظم که بنجه رایگاندر

» بر دیگره خوش گلور جهاندر

« عالم سڱا منحصر دگلدَر »

« هر کس بوجهانده بردگلدَر »

قونی کندی بطلازنه بنفسه بینه دگمیدر؟ شعرک
حسن وقبحی هر کسک کیفنه تابع اولنجه عموم ایچون
منتخبات جمع ونشرینه وخصوصیه او منتخباتی :

« شبان هوسنمای تنظیم »

« ایتسون بوکتابی لوح تعلیم »

بیتمه نوظهوران استعدادده خواجه ادب و مقتدای
ارب صورتنده توصیه ایتمه برحق قالورمی ؟ رأی
مکرانه مه گوره اشعارک ترجیحنده بر درجهیه قدر
مذاقک دخلی واریسهده، فنون ادبیهده بوخصو -
صده هوسات وجدانیهدن بیك قات بیوک بر میزان
حقیقتدر . سعدالدینلرک، سیدلرک تدوین و تدقیق
ایلدکلری قواعد مسله میدانده ایکن ، زمانمزک
گنجلری آنلری بر اقوبده اشعارده افندمزک مذاقنه
تابع اولمق ایستلرایسه مسلك معارفپرورانده و سنجیه

حقیقت شناسانہ لری اقتضاسنجه بوسوء ذهابه هر كسندن
اقل ينه اغند من مانع اولمليسكر .

« کیم ایلسه اعتراف نقصان
« معذور طوتار کرم نهادان »

قولى هرنوع آثار اصحابى حقننده مسلمدر . فقط
محاکمه ومؤاخذه به متعلق سوز يازانلره گورد دگل .
چونکه بيك ايكيوز بوقدر سنهك بر ملتده ظهور
ايدن بوقدر اعظم شعرانك آثارينى انتخاب وتفریقه
نفسنده حق واققدار گوردن بر ذات ايچون كندى
فكرى حقننده بشقه لرى طرفندن وارد اوله جق
مؤاخذاته، معترف قصورى معذور گورمامك جائز
اوله ماز سوزيله مقابله ايتك :

« بن ييهيم سن يه بن ايم سن فنا »

قاعدۀ خود پرستانه سنى چهرۀ حقیقتى ستر ایدد -
میهجك بر کهنه نقاب ایله اورتمگه چالشمق قبیلندن
اولیور .

« بن ایلمر ایکن بو نظمی تزیین

« رنجور ایدی جسم و جان غمکین »

یتیمی اوقورکن. گرك بنده گز و گرك دائره الفتارنده
بولنديم بعض قدر آشنایان عرفان ضیای بصیرتمزه
بر عارضه گش قدر متأسف اولدیغیزی تأمین
ایدرم. ملت عثمانیه لازم خصوصیه مفتون حریت
اولان ادبای زمانه یه الزم بولنان وجود دولتری. بویه
مسلك حقایق جویاندلرینه مغایر و یالکیز فائده سز
دگل. ملته عادتاً میخانه قدر مضر اولان خراباتک
ترتیبی و مقدمه سنک تنظیمی ایچون اوقدر اتعاب
بیورلماش اولسه یدی. حب وطنه مألوف اولاندرك
عمومنه بر بیوک منت حمیل ایدلش اولوردی.

شو افادات و تصدیعاتدن مراد عاجزاندم
خراباتک گرك مقدمه و گرك مندرجاتنده دیناؤسیا-
سه و ادباً و حقیقته بالافتخار سالک اولدیم مذهبه
مغایر بر طاقم سوزلره تصادف ایلدیگمدن طولای

حاصل اولان یأس و ملال عاجزانه می اسبابیه
 برابر عرض ایتمکدر . یوقسه نفس کترانه می سر
 حلقه رندان زمان و یاران صفایه مقتدای عرفان
 اولان ذات دولترینک نزهتگاه طبیعت و بنا کرده
 همت و معرفت لری اولان خراباتک تخریبند امضا کش
 افتا اوله بیاه جک عنای ادبدن عد ایتک حد حقیرانه .
 مدن خارج اولدیغنی بیلور و هرجه تله وقوع بولان
 خطیئات عاجزانه مدن طولای عفو دولترینی نیاز
 ایدرم . اول بابده و هر حالده امر و فرمان حضرت
 ولی الامر کدر .

تم

کتابخانه ابو الضیا

Kamal, Namik

تعقیب

Takāb

کل

(ضیا پاشا مرحومك جلد ثانی خراباتی مؤاخذدر)

تمثیل ثالث

معارف نظارتك رخصتیله

هرحق طابعكدر

قسطنطنیله

۱۳۱۲

مطبعة ابو الضیا



تعقیب

ضیا پاشا مرحومه مکتوب صورتندہ تحریر
وارسال اولنشد

خواباتک مصطفیٰ ثانیہ سی خستہ لکدن یگی
قورتلدینم وهرنه یولده اولور ایسه اولسون، امانت زمانه
چاره آزادینم بر هنگامه تصادف ایلدیگندن باشند
آشاغی یه هر طرفنی مطالعه ایتدم .

کاظم پاشاتک کندی لسانندن ایشتمدم :
«نوهوسلگمده سویلدیگم شعرلری کیمسه یه دگلدده مز
ایدم . اوده بر آیواز وار ایدی؛ آکا او قوردم .
حریف آکا لامدینغی شیلری دگله یه دگله یه روح
صیقندیسندن ورم اولدی . بنده اوصرده شعر سو-
یلگی او گرندم .» دیمشیدی . افند مزده شاعر لر مزه
اصول نظمی او گرتک ایچون ملتده نه قدر سوز

آگلار آدم وار ایسه جمله سنی ورم ایدہ جک
شیلر نشرینی جائز گوریور ایسه کز اوراسنی
بیله م ! یوقسه مقصد آثار منتخبہ جمع ایتک ایسه .
عفو عالیلرینه مغروراً عرض ایدرم کہ بو جدیدہ
برنجیسندن معمور گورہ مدم .

مقدمکی عریضہ مک (مواد مندرجہ سنندن
قطع نظر) اوزونلغی بیله فوق العادہ موجب تصدیع
اولدیغنی بیلورم . شو خصوصیتنامہ حقیرانہ مدد
ایسه جلد ثانی بی مطالعہ ایتدکجه خاطر قاصره
هر ساخ اولان مطالعہ یی یازد جق اولسدم . خرابات ا
قدر بر کتاب اوله جفندن . ولو کہ مساحۃ دولتلرینه
اغتراردن اولسون . او درجه معجز لک آدابہ مغایر
دوشه جگنی یقیناً بیلدیگم ایچون المدن گلدیگی قدر
اختصار مرامه چالیشه جنم . مامول ایدرم کہ عریضہ
عاجزانہم قرائتیسندن اور کولوبده امالہ نگاہه
شایان گورلمامک حقارتنه اوغر امار .

کتابک ایلام صحیفہ لری آچیلنجہ ترجیع و ترکیب

وَتَسَدِيس وَتَحْمِيس يوللور نظملمر انتخابنده شعرای
اسلافه اولان عنایت نقادانه لری بر از قیصه گورینور.
خراباتک بو نوع آثاره متعلق اولان قرق آلتی
صحیفه سندن اون صحیفه قدر یرینی یالکز افندمزک
شعرلری طوتمش ! واقعا

« لیس من الله بمستنکر »

« ان یجمع العالم فی واحد »

حقیقته باقیلور ایسه آلتی یوز سنه امتداد ایتمش و بر
چوق زمانلر یوز میلیوندن زیاده نفوسه مالک اولمش
اولان قوجه بر ملت عثمانیه نک طبیعت شاعرانه سی
جملةً و یاخود اکثریت اعتباریه یالکز ذات والای
فردوسی پسندانه لرنده اجتماع ایتک بتون بتون عقلدن
بعید دکلدر . فقط اسلاف و معاصرینک آثارنده
ترجیع و ترکیب دولتلری قدر اولسه بیله رهایینک :

« همان آغلائی گلدیم عالمه ، آغلائی گیتدم بن »

« صان اول نیلوفریم کیم صود دیتدم ، صوده بیتدم بن »

باقی ایله مربوط اولان مسدسندن بر قاق قات زیاده
معقول و مقبول شیلر بولنوبده انتخاب ایتمک ممکن
ایدی ظن ایدرم .

فقط تدقیقات دولترلینه خفی اولسه گر کدرکه
نیلوفر ایله آغلامق بیننده حقیقه ، مجازاً ، حاصلی
وجهاً من الوجوه بر علاقه و مناسبت تصور اولنه ماز .
صوده غرق اولمق بشقهدر : گوزدن یاش آقتمق
ینه بشقهدر . دگلمی ؟ هله اوه صراعلری وزنه
گتورمک ایچون انسانک وار قوتی بازویه ویردرک
صداسنی یانغین بکجیسی فریادینه یوزینی لاسدیقندن
یاپله معهود مسخره رسملر شکانه گتورمک مجبوریتنده
بولندیران سوزلری شعر عد ایتمک ، بیله مم که حسن
طبیعته نصل توافق ایدر !

فضولینک ، باقینک ، فهمک ، نائلینک ، نابینک ،
سامینک ، ندیمک ، کلیمک او قدر گوزل ترجیعاری ،
مسدسلری ، خمسلری ، عجبا بو اثر دن ده می آشاغی

ايدى كه نظر عاليارنده مجموعۀ انتخابه گيرمك مزيتمدن
محروم گورنديلر ؟ هانگى برينى تعداد ايدديم ؟
سامينك روحى يه اولان نظيره سنى بر كرتۀ دقتله مطالعه
بيورگز ! متانت وصنعت جهتـ لريله ظن ايتم كه
رهاينك تسديسندن دگل ، افند مزك تركيبندن
آشاغى بولنسون . هاه نديمك گرك مخمس و گرك
مربع اوقدر پارلاق شريقـ لرى واردركه برينى
تنظيره ذات والاي سخر آزماييلرى ده ايچمزده
داخل اولديغى حاليده هميز ، طوپمز عاجرز .
شرقى نظام ايتمكده مهارت سنيدلرى مسلماتدندر .
آثار عليدلرندن اولان شريقـ لرده غائب اولدى .
آغزندن آغزه ملكك هر طرفنى طولاشـ يور .
بر آنلرى ، برده نديمك مثلاً :

« دوك زلف سيهكارك اورخساره آله »

« سمور كنى قاپلات بوسنه قرمزى شاله »

« آل دسته اگر لاله بولنمزسه پياله »

« وير حكمنى اى سروروان كهنه بهارك ! »

بندینی حاوی اولان شرقیسنی گوز اوکنده آلکنز ؛
 آثار سنیہ کزده او قدر لطیف و نازک بر اثر وار میدر ؟
 شرقی دیدمده خاطر مه گلدی ؛ بیله مم که افند -
 مزك او یولده اولان آثار کز نیچون منتخبات آرد سنده
 گوریلہ میور ! عجبا محتسب قضا ، خراباتده شرقی
 سویلنسنی یساقی ایتدی ؟ یوقسه « کل اون تدق
 صحبت میخانہ نی » مصراعیلہ باشلایان اورنگین اثر
 « عزم ایلینده باغہ دون اول نخل پرغرور » گبی
 اورفہ آغزی سوزلردن محاکات شعریہ جه ، محاکمہ
 دولتلرنجه دونمی گورنیور ؟

استرسه کز ادرا کسنزلگمه حمل بیورده بیلور -
 سکز ! فقط قولکنز سہیلینک :

« الی آلتندہ اولمہ کیمسه نک خاتم گبی زنہار »

« کمسنہ دیمہ یہ تا کم گوزک اوستندہ قاشک وار »

مسدسنی انتخابہ دگل حتی او قومغہ بیله لایق گورہ -
 مزد م . اولاً ، بو بیتدہ کی تشبیہ اساساً جناس لفظی

اوزرينه مؤسس اوله رق ، مغنوی بر صنعت ایسه
لفظی بر صنعته مفتقر اولنجه بالطبع حکمدن ساقط
اولق لازم گلور . ثانیاً ، خاتم بر معتاد الک آلتنده
دگل ، اوستنده بولنه گلدیگندن ، شاعرک بو تصویری
صرف خیال معکوسدر . ثالثاً ، مسدسک هیئت
مجموعه سنده سلاستدن ، فصاحتدن و حسن افاده دن
اثر بیله یوق ! اما شاعر قدما دن ایمش ده او وقتک
شیوہ سی بویولده ایمش ! شمعی نه ییالم ؟ سلفده
هرنه ییلمش ، هرنه سویلمش ایسه ، ولو عقل
وطبیعتک خلافتنه اولسون ، بر کرّه سویلمش
بولندیغی ایچون خلقه نمونه امتثال اولق اوزره
منتخباتلر ایچندمی قارشیدیرلم ؟

افندمزدن اولده جودتله نظیف برر مجموعه
انتخاب ترتیب ایلمش ؛ آنلرده بوقدر قدما پرستانه
قبول اولمش بر بیت بیله یوق . ذات سامی
حکمتشناسیلری ایسه زمانمزک حامی و مشوق
تجدیدات و اصلاحاتی اولان اصحاب ترقینک

سرافراز لرند نسکز . حال بویله ایکن ادبیاتمزی غالب
 پاشا تقلید لری گبی قسطنمونی طاغیلرینه خنده
 بخش استهزا اوله جق بر حاله گتور مک ایچونمی بویله
 شعر لره او قدر گوزل آثار آرد سنده محل تعیین
 اعطا بیور رسکز ؟ بوندن اوچ یوز سنه اوّل گلان
 شاعر لر بیله اوقبا صابا سوز لره نظر رغبتله باقامش ؛
 شمدی لسانک بو قدر نزا کتیه برابر حتی نفعینک ،
 ناینک بعض شیود لرنی بیله پک قولایلقه بگنه میان
 نورستگان معرفته سهیلی ، رهابی گبی اسملری یالاکز
 تذکره شعر الره کندی اثر لرنک مقطع لرنده گوریان
 آدم لرنک لفظی معناسندن ، معناسی لفظندن چرکین
 بر طاقم سوز لرنی قبول ایتدیر مک نضل قابل اوله بیلیر ؟
 افندمن نوندن اوّل گلان حروف علته اماله
 ویرمه نک پک زیاده علیهنده ایدیکز . حتی بوندن
 طولانی خراباتک مقدمه سنده قدما دن بعض شاعر -
 لری کمال شدتله تعیب بیور مشدکز . جلد ناینک
 یگر می آلتنجی صحیفه سننده کی مسدسکزده ایسه

« شئون مظهر سرّ تجلی حقدر » مصراعنی گور-
 یورم ! نظر دقایق شناسی دولترینه البته خفی
 دگلد که شئون کلمه سنک واوی «درت الف مقداری»
 مد اولمدجقه مصراعی وزنه گتورمک ممکن اوله ماز.
 واوک آخرنده کی حرف ایسه ان اولدیغنی اخطاره
 حاجت اولسه گر کدر . بو حاله نه دیه لم ؟ هر کسه
 نسبت خطا اولان بر ماده . افند مزه انتساب ایدنجه
 صواب اولق خاصیتنی می اکتساب ایدر ؟ « طیب
 یداوی والطیب مریض » کنایه سنه استحقاق گو-
 سترمک شان عالی ادیبانه لرینه لایق اولماز صانیرم.

§

بالاده اختصاری وعد ایتش ایدم ؛ بناءً علیه
 ترجیع وترکیبه متعلق اولان یپراقلری قیایورم .
 قطعه لرده حافظ پاشا ایله سلطان مراد رابعک ایکی
 غزلنی گوردیم . بونلرک شعرجه داخل منتخبات
 اوله ییلمک قابلیتندن بتون بتون بری اولدقلرندن
 قطع نظر، ایکسیده مطلععلی، مقطعلی، حاصلی هر درلو

شرائطی جامع بر در غزل ایکن قطعه لر آرد سنده
ایراد اولنخنه بر معنا ویردمدم .

یلم مسموع عالیلری اولشمیدر ؟ و قتیله بر افندی
اوشاغنه مرجان بالغی اصمارلش : او کیتش پلاموط
بالغی گتورمش . بالی سفر دیه قونوبده افندی « بن
سکامرجان بالغی اصمارلدم : بو پلاموط » دینجه اوشاق :
« کیم اینمش دگزک دینه ، کیم قویمش بونک آدینی ؟ »
دیمش . افندمزده اوقیلدن اولدق اشعار حقنده
اسلافک تقسیمات و تعریفاتنی قبول بیورماز ایسه گز
اکا برشی دیمیز ، چونکه فن شعره متعلق تالیفاتنی
اولان قدمايه قارشى « هم الرّجال نحن الرّجال »
قولیه مقابله یه اقتدار دولترینی ده تسلیم ایدنلردنر .
شو قدر وارکه شعراک تقسیماتنده بر طرز نوین اختیار
بیورلش ایسه خراباتک هر کوشه سی او یولده ترتیب
اولنق اقتضا ایتمیدی ؟

علمای ایرانک تعریفاتنی یالکز مراد رابع و حافظ
پاشا آثارنده زیر و زبر ایتمک نه حکمته منیدر :

اگلايه مدم ! عجباً مرحوملرڭ برر عجم اردوسی
 بوزدقاریمی بوبابده وجه مناسبت اولیور ؟ اعتقاد
 عاجزانه محبه انتخاب بیوریلان قطعه لرڭ همان نصفه
 یقینی رعایینک . سہیلنک مسدسلری قبیلندن ایسده
 (اوزون اولیور !) عتابنه مظهر اولماق ایچون
 بونده دخی برقچ لقردی ایله اکتفا ایده جگم :

شیخ الاسلام عارف حکمت بک مرحومک
 « اولور اولماز ایشه قارشمه دیو » مصراعیله باشلایان
 قطعہ سنی بکنمک مسلك فطانت واستقامت دولتلرینه
 نصال موافق اولدیلور ؟ ملکک ایشنه قارشماق
 عارف حکمت بگک . ضیا بگک کاری دگلدردده
 خرواتلرڭ ، ازغادرڭمی وظیفه سیدر ؟ بک افندی
 مرحومک شکایت ایتدیگی ، افندمزڭ تقدیر
 ایلدیگی مصیبتہ باقکیز ؟ اولیله بر ذاتک اوصافی
 شورشہ دوشمکله نه اولورمش ؟ — — — — —

واقعا بوقدر سوابق فاخر ديه نظراً ذات سامی
حمیت پرورانه لرینه بویله برمسلك احتراز اسناد ایتك
بنده كزك دگل، دنیاده هیچ کیمسه نك الندن گلمز.
فقط اطوار وافكار دولترینه طبان طبانه صند
گورینان مقالاتی ده مجرّد موزون اولدیغیچون تربیت
ادب و عرفان عالی لرینه اشد احتیاج ایله محتاج اولان
برخلقه برقاعده حکمت صورتنده گوسترمك « کفتی
بكن وباززن سنك ملامت » مؤاخذه سنه عرض
استحقاق ديمك اولمز می ؟

§

برده افندمز ! شاعر لرمزك طوغدقلری یری
بیانه بیاهم که نیچون او قدر مراق بیوریلیور ! بیك
اوچ یوز ییله یقین سنه لردن بری دنیا نك همان بر
نصفنده نشر آداب ایدن اوچ قومده نه قدر منظوم
سوز سویلر آدم گلمش ایسه هپسنی ، حتی مسقط
رأسلریله برابر بیك ، دنیاده بر قوه حافظه نك کاری
دگلدز . افندمزك منتخباتنده ایسه اسلافدن قطع

نظار زمانمزدده موجود اولان و بوگون استانبولده بولنان
 شاعر لر مزدن بعضلرينك اڭ گوزل آثاری مفقود
 و بعضلرينك ايسه نامی بيله يوق ! مسامحه ايله جمع
 اولنمش و بلكه اعتقاد مجه صرف اگلنجه ايجون طوپلا-
 نمش بر کتابده شاعر لکله قطعاً علاقہ سی اولمیان
 مستقط رأس تعیننی التزامه نه حاجت وار ایدی ؟
 واقعاً نفی مادام برنجی جلدده وانی قیاس اولنمش
 و مؤخرأ وقوع بولان اخطار حقیرانه مك حقه مطا-
 بقی نزد سامیلر نده معلوم اولمشدر ؛ ایکنجی جلدده
 ارضرملی اولدیغنی تصریح و بو ادای ظریفانه ايله
 اولکی سهوی تصحیح ایتک سجایای سنیه لری جمله -
 سندن اولان اصلاح پرورلك اقتضاسندن ایدی .
 غالب بك مرحومك، كه همان لقردی آڭلامغه
 مقتدر اولدیغ زماندن بری استانبولده باب عالی ده
 و حتی افند من گبی اکابر ك مجالسنده افنای عمر ایتمش
 بر ذات ایدی ؛ نزدلی اولدیغنی شعرینك کنارنده
 گوسترمك التزام مالایلزم قیلندن اولمز می ؟ خرابات

صانیرم که سخن شناس اولاندر ایچون ترتیب اولندی :
عصر مزاک سخن شناساری آرد سنده ایسه غالب مرحوم
شاعر الکجه همزدن معروف ایدی . بر در جده که
وزن بیلان بر چو جغه صور لسه شخصی بیاز سه نامنی
بیلور . حال بویله ایکن اگر خراباتده مندرج اولان
قطعه یی اول گور مامش اولیدم : ائ محرمی اولان
احبابندن اولدینم حالد قولکنز غالب کیم اولدیغنی
بیله میه جک ایدم . چونکه غالب (پلاسلی) دگل
الستوقچی ایدی . واقعا پدری و زرادن اسماعیل
پاشادر ؛ پلاسلی ده ینه و زرادن بر اسماعیل پاشاوار
ایدی : فقط الستوقچی ایله پلاس آرد سنده وان ایله
ارضرومک بعدینه یقین مسافه اولدیغندن ظن ایتیم که
الستوقچی اسماعیل پاشا اولادی پلاسلی اسماعیل
پاشایه اسناد اولمقدده بر جهت معقول تصور اولنه
بیاسون . اعتقاد عاجزانده محمده مصطفی انتخاب علیرینه
داخل اولان یاران صفادان کاظم پاشایه : حق بگه .
حکمت بگه . فائق مدوح بگه . مناسترلی فائق بگه .

عونی بگه . حاصلی شاعر ظن ایتدیگمز ذواتک
هانگیسنه سؤال ایتمگه تنزل بیورلسه ایدی ، غالب بک
مرحومک پذیرنی ، مسقط رأسی کندی حاللرندن
بخت ایدر درجه لرده سهولتله خبر ویررلر ایدی .
روم ایلیده کی تشویشلر یزار طاغ و یاخود زلزله
خاصیتنده اوله مامسنه و اولسه بیله اودرلو مصائبک
ادراکات انسانییه نی ترسنه چویردیگی گورلماش
اولسنه نظرآ . استانبول عقلاسنک ذهنده حالا
پلاس لسقوفچیه و یاخود لسقوفچه پلاسه تحویل
ایتامشدر ؛ صانیرم .

اخص آمالم تصویر مرآمده اختصار ایکن ، بر
مملکت مسئله سندن بوقدر سوزلر چیقاردیغمه استغراب
بیورلمسون ! بحث غالب مرحومه عاندر . ادیب
مشار الیه همزک عننده واجب التعظیم اولان حقایق
جولردن و هر حالده همزی عاجر براقان نکته
گولردن ایدی . طوغدیغنی محلی دگل ، دفن اولندیغنی
یری بیله اونتمق ترکستانده الی قلم طوتان برادیبه

وَ بِالْخُصُوصِ مَقْتَدَايِ ادبِا اُولَانِ بِرِ حَقِّ شَنْسِ
حَکِیمِ ادیبِه لایقِ دَگلدَرده آنکِ ایچون بوقدر
سویلندم طورددم .

§

بویا برانغی قپامدن اول صنایع لفظیه اوزرینه
مؤسس اولان صنایع معنویه نك دأما حکمسز قاله
گلدیگنی بر کرده هااخطار ایدرم . ایشته دلیدده بودر :

« رغبت اولماز جهانده طوغری یه هیچ »

« اکریدر دهردن آلان بهره »

« اوقچی زاده گبی وجودی آتوب »

« چکدیار یایچی زاده بی صدره ! »

شمدی شو قطعنه نك برنجی بیتنده اولان فکر ،
ولو صواب اولسون ؛ ایکنجی یقی او حقیقی اثبات
ایتمگه صالح بر مطالعه میدر ؛ مثلاً یایچی زاده اوقچی
زاده گبی مأموریتندن معزول اولوبده اوقچی زاده
آنکِ یرینه گامش بولنسه ایدی ؛ و یاخود یایچی

زاده نك پدری او جی ، او جی زاده نك پدری یاجی
اولسه ایدی ؛ و یا خود معزولك استقامت و كمالی
منصوبده بولسه ایدی ؛ شاعر حضرتلری اوزمان
مدعاسنی نه ایله اثبات ایدر ایدی ؛ گوزدلك
آرسنده کی جناس لفظی به میدان اولدیغنی کیمسه
انكار ایتمز ؛ فقط بیله مم که عربك ، عجمك ، چینك ،
هندك ، فرنگك اصحاب ادبی نظماً . نثرأ جدی
برلقردی سویلدیگی زمان لفظی جناس یامغه تنزل
ایتمشیدر ؛ و ایدنلر وار ایسه یاپدیغنی جناسلری
زمانلرنده کندی قوملری آرسنده مقتدای عرفان
عد اولمش بر ذاتك قبولنه مظهر اولمشیدر ؛
او یاپراغیده چویره لمی ؛ فقط چویردیگمز
حالده دخی انتخاب بیوردیغكز رباعیلرك بری نظر
بندگانه مه بك غریب گورندیگندن اقدامزجه جان
صیقه جغنی بیلگله برابر سکوته مقتدر اوله مدم ؛
او اللی یدنجی صحیفه ده ایراد بیوردیغكز
طقوزنجی رباعینك صاحبی اولان (عزتی) نه غریب

شاعر ایمش ! «منتکش حضر نادان اولهئم» دیمش !
عجایب ! حضرک داناسی نادانیده وار ایمش ! او
حضر نادان کیم اولیور ؟

سبحان الله ! ادبی بر معنای عجیب آکلایان
ادبامزجه حضرت حضری ساقیلکدن نادانلغه قدر
تنزیل ایتمکده می جائز اولیور ؟

بنده کزده قالدورسه بوقدر تجاوز، وزن ایله دگل،
حتی قنطار ایله ده اولسد قبول اولنور هذیانلردن دگلدر.
هایدی بو یاپراقده گچسون ! شمیدی یه قدر
مقصدم ادبیاتدن بحث ایتمک ایکن طبیعت حال
بشقه یرلره سوق ایدیور . چوق سویلدم ؛ همدده
بیلدیگنر شیلری سویلدم . تحصیل حاصل قبیانندن
اوله رق بالاخیار ایتدیگم مکرلکدن طولای تکرار
بتکرار تمنای عفو ایددرک ینه ادب داره سنه گلیورم.
غریبدرکه ترکی غزلیات و ابیات فصلنده آثار
سنیدلرندن ماعددا پک آز غزل گوریله بیلور !
مادام که نشر آثاره بوقدر مراق بیورلمش، دیوان-

عالی‌لری ترک و عجم و عرب شعر اسنک متعدد آثاری
 آر سینه قارشیدیر لمقدن ایسه، خراباته بدل یالکیزجه
 نشر بیورلمش اولسه ایدی، البته هم بزدها زیاده
 مستفید اولوردق هم ده کتابدها چاپک صاتیلوردی.
 اما افندمنز بویله اراده بیورمشکنز؛ بنده لر کزک نه
 دیمک المزدن گلور؛ مسلك عالی‌لرینه اتباعاً « هر
 کارکه خسرو بکند شیرینست » حکمنجه، زمانمزک
 سلطان ادباسنه عرض تسلیمیت ایدرز. شو قدر
 وارکه افندمنزه خرابات عرفانده ندیم اولدیغی
 ایچون هم مجلسان دولترینی ده هر خطا لرنده معذور
 طوتمق قابل اوله میور. لطف بیورر سکنزیا! خراباته
 صائب اصفهانی نه اقتدار ایله داخل اوله بیلسون؟
 خواجه فهمک آتشکده ترجمه سینه درج ایلدیگی
 « عکس خوبست » حکایه سی البته معلوم عالی‌لریدر.
 « شرابدن نه عجب اولسه ک اگر سرخوش »
 « بو طوزلی لبلر ایله نیلسون شراب سکا »
 بیتنی منتخب بر اثر صورتنده گوسترمک عیب اولمازمی؟

او قوجه دیوان صاحبی صائب شرابی سرکه ایدرده
 اویله می ایچرمش؟ یا خودکه عجباً برگوزلک طوداغنه
 طوز طولدیرلمازسه حسن و آنی ملاحتمی بولمازمش؟
 « ای عاشق عمر آج باشکی طوز سوره جکلر ! »
 یوللی همزدن اول افندمزك هدف استهزاسی
 اولان سوزلری بر عجمك اثری ایچون خراباته
 ادخال ایتك شراب کوپنه او قدرله سواحل طوزی
 آتمق قیلندن اولمازمی ؟

الف قافیه سنده آثار علیدلرندن اوله رق ایراد
 بیوریلان اون ایکی بیتك هیچ برینی معقول گوردهدم
 ایسه ده تأدباً سکوتی اختیار ایلدم . یالکتر بر بیت
 دائرة ادبدن خروج خصوصنده قوللرینه جسارت
 ویریور؛ اوده شودر :

« رند عالی مشربم خمخانه اندیشه ده »

« طاس معکوس فلک بر جرعه دان اولمز بکما »

نه دیمك اولیور ؟ اندیشه ده بر خمخانه تصور ایتك
 بر خیال شاعرانه اولدیغندن قبولنده تردد ایده م .

فقط فلک بر جسم و یا خود بر موجود جسمانی
 دگلدز که آنی طاسه بگزتمک . ۱۲۹۲ تاریخ هجره -
 یسندده . شاعر لر ایچون مدار تخیال اوله بیلسون! ...
 مع مافیه مسئله افند مزه متعلقدر : نه دیسدم زاندا اولور .
 « بو عشرت گهده ساقی هر کسه مشربجه لطف ایله »
 « حناب رنده طوشان قانی می صون ، زاهده ثعلب . »
 بیتنی او قدر علم و ادراک . او درجه لرده تحقیق و تحرری
 ایله برابر قبول بیوردیغ کزده هم تأسف ، هم تعجب
 ایدم . عربیده (ثعلب) (تیلکی) دیمک اولد .
 یغیچون ثابت طوشان قانیله تیلکی آرمسندده بر ملائمت ،
 بر مناسبت بولمق استمش . فقط ثعلبدن بزم
 سوقاقلرده صاتیلان مایعک املاسنی فصل ایسه
 او گرنه مامش : اعتماد بیورلمز ایسه (الجوائب)
 غزته سنک نسخهلرینه مراجعت اولنسون ! عربیده
 اقتدار کلیسی مسلم اولان احمد فارس افندیکنک
 حکمنجه او مایعک املاسی (س ح ل ب) ایله
 (سحلب) در : ثعلب دگل .

عین اضافه سنه. نوندن صکره گلان حروف علت
 اماله سنه معترض مطلق اولان مقتدای ادب. املا
 یا گلش لر نیده منتخبانده مقبول عد ایلر ایسه
 و خصوصیه بو یا گلش لقلر او ذاتک مطمح نظری
 اولان غزته لرده موضوع بحث اولدندن صکره ینه
 تغافل اولنور ایسه انتخاب و امتحان مقاله بیایغی
 تمیز سنرلکه محمول اوله بیله جک درجه لرده نقصان
 دفته حکم ایتمکدن بشقه بر چاره بولنه میور .

یا هله جودتک و تعبیر دوانلری وجهله (جودت
 قدیمک) نوادر نده مندرج اولان

« یك وجودز بز خواس خمسه وش آیرلایز

» بر قدح، بر باده، بر میخانه، بر بن، بر حباب .

» گاه موج گریه ده، که خون دله غوطه خوار

» آتیلان عماندن عمانه بر بن، بر حباب .

» بن وجود مدن پشیمان، اول فناسندن حزین

» گلمه دن دلگیر اولان دورانه بر بن، بر حباب»

بیتلری نصل اولمش ده انتخاب عالیترینه تصادف

ایده مامش ؟ ... حال بوکه جودتک نوادر الائی ناری
 مصرده باصلمش بر کتابدر ؛ صحاف چارشیشنده پک
 بهالی اولدینی زمان یگر می غروشه صاتیلور . البته
 او اثر . اماله نگاه دولترینه مظهر اولمش اولسه
 ایدی [فانی] نك « بر بن بر حباب » قافیه سنده
 اولان بر قاج بیتی داخل خرابات اولغه قطعاً لایق
 اولدینی پک قولای قبول بیوریلور ایدی .

لطفاً دقت بیورلسون ! افند من السنه ثلثه شعرا سی
 هر طرزده هر طورده ؛ هر مسلکده نه سویا شلرایسه
 جمله سندن بر منتخبات ترتیب بیورمق عزم عالیهمتانه
 سنده بولندیغیزی برنجی جلدك مقدمه سنده اعلان
 بیورمش ایدیگزده بوملاحظه لرك بر چوغی آندن
 طولایی وارد اولور . یوقسه کندی مشوارگز ،
 کندی مشربگزجه بر مجموعه نشرایتمش اولسیدیگز
 هیچ کیسه نیچون یاپدیگز دیگه جسارت ایده مزدی .
 ندیمك :

« عشقه دوشدم جان و دل مفت جوانان اولدی هپ »

مصراعيله بأشلايان غزلی منتخبات آئاردن عد
اولمشيكن او غزلك اڭ پارلاق وَ نديمك مشربنه
گوره اڭ شاعرانه جهتی اولان .

« گردنندن، سينه سندن بوسه لر ايتمشدی وعد

» جمله سندن نيایم کافر پشیمان اولدی هپ . »

بیتنی طرح ایتمکده هیچ بر لزوم اولمسه گر کدر .

دقت بیوریلور ایسه بویت نه قدر خلاف ادب

اولسه بيله غزلك سائر بیتلری قدر گرك اديبه، گرك

ادبیاته مغیر عد اولنه ماز . باخصوص که

» میانندن خبر صوردم : دیدی اول گوزلری آهو

» ورایی کوه بللورده چیتار بر اینجه یولدر بو ! »

بیتی گبی صراحة ... دن بحث ایدن سوزلر بر مجموعه

ادبه یر بولنجه [بوسه] کلمه سی محذوراتدن عد

اولنه ماز . خرابات ذاتاً بوسه مضمونلرندن خالی

دگل یا !

عین اماله سنه افندمز معترض ایدیگز : وَ حتی

» نه زماندر چکیور صدر و فؤاد علتی « مصراعيله ختام

بولان قطعاً حقيرانه مى دخی بوسيله استحسان ايتد-
يگگزر البته خاطر نشان دولتريدر . يا حال بويلا
ايسه نورسك :

« بى دردم اى فلك بگا بر غم تدارك ايت »

« بر اوزك ذوق ، بشقه بر عالم تدارك ايت »

بيتنى بيله مم كه نه حكمته مبنى قبول بيورد يگزر ؟ عجا
بجر مضارع دگشديمى ؟ يوقسه [عالم] عين پرينه
الف ايله مى يازيله جق : يا خودكه عروضاً بجر
مضارعده بالادهكى بيتك مصراع ثانیسندهكى عالمك
عینى همزه وصل گبی تلفظدن اسقاط اولخقسزین
وزن بولمق ممكندرده بنده گزمى ادراك ایدهمیورم ؛
ینه تکرار ایدرم « كفتى بكن وبازرن سنك ملامت ! »

نورس افندينك (كج) اقا فیه سنده اولان غزلارینی
بگنمشسكز ! نه يالان سويله يم قولكز بگنه مدم .
خصوصيله مقطعى پك كج بولدم .

« ایر شمنز طره جانانه جاندن چکميان نورس »

« يا جاندن ، كج يا جاناندين ، يازلف پرشكندن كج »

نہ دیمک اولیور؟ صانکہ مصرع ثانیدہ کی
 « جاناندن » سوزی نہ معنی افادہ ایدر؟ مصرع
 اولہ باقینجہ انسان جانندن کچمینجہ « طرہ جانانہ »
 ایرشمیہ جک ایمش! اوراسی شاعر حضر تلرینک
 مذاقہ گورہ بر مدعا اولدیغندن و صہ پای ہزاران۔
 کیفیت مالک تمیز اذواقی بالطبع ہر کس دن زیادہ
 صاحب خراباتہ عائد اولہ جغندن، بوبابدہ بر شی
 سویلگہ مقتدر دگلم۔ شو قدر وارکہ منطق، واقعا
 مساجدہ تعلیم اولنہ گلمش ایسہ نہ دایما خراباتدن
 خارج قالہ جغہ دائرہ بر قاعدہ بیلہ مدیگم ایچون
 بویئتک معناسنی۔ مؤداسنی، ذوقنی، شوقنی بر درلو
 آکلامیورم! شاعر حضر تلرینک برنجی مصرعہ۔
 عدہ کی قولنجہ انسان جانندن کچہ جکدہ آندن صگرہ
 زلف جانانی بولہ جقدر۔ ایکہنجی مصرعہ کی قولنہ
 باقینجہ زلف پرشکندن کچمک ایچون ہم جانندن،
 ہم چاناندن ال چکمک اقتضا ایدیور۔ عجبا بوزلف۔

پر شکن او مو هو م ییلا نلر طلسمی اولان ییلا نلر فلانلر .
 میدر ؟ یوقسه بک اوغلی دکانلر نده گوردیگمز عاریتی
 کیسوی پریشانلر میدر ؟ هیچ جاناندن کچلد کدن
 صکرده - ولوکه خیالات شرقیه جه اولسون - زلفک
 نه حکمی ، نه وجودی اوله بیلور ؟

« ا گر حقیقت کفتار در جهان اینست »

« هزار خنده جهاست بر سخندانی ! »

§

برخیلی زمان دوشندم ؛ اثر عالیلری اولان
 « ای صبح » غزلنک منتخباتده ایرادینه ضیا ایله
 صباح لفظلرینک ملایمتندن بشقه بر مناسبت بوله مدم .
 بورای چا کرانهم البته نقصان تمیز کترانهم جهتیله
 مظهر عفو و اغماض بیوریلور .

کاظم پاشانک « فرح » قافیه سنده درت بیتی
 ایراد بیورلمش ؛ ایچنده بر « حساب فرح » تعبیری
 وار ؛ حال بوکه بونک صحیحی « حساب فراخ » اولدیغنی

۸۳ سنه سنده و دائما نظر مطالعة دولترینه مظهر
اولان (تصویر افکار) غزته سنده نشر ایتمشیدم. اگر
شعرده غلطات عوامه تبعیت جائز ایسه او بشقه
لقردی ؛ دگل ایسه « حساب فرح » تعبیری جامع
اولان بر بیت بر انتخاب مجموعه سنده بولمق یا قشمسه
گر کدر .

خاء، قافیه سنده بر ایکی « سفید و سیاح و سرخ »
بیتلری گوریورم ؛ بولردن مقصد صنعت ایسه
بر کرده سامینک « اوزلف و خال و رخ »
غزله دقت بیورلمش اولسه ایدی ظن ایدرم که عینینک
« طاوس و ش خرام ایدرک گلدی گلشنه »
« کیمش اوشیوه کار سفید و سیاه و سرخ . »
بیتی قدر عقل و حقیقه مغایر بر اثر انتخابه مجبوری
مس ایتزدی .

اولی نعمت ! اوروپاده برابر ایدک ؛ گونلرجه
حیوانات باغچه لرنده اگلندک . یوزلرجه طاوس قوشی

گوردك؛ هیچ طاوسلارك بياضنده سياده و سرخ و يا خود
 رنگ آميرنده سرخ و سفيد بر پارچه توی وار میدی؟
 هر كسك گوردیگی . بیلدیگی بر قوشه اوزرنده اولمیان
 رنگلری اسناد ایتك سیاهه بياض دیمك قبیانندن
 اولمازمی؟ اگر شعر بوقدر بداهته قارشى یالان
 سويلك ایسه آثار اسلافی تحریرى ایتمگه نه احتیاج
 وار. تیمار خانه ده هر نه سويلنورسه بر مجموعیه یازمق
 ویتته بگزدمك ایچون اورته یرینی پارمق ایله سینلیو-
 یرمك کفایت ایدر .

§.

معاصر لر مزدن عثمان شمسی افندینك ، كاظم
 پاشانك، هر سكلی عارف حكمت بك افندینك، فائق
 مدوح بگك آثارى ظن ایدرم كه مجموعهلری گورو-
 لمكسزین انتخاب بیورلمش؛ چونكه گورلمش اوله یدی
 عثمان شمسی افندینك .

« اولور فقر وفنا اهلنده قید بیش و كم نابود »

« امید لطف ناپیدا ، هر اس قهر و غم نابود . »

مصر اعلیٰ لیلہ باشا لایان بیتلریلہ اکتفا ایتمکدن
ایسہ مثلاً :

« باقہ سواد و جہمہ عشقک چراغی یم »

« محو اولدی زنگ رویم اولوب یانہ یانہ دود . »

و یا خود

« آغلادقہ لب دربارینی یاد ایلیہ رک »

« جوهر جان دوکیا ور دیدہ گریانمدن . »

و

« ناز عشقکاه یانان شمعہ کافور گی »

« صاف سینہ سیہ آیینہ بللور گی »

« جوش ایدر موج دلی موجیم نور گی »

« گورینور بانک انا لله ایہ منصور گی . »

طوتشور مشعل آہ شجر طور گی »

« صاریلور گوکارہ هربر شرری دونه دونه . »

مسدسی گی هم اوزاتک نشئه سنه هم بزم شیوہ »

اشعاره گورده برگزیده سوزلردن معدود اوله جق
آثاری نظر تقدیردن اسقاط بیورلمازدی .

بالاده تعداد ایتدیگم شاعرلردن هر برینکده
انتخاب بیوریلان اثرلرینه قائق پک چوق سوزلری
خاطرمدده ایسهده تطویلدن احترازاً یالکتر شمسی
افندی بی نمونه گوسترمکله اکتفا ایلدم .
خیرینک :

« وصل یاری حسن خلق شیرینتر »

« دخی زیاده ایدر شربتی گلاب لذید . »

بیتمده بر لذت بوله مدم . واقعا راغب

« خراباتی گورنلر هربری بر حالتن سویلر »

دیمش ؛ فقط اکل و شربک لذتی ده زاهد ایله
بهشته حصر ایلمش . مادام که عمارتیاب همت -
سینه لری اولان انجمن ظرافتده قهوه ، شربت
فلانده بولنه جقمش نامنه خرابات یرینه (قازینو)
دینسه ایدی مقتضای حاله دهها موافق دو شمر میدی ؟

احمد پاشانک :

« حلقه زلفک که رخسار گده سرگردان یاتور . »
 « یاصلانو بکنج اوزره بیك باشلی بر ثعبان یاتور » [*]
 بیتی ده می طبیعت و بلاغته مطابقدر ؟ ییلان ییلان
 حکما گبی ییلان سون شعر اده نه وقت قدر [دولابك]
 بر نسخہ سنده [۱] اولان چار شنبه قاریسی یوللو بزد ،
 او گوزل صاحیلری . اکره مخلوقات اولان ییلان
 صورتنده گوستردجك ! اسلافده هر نه یاپیش ؛ هر نه
 سویلنمش ایسه ولو که شرعه عقلاه ، طبیعته ، انسانیته
 مغایر اولسون . تابقیامت بزد مقبول اولوب گیده .
 جکمی ؟ خصوصیه بو سقامت لراک ادامہ سنده فکر
 تجدید چه زمانک سرافزار لرندن معدود اولان ضیابك
 [*] ثعبان ، عثمان وزنده بغایت ایری واوزون
 اولان ییلان دینور که اردها تعمیر اولنور . علی قول خاصه
 ییلانک ارکگنه دینور .
 [۱] بر مجرعه موقوتہ ایدی که ۹۱ سنہ سنده آتی ،
 یدی نسخہ قدر نشر ایدلمش ایدی . [للطابع]

افندي خدمت ايدەجك؟ طبيعت حكمنجه منعدم
 و عقلاً دخى ازالەسى لازم اولان بويلە حيه قدر
 معوج و كنج مطلق فكري قدر كج اعتقادلرك
 بقاسنه چالشمق ييلان اوينا دان مصر ايلرد ،
 خواص ايله دفينه بولمق قلاشاغنى اختيار ايدن
 مغربيلره ياقيشور .

شو عصر مدنيتك گوشى ولو مغربدن
 طوغمش اولسه ينه ضياعى بويلە وهم آباد هيجاهيجه
 تنزل اتمز ظن ايدردك !
 احمد پاشانك :

« عارض لطيفك اوگمگه بابل »

« برك گلدن لطائف از بر لر . »

ديه بريقتى اختيار بيورلمش . بنده كرك گوردىگم
 ديوانده ايسه « برك گلدن » يرينه « گلستاندن »
 يازلمش ايدى . ذاتاً بيتك بگنيلاهك بريرى يوق .
 مع مافيه قولكرك گوردىگم صورتده اولسه ايدى
 ايچنده برجناسحق اولسون بولنوردى . افندمزك

انتخاب بیوردیغکز طرزده ایسه بیچاره بیتدن صنعت
دگل معنی دخی ساقط اولیور .

مخاص اسعد پاشانك « لاف دعوای انانیت
نه لازم عاشقه . » مصراعنده کی انانیت نه کلد اولیور؟
بونك عربیدن اصلی [انانیت] اولدیغی نخبه شارحنه
وایچنده لغت ووضعه بیله مغایر کلدلر بولنان بریتته
منخب دیمك ادبیاتمه گوره هیچ بر صورتله جائز
اولهمیه جغی ایسه السنه ثلثه اسلامیه نك تمیز آئارندن
عبارت اولان خراباتك جامعنه خفی اولماق لازم
گلیر ایدی . [۱]

اسعد بغدادینك « سنی جان وگو گلدن سومیان
کیمدر؟ سون کیمدر؟ » مصراعنده کی « جان وگو گل »
[۱] ذاتاً نه انانیت، نه ده انانیت کلدلری فصیح اولوب،
بونلرك هرایکسی ده [بنك] تعبیر معروفك عربجه سی
اولق اوزره متصوفه طرفندن اختراع اولمش در . بناء
علیه تصرفات عربدن اولیان بوگی کلمات مخترعه نی ارباب
لغت مولداتدن وبناء علیه استعمانی منافی فصاحت عد
ایدلر . [للطابع]

تعبیری قولی لائق بزم لسانك فصاحتہ موافق
 اولہ بیایمی ؟ ترکیب بر کلمہ ترکیب فارسی ایله عربی
 ویا فارسی بر کلمہ مضاف ویا مضاف الیه صورتندہ
 ایراد ایدہ مدیگمز حالده ترکك (گوگل) کلمہ سنی
 عربك (جان) لفظنه عطف ایتك ایچون عجمك
 ادات عطفی اولان وای قولی لائق مجلس ادبه،
 باشندہ عربان دستاری، آیاغنده ترکان شلواری
 صرتندہ ایران ازاریله بر آدم گوندرمك قیلندن
 اولمازمی ؟ بویله مسخر لرددی خرابات ادبه شرفیاب
 دخول اوله حق ؟
 آگاهك :

« دل خیالکده خیالک دل بیتابده در : »

گادمی شیشده ده گه شیشدمی نابده در . »

بیته باقدمده تعجب ایتدم ! . . . بدیدرکه گوگل
 خیالک ایچنه گیره مز . یالکز میك قدحده ، قدحك
 میدہ بولنمسنده یلم نهدن شاعر لطافت حس ایتدیگی

ایچون او یله بر سوز سویلش ! افندمن ایسه بو اذراک-
نقادانه ایله برابر او خیال فاسدی قبول بیوردقدن
بشقہ آثار دولترلندن اولان «کاه ساغر ده طوروب»
مصراعنده اتتحال درجه سنه قدر تنزل ایتمشکز !
باری خیالک بر دگری اولسهیدی !

مقدمکی عریضه چا کرانه مده بر قاج سوز
سویلش اولدیغ ایچون شمادی ینہ قدح شراب
ایچنده بولنمق نه درجه لرده مردار بر طرز عشرت
اولدیغنی تعریفه حاجت گوردهم .

§

سرعتدنمیدر : دنیاده هیچ بر شیئه اهمیت ویرما-
مکدنمیدر ؟ هر نددن ایسه شاعر لرمزک نر دلرده
طوغدیغی بتون بتون نظر دقدن اسقاط بیوردلغی
گی : زاده طبیعت عد اولنان اشعارمزک بیلہ هانگی
عالم طبیعتدن ، هانگی بندرگاه معرفتدن ظهور
ایتدیگنده دقت بیورلیور ! جلد ثانیک یتش او چنجی
صحیفه سنده مندرج اولان

« لایق دگل وداع ایله آزار دوستان »

« مانند نامه (گیزلو) سفر مشربمجه در . »

بیتی آگاهك دگل نایك در . حتی مطبوع دیواننده

وارد در . و حتی « گیزلو سفر » یرینه اوادیب صاحب

فصاحت « سیر و سفر » تعبیری استعمال ایتسدر .

ایشتدیگمه گوره محمود ثانی زماننده « هم آغلر ،

هم گولر . » قافیه سی ادبای ترکه برادمانگاه امتحان

عد اولندرق ، طبیعتنه مغرور اولانلرك هربری بو

یولده آزمایش اقتدار ایتدكلری صردهده یالكلز

عینینك « دخترن تزویج ایدن مادر هم آغلر هم

گولر . » مضمونی فوق العاده عداولتمش [۱] بیله مم که

[۱] عینینك ذکر اولنان غزانه نظیره اوله رق انشاد

اولتمش برغزل هزل آمیزك شو :

« یاد ماضی ، ذوق آتی یأس و امید ایله »

« شوهرین غائب ایدن همسر هم آغلر هم گولر »

بیتی عینینك بیتنه لطافت معنی و حقیقت مؤدی جهتلریله

[للطابع]

فائقدر ظن ایدرز .

بچاره عینینک بلکه دیواننده فرید عداولنمغه لایق
اولان بویله بر نکته‌سی نیچون رد اولنمش ده پرتو
پاشانک « گوگل براوزکه مجنوندر یانار آشدن آب
ایستر » قبیلندن اوله‌رق شمعه گریه اسناد ایتدیگی
بریت انتخاب اولنمش !

خراباتک هر طرفی خط و محبوب مضمونلریله
تزیین اولندرق ادب حقیقی اسکی ادبیاته بتون‌بتون

« شاعرز شین ویرر شامزه »

« گیره مز فاحشه دیوانمزه »

قولنده کی مشرب رندانه‌سنه ویاوهینک :

« حیف آنجق ایکی رسوای قدیم »

« بری بو نظمی یازان برده ندیم »

« شعرینی زن گبی ایتدی مدخول »

« اولدی دیوانلریده نامقبول »

قول نادمانه‌سنه قارشی

— — — — —
 — — — — —
 — — — — —
 — — — — —
 بو مطالعديه مبنی اومور شهوانيه عالم خفادن
 قورتلدقجه و وزن وقافيه تحتنده اوله رق نشریاته
 دوشدکجه خصائص انسانیه نك او نقيصه سی گویا
 طبل و سوزنا ایله اعلان اولمش حکمنی بولور صانیرم.

§

ارضرو ملی پرتو پاشانك :

« برخانه یه مالک دگلم بز شو جهانده »

« قطاع طریقك دخی ششخانه سی واردر »

ییتی یالکیزجه (بر خانه) (ششخانه) جناسلری

ایچون نصل مقبول اوله ییش آگلایه میورم !

شعردن مقصد الفاظده بر ملائمت بولمقدن

عبارت ایسه سنبل زاده وهینک :

«سودیگم گنجم دیو ویرانه ایتدک سن بنی!»

ویاخود موالیدن کاظم افندیگ :

«قلور حیرتده اول آینه هر آینه آینه!»

گبی سوزلری اودر لوصعتلرجه ایراد بیوریلان بیتدن

البته بیایق قات اعلادر . باصمامش دیوانلرمن ایسه

بونلر گبی، بلکه بونلردن ده یارلاق بیگلرجه جناسلرله

مالامالدر . مع مافیه بنده کزک اعتقادمه گورد صنایع

لفظیه اعتبار یالکیزهز لیا تده جائز اوله بیلیور؛ جدیات

ولو افکارک اولسون؛ بازیجده سی درجه سندن عالیدر .

یتمش دردنجی صحیفهده ایراد بیوریلان «مد

یوندر ، مجنوندر» قافیلهلی ایکی بیتده، که جودت

عتیقکدر؛ «مد ویردی کیمی الفله نونه» نقیصه

سندن عاری اولمادیغنی اخطار ایدرم . روحینک :

«کیمی غمناک بو خلقک کیمی عیاش نه در!»

مصراعیلہ باشالایان بش بیتندہ « آش . باش .
 طاش . » گبی کلمہ لردہ کی الف امالہ سی نہ ایچون
 قبول بیوریلوردہ عجمک و یاخود عربک حروف
 علت امالاتہ تعریض اولیور ؟ اوراسنی بیلہم !
 معلوم دقایق آشنایانہ لریدرکہ عرب وعجمک
 عروضندہ امالہ ہم موجود، ہمده شیوہ لسانلرینہ
 مطابقدر . لسانمزدہ ایسہ یالکثر ترکیبہ دگل السنہ
 شرقیدن اخذ ایتدیگمز کلملر بیلہ امالہ سز تلفظ
 اولنور . (اوزان ترکیب) یولندہ نہ قدر شعر سویلندی
 ایسہ ایچندہ افاعیل و تفاعیلہ بر کلمہ کث توفیق اولندہ
 یغنی گوزمدک . حتی افندمزک :

« آقشام اولور : گونش باتار شمعی بورادن »
 « غریب غریب قوال چالار چوبان درددن »
 بیتکزدہ عربی اولان (غریب) لفظی (فعل)
 وزنندہ و كذلك فارسی اولان (چوبان) لفظی
 (مفعول) وزنندہ دگل (فعول) وزنندہ ایراد
 اولنمشدر .

ینه روحینک :

« کیمنه جزوئی بوجهان کیمنه کلی گورینور ! »
 مصراعیله بدأ ایدن وهرنه دن ایسه انتخاب دولترینه
 لایق اولان درت بیتده قافیله اوله جغنه دایر بر قاعده
 گوسترمک قابل ایسه بیان بیورلسون !

سعیینک غریب بر بیتنی انتخاب بیورمشسگرز :
 « صاغ اسن اول ، قوبنی ای دل بیارم وار »
 « گر اولورسهم بگا چشم گبی آغلارم وار »
 نه دیمک اولسه گرک ؟ عجبا بوذات مزاره گتدکن
 صکره گوزلری گریه بار ماتم اولمق ایچون وجودندن
 آریله رق دنیا دمی قاله جق ایمش ! بو قدر
 مناسبتسز هذیانلرک طرف دولترلندن نمونه عرفان
 اولمق اوزره نشوه داران ادبه عرض اولندیغنی
 گوردجک ناینک « بیله مم ایلیه جک گریه میدر ؛
 خنده میدر ؟ » قولیه تعیین ایتدیگی وقفته تردده
 حیران اولیورم .

بالادہ کی آثار ک صاحب لری نی تعین ایتک خصوص -
 صبحہ اختیار اولنان مسامحہ دہ دایر بر قاق سوز
 سولشیدم . شمدی بود عوامہ بینہ گتیردیم : ایلریدہ
 شاہد لرمک کثرتی صانیرم کہ تو اتر در جہ سنی بولہ جقدر .
 جلد نانینک سکزنجی صحیفہ سنک اون اوچنجی
 سطرندہ شویلہ بر بیت وار :

« برک گللہ عندلیت زاری تکفین ایتدیلر »
 « بر گلستان بیتنی اوستندہ تلقین ایتدیلر »
 بویٹک کنارندہ ایسہ صاحبہ اشازت اولق اوزرہ
 ا شرف افندی آ دیناش . حال بوکہ ینہ او جلدک
 سکسان اوچنجی صحیفہ سندہ شوبیت گوریلور :
 « عندلیبی ورد صد برک ایلہ تکفین ایتدیلر »
 « بر گلستان بیتنی اوستندہ تلقین ایتدیلر »
 کنارندہ ایسہ صاحبہ اشارہ بر (ولہ) تعبیری
 مشہود اولیور کہ آخرندہ کی (ہاء) ضمیری آندن
 بر قاق سطر اول ینہ کنارینہ اشارت اولنان (عزت
 منلا) یہ راجع گورینور .

شمدی انسان بو تخفلقلری گوردوبده نصل وله
 گتیرمز؟ موضوع بحث اولان بیت شرف افند
 ینکمیدر؛ یوقسه غرت ملانکمیدر؟ یوقسه عزت
 ملانک مصر باصمه سی اولان دیواننده موجود ایکن
 «ورد صدبرک» یرینه «برک گل» «غندلیب» یرینه
 «غندلیب زار» «قبرنده» یرینه «اوستنده»
 کله لری گلیویر مگله عزت ملانک تملکندن چیقوبده،
 شرف افندی یه مال اوله بیلسی ادبیاتجه نوظهور
 بر قانون تصرف اقتضاسندنمیدر؟ یا خودکه بو بیچاره
 بیت، بیوت موقوفه نک هم واقف، هم متولی
 تملککنده بولندیغی گبی بر میت ایله بر حیک پنجه کشا
 کشنده می قالمشدر!

شمعینک «چاغلر. ایرماغلر. داغلر» قافیهلری
 گبی بالامارله چکیلیر سوزلرندن عبارت اولان
 اشعارینی - تکرار بلاسنه دو شمامک ایچون - بر طرفه
 براقه لم. سید صبریدن اختیار بیوردیغکز:

« هر سوزم عزّ حضوره سخن خاص ايله در. » مصرا-
 عنده کی « سخن خاص » تعبيرينك فصاحت و بلاغته
 دائرالمزده موجود اولان فنونك هانگيسنه اولورسه
 اولسون نصل توفيق اولنه بيله جگنی صحیحاً ادراکدن
 عاجزم . « عز حضور » دولترنده فناً مباحثیه
 اقتدارسز لغمی معترف اولدیغم وسوز اوز اتمامی بر قاج
 کرددر وعد ایلدیگم جهتلرله یالکیز شو مصراعک
 ترجمه سی اولان « حضور عز تکزه هر سوزم مخصوص
 بر سوز ايله در » عبارد سندن نه در لومعنا حقیقه بيله جگنی
 سؤال ايله اکتفا ایدرم . ظن عاجزانه مه قالورسه
 « باب هایون قیوسی » گبی خطیای بو عبارده نیسه
 ینه قابل تاویل قالیر !

سکسانجی صحیفه نك اواخرندن سکسان برنجی
 صحیفه نك نهایتنه قدر مسلسل ، متصل بر برینی تعقیب
 ایدن اوتوز سکز بیت علیلرینك بر خلیسی اوج ،
 بش یوز بیلق آثاردن ظن اولنه جق درجه لرده
 زمانمزك شیوه کفتارینه مغایر گورینیور . از جمله :

« گورمدن آثار نیسانک بہار الدن گیدر »
 « گلار آخر رام اولور اما ہزار الدن گیدر . »
 نہ دیمک؟ بزم ملکیتدہ بہار مازتدہ می ختام بولورمش؟
 گلار کیمہ رام اولورمش؟ بلبل نہ وقت الدن گیدرمش؟
 « حسن اولورکہ سیر ایدرکن اختیار الدن گیدر ! »
 مصراعتک طبعیلگنی ، لطافتی زمان تضمیندہ بر
 [اختیار] جناسنہ فدا ایتک اختیار اولنہ حق
 مسامحہ لردنمیدر ؟

« فلک برماہر وعشقیلہ دور ایتدیردی دنیای »
 « بنم بختم عجب بر کوکب سیارہ تابعدر . »
 بینندہ نہ معنی وار؟ برماہرونک عشقیلہ دور ایدن
 کیمدر؟ فلک افندمزدمی دنیای طولاشدیردی .
 یوقسہ دنیایمی دور ایتدیریور؟ بندہ کزہ قالورسہ
 شق اولہ احتمال ویردمیہ جگم . چونکہ افندمز
 دنیای دگل حتی دنیانک بینکدہ برپارچہ سنی طولہ
 شمدیکز! برقبریسہ بر آماسیہ بردہ اوروپایہ تشریف

ایتدیگز . قبریس و آماسیه مأموریتلری خدمت
و اوروپا سیاحتی حمیت نامنه اولدیغیچون تحری دلبر
مقصدینه اسناد ایتک المدن گلمیور .

شق ثانی به گلنجه . دنیایی بر ما هر و نك عشقیله دور
ایتمگله بحت عالیلری نیچون سیاراتدن برینه تابع
اولمق لازم گلسون ؟ اولاً هر نه قرینه ایله اولور سه
اولسون : دنیا افند مزدن عبارت اوله ماز . ثانیاً
دنیا ایله شخص واحد بیننده بروجه شبه بولنه ماز .
ثالثاً مقر وضع لغوی به نظراً سیار ایسه ده اصطلاح
هیئت گوره کواکبدن دگل شواطر دن در .

« دامن طوتمق ایچون دوشدکجه یارک پاینه »

« رهگذار دسته کندی گریبانم گلیر ! »

بیتنده « رهگذار دسته » ترکیبی ده غریب شیلردندر .

« ضرورت وزن » ایچون اختیار اولمق جائز میدر ؟

مگر اللر کده یول اوغراغی اولور مش !

« گاه ایدر برنشتز مسموم مرهمدن ظهور »

« گاه ایلر نوش دارو کاسه سمدن ظهور »

قولنده کی ادّعالری نصل اثبات ایتک ممکن اوله بیلور؟
 قانون طبعده مرهم ایچنه زهرلی نشتر صاقلامق یگی
 اعتیاد ایدلمش برشمیدر؟ شمیدییه قدر هانگی زهر
 کاسه سندن خلاف طبیعت «نوش دارو» ظهور
 ایتمش؟ بروقت بنده کزده شعر نامنه مالایغنی شیلر
 سویلر ایکن «جهانک دوری برعکس اولدی دور
 بیقراییدن» دیمشیدم. شو بیت دولترینه باقورم ده
 کندی خیال محالمک کسوه امکانه گیرمش اولمسندن
 قورقیورم .

ابیات سائره حقنده دخی سویلیه جک سوزم
 یوق دگلمسده ذاتاً یازدیغم گوزدلاک چوق اولدیغندن
 ینه صدد آخره نقل مقال ایدیورم :

عزت علی پاشانک «ایلردی یار» قافیه سنده
 اولان و خلاصه سی کندی ضعف معشوقنک
 عبارت بولنان غزلی ده خرابات ادبده ایشید-
 یله جک سوزلردن اولنجه (کفری) و (سروری)

هزلیاتنك او مجموعه عرقانه گیره بیلکدن محرومیتی
نهدن اقتضا ایتسون ؟

عصر من شاعر لرینك آثاری تمامیه تتبع بیور-
لمقسرین انتخاب اولندیغنه صرہ سی گلدکجه بعض
دلایل ایراد ایتمگه متعهد ایدم؛ ایشسته بینہ لرمك
برینی ده ا عرض ایدیورم : سکسان دردنجی
صحیفه ده (مدوح فائق بگك) « بوکم بوکم بوگلور »
قافیه سنده اوچ بیتى وارکه او چنجیسی اولان :

« بونظم دلکشی فائق گورنجیه رشکندن »

« بلی ! میان سخنگو بوکم بوکم بوگلور »

بیتى فصاحت و بلاغة منتخب دگل عادى شعر
حکمنده طوتمق بیله خطابخشانغی مسرفلک درجه سنه
ایصال ایتمگه توقف ایدر .

شاعر اثرینك دگر سزلیگنده معذوردر؛ چونکه
بوغزلی پك نوهوسلك زماننده سویلمش ایدی .
فقط افندمن بویله السنه نلته نك جامع بدایعی اولمق
ایچون یاپیلان بر جمعیتگه اده عرقانه،ینه مشارالیهك مثلاً :

« ناظر دیدار اولان گورمن بو ظلمتخانه دینی »

« چشمه دنیا تار اولور خورشیده ایتدجه نگاد! »

و یا خود :

« عالمده بنم شمسی کلیم ازلی گوی »

« یارب کرم ایت نچمده دک منت دیدار . »

گبی و بلکه بونلردن بالاتر بر چوق آئارندن تغافل ایله
اوتوز آلتی، اوتوز یدی یاشنده بر ذاتک یگر می ایکی،
یگر می اوچ سنه اولکی لقر دیلرینی بیر تلمش مجموعه -
لرندن تحریرییه تنزل خصوص صحنه قوال یلقله ارباب قلمک
شکایتندن قور تیله ماز سکیز صانورم .

یالکیز زمانمز ادباسنک دگل اسلافک ده آئاری،
اصحابی تحقیر ایچون انتخاب اولنمش گبی گورنیور .
عند عارفانه لرنده هر درلو اشتباهدن بریدر که هانگی
کاملک، هانگی فاضلک آئاری اولور سه اولسون،
سراپا منتخب اوله ماز . حتی بر ادیبک اک متتخب
آئاری بیله لطافتده ینه بر بر یله مساوی بولنه ماز .

سید شریف جرجانی :

« در کلام خالق بچون که وحی منزلست »

« کی بود ابدتیدی ! مانند ! یا ارض ابلعی ! »

دیش . بو حقیقته با قیلورسه اسلا فجه برنجی مرتبه‌ینی
خائز اولانلردن فضولینک ده هرسوزی تعریضدن
مصون و تعریضدن قورتیلا بلرینک هربری فصاحت
و بلاغتک حد منتهاسنه تساوی اوزره مقرون
اوله مامق بالضروره ثابت اولان موادندر .

یا حال بویله ایکن فضولینک :

« عشق معماری پایان ساعتده گردون مخزنن »

« دود آهم چیتمغه آچمش کواکب روزنن »

ویا :

« طاشلرله دوگوب سینهمی رسوا گزر اولدم »

« ای عقل قاچوب قورتیله گوردرد سرمدن ! »

ویا خود :

« دوست بی پروا . فلک بی رحم ، دوران بی سکون »

« درد چوق ، هم درد یوق ، دشمن قوی ، طالع زبون »

« ایلده برک لاله وش تمکین دولت بی ثبات »

« صوده عکس سروتک تأثیر طالع واژ کون »

بیتلری هیچ خاطره گتیرلمیوبده

« ذکر لنگه زلفکه دل اولدی دسترس »

« آنک گبی اوقویو بن افسون ییلان طوتار. »

بیتی گبی صاحب ادبه گوره صباوت توغل زمانده

صادر اولمش بر سرچ لسان قیلندن عداوالمق لازم

گلان سوزلری عمومک نظرگاه تقدیرینه عرض

ایتمک اسلافک تحریری معاینی التزامدن بشقه نه

مقصده حمل اولنه بیلور ؟

اگر مسامحه دن ایسه الک مشهور دیوانلر مزدن

بیله او یله گلشی گوزل برقاق بیت آلیور یرمک اسلام

ایچنده نه قدر ارباب قلم ظهور ایتدیسسه جمله سنی

هیچ حکمنده طوتمق و اثرلرینک حسن و قبحنی صرف

هوس دولترلرینه مطابقت و مغایرتله مشروط بیلک

دیمک اولمازمی ؟

تأسف اولنورکه نگاه تمیز سامیلرینک اغماض
 مسامحه کارانه سندن (فضولی) گبی (نائل) ده
 قورتیله مامش . یعنی اویچاره نك دخی
 « سن ویررسك عاریت بوجان مخزونی بگا »
 « سندن آیرلق همان اولمکدر ای خونی بگا »
 ویا :

« نائل مستغنی گام دو عالمدر کوکل »
 « حظ ایدرنا گاملقدن بلکه گمنام اولمدن »

ویا :

« مهر عصمتدن بیله شام ایلر اولسه ژاله پاش »
 « اول حیا گلبر کنک پاکی دامنک گورن »
 یولنده سوزلری اوراق نسیان ایچنده قاهره
 « گور سجده نیازی سن با که خوبلرده »
 « شایسته پرستش بر آفتاب گوستر ! »
 بیتی گبی معکوس المأل و

« چیقازان عالمی باشدن سنک ای خلعت جاه »
 « وقت پوششده اولان بوس گریبانکدر ! »

بیتی گبی هیچ معناسز لقر دیلری انتخاب بیورلمش !
 ظم ایتیم که نائلینک دیواننده بو ایکی بیتدن آشاغی
 سوز بولنسون !

فضولی یی ، نائلی یی بر طرفه براقه لم ؟ مقدمده
 ادبای رومک جمله سنه مرجح گوستردیگنر
 نابی حقنهدده پک معایجویانه بر طرز اختیار
 بیورلمش یا !

مرحومک دیوانندن قبول بیوریلان :
 « دگل زمینه دوشن برف خانه چرخک »
 « بیاض صورت دیواری پاره پاره دوشر . »

وَ

« سبوی میله ابریق وضو بر خا کدن اما »
 « نه حکمتدر ییلنمز یری صالح ، یری فاسقدر ! »

وَ

« سزای تیغ اولور حدین تجاوز ایلین مولر »
 « آنکچون تیغدن آزاده در مژگان وابرولر . »

و

« کو ستر مسون او قحط سخن مجلسن خدا »

« کالوده تخنخ ، اوله لفظ نستدر »

و

« اسافل اولسه اولمز اعالی نائل سامان »

« ویرن زیر اکه صورت جامه زرتار دسوزندر . »

بیتلرینی تنزلاً ملاحظه بیورکز ! برنجیسنده اولان

خانه و آسمان تشبیهنده بر مناسبت وهله برفک دیوار-

دن دو کیلان کیرچ پار چهلرینه بگزه دلمسنده بر لطافت

وارمیدر ؟ ایکنجیسی ایسه [سبوی می] و [ابریق

وضو] جماد و بناء علیه فسق و صلاح قابلیتندن

محروم بولندقلر یچون مالا یعنی دگلمیدر ؟ او چنجیسنگ

مصراع اولنده قافیه ایچون ایراد اولنان « مولر »

تعبیری بیتک معناسنی بتون بتون بوز مازمی ؟ تجاوز

حددن اجتناب ابنای بشره عائد بر نصیحت ایکن

قیلمره تعلیم ادب ایتک ایچون بیت سویلک التزام

مالا یلزم اولمز می ؟ دردنجیسنده کی « لفظ نستدر »

نہ دیمک اولیور ؟ نستہ کلمہ سی ترجمہ دگلمیدر ؟
 ترجمہ ایسہ عربی برکلمہ نیک ترکی برکلمہ یہ اضافت
 فارسیہ ایلہ اضافتی جائز میدر ؟
 نابی دیوانندہ :

« غم چکمیز رقیب بزہ سرگران ایسہ »

« انصاف اولنسہ بزده رقیبک رقیبی یز »

وایا

« آداب عبودیتی اشجاردن اوگرن »

« عکسک بیله طاعتور سجداء آبایت ! »

وایا

« زاهد بزی تخویف ایله تشویشہ دوشورمه »

« سن محکمہ روز جزادنی گلورسک ؟ »

وایا :

« سوزده ضرب مثل ایرادینہ سوز یوق اما »

« سوز اودر عالمہ سندن قالہ برضرب مثل . »

بیتلری کبی التقاطہ شایان جوهرلرمی بولنه مازدی کہ

خواباتك سفال پاره قىلىندىن اولان شىلرله ترتيبنه
احتياج مس ايلسون ؟

نظمتك اوقدر پارلاق نعتلىرى و بشقه يولده
بر خىلى رنگين سوزلىرى وار ايكن

« بىك پاره اولسه ذره دگل اول دهان قدر »

« ياننده جزؤ لايتجزى جهان قدر . »

بىتى گى مبالغه عجمانده « بزم شاهك مين انبارلى
گمىلى اولوبدر . » يولنده طفره فروشلق ايدىن
تبا كوجى عجملره رحمت اوقوده جق بر قول غرىمى
انتخاب اولمق لازم گلودى ؟ .

§

ايلروده صرەسى گلدجكه ينه قدما نك آثارينه
ارجاع مقال ايدرم؛ شمدى اوقودىم طقسان ايكنجى
وطقسان اوچنجى صحيفه لرده سعادتلو نورس افندى
حضرتلرينك بعض ابياتنه تصادف ايلديگمدىن
مساعده سنه كزله آنلره دائر بر قاق كلمه سويليه جگم؛
مشار اليهك شويله بر بىتى گوردىم :

« تعا کس ایتسه شوق تجلی ایگله من دللر »

« خروشی هب جبالک عکس تأثیر صداندرد. »

بندہ گزہ قالورسہ لغت کتابلرندہ مصرح اولدیغی

و مثلاً :

« مافی الدیار مجاوب الاصدای المتصوت »

« فاقول ابن احبتی ! واجاب ابن احبتی ! »

ییتندہ دخی گور ولدیکی وجهله صدا صوتک عکسندن

حاصل اولان صوت ثانی معناسنه مستعملی اوله رق

بو حالده ایسه « عکس تأثیر صدا » ترکیبندن

« صوتک عکسینک تأثیرینک عکسیدر . » معناسی

چیقار که خواجه نصرالدینه اسناد اولنان « طاوشانک

صوینک صوینک صوی « مثلنه منظوم و فقط

معناسر بر نظیره وجوده گلور .

ینه مشار الیهک « صویانار ، نار یانار ، خاک یانار »

مصرعنده کی « صویانار » قضیه سنده پترول غازلرینه می

اسناد تصور اولنمش ؛ و « خاک یانار » ادعاسی

حرارت مرکزیه دمی اقتباس بیورلمشدر ! یوقسه
او موهوم اولان (عناصر) اربعه یی یننه صرف
موهوم بر آه ایله یاقیویرمکده تحیلات شاعرانه
مقتضیاتندنمیدر ؟ بورالرینی آکلایه مدم .

ینه مشار الیهک

« گریه یی اول دم که اهل عشقه آیین ایتدیلر »
« دیدۀ گریانمی سر چشمه تعیین ایتدیلر »
بیتندکی معانی خفیه و نکات دقیقه یی ده بر درلو فهم
ایددمدیگمی عرض ایتسم ذهنک قب الغنه نظراً
معذور طوتیله جغه مروت و مساحه دولت لرندن
امید وارم .

بندۀ کزک بیلدیگم « آیین » مذهب ورسوم
معناسنه اوله جق اگر او یله ایسه اهل عشقه آغلامنی
مذهب و یا خود رسم ایتدکلری وقت افندی حضر -
تارینک آغایچی گوزینی ده « سر چشمه » تعیین
ایتمشدر ، بوقدری آکلاشیله بیلدی . فقط سر چشمه
ینار بر شمیدر ! یوقسه باشی بوزوق سر کرده سیمی

دیمک اولہ جق ؟ بورالرینک فرقندن عاجز قالیورم .
 اگر پیکار باشی ایسه بر مذهب ویا رسمک
 بر پیکارہ احتیاجنی ایشتمدم . اگر باشی بوزوق
 سرگردہ سی ایسه بر معید ویا مجلس تشریفانہ
 شنلکله ، سـویـتاری ایله گیدلدیگنی ده گورمدم .
 قلت ادرالک مکرانہ مه بوتجربہ سزلکلر دہ منضم اولیور .
 ده اویت منتخب و معمای ادبک حل اشکالندہ آنک
 ایچون بوقدر مشکلاتہ دوشیورم .

شعر دہ بوقدر رقت ، بوقدر خیال رقیق ملتزم
 اولنجه بشکطاش نائی نوری افندی مرحومک
 « هر کا کله بر شانہ ، هر بلبله بر لانه . »
 « بر کا کله جانانہ فسخانہ بنم شمـدی . »
 بیـتی نظر تدقیق سامیلرینه تصادف ایدہ مدیگنہ
 تأسف اولنور .

ینہ مشارالیهک :

« جگر دہ طور من آقار خون زخم تیرنکار »
 « اورومجک آغی اوستندہ صانکه جسم نزار »

مضمونیده دهکه بر خیاله وارد اوله بیله جک بداعدن
دکلدر .

قولی ، باجانی ، باشی ، گوکی اورومجک
آغی اینجهلگنده بر آدم رسمی یاپلسده بر قانلی
جگرک اوزرینه یاپشدرسه نه قدر گوزل ونه قدر
دلفریب بر منظره تشکیل ایدر اوپله دگلی افندمز؟
واثقک: « بیدار اولکه رؤیت دیدار وقتیدر »
مصرای عجبا ترجیع بند عالیترینک مطلعنده کی
سلاستزلگه امثالین بر دلیل اولمق اوزره می انتخاب
اولندی ؟ یوقسه هرکی او قورکن تو اتر نفسه
او غراتمق ایچون شعر مجموعه سی ترتیب ایتمکده یگی
پیدا اولمش بر مراقیدر ؟

واصف بر بیتنده :

« نیاز وصلت ایله نرم اوله مگر یوقسه »

« اوتند خویه بنم غیری نیتم واردر »

دیور . تحف شی ! خراباتده بولندیغمز و شاعر لک

طاسلادیغز ایچون وزن وقافیدایله زباندرازلق ایتمک
معذرت نابجاسی قیلندن اوله رق آداب عقل ونقله
مخالفت تامه ایله مخالف اولمق اوزره ترویج واعلان

تسلط سیئه سنیده می نکتلهر، ایمالر آلتنده صاقلایدرق
معرفت گبی گوستره جگیز؟ یقیناً بیلورمکه گر چکدن
شاعر اولنلرک دامن خیالی بو گبی لوث دناسله
آلوده دگلدیر. آنلری بویله ترهاته یا قافیه سوق
ایدر، یا مضمون، قال الله تعالی « یقولون ما لایفعلون! »
خراباته درج اولنان غزللردن بو قدر بیتلر
تنقیح اولنمش، حتی نابینک « دگلدیر » قافیه سنده
اولان ایکی اڭ پارلاق غزلندن ایکی اڭ فنا بیت
انتخاب اولندرق

« عالم اسیر دست مشیت دگلدیر ؟ »

« آدم زبون پنجه قدرت دگلدیر ؟ »

مطلعی گبی دنیالر دگر برگنجینه معرفت زیر زمین

اهمالده بر اقامش ایکن وجدینک « قابلدر » قافیه
سندده اولان غزلنده کی .

« بن ایتسدم یستونه عمت ایتم تیشینی محرم »
« آنی نوک مژدیلله ییتمق ای فرهاد قابلدر »
گودزدلگی نیچون ابقا اولمش اولسه گر کدر ؟ گوز
کرپگیله طاغ ییتمق ایگنه ایله قویو قازمقدن محال
دگلمیدر ؟ شعر سویلیه جگزدیه دنیاده نه قدر
محالات وار ایسه جمله سنی عالم امکان دأردسنه
گتورمگمی قلقشه جغز ؟ !

« کله برداغده زلفی سایه بخش اولسه نوله »
« لایق تاج شهنشاهی سرندن بلایدر »
نهدیمک ؟ عجایب شی ! تاج اولان باشلری داغلرلرمی
ایمش !

هالینک :

« چشم مستی شراب ناب ایچمش »

« دل پریاندن کباب ایستر »

ییتندن . آزیچق دقته تنزل بیورسه کز البته افندمزده

استکراہ ایدرسکڑ ! انسان بر دیگرینک شخصنی ویا
گوزلرینی یام یام قیاس ایدردہ صکرہ نصل حسنه
علاقہ بند اولہ بیلور ؟

یحیانک :

« بربرینہ گیردیلمر دولابلرله آبلر »

« آبلر غالب گلنجه دوندیلمر دولابلر »

بیٹی عجبا مبنی علی الحکایہ میدر ؟ اویاہ ایسہ نہ دن
اشارت بیورلماش ؟ دگل ایسہ نیچون انتخاب
اولنمش ؟ یوقسہ دولابلر ایلہ صولرک جنک واونکی دہ
وقایع سام وھوشنک گبی داستانلر تنظیمہ مساعد
پردر نکمیدر ؟

« لادری . » عنوانیہ محشی اولان آثار منتخبہ

آراسندہ تصادف ایتدیگم :

« گردون فضای عشقده برگو کجہ لالہدر »

« بحر محیط او لالہدہ بر قطرہ ژالہدر »

بیٹی بندہ کڑہ پک غریب گورندی . دیمک کہ ہیئت

گبی ، قوز موغرافیا گبی حیز مکنوناتدن بحث ایندن
فئونه دائر نه او قودقسه جمله سی یالان !... بز بحر
محیطی کره زمین اوزرنده بیلوردک او ایسه فلك
ایمش « سبحان من تحیر فی صنعہ العتول » !!
توفیقک :

« دهشت ویررز لاف و گداف ایله عدویه »

« چون نقش اسد بی ضررز لیک مهینز »

بیتمده تصوّر ایتدیگی مال فنا قلاشلق دگل، فقط
آداب انسانیه یه یاقشماز . وَ بِنَاءَ عَلَیْهِ اَدَبِیَاتِ قَوْتِیْلَه
قطعا جائز اولماز صانیرم .

او قوجه کوپرلی خاندانه مدار مفخرت عد
اولندجق درجهدرده ستایس دولنلرینه مظهر اولان
اسعد پاشانک شعرده کمانه گوستریله جک برهان،
جلد ثانینک طقسان دردنجی صحیفه سنده کی آلتی
بیت ایسه ، بر آدمی او قدرجق معرفت ایله دولت
عثمانیه نك مجدّد عظمتی اولان برقاج بیوک ذاته
مابه المباهات عد اتمک ظن حقیرانه محه لغویاتدن

اولور. واقعا مرحومك طبيعتی وار ايمش ؛ زماننده
نابی مقلد لگنه اوز نمش ؛ فقط راميلردن ، ساميلردن ،
طالبلردن ، راغبلردن مسلك تقلیدده بيله آشاغی
قالمش ؛ حتی منتخب آلتی بیتده لفظ یا گلشی ده وار :

« چکن مردانه در رطل گران خون شهادتدن »

مصراعنده کی « مردانه » کلمه سنه البته دقت بیوردر-

سکز . شاهانه [شاه] رندانه [رند] مردانه

[مرد] یرنده قول لالتق قاعدة و یا استعمالاً جائز میدر ؟

« سرمایه شاعران توکنمز »

« دنیا توکنور یا لان توکنمز ! »

بیتی رازی یه اسناد اولنمش ؛ حال بوکه بیت شیخ

غالبکدر . مطبوع دیواننده کی حسن و عشق دده

واردر .

راغب پاشا مرحومك ده آثاری ؛ انتخاب

خصوصجه بر بیوک مساحبه اوغرا دیغنی اخطارندن

کندیمی آلهم . .

« محرّك دل اولور دلربايه محتاجز »

« زمان ضعف قوادِر عصايه محتاجز »

بیتی گبی او قدر حکیم بر ذاتک لسان عرفانه شایان
اولیان سوزلر خرابانده گوریلیور ؛ فقط

« آزاد گان قید امل سرفراز اولور »

« ناز ایلسون سهره اوکیم بی نیاز اولور »

سوزی گبی بر تحریرک خلاصه تجاربی عداولنغه
لایق و یا خود :

« اولسهق نه قدر کیسه تهی نقد غنادن »

« عرفان ایله محسود کرام وزیر »

قوی گبی شان و حالنی مصوّر و ناطق اثرلرینه
تصادف اولنه میور !

هله بیچاره عالینک :

« حبیب سو تقرّبه مرادک حقه ای عالی ! »

« رقیب اولمق گبی الله رنگین انتساب اولمز . »

بیٹی گبی سحر حلال دینگہ لایق بر بیت دلنشینی
 طور و ب طور رکن « اولمز » قافہ سنده کی غزلندن
 « گچہلر خواب گوندز عشرت اولدی باعث حیرت »
 « بوکارک باکہ انکاری گبی حاضر جواب اولمز »
 بیٹی قدر قوتسز بر سوزی انتخاب اولندیغنی گوردجہ
 انسانہ حیرت الویریوز .

افندمزک طقسان طقوزنجی صحیفہ آخرینہ
 تصادف ایدن غزلارینک

« وطن مالوف اولملر بی سبب ترک دیار ایتمز »
 « ضرورتسز جهانده کیمسه غربت اختیار ایتمز »
 بیٹنی سوابقہ قیاس ایدرک کمال تأسفہ بر معنا
 استخراج ایدہ بیلدم . انشا اللہ ذہندہ کی تصور خطادر .
 فقط « وطن مالوف » ترکیبنک استقامتنہ حکم
 ویردمیورم . دیمک کہ جہلہ کتابک قافیہ بدالغیہ
 استعمال ایدہ گلدکاری « معایموفور » تعبیریدہ صحیح
 اولہ جق : یعنی عربک اسم مفعول لریدہ وصف .

ترکیبی یاییله بیله جك ! بنده گز براز عنادجی یم:ینه
 اویله عبارده ترکیب ایتم یا . فقط نه چاره که برکوره
 افندمز قبول بیوردیغ گز دن بوندن صکره بشقه سنک
 اویولده یازده جغی شیلره یا گلش اولدیغنی بیلدیگم
 صورتده یا گلشدر دیمیه جگنده آگا جانم صیقیلیور .
 برده ینه اوغزلده کی :

« دونه سیمابه فکر ایتدجه حسنک اضطرار بندن »
 « گوگل بریرده ای آرام جان سنسز قرار ایتمز »
 بیتنده اولان سیماب تشبیهی پک اجنبی گورنمیور می؟
 باری مصراع ثانیهده « ای آرام جان » یرینه
 « ای آینه رو » دینش اولسه ایدی اسکی شیوه
 افادهیه گوره آردده بر انطباق ، بر ملائمت حاصل
 اولمازمیدی ؟ هر حالده افندمز عالمسکتر اما قولکتره
 قالسه اولوردی صانیرم . — اوغزلده :

« نظام خلق عالم محترمدر عند بازیده »
 « خداقادر در اما سیمی زر ، لیلی نه ایتمز »

بیورلمش . ماهیت اشیاده گوریلان ثبات حقنده
تعلق ایدن امرالهی نظام عالمی محافظه ایچونمیدریا !
نظام السنه اسلامیده یالکثر انسانه متعلق اولان
سیاسیات اصطلاحندن دگلمیدر ؟ حکمة آلتونک
گومش ، گجه نک گوندز اولماسنه قدرت الیه نک
مصروف اولماسی تغیر ماهیات علم ازلی یه توافق
اید مامسندن نشأت ایتمز می ؟ بونده آسایش بشرک
تغیر آخری حکمنده اولان نظام عالمک نه دخلی
اولسه گرک ! ینه اوغزلده اولان

« بزه خون بشر سرمایه نصر و شجاعتدر »
« سباع دشت وهامون کندی جنسندن شکار ایتمز »
بیتمدن نه مراد بیورلمش ؟ عجبا حیوانات بزدن
انسانیتلی حرب و ضرب سباعیتدن دها شنیعیدر
دنیلک ایستلیور ؟ حاشا افندمزک بویله اعتقادده
بولنجه جغنی تمامیه بیلورم . مقدمکی عریضه مددهخی
برقاج دفعه عرض ایتدیگم وجهله بونلر هپلقردی
وزن وقافیه ایله سویلنسوندن نتیجه سنده نه چیقارسه

چیتسون؛ مسلك سقیمنه بر کرّه گیرلمش بولندیغندن
 نشأت ایلدیگی عند چا کرانه مدده بدیهی حکمنده
 بولندیغچون بوراده دینی ویا حکمی بر مسئله دها
 چیقارمغه لزوم گوردم . ایشته ینه ادب دائر دسنه
 رجوع ایدیورم .

یسرینک :

« نطق جانبخش خیالک حبس ایدادن دیدده »
 « تل قفسلرده جگر حقیقه بلبیل بسلرز »
 بیسته نقادانه بر نظر ایتک عجبا نیچون میسر اوله مامش ؟
 اولاً « نطق جانبخش خیال » نه دیمک ؟ ولو که خیال
 جان باغشلا ییجی بر نطقه مالک اولسون ؛ اونطق
 گوزده نصل حبس اولنه بیلور ؟ عالم اشعارده ویا خود
 خراباتده لقردی بی گوز ایله می دیکدرلر ؟ اگر او یله
 ایسه دیمک که سروری :

« دلبر اولوردک قولاقدر گورمدک گوز طویمدق »
 « سرمه چکسم گوشکه منگوش طاقسم چشمکه »
 ییتنی تهکم یولنده عین حکمت اوله رق سویلش !

ثالثاً طوطه لم که کرپکار تله جزئی بر مشابہت ایله
 بگز دملک اوله بیلسون . گوز ، نه قرینه ، نه علاقه
 ایله قفسه تشبیه اولنه بیلور؟ رابعاً بنده کز آرن اودم
 اما او قدر جگر دن خوشالام . خرابانک هر
 صحیفه سنده ایسه بر جگر مضمونه تصادف ایتدجه
 کندیمی (باغچه قیوسنده سوسلینک) لوقطه سنده
 ظن ایدیورم ده گو کلامه استکراہ گلیور .

§

نه قدر تصدیعی موجب اولورسه اولسون ینه
 تکرار ایده جگم آثار سلفک انتخابنده پک مسامحه
 کارانه حرکت بیورلمش .

« ینه بوگون عجبا قاچ جهان خراب اولمش »

« که گوشه نگهک محشر عتاب اولمش »

مطالعیه باشالایان بیتلر فطنتکمیدر ! حتی اولمق
 احتمالی وارمیدر ؟ بزم ادبیات ایله مألوف اولنلر
 دها برنجی مصراعی اوقور اوقوماز ندیمک شوخلغنی
 قارشیسنده تجسم ایتمش گورمز می ؟ ...

اولیٰ نعمت ! ندیمکده، فطنتکده باصمه دیوانلری
 وار. خراباتی میدانہ چیقار مقده هیچ لزوم یوقدی یا؟
 فقط مادامکہ بر کرّہ اراده بیورلمش گونده یگر می
 اوتوز غروش پازہ و ایکی اوچ ساعت صرفیله بویله
 آچیق یا کاشاقلردن پک قولای قورتلوق قابل ایدی.
 اکثر معاصرلر مزدن آلنان آنازده باقدقچه اصحابنه
 خراباتده احسان بیوریلان محل، توقیر ایچون دگل
 تحقیر ایچون ویرلدیگنه حکم ایدہ جگم گلیور :
 بیچاره کاظم پاشانک افندمره قارشى عجابه
 قصوزی اولدیکه هم آنک

« قاشک بر فلکده در دورلمش ای مه موج حسنکدن »
 مصراعنی، همده فضولینک

« هرگوزم بر موجزن دریادر اول دریا ایچون »
 « هرقاشمدر موجدن بر سرنگون اولمش کمی »
 بیتنی خراباته برابرجه ادخال ایدوبده پاشانک شعری
 فضولیدن مقتبس اولدیغنی اعلان ایتدیگنز ؟ حقیقت

حال آرانورسه کاظم پاشا گر چکن شاعر در ، اگر
 کندی اثر اختراعی اولان سوزلری انتخاب بیورلمق
 استنلسه ایدی مجموعہ سنی بر قاق ساعت مطالعہ
 تنزل کفایت ایدر ؛ و او حالده ایسه بویله اتخال
 حکمنده طوتیله جق سوزلره بدل

« سن اول شاهنشہ لولاک مسندسن کد بیٹ موسی »
 « عصا بر کف قبو گده پاسپاندر یاز سول اللہ »
 بیٹی گبی فضولی یه غبطه بخش اوله جق پک چوق
 آثارینه تصادف اولنوردی .

« دردمن جانانه سویلنمش دوا سویلنمیش »
 « ماجرا سویلنمش اما مدعا سویلنمیش »
 بیٹی یسرینک دگل طیار پاشا انگدر . دیوانندن
 قطع نظر فطین تذکره سنده بیله غزل اوله زق
 مندر جدر . عفو دولترینه مغروراً سویلرم : حافظه
 و تبعث بودرجه ضعفیه برابر بویله بر مجموعہ ترتینہ
 مراق اولنجه باری اصحاب توغلدن بر ایکی ذات ایله
 مذاکره تنزل اقتضا ایدردی ،

شین قافیہ سنده و یوز یتش دردنجی صحیفه ده

(لادری) اشارتیه محرد اولان

« رخنده خوابه وارمش خال هندو کا کل اورتمش »

« شه ملك خبشدر گل دوشمش سنبل اورتمش »
یبتنده حقیقه تقرّب ایدہ جک بر مال گورینه میور.

ظن ایتیم که جماداتن اولان خالدر بزم گبی صحو و منام
حاصیتی حاز اولسون ! دیه لم که بو بر خیالدر : فقط
خال ، اگر هندو ایسه ملك حبشده نصل پادشاه
بولنیور ؟ حبشی ایسه آدینه نیچون (هندو) دینیور ؟
بنده کز بورایه گلدم گله لی پک چوق غزته

گورمدیگمدن کره ارض اوزرنده حبشستانی هنده
و یا خود هندی حبشستانه آتہ جق قدر بر بیوک
تبدل و قوعنی ایشیده مدم . فقط شوراسنی یقیناً
بیلورم که حبشسانده (گل) پک نادر ظهور ایدر ؛
هله سنبل هیچ یوقدر . حبش حکمدارلری ایسه
اوله چر چپلاق یا پراقتر ایچنده یا تمازلر . ظن
ایدرم که تئودورک تیانزوسنی پارسده برابر گورمشیدک .

فوطوغرافله آلمه رسمی ایسه همزده موجود
ایدی. گرک تقلیدینه، گرک تصویرینه نظر آبر حبش
پادشاهی او یله دیوژن گبی یپراقله ستر عورت ایدر
طاقدن اولمدیغنی درایت فائقه دولتلری حکمنجه
البت افندمز قولکزدن بیك قات اعلا آکازسکزر !
یک زیاده گوزیمه چارپیمان شیلرده اوزون
لقردی سویله مامکی التزام ایتدیگم جهتله بر چوق
صحیفه لر دها چویردم ؛ تایوز بشنجی ورقیه گلدیم ؛
آنده شویله بریت وارکه :

« لعلکده اولان سیاه خالک »

« زمزمده کی عکسیدر بالالک »

مگر افندمز سعادتلو نورس افندی حضر تلرینی ده
سرفات شعریه ایله صاراقیه آلمق اراده بیورمشکزر !
خراباتک جلد ثانیسنه بوییتی درج ایتک « نورس
افندی چالسه بیله ینه بو مضمونی نظماً ادایه مقتدر
دگلدز ؛ بوبابده مهارت گوسترسه گوسترسه علی رضا

پاشانك اثرلرينى اغتصابده گوسترد بيلور. « اعتقادىنى
تسليم و بلكه تصريح دگاميدر ؟

واقعا چوق اوليور ؛ فقط ينه اخطار يمي تكرار
ايدە جگم : آثار اسلافك اتخابنده پك بالا پروازانه
بر طرز اختيار ايتمشسكنز . بياغى يالكنز تاليف
ايتديگكنز شيلرى دگل استساخ بيورد يغكنز صحافى
بيله عالم انسانيتك (قوش باقىشى) يايلاش بر مكمل
خرياطه سى قياس بيوريورسكنز ! شاعر نورسك
ديوانى الدە موجود و انتخاب ايله يوز اون بشنجى
صحيفه درج بيورد يغكنز غزلى مير نظيف منتخبانده
مندرجدر . الدە ايكي مرجع بولنديغى و خرابانده
مندرج اولان غزلك بشنجى بيقى دخى استدلال
حقيقتە بر بديهى برهان اولديغى حالده :

« چوقدن حصولنى گوردمم مدعالك »

« تأثيرى قالمامشدر افندى دعالرك »

مطلعنده كى مصراع ثانى بى بشنجى بيتك مصراع ثانیسیله
قارشدير درق « كيم اينمش دكرك دینه، كيمش قويمش

بونک آدنی؟ « حکایه سی یولنده بر محاکمه دگلمیدر؟

« شیدا تر ایلدی بنی خویکرده گردنک »

« ایکی یقایی گورمیه بریرده گردنک ! »

« اولسون گناهی بوینگه برداخی سویلهم »

« جوز تکمه کئی که اولمیه آزرده گردنک »

شعری جلد ناینک الی برنجی صحیفه سنده قطعه
اوله رق ایراد بیورلمش و کنارینه (لادری) دینلمش
ایکنینه او جلدک یوز اون آلتنجی صحیفه سنده غزل
یارچه سی اوله رق یازلمش و کنارینه ده (لادری)
یرینه (سید وهی) دینلمش ! ایکی سی بربرینه
تطبیق ایتدم؛ آرهلرنده یالکیز برفرق وار که اوده دیت
ناینک مصرع اولنده اولان (گناهی) الفظنک صکره
کنده (وبالی) کلمه سنه تحوّل ایتمسندن عبارتدر. عجا
بو قدر بر تغییر نظر دقایق آشناییلرنده ایکی شعری
بشقه بشقه می تشکیل ایتدیردی ! یا خود سید وهی
دیوانی جلد ثانی او ائلنک طبعی ختام بولدقن صکره می
مطالعه اولندی . یا خود که سید وهی آره صره

الادری ادهمی تخلص ایدردی . یوقسه شعرده
 مصراع طولدیر مق ایچون احشوزاند . معتاد اوله جنی
 گبی انتخابدهده صحیفه طولدیر مق ایچون مکرر مکرر
 شعر لر یازمق اواصول التقاط اقتضاسندنمیدر ؟
 جلد ثانیك یوز یگر منجی صحیفه سنده حالتینك
 اوله رق ایراد بیوزیلان .

« ذوقی یالکز گشت وَ گذار ایتدهده بولدم »

« عقلك بیله بار اولدیغنی ایستمز اولدم »

یتی ایسه یوز یگر منجی صحیفدهده وَ فقط « عقلك »

یرینه « عقم » « بیله » یرینه « بکا » تغیر یسیر یله

درج ایدیله رك ینه کنارینه (الادری) اشارتی

وضع اولنمش ! بوده می حالتی افندی ایله بر شاعر

مجهول بیننده توارد وقوعی احتماله مبنی اوله جق !

بالالزام انتخاب اولنمش بریت آلتی صحیفه صکره

قولایلقه اونودلماق وَ اونودیله جق اولدیغنی حالد

شعر مجموعہ سی انتخابند قلیشماق اقتضا ایدر صانیرم .

« نشئه تحصیل ایتدیگنک ساغر ده سندن غملى در »
 « بر طوقك بیک آه دیکله کاسه فغفور دن »
 بیتى اسعد مخلص پاشانگمیدر ؟ دیوانجه سی یازم ساعت
 ایچنده تتبع اولنور برشیدر ؛ بر کرّه نظر مبالغه دن
 کچورلمگه تنزل بیورلسه نه اولوردی . ظن عاجزانه مه
 قالورسه بیت [عالی] نگیرد . هانی شعره توغل سا-
 میلری زمانده حافظ مشغولراه برابر استانبولک
 مشاهیر ادباسندن معدود اولان ونهایت (جویده
 حوادث) کتابتنده وفات ایدن عالینگیرد .
 خرابات القتلینه دخول ایدن شعرادن
 هانگیسنه سؤال اولنسه ایدی : صاحبی پک قولای
 آگلایشله بیلوردی .

« بلبیل گلمشده نك برگلنه گوز دیکنك »
 « صحن گلزار امیدنده دیکنلر بتسون »
 بیتى یوز اوتوز برنجی صحیفه ده (ارشد) مرحومك ،
 یوز اوتوز دردنجی صحیفه ده (عزت ملا) نك
 اوله رق یازلمشده یالکیز ایکنجی بیتده « دلشده »

یرینه « شیفته » قوناش . حال بوکه بیت ذاتاواصفک
 باصمه دیواننده مندر جدر . حد ذاتنده دخی گوزل
 خیال اولدیغندن شو اوچ شاعر دن هاگیسینه
 منسوب اولدیغنی سایه دولتلرندن اوگر نمش و یا خود
 اوسایهده بو خصوص ایچون اشکاله دوشمامش
 اولسه ییق بالطبع منتدار ولوردق ،

ماشالله ! نورس افندی حضرتلری فضولییه
 نه گوزل تقلید ایدیور ! بیلم دقت بیورلمشیدر ؟
 مشارالیهک یوزاوتوز طقوزنجی صحیفهیه درج اولنان :
 « شرح ایدیدیم غم هجران ایله چکدکلریمی »
 « کافر آغلاردی بنم حال پریشانم ایچون »
 بیتی ، یوز اللی برنجی صحیفهده گوریلان :

« کفر زلفک صالهلی رخنه لر ایمانمزه »

« کافر آغلار بزم احوال پریشانمزه »

بیتلرینک مصراع ثانیلری آردسنده معاجه ، مضمونجه

قیل قدر فرق یوق !

یا لکز فضولی کلفت ایتمش ده مصرع اوقلا مراعات
 نظیره ! اتباءاً کفر گبی ایمان گبی لفظلر قویمش . افندی
 حضرتلری ایسه الفاظ پرستلگی او قدر التزام ایتماش :
 حال پریشانه کفاری آغلا تمقده فضولی به مساوات
 حاصل ایتدکن صگروه : طوته لم که بر قاق لفظ ضعتده
 فائق بولنسون ؟ فرض ایدم که ایکی بیتک معناسی
 بر اولسون ! زمانم زده سرقت شعر کیمتیه کیمسه نک
 لسانی دگل ، قلمنی بیله کسمیورلر . نه دن قور قیله جق !
 عبدالله وصاف افندینک :

« بیلندی سرّعلی حرف دشنامک ورودندن »

« هویدادر اوشو خک نکته نابودی بودندن »

مطلعی هم یوز اوتوز ایکنجی ، هم ده یوز قر قنجی
 صحیفه لرده ایراد ایدلمش ! عجب عبدالله افندی . گاه
 عبدی ، گاه وصاف تخلص ایلدیگندن طولایی
 ایکی آدمی اولق لازم گلور ! و یا خود بر شعر ایکی
 مخلص صاحبی بر آدمک اثری او انجه ایکی بیتمی صاییلور ؟

« حیرت آلمش بلبلی یلم نه ایتسون نه شلسون »
 « آغلاسه گل اینجینور گولسه دیکن آغزین دیگر »
 بیتی مجرد سعادتلو نورس افندی حضرتلری گبی
 طالعک بر مساعده فوق العاده سیله علاقه قلبیه
 دولترلرینه مظاهر اولمش بر ذات لسانندن صادر
 اولمیدر که قوجدهر انتخاب مجموعده سنه داخل اوله جق
 قدر نظر رغبت دولترلرینه لایق گوریه بیلسون !
 بلبلاک آغلا دیغنی کیم گورمش ؟ ولوفر یادی آغلامق
 تصور اولنسه بیله اوصدادن کیم اینجمنش ؟ هله
 خازک آغز دیکمک ایچون بر نوع ایگنه اوله جغنی
 هیچ ایشتماش ایدم . ترزیلاک صنعتیله مألوف بولند
 یغنی ایسه شاعر حضرتلرینک معلومی اولدیغنی حالده
 کیفیتی ارباب خراباته دگل تحریر مأمورلرینه خبر
 ویرمش اولسه ایدی بلکه دیکنلردن آلنه جق
 تمتع ویرگوسی - - - - تدارک
 اولنمش اولوردی .

« دلد آتش گوزده نم، هم سرده چشم جامدر »
 « ای پری نمدر بنم اکسک اولان حمامدن »
 بیتک شعردن مغدود اولسی و خصوصیه انتخابه
 شایان گورولسی عجبا برنجی مصراعده کی تنبیه لر-
 دئمیدر ؟ یوقسه ایکنجی مصراعده کی « نم »
 جناسندئمیدر ؟

بندہ گره قالورسه اوله حمام قبه سی قدر قفالی
 تپه جامنه بکزر گوزلی برهیکل، حمام آناسندن قور-
 قنج اوله جغندن، خراباته گیرنجه مستان محبتک ائ
 لوندرینه بیلہ فنا حالدہ دهشت رسان اولور .

جناس ایچون بر هذیانی شاعرانه بر بیت عد
 ایتک جائز ایسه ادبیاتمزک حالنه آغلامقدن بشقه
 الدن نه گلور !

« صائمہ کیم ساعت چالار بیل باشکه طوقق اورر ! »
 مصراعنک بر قاق سطر اوستاندہ (ضیا) عنوانی
 گوردیگم حالده ینه بوقدر سلاستسر برسوز خامه

ادیبانه لرندن صادر اولدیغنه اینانه میورم . عجباً
 گنارنده کی (اوله) اشارتی خراباتی دیزرکن مرتبلره
 گلان (اوله) آئارندن برحالمیدر ؟ یوقسه لسانه
 طوباللق ویررجه سنه سکدرک گیدن افاده لرده شعرده
 یکنی چیقمه بر صنعتیدر : بیله میورم !

« ای تکمه بندن اوپ او ایلک گبی گردنی »

« عرض ایله سینه چاکی هجرانی موبمو »

بیتنده جالب شرف انتخاب اولان صنعتلره ، لطافتلره
 نه دیدم ! البته معلوم عالیبری اولمق گر کدرکه

ایلک سیاه ویا دها صحیحی آرانیرسه مور برشی
 اولور . بیاضنه (مردار ایلک) دیرلر . بیتک صاحبی
 اولان شاعر کیمسه سودیگنک گردنی مردار ایلکه
 بگزتمکده عجباً نه لطافت بولمش ؟ ویاخود مقصدی

اودگلمشده بر آفتو ویاخود حبشی قزی سورمش ؛
 یاخود « دیده حیرت نمونم سچمنز آغی قارهدن »
 ظلمت آبادنده سرگردان اولان مستان خراباتدانمی
 ایمش . یاهاه نصل اولمش ده بویله برمالی ، زمانمزد

بر مجسم بازقہ ادراک اطلاقہ لایق اولان ضیا بک
افندی قبول بیورمش ! شورالری ذہنہ پک
قراکلق گلیور .

بوندن بشقہ « بندن اوپ » تعبیری فمون
فصاحتک هانگی شعبہ سنہ گورہ افادہ مرام
خاصیتنی حائر اولسه گرک ؟ (سینہ چاکی) ایله
« موبمو » تعبیرینک بدیعجه ، بیانجه ، معناه نه
مناسبتی وار ؟ بر آدمک گوگسی یاریلنجه اتلری
تل تل اولورده میدانہ می دوکیلور !

بر سوزی برقاق کشی به اسناد ایتک غریبه سی
ظن ایدرم بنده کزک معجز لکمدن بیله زیاده اولیور .
« کمند زلفنه یارک گرفتار اولمسون کیسه »
« بنم شوریده بختمدن سیہکار اولمسون کیسه »

یتی هم احمد پاشایه ، هم سلطان جہ اسناد اولنمش که
سلطان جہک نامنه یازیلان بیتده « زلفنه یارک »
سوزلری « کا کل یازہ » و « شوریده بختمدن »

کله‌لری « بخت سیاه‌مدن » صورتنه قونلقدن بشقه
 شعرلرک ایکیسی بیننده هیچ بر فرق یوق. دوشوندم
 دوشوندم، برقاج دفعه‌در گوزیمه ایلشمکده اولان بو؛
 ایکی شاعره بر بیت اسنادی خصوصنده توارددن،
 اقتباسدن هیچ بر جهته حمل ایدمدم. غفلت ایسه
 چوق اولمازمی؟ ینه اراده افندمزک امانه بیله‌یم
 خاطره او یله گلیور!

عفو عالی، کریمانه‌لرینی صورت مخصوصه‌ده رجا
 ایله برابر بر بیتی ایکی کشی‌یه اسناد ایتک خصوصی
 گبی، سرقات شعریه‌نی اقتباس قیلندن عد ایتک
 رأینده دخی افندمزی پک ایلرو گتمش گوزیورم؛
 مثلاً: یوز اوتوز ایکنجی صحیفه‌ده مندرج اولان
 ابیات بایغان‌لری ایچنده شویله بر سوز وار:
 « کچن اهل دلی آشفته‌گام عشق ایدر خاکم »
 « گلور بوی محبت ریزه ریزه استخوان‌مدن »
 حال‌بوکه آلتش دردنجی صحیفه‌ده نعیماک شویله
 بر بیتی گوریلور:

« قبریمة غمکین گلان احباب اولور لر نشئیاب »

« ریزه ریزه استخواندن گیلور بوی شراب »

بنده کوزه قانورسه بر مالک وزن و قافیه سی
دگشدر لمکله و شراب یرینه [محبت] دینلیویر مکله
ماهیتی تبدل ایتیمه جگندن ، بیت عالیبری نعمت
خیالی بر بشقه شکله قویتمقدن عبارت قانورکه بلاغت
اصطلاحنجه سرقات شعریه دن معدود اولور . طبیعت
دولترلنده اولان ثروت بلاغت ایسه افندمزی ایل
مالیه عرض احتشام مجبوریتنده بولندیر مق
درجهلرندن قات قات عالیدر .

ادبانک حیات و مماتنده ملک یمینی اولان مال ،
میراثه داخل اولماز که شو مالک نعمدن افندمزه
یادگار قالمشدر ؛ دیه بیله یم . مرحومک بیتی خراباتده
ایکن منظور دولتلی اولمادیغنی ادعایه مجال اوله ماز که
اثر سامیلرینی توارد قیلندن عد ایدم .

بروسه لی امینك

« اولدم شهیر ، عشقك ايله نكته دانلره »

« دوشسون سنكده مصرع لعلك زبازلره »

يیتنده کی تصوّر ، غریب دگلمیدر ؟ هیچ بر آدم بلکه
گوزندن صاقدیغی معشوقك دوداغنی گرك
مادی و گرك مغنوی شونك بونك آغزنده
گورمك آرزوسنه نصل دوشر ! بونك مادیسى
براز ... نلگه میلدن مغویسی افتضاح املدن ایلرو
گلمز می ؟ ارادهك حسیات دنیه سنی ددوزن وقافیه
ایچنه صوقه رق خلقه بر طور ادب صورتنده
گوسترمك معقول برشمیدر ؟

راسخك :

« عجب می گریه و آه ایلسهم مانده گردون »

« گرفتار ایتدی بهتانه کیمك باشنه دوندسه »

سوزی رغبت حکیمانله رینه نصل مظاهر اوله بیلدی ؟
فن هیئتك واصل اولدیغی درجه ترقی ايله برابر
بوفلك حالامی دونه جك ؟

مورخ راشدك

« نمکریزی ناسور ایتدر زحم جگر ریشه »

« نوازش کونه حرف تسلیت آزاردن صگره »

بیتنده واقعا اولدجه بر مال وار ؛ فقط افادهجه

« ناسور » کبی « جگر ریش » کبی « حرف » کبی

بلاغت مؤدائی بتون بتون اخلاص ایدن حشویات

زائده، نظر انتخابدن اسقاطی ایجاب ایتزمی ایدی؟

مقصد راشددن براز زیادهجه بیت طوپلامق ایسه

مرحومك :

« حسد قلب عدو لطف ایله زائل اولماز »

« سنکده مضمر اولان آتسه آب ایتمز اثر »

یوللو شیرین سوزلری نه گونه طوزیوردی ؟

شو : « مبالات ایتمز رندانه مشرب هرخصو -

صنده » مصراعندهکی « رندانه مشرب » ترکیب

غریبی قوللانمق راغب پاشا مرحومه گورده نه قدر

اومولماز برنقیصه ایسه، اويله خطالی برسوزك قوجه

راغب پاشا دیوانی گبی اڱ گزیده اثر لر ایله مالا مال
بر نسخه حکمتدن التقاطی طبع نقاد دولترینه گوره
همان اودرجه لرده شایان تأسف بر غریبه در .

رحمینک :

« بیتن گلار دگدر خاك قبری اوزده فرهادك »
« آچلش جانب شیرینه روزنار مزارنده »
تشبیهنه عجباً دقت بیورلمشیدر ؟ بنده کز خیلی دقت
ایتدم . گلك پنجره یه بکزر بربرینی ، اما هیچ بربرینی
گوره مدم .

ینه رحمینک :

« کندی سریر چرخده روحی ترابده »
« سیرایت رسوم مسکنی آفتابده »
بیتنده نه حکمت ، نه لطافت اوله بیلور ؟ عالم ادبده
مسکنتده می ممدوح اوله جق ! مبارک آدم بویله
بر مال تصور ایتمش ؛ [سیر ایله کل تواضعی سن
آفتابده] دیسه ایدی نه اولوردی !

شمدی زحمینک بو غفلتته می شاشدم ؛ یوقسه
افندمزک مثلاً هر سکلی حکمت بک آئازندن اولان
وینه او قافیهدده بولنان :

« یوق قید ماسوا دل قدسی جنابده »

« اولماز خطا صحیفه ام الکتابده »

بیٹی گی رنگین سوزلره التفات بیورمیوبده اویله
مسکینلگی مدح ایدر برلقردی بی قبول بیوردقلرینه
می تعجب ایددم !

سری :

« میدان اول عرقک حکمی کچر ملک دله »

« بونده تقدیم اولنور والدینه شهزاده »

دیمش ؛ عجایب ! او شهزاده بی پادشاهه تقدیم ایدن
ملک دل نرهمی اولیورمش ؛ سرینی آکلایه مدمه !
اعتقاد دولترلرنجه « باغ سخنک گل بیاضی »

اولان ریاضی عجبا شو :

« عاشق صافی درونکدر کیررداڭ گوڭلنه »

« برنگاه لطف ايله باقسداڭ اگر آينديه »

ييتى نه تصوّر مه بنى سويله مش اوله جق ؟

عاشقلىق خصوصنده آينهيده پروانه يه شريك

ايتمك باغ سخنگ بياض گللرينه مخصوص برتخيل
اديبانه مى اوليور ؟

صره مى گلدكجه نه قدر باعث تصديع اولسه

انسان تكرر اردن گرى طورده ميور : حكم قطعى

اديبانه لرنجه نوندن اول گلان حروف علت اماله

اولنجه جق دگلميدى ؟ صادق قديمك :

« قولگم حاصلى اى سرور خوبان سنك »

مصراعنده كى خوبان لفظى فصل او قويه لم ده وزنه

گتورده لم ؟

خلاف ادبدر اما آثار بر گزیده دولتلرندن اولان :

« نوع انسان حشرده ك تعظيم ايدر لر آدينه »

« كيم فداى نفس ايدرسه جنسنك امدادينه »

بیتده پک آچیق بر خطای لفظی گوریورم : معلوم
 دقیقه شناسیلریدر که نوع کلمه سی معنأ بر کثرته دلالت
 ایدر سده لفظاً مفرد در : بوقیلدن اولان مفرداتک
 تابع اولدیغی فعللر ایسه بیلدیگمز لسانلرک هپسندده
 مفرد گیلور حال بوکه افندمز (نوعی) « ایدر لر »
 فعل جمعیه ایر ادبیور مشسکز : مفرد اولان بر فاعلک
 جمع اولان بر فعله جواز اتباعنی هیچ بر کتـ ابده
 گورد مدم . قواعد عثمانیه یازیلان توضیحات
 نحریرانه لرندده بوکشف جدیده دأر بحث وار ایسه
 او اثر جلیلی مطالعایله شرفیاب اوله مدیغدن طولای
 بیله مم : بیله مدیگمده تأسف ایدرم .

غریب شیدر که بکاکجی عزت بگمک :

« میلز رایتهدر قامت بالا یرینه »

« طوغهدر رغبتمز زلف سمنسا یرینه »

مطالعیه بدأ ایدن غزلی ادبیات عثمانیه ده مجموعی
 بش اون پارچهدن عبارت اولان آثار حماسه تک الک
 کزیدملرندن ایکن ایچنده یالکمز :

« بر پری گوردم آلایده ینه گتدی عقم »

« او گیدشدر که گیدر گمدی حالا یرینه »

ییتی داخل انتخاب اولمشده او قدر مردانه سوزلر

رغبتدن اسقاط ایدلمش ! عجا بوکما سبب او یله

قلبدن ، شجاعتدن بحك خراباتده فتنه نما اوله .

یلمسندن احتراز میدر ؟

کاتبینك :

« ینه ای جام مصفی سنی گوردك سیله »

« مجلسك رونقیسك دنیه ده آرت اكسیله »

بیتمده کی « دنیه ده » لفظی نه تحف کله ! الفاظ

عربییه بویله قویررغی کسلش کدی یاوریسنه

بگزتمك ده خرابات آدابندنمیدر .

« چرخه طیانه هر نه قدر استوار ایسه »

« یرك افندی آتی ده وار اوستی وار ایسه »

ییتی کرامی یه اسناد اولنمش ایسه ده ظنمه گوره

نوعینك در . حتی نوعی زاده عطائی شقایق نعمانیه

ذیلانہ پدرینہ دائر یازدینگی ترجمہ خالدہ بوبیتی دخی
آثار منتخبہ سندن اولہرق ایراد ایلدیگی خاطریمہ گلیور.

« سویلدکچہ اول ایکی لب عاشقی ایلر هلاک »

« کہ سکوت ایلر سہ بردم قان اولور قان اوستنه »

بیتی ۱۵۱ نجی صحیفہده مالکینک اولہرق ایراد

اولمش ایکن یوز الی آلتنجی صحیفہده عینلہ درج

ایلمش وَکنارینہ [لا ادری] دینلش . بش

صحیفہک شعر یازنجہدیه قدر بر بیتک هم یوقاروده

ایراد اولندیغنی همده صاحبنی اونوتمق تعجبہ شایان

دگلسہ افندمنز ادعا بیوزیکز : هرکسدن اول

قولکز تسلیم ایدیم !

نائیلینک :

« حکمتنده بنده حیرانم کہ حق جمع ایتماش »

« شیوہ عرفان ایلہ عقل معاشی بر یرہ »

بیتی ابن کمالک :

« جمع ایلماش مجلس عالم قوریلادن »

« عرفان ایلہ بر یرده خدا عقل معاشی »

سوزندن مسروق دگمیدر ؟ چالنه شعرلر انتخاب
شرفه ددمی نائل اوله جق ؟

یالکیز نائینک او بیت ی دگیل ،

« اوچی زاده کبی وجودی آتوب »

« چکدیلر یایچی زاده بی صدره »

جناسنی تکراردن عبارت اولان

« کمان مثال کج مقصدک تقرب ایسه »

« آتله اوق کبی یابانه استقامت ایله »

مفردی ده قبول بیورلمش یا !

« بلبل بیلور اول غنجه رعنا کیمی گورسه »

« پروانه صانور شمع شب آرا کیمی گورسه »

سوزی عجایب شی ! مگر مومک ده گوزیمی اولورمش !

« میانیه سرنی فکر ایدر هب سویلدن یارک »

« تعجب ایله هپ سوزلرم غث و سمین اولسه »

مضموننده ادبه نصل موافقت بولنه بیلور ؛ بر درلو

ادراک ایدم میورم !

می و محبوب و ساغر و خط کی سوز لر دائماً
 بر شیوه تصوف، بر مشرب حقیقت، بر عشق پاک
 یولبنده تاویل اولنه کلمدیگی ایچون ادب لسانی صفوت
 وجدانی درجه سنده محافظه ایتمکله مکلف اولان
 ملت اسلامیه آردسنده زبانزد اوله گلمش ایسه ده
 دنیات شهوانیه نك اڭ شیععلرینی ده خرابات عرفاده
 زیور مجلس ایتمک جائز اوله بیله جگنی ییلز ایدم .
 هر سکللی عارف حکمت بك افندینك ، « هر
 قطره سی » ردیفنده اولان غزلی انتخاب اولمش .
 واقعا سائر منتخباته نسبت پك گزیده عد اولنور .
 فقط زمانمزد بر قاج کشی اوقافیه وردیفده دها گوزل
 دگلسه ده او قوتده اولسون سوز سویلشیدی .
 آنلرک مقرون انتخاب اوله مامسی بلکه گور یله مامسندن
 نشأت ایتمشدر . فقط نائی دیواننك سراپا مطالعه
 بیورلمش اوله جغنده شبهه ایتم . آنده ایسه
 « جامه قوندجه اولور حالت نمای سلسبیل »
 « باده کیم فواره ساز شیشه در هر قطره سی »

بیتی موجود در که « هر قطره سی » ردیفنده آندن
دها پارلاق بر مضمون عثمانلی شاعر لرندن هیچ برینک
آثارنده گورولامش اولسه گر کدر . حتی بوندن
صکرده گوريله جگنده شههم واردر .

حال بویله ایکن اوبیتک داخل خرابات
اوله مامسی قافیه سنده جمشید لفظک فیض وجودینه
مظهر اوله مدیغندنی ایجاب ایدیور ؟
حلیمگرایک :

« عبادتخانه من ای صوفی عشرتخانه در شمعی »
« فروزان گوردیگک قندیلار پیمانه در شمعی »
مضمونی سلطان سلیمک :

« رندلر بزمنده ساقی بر عجب نام ایلم »
« مسجدک قندیانی میخانه یه جام ایلم »
بیتمدن مسروق دگلمیدر ؟ سرقات شعریه نی قواعد
ادبدن معدور ایتمکده نیچون بو قدر اصرار بیوریلیور ؟
یوقسه بوده حکم زمانه اتباعدنی اولسه گرک !

رحمىنىڭ :

« زاهد مذاق تېجربە اهل كېفدر »

« خوشدرمىك عىتقى دىخانىڭ يىگىجەسى »

بىتنە دەمى شەرى دىنور؟ حەقىقىي اذواق رۇحانىيە
و تەخىلات علويە دن عبارت اولان شەئەرە بر جناس
ايچون (توتون) دەمى گىردىك؟ اگر اويلە ايسە
بويىتىڭ يرينە :

« اولمىق ايسترسەڭ افندى كىفجە درت اوستنە »

« بىنىك يە، نارگولە ايچ، آفيون يوت، انفيە چىك »

سوزى قبول اولمىق دەھامناسىب اولوردى ؛ دىگلىمى
افندىمىز !

« بر حىلام يوغىكىن كوشە دستارمىدە »

شەمىدى بويىنوزلر آصلدى در و دىوارمىدە »

بىتنىڭ قائللى دەمى ھەم بىز مان خرابا تىدن اولە جىق ؟

اومىصطبە عىرفادە دىمىك كە بر ... نىگە دە لزوم

وار ايمىش ! بارى بىلدىكلر مىزدىن نىڭ بر بىتى

اتخاب اولنىسە ايدى .

« باقداڭ زمانه اویمدی سن اوی زمانهیه »

سوزی ، اگر زمانه اویمق ایستمش اولسه ایدی
 بوگون پک بیوک بره موقعه بولمسی لازم گله جگی
 هرکسک و هم کندینک مسلمی اولان مؤسسی
 غندنده مظهر تقدیرمی اولیور؟ عالم اودرجه لرده
 تغیرمی ایتدی ؟ قولکیز بولندیغم زندان ابتلادن
 گورمگه مقتدر اوله میورم . بالعکس ینه بر زمان اول
 همنزجه ملتزم اولان « اویسون زمانه ساگه ، سن
 اویمه زمانهیه ! » قولنی دها زیاده شایان اتباع
 گوریورم . احتمال که بوده نقصان ادراک دندر ؛
 اکر اویله ایسه مرؤت کامله دولترینه نظراً بو خطا -
 می ده البته مقرون عفو و اغماض بیوررسکیز .
 سعادتلوسنیخ افندی حضر تلرینک ده اوصلاح -
 ابوالسعود پسندانه . اوقاتای بایزیدانه لریله برابر هم
 بزم خرابات اولدقلرینه تشکرمی اولنور ، تأثرمی
 اولنور . قولایاقله فرق ایدمدم . « بیلهم ایلیه جک
 گریه میدر خنده میدر ؟ »

باری (آه) قافیه سنده (سنی) ردیفنده شعر

انتخاب اولنیور ؛ قدما نك

« خاکپاینه روان اول یوری حالم عرض ایت »

« ایدیم ای دل زار آهله همراه سنی »

بیتی گبی لطائف بدیع لرندن بر قاج بیت یازلمش

اولسه ایدی ده اونازنین

« یاد گیسوی رخگناه کذر ایلر گونلو »

« وارمی بر آگمدیغم شام و سحر گادسنی »

مضمون شام و انجالی سحر جناسی اووقت آرایه

قارشدیریه ایدی ؛ بلکه خرابات عالمك « نه صبح

غم تو کندی . نه صباح فیض ایرشیدی ! » حال

ابتلاسنه دوشن بد مستان حمر آردسنده بلکه

گفتگوی مستانه قاریشور گیدردی .

براز اصطلاح پاردمسده بو تنخح مقتضای

حال سائقه سیله ظهوره گلدیگندن بر رند لالابالی -

مشربك دود مجمر صوفیان ایله بی اختیار آغزندن

چيقان او كسو ركار گي معذور طو تلق مذهب
عرفان اقتضاسندندر .

يوز اللى سكزنجى صحيفه باقيلنج:

« چيقمسون آهم اودى آغزىمى آچديرمه بنم »
« ياقسون سوز درونم سنى ، سويلتمه بنى »
بىتى بهشتىنىك و حال بوكه يوز آلتنجى صحيفه
باقيلرسير ابن كالك !

و « بولمز يمزدر اكثرى ارباب عفتك »

« كوردك زمانه نك نيجه پرهيزكارىنى »

بىتى يوز اللى سكزنجى صحيفه نظرأ ثابتنك ، يوز
آلتمش او چنجى صحيفه گوره عاطفك اوليور ! لله
ورسوله ! شو بىتلر كيمك ايسه اول زهن عاليلرنده
قرار اشديرلسه و اولمديغى صورتده كنارينه بر
(لا ادرى) قونلسده صكره اعلان ايدلسه بزده
عليك كلاهنى ولى يه گيدير رجه سنه زيدك اثرىنى عمروه
اسناد ايتك مناسبتسز لگندن قورتاش اولوردق !

جناس ایچون انتخاب اولنان بیتلرک ھپسی
لطاقتسز اولدقدن صکرہ بر چوغی ده معنا سزدر .
یالکیز بر صحیفہ دن سزہ ایکی شاهد کتوردیم :

۱۶۱ رقلی صحیفہ ده

« دست صباہ ویرمه صاچک دامنک گبی »
« باشند چیقارمه زلفکئی پیراھنک گبی ! » بر
« یاشلو گوزیمہ زلف سپہکارہ گورندی »
« ای مردم کشتی سوسینک قارہ کورندی » ایکی
برنجی بیقی اله آلام؛ پیر آھن باشند چیقار .
کاکلک ایسه باشند چیقہمی یا تراش یاخود یولنغہ
متوققدر . دیلمکہ « باشند چیقار » باشند خارجه
چیقار تقدیرنده اولسون . یا « دست صباہ » ویریلہ جک
صاچ، زلف دگلدردہ بشقہ بر شیمیدر؟ صبا ایلہ دامنک
نہ مناسبتی وارددر؟ خلاصہ شاعر نہ دیمک ایستر؛
روزکار کلسون ده سودیگنک اتگنی طوتسون؛ باشنہ
آتسون، تک صاچلری فسینک، یاخود صاریغنک
ایچندہ قالسون . یعنی باشنی اورتسونده آچارسہ

بأس یوقدز . مشرب غریبنی بر خیال علوی طرزنده
گوسترمك نیتندمی بولنیور !

ایکنجی بیتده کی [مردم] ولو گوز بیگی جنا-
سیله تاویل اولنه بیلسون . کشتی ، مجازک ، قرینه نك
هانگی نوعیله بیتنه داخل اوله بیلور ؟ بوییتدن
مقصد « زلف سیه کاره » ایله « قاره » بیننده بر جناس
یا یقیندن عبارت دگلمیدر ؟ بیت گوز اوکونه آلتجه ،
ولو شوکت و بیدل تخیلاتنه تابع اولانلر عندنده
اولسون ، الفاظندن معناسنه انتقال ممکنمی اولور ؟
اوروپاده بولندیغمز زمان مجموعه آثار دولترینی
گورمش ایدم . ایجه خاطر مدددرکه آنده :

« تاکی گوکل چکرسك اندوه روزگاری »

« فصل بهار گلدی سیر ایله لاله زاری »

مطالعیه باشلایان نظم عالیلری یوق ایدی . بوشعر
اگر اول سویلشمش ایسه مجموعه علیله لرینه درج
اولنیوبده منتخباته قونلق کندی بگنمدیگنیز بر سوزی

خَلَقْتَ بَکْمَنی اسْتَمک اُولَدِیْغِیچون تَمْنیْ مُحال
قیانندن اولور .

صکرده دن سویلندی ایسه یاندمک قصر و صفنده
اولان قطعه سنه ، یاخود قولکیزک ندیمه تقلیداً نظم
ایتدیگم ساقی نامه یه نظیره اوله جق . حال بوکه خراباته
نه ندیمک ، نه قولکیزک او اثرلر مزدن بریت وار .
دیمک که افندمن کندی اثرکز اولان اون آلتی بیتی
بزلرک آلتش قدر بیتنه مرجح گورمشسکز . گندم
ایچون هیچ برشی سویله مم ؛ چونکه افندمنه قارشو
شاعرلک ادعاسنه قیام حدّم و خراباته داخل اولمق
ایسه مقصدم دگلدز . فتمط ندیمک رحجان طبیعتنی
حسبةً لله عرض ایدرم که او افندمنک اون آلتی
بیتی مرحومک :

« ای عالم مثالك ، سیّاح هوشیاری »

« هیچ قصر صورتنده گورذکمی نوبهاری ؟ »

مطلعه بدل اوله ماز .

فتحینک :

« فکیل شمع بختم گرچه سلطانم اویاندردی »

« چراغ ایتدی بنی اّما وّلکن یاقدی یاندیردی »

بیتمده شو « اّما وّلکن » تکرری مخالف بلاغت
 دگمیدر ؟ شهر آثار سینه لرندن اولان (اندلس
 تاریخنده) بر قاج کرّه « ایسه لکن » کبی قاعدهیه
 مخالف ترکیب کورمش ایدم . بویله « دگر دریا »
 « آی مهتانی » کبی تعبیرلر . کله نک بری بشقه
 دیگری بشقه لسانده بولندیغی ایچون استعمال اولمق
 قواعد فصاحتیه مطابق ایسه ، باری بر رساله ده اعلان
 بیورلمش اولسه هیمزه بر علم جدید اوله جغندن ،
 بنده لر کزگی هوسکاران استفادیه بر بیوک منت
 ده ا تحمیل ایدلمش اولوردی . صانکه بر مسئله
 ده ا اوگره نوردک . اوگره نکه استعداد من حقنده
 حضور استادانه لرینه بر دلیل عرض ایدیم :

§

بوندن تقریباً اون بش ، اون آلتی سنه اول

[ترجمان احوال] ده نشر بیوریان بر [معارف]
 بندینه قارشو مکتب حربیه شاکردانندن [نوری]
 نامنده بر چوجق بعض اعتراضلر یازمش و بونک
 اوزرینه طرف دولتلرندن دخی مقابلهیه تنزل
 بیورلدیغندن، آراده تکون ایدن مباحثه صره سنده
 او چوجونک قنندن از قضا صادر اولان «کون
 بکون» تعبیری ایچون مقابله علیه لرینک برنده
 «بو افندی البته فارسی او قومشدر؛ کون نه دیمک
 اولدیغنی بیلور» یوللو مشهور اولان تهکم اودرلو
 تعبیرلرک هجنت وسقامتنی تحرییه ارباب شهاب
 بیننده بر آرزوی مخصوص حاصل ایتمشیدی. شمدی
 افندمزدن او گرندیگمز بر مسئله ییینه افندمزه
 قارشو ایراد ایدرده مثلاً «کون بکون» تعبیرنده کی،
 سقامتی بزلر سایه دولتکزده او گرنده . فقط سز
 نیچون اونوتدیگزده اسعد مخلص پاشانک «شر آرتار
 (گون بگون) خیر اکسیلور آخر زماندر بو» مصراعنی
 قبول بیوردیگز؟ خصوصیه مصراعده بو مخل

فصاحتدن بشقه (شر آرتار) تعبیرنده فك ادغام
ایله همزه وصلی جمع ایتك کبی فصاحتجه برنقیصه دها
وار ؛ آکما نیچون دقت بیورم دیکز ؛ دیر ایسهك
ارباب شهابك حفظنده ، تحصیلنده دها مقدمانه
حرکت ایتدیگنی کورنجه انکسار یرینه افتخار بیور-
مز میسکز ؛ خصوصاً بوسسلر تاماغوسه زندان
ابتلا سندن ایشیدیلورسه !

چونکه — — — — — آثارینك دنیا
وَ آخرت آره سنده . « منزلة بین المنزلتین » قیلندن
اولان عقرب ، ییلان یوالرنده بقا دخی بولندیغنی
گورمك البتہ دولتك اقبالنه ، استقبالنه برنجی درجه ده
وَ خصوصیه مبادی ظهورده خدمت ایدن ذوات
ایچون بشقه یولده بر تسلیت . و او تسلیتدن ایسه بشقه
بر منفخرت حاصل اولمق لازم گلور . ملاحظاتی
نفسانده تجربه ایله عرض ایدرم . مثلاً بنده کز

— — — — —
— — — — —

افدمزه گورد بز بندگانگزدن ... اساسنه مستند
اوله رق وارد اوله بیله جک هر درلو تعریضلر نه قدر
موجب تأثر اولسه بیله، مستعد مستعد کوچوک
قرداشلر ویا خودچو جوقلر یتشدیرمش برولی العا-
لله نك پروردکانندن ایشتدیگی، گوردیگی سربستجه
سوزلر، دیکجه طورلر گبی، برنوع طاتلی اگلنجه
قیلندن اوله جغنه ذاهب اولدیغدن، بو قدر تصدیعه
جسارت ایدیورم .

§

« افسانه گلور با که دوکوب سوگمه سی یارک »

« دلبرده وفا اولمه ضرب مثلنجه »

بیقی عزت ملا دیوانندن نه مطالعهیه مبنی آیرلمش ده
خراباته ادخال اولنمش ؛ هیچ بروقتده امید ایدهم که
اعتقاد دولترنجه السنه ثلثه اسلامیه نك موزون لقردی
سویلر نه قدر عرفاسی وار ایسه « رذالتدن حجابم
یوق طیاقله الفتم چوقدر » قاعده سنه تابع اولانلردن

ظن اولسونده منتخبات اشعارد یکنی قیود کی طو-
 مبه جی مجمعلرندن کنایه خرابات نامی ویرلمش اولسون!
 بو مناسبه بته دخی برنجی عریضه کترانه مده
 اولان :

لایتمی ایدی جناب کعبی
 هم کعبه ایکن جهانده کعبی
 تا اولمش ایکن رسوله صاحب
 سرخوشلره ایلمک مصاحب
 طبعیه هم ایلوب مباحات
 ایتمک ینه داخل خرابات
 اول برده ایله صانیرمیسک سن
 آلوده ایدی اوپاک دامن ؟

اخطارینی تکرار و اوایله لاندن طیاق یمک
 و سوگیلوب صایلق اومور معتاده دن عد اولنان
 بر مجلسه اعظم اسلامک دگل ذات والای ادیبانه
 لرینک دخی دخولی و هیچ اولمزه او یولده سویلانیلان

سوزلراڭ قبولی قطعاً جائز اولماق لازم گلور
اعتقادنده مصر بولندیغنی عرض ایدرم .

اولکی عریضه کترانه مده دخی بلمناسبه برقاچ
دفعه بیانه جسارت ایتش ایدمکد انتخاب و محاکمه جه
پک لالایی بر مشرب اختیار اولمش . حتی ینه
عزت ملادن انتخاب اولنان .

« عنقا اول ایسترایسهڭ اگر زاغ لاشه اول »

« یکساندر ارتکاب ایله عفت زمانده »

بیتنه باقیلورسه اولا ابالیلک بیانی خبر اباتیلک
درجه سنه چیقدیغنی ادعا ایدم بیله جگم : « عنقا

اول ایسترایسهڭ اگر زاغ لاشه اول » مصراعی

نه صورتله — مزیتی حقیقته میلندن عبارت اولان —

شعر دأر دسنه داخل اوله بیلور؛ یعنی رئیس الادبا

صفتی حائز اولان ضیا بک افندی بو مصراعنی نه

مطالعہ ایله قبول ایدیور ؟

زمانم زده و یاخود بوندن اول کچمش زمانلرده

و حتی بوندن صکره گله جک و قتلرده ایله

عفت مساوی گوردیگی و یا گوریله جگی ایچون عنقا
مزاج اولان اصحاب همت معدوم اولمغی اختیار
ایتمکدن ایسه قوزغون گبی «الدنیا چیفه و طالها کلاب»
حکمنه عرض استحقاق ایدرجه سنه راست گلان
شیدن استفادیه چاشمق ایجاب ایدر، دیمکی ایستر.
حاشا! و مقتدای ادب اولان برزاندن
اولیه مناسب تر بر فکر و ملاحظه یی هیچ بروقت
مأمول ایتمیز .

§

شویوقار و دده کی افاداته نظر آ پک غریب معالره
محمول اوله بیله جگنی بیلدیگم حالد شخصه بر مسئله -
نی ده مدار بحث ایتمکدن گری طور دمیہ جنم :
انسان قرنجه دن حقیر اولسه ینه مقدار نجه
کندینی انسان و هیچ اولمازسه بر مخلوق بیلیرده او
اعتبار ایله اولسون حقارت گوردیگی استمز .
بناء علیه زیرده کی افاداتی عرض ایدیورم : قولکنز
موزون کلام سویلکده مقتدرم؛ شو قدر وار که لسانم زده

موزون اوله رق گوردیگم شیلر ایچنده مناجات و
 نعلردن ماعد اسنده شعره بگزریک آز سوز بولیورم :
 بناءً علیه نامی گرك خرابات و گرك انجمن دانش
 اولسون شعردن مرکب ترکیه ایچون اولیه منتخبات
 ترتیبی عقلاً ناقابل و حالاً مضر عد ایدنلردنم .
 بو اعتقاد کترانه می دخی گرك اولکی و گرك شو
 عریضلر مدبر قاق کرده تکرار ایلدم . بونکله برابر
 ۱۶ یاشنده ایکن سویلدیگم و حتی هفتوات عاجزا -
 نه مدن اولدیغنی منتخبات دولتلرینی گوردکن صکره
 کوچ حال ایله تخطر ایلدیگم اوچ بیت ایله خراباتنه قبول
 بیورلدیغمه نه معنا ویرمک لازم گله جگنی بیله مده !
 اعتقاد دولتلرینه گوره بنده گز شاعر ایسه م
 برقاق او قونه بیلور یلتمی غزته لرده - و بوگونلرده غزته
 او قومغه توبه بیورلمش اوله جغی صورتده - تقدیر
 عارفانه لرینه مظهر اولان معاصرین شعرانک
 حافظه لرینده بولمق ممکن اوله بیلوردی صانورم . حال
 بویله اولیوبده (فلان یرده بر حریف وار . دیری

ديري دفن اولمش ايكن ينه سويلنوب طور يوز! -
 تاتمين جواي استماعه مقتدر اولان اصحاب قلوبدن
 بعض اماملر گي - مزاردن صدا ايشتمهيم (بيوز -
 لاييه بوده مقتداي ادبا اولان بر ذاتك شاننه لايق
 دگلدز . چونكه اقولا ، بنده گز شعر ايله اشتهار
 فكرنده دگير . ثانياً ، تصور محال قبلندن اوله درق
 اوفكرده بولنسه م يله شمديكي حاليه نظر ا نام حقير! -
 ندمك عمومه مخصوص اولان ارانه افكار ميدانلرنده
 دگل . حتى ميخانه لرده بيله لسانه آلمسي جائ اولمديغني
 بيله جك قدر سرسم اولمديغدن ، خراباته شرفياب
 دخول اوله مديغم ايچون افند مزجه خفيف براعتداره
 بيله حاجت يوق ايدى . غرض بوده اولميه درق
 مالوف تالطقات دولتلى اولان كمال بنده گزى ،
 اوليله اوج بيتجگني خراباته آلمقلم معارفندان ادبيات
 وسياست نظرندن دوشورمك ايسه امنيت
 بيورلسون كه بوكا موفقيت پك كوچ حاصل
 اوله بيلور: زيرا برنجي درجه ده نامى نشریات عالمنده

بیلنلارا تصویر افکارا گبی . افند مزله مشترک اولدیغیز
 احریت اگبی . مؤخر آباش محروم لگنده بولندیغیم عبرت ا
 گبی . کندی کندیمه باصدیردیغیم ا اوراق پریشان ا گبی
 منشور آثارمله اوگردیلر . شعرم ۳ بیته منحصر اولسه
 بیله ینه بین الادبا من غیر استیم ال قزانه بیلدیگم شهرت
 جزویه محو اولماز . خصوصیه او منشور آثار عاجزا
 ندمک ایچنده بر طاقم منظوم لقر دیلرم ده واردر که
 نه قدر نگادر غبته شایان اولماسه لرینه کندی نثرلر مدن
 آشاغی قالمیه جقلرینی یازی نه دیمک اولدیغنی بیلنلرک
 جمله سی تسلیم ایدر . حتی افند مز بیله حریت ده
 نشر ایتدیگیز بر بندی ، بیت اولنک مصرع ثانیمی
 « اقبال و دولتگده بقادن امید ی کس » سوزی اولان
 قطعہ حقیر انهم ایله ختم بیورمش ایدیگیز . صاسکه
 « کمال شاعر در » دیدیگیز ی هم سزدن . هم ده پک چوق
 کشیلردن ایشتم . بو تقدیر عالیگزک نشریات آرد سنده
 دلیل فعلیسینده گوردیم . بوکا مقابل ایسه بنده گز
 ضیا بک افندی شاعر دگلدر دیمدم . که خراباته

كشكول بدست غزل خوان اوله رق گيرر گي ۳
 مناسبه سنز بيت ايله دخول معامله سنه لايق اوله يم!
 يالكرز ترجه ده شعر حالا حاصل اولدى : هپ عجم
 مقادى يز : بوتقليد ايله ايسه لسان ادبى تنظيم
 ايتمه چاشمق عبث ايله اشتغالدر . بناء عليه
 خراباتك ترتيبى اولسه اولسه بريره برميخانه يامق
 قدر فائده ويره بيلور . مؤلف عاليقدرى ايسه
 مقتداى ادبا اولمغه برابر اسلاف و معاصريناك و حتى
 كنديناك اشعارى ايچنده هانگيلريناك گرك فنا
 و گرك طور قدمايه اتباعا شايد انتخاب اولديغنى
 تميز ايدم مامك خاصه غريبه سنه مظهر در ؛ ديدم .
 بو ادعائى ينه تكرر و حق بيلديگم ايچون نكرار
 على التكرار اصرار ايدرم . دليل ايسه اولكى و بو
 گونكى عريضه لر مدد . فرض بيورلسون كه افندمره
 گوره عبد كترلى گي برعاجزك تره اتنه جواب
 يازمق مخالف ادب وارب ايمش . اخطارات كترانهم
 اوزرينه نفعيناك وطنى صورت مخصوصه ده تبديل

و برساقی نامہ سی خرابانہ مدار تزیین و حضرت
 حسان (رضی اللہ عنہ) افند مزاک بر قطعہ سی
 منتخبات عربیہ سر لوحہ تعیین بیورلمش اولسنہ
 نظر آ مجموعہ منتخبات دولتری بر کر دہا باصیلورسہ
 اخطارات سائرہ کتراندن برازینک حسن قبولیہ
 قوللری قبول حق و سرعت انتقالہ کمال عارفانہ لری
 قارشوسندہ بر کر دہا محجوب بیورہ جقلرندن
 مایوس دگلم .

معشوقہ وجدانم اولدیغنی مقدمکی عریضہ
 حقیرانہ مدد بیان ایتدیگم سیاسیاتہ متعلق بر خصوص
 صدن طولای دخی پک زیادہ متأثر اولدیغنی کتم
 ایدمیه جگم : لایقیہ خاطر مدد درکہ قولکیز او ۳
 بیتی قائمہ ناک زمان رواجندہ سویلہ مشیدم کہ بیتک
 صورت تنظیمندن پک قولای آکلاشیلہ جنی وجهلہ
 مقصدم قائمہ آلیش ویریشنی تزییفدن عبارت ایدی .
 (وصلخواہ) تعبیری (دوالتخواہ) تحویل اولندیغنی
 حالده اونکتہ جک بتون بتون ساقط اولہرق بیتک

صرف هذیان قیامدن قاله جغی نزد سامی عارفانه لرنده
تعریف احتیاجندن مستغنی در. قولگزارایسه اوغزلی
سویلدیگم زمان نوهوس ایدم. فقط یاوده گو دگل
ایدم. بوندن بشقه اوپله کاغد اشعارپله اقبال
دیلجیاگی ایتک مسلك و مشرب چا کرانه مه بتون
بتون مغایر اولدیغنی افندمز جهلندن اعلا بیلورسکیز.
بوتغیری افندمزه اسناد ایدم. اصل متأثر اولدیغیم
اومالده بریت سویلدیگمه اعتماد دولتریدر. بوقول
محرفک خراباته قبولندن مقصد قصائد سنیدلرینک
بعض ابیاتنه دائر ایرادینه جسارت ایتدیگم ملا.
حظاته قارشو بویله بر لطیفه ایله قوللارنیده شعرده
افندمزه هم مسلك گوسترمک ایسه بر آدم حریت
آرقداشنه مانعوسه ده دگل. جهنمده اولسه اسارت
آرقداشی اولمغی قبول ایدمیه جگنی صورت مخصوص.
صده عرض ایدرم.

§

شخصمه متعلق بوقدر اکثار کلام ایلدیگمدن

طولایی نیاز عفو ایدرک (یاء) قافیه سندن انتخاب
بیوریلان آثار حقنده کی ملاحظات حقیرانه می ا کماله
ابتدار ایدیورم :

مثالینک شویله بریتی انتخاب اولنمش :

« خط باصدی روی دلبری بن قاشدهیم دخی »

« آقشام ایرشدی سیر کمانکشدیم دخی »

قاش ایله . مقوسلک قرینه سیله کمانه تشبیهی

الویرمدی ده الی آیاقلی . گوزلی قولاقلی کمانکشلرد

بگزدهلمسی ده می جائز اولیور :

نانالینک :

« طرفه مجنونم که پیدرپی خیال زلف یار »

« طولاشور اطرافی آهسته آهولرگی »

بیتنک مصراع اولنده (زلف) دگل بنده گزه

قالیرسه (چشم) اوله جق چونکه تل تل . بوکم

بوکم سیم سیاه و یا صاب صاری آهو گورولامش

اولسنه نظر آ زلفک غزاله تشبیهنده بر ملایمت

بولنه ماز . هيچ ظن ايتم كه نائي ، آهويي ييلان ظن
ايتمش اولسون !

نورس افندي حضرتلرينك :

« جانمي جانانمك ديدارينه نذر ايلدم »

« آلد يارب جانمي گوسترمدن جانانمي »

يائي ، فضولينك :

« هر گورن عيب آب تاب ديدۀ گريانمي »

« ايلدم تحقيق گورمش كيمسه يوق جانانمي »

يائنه مر جشمي اولسه گر كدر كه بو انتخاب اولمش ،
او بگنلماش !

و جدينك :

« سا كه دل اولدي مبتلا آل خبرك صحيفي »

قطعه سي خرابانده دكل قره گوز پرده سنده بيله
ياقشماز صانورده .

هو اينك :

« شها گوزي گوز تيميلي اولدي دل خراب »

« واي اول عمارتك كه عليل اوله ناظري »

ییتنک مصراع ثانیسنده ربط یوق دیکلمی ؟

یوندن بشقمه علیل عد اولندجق درجدرده
شاشی اولان گوزده می سویلر مش ؟ قور بغه گوزینه
عاشق اولمق مبالغه سی بوخیالدره نسبت یك اعون
قالیور !

کنارینه (لا ادری) اشارتی وضع اولنان

« برنیم نشئه صای بو جهانک بهارینی »

« برساغر کشیده یه طوت لاله زارینی »

ییتی ندیمک ، وَ

« آرزو ایلر کمند کا کل جاناندینی »

« باغلاسهک زنجیرلر طوتمز دل دیواندینی »

ییتی فضولینک ، وَ

« قوایه گلدی خلل چون گورندی موی سفید »

« گم اولدی راحتمز لیانز نه ار اوله لی »

ییتی حامینکدر .

ندیمک ده فضولینک ده ، حامینک ده دیوانلری

مطبوع اولديغندن هيچ برينك مطالعه بيورلماش
 و بيورلديسه ايچارنده بويتلرد تصادف اولنلماش
 اولسي خراباتك اكيثريلرنده گوزيمه چارمقدد اولان
 غرائب جمله سندن عد اولنور .

« عبادتخانه مزي صوفي عشرتخانه در شمدي »

« فروزان گوردیگن قندیلر پیمانه در شمدي »

يقي ۱۵۹ نجی صحیفده حلیمگرایک اوله رق ایراد

اولنمش ایکن ۱۷۰ نجی صحیفده (الادری) اشار-

تيله درج اولنق بلکه یوز کرّه عرضنه جسارت

ایلدیگم مسامحهیه بردلیل دیگر دگلمیدر ؟

برده ینه (الادری) اشارتلی ابیات آره سنده

گوردیگم :

« عالمده سنگله بولورم لذت جانی »

« سن اولمیجق بن نیدرم جان وجهانی »

ییتندن ایسه سلطان سلیم اولک :

« هپ سنکچوندر بنم دنیا غمن چکدکارم »

« یوقمه عمر مواری سنسر نیلرم دنیایی بن »

بیاتی دها زیاده شایان انتخاب گورنرمی ؛

بزم ادبا نظر نده بر کلام موزون اوله رق ایراد
اولانجه بداهته ، حقیقته ، حتی فنون آلیه قواعدینه
بیاه نه قدر مغایر اولور ایسه اولسونینه مطهر قبول
اولدیغنی مقدّمکی عریضه مدد بر قیاق کرده ادعا ایتمش
و صردسی دوشدکجه دعوای عاجزانه مه بر چوق
دلیلار دخی ابراز ایشیدم ؛ تکثیر تیایانک توضیح
مدّعاده طبعی اولان تأثیرینه بناءً « فهرست شاهان
آل عثمان » عنوانیه خراباتک ترجه قسمنه تزییل
ایدیلان منظومه دن بوبابده بر قیاق مثال ایراد ایدرد ؛
همدمینک سلطان اورخان حقنده اولان :

« غزایه صرف ایدوب اوقاتی هیچ طور مدی خلی »
مصراعی حقیقته موافق دگل ؛ چونکه مشارالیهک
۳۵ سنه امتداد ایدن زمان سلطنتدن یگر می ییلی

متجاوز مدت بتون بتون آسایش اوزره كچمش
 وَ حَكومتك ترتیب قواعدينه مصروف اولمش ایدی .
 ینه همدمینك :

« اوسرو باغ دولت كتدی عقبايه خرامانی ! »
 مصراعنده کی (خرامانی) لفظك آخرنده اولان
 (یاء) بتون بتون زاندد .

ینه همدمینك سلطان مراد حقنده ایراد
 ایلدیگی .

« جلوس ایدوب یرینه اوغولی سلطان مراد آنك »
 « تماماً روم ایلین فتح ایتدی آچدی کافرستانی »
 یانی « اوغولی » خطاسندن بشقه صراحت تاریخیه
 یدهده مغایر دوشیور ؛ چونکه سلطان مراد اول
 روم ایلنك تمامانی دكل نصفنی آنجق فتح ایتشیدی .
 ینه همدمینك فاتح حقنده :

« یرینی اوغلی سلطان بایزیده گوردی ارزانی »

دیمسی خلاف واقعدر . چونکہ فاتح ، سلطان
بایزیدی ولیّ عہد نصب ایتماش ایدی .

ینہ ہمدینک سلطان سلیم اول حقندہ اولان :
« آلوب مصری عجم اقلینہ صکرہ سفر قیلدی »

سوزینک نتیجہ سی سلسلہ وقوعتی زیروزبر ایتمکن
عبارتدر . چونکہ سلطان سلیم عجم اوزرینہ مصری
آلدقن صکرہ دگل آمدن اول سفر ایتشیدی .

ینہ ہمدینک سلطان احمد متعلق اولان :
« زمانندہ آناطول سمتک اطراف واکنفن »

« جلالی اشقیاسی جملة ایتشدی تالانی »
یتندہ کی (آناطولی) لفظنک بر (یاء) سی اکسک

(تالانی) لفظنک زیاددر . منظومہ لردہ کملرک بر
برندن حرف اقتراض ایتسی جائز ایسہ اوراسنی بیلمم .
خطیئات تاریخہ ہمدی بہ منحصر دگل :

تأسف اولنورکہ افندمزک ذیلنددہ بولنیور !

« قریمی اینجه صکر ددن روسیه استیلا »

« ینه دولته حربك اقتضا ایتشدی اعلانی »

موافق حقیقت برسوزمیدر ؟ معلوم سامیلری
دگلمیدر که روسیه قریمك استیلا سنه ۱۱۹۰
سنه سنده بدأ ایتدی . حتی ۱۱۹۸ سنه سنده دولتدن
بویابده سند رسمی دخی آلدی . سلطان حمید
سفری ایسه ۱۲۰۲ تاریخنده اعلان اولندی .
حتی اعلان حرب ایچون میدان قونیان سبب قریم
مسئله سی دگل روسیه نك لهستانه مداخله سی ایدی .
یا هاله :

« خیانت ایلدی اعلان حرب ایتکسزین مسقو »
« طونمائی سینوبده یاقدی خالی بولدی میدانی »
بیتی خامه محققانه لرندن نصل صادر اولدیغنه نه قدر
حیرتده قالسم و وادر ! اولاً ، قریم مسئله سنده
روسیه بزه اعلان حرب ایتدی ؛ مملکتینه عسکر
سوق ایتسی اوزرینه دولت علیه روسیه اعلان
حرب ایتدی .

سینوب حادثه سی ایسه اعلان حربدن اقل
 دگل گرك روم ایلیده ، گرك آناطولیده متعدد
 محاربه لر وقوعندن صکره ظهوره گلدی . قول
 عاجزانه مه اعتماد بیورلماز ایسه کیفیتک تحقیقی مشکل
 برشی دکلدر .

برده افندمنر شمدی یه قدر دال ایله بیلدیگمنر
 (دونما) کلمه سنک املاسی (آدنه) گبی مؤخرأ
 برقرار رسمی اوزرینه می طاء حرفه تحویل اولندی!
 یوقسه بو املاده اجتهاد ادیبانه لری جمله سندن بر
 کشف جدیدیدر؟

ترکی اشعاره دائر اولان ملاحظات قاصرانه می
 بتون بتون اوقونماز اولمقدن احترازأ بوراده حتم
 ایدیورم ؛ یالکیز شوراسنک علاوه سنی لازم عد
 ایدرم که خرابانده معناسز ، مناسبتسز اثرلر پک
 سهولتله بر جای قبول بولمش ایکن رنگین شیلرک
 تلقیسنده نهایت درجه لرده امساک بیورلمش ! ظن
 ایدرم که یالکیز مطبوع دیوانلرده بالاده شایان تعریض

اولدقارینی عرض ایتدیگم ایتاتک برایکی یوز مثلی
قدر گوزل یت بولنه بیلور . هله مطبوع اولیان
دیوانچلر ، مجموعه لر هیچ تتع بیورلماش دیسه
مبالغه ایتماش اولورم .

افندمن بر زمان قبریس متصرفلغنده بولنمشدیگنر .
دور محمود خانیده سلطان الشعراء عنوانی احراز
شرفنه نائل اولان حمینک هیچ اولمازسه کتابخانه
بالاسنده محرد اولان تارخیخیده منظور دولتلری اولما
مشمیدر ؟ و یا خود او اثر همدمینک هذیاننامه سندن
آشاغیمیدر که نزد دولتلرنده شایان تقدیر اوله مدی ؟
شوراسنیده عالم نسیانده براقه مم که افندمن
خراباتک مقدمه سنده مجموعه نك ۴ لساندن مرکب
اولدیغنی بیان ایتمش و حتی مواد مندرجه سنی
« عناصر اربعه » یه تشبیه بیورمش ایدیگنر .
بو جلدده ایسه چغتایی آثاری ترکی اشعار ایله قار-
یشق گوریورم ! عجباً بو تبدل چغتایی و ترکی نك

برلسان اولدیغنه دأر وقوع بولان اخطار کترانه
اوزرینه میدر ؟ یوقسه کتابک ۴ لساندن مرکب
اولدیغنی بیان ایتک مجرد عناصر اربعه تشبیهی
ایچونمی ایدی ؟

برده چغتاییدن نطقینک :

« ای قدینک طوبی و جنت خد گلگون اوستنه ! »
« گورمدی دوران سیننک دیک آی گردون اوستنه ! »
بیتمی آلوبده باقرانک :

« خطینک تازی دوشوبدور لعل میگون اوستنه »
« ایلا کیم جان رشته سی بر قطره خون اوستنه »
بیتمی بگنمامگه سبب نه در آ کلایه مدم !

§

فارسی و عربی آثاره گلنجه آنلر حقنده مطالعه
ایرادینی حد کترانه مدن بیسک قات بالتر بیسکله
برابر یالکنز ابوالعلاء خبیشنک : « اذا ما ذکرنا آدم

و فعاله « [°] مصراعیه باشلایان وَ کافه انبیا و اولیا
 و اتقیا و عرفاسیاه برابر عالم انسانیتی اقبح شتوم ایله
 تحقیر و تزئیف ایدن قطعۀ ملعونه سنک انتخاب
 اولندیغنه عرض تأسفدن بردرلو کندیمی آلامدم.
 باری ذیلنه قاضی ابو محمد یمینک اوهدیانه جواباً
 انشاد ایتدیگی :

« لعمرك اما فيك فاقول صادق »

« و تكذب في الباقيين من شط اودنا »

« كذلك اقرار الفتى لازم له »

« وفي غيره لغو كذا جاء شرعنا »

قطعه سی ایراد بیورلمش اولسه ایدی .

[°] بومصراعى حاوی اولان قطعه شودر :

للطابع

« اذا ما ذكرنا آدم وفعاله »

« و تزويجه بنتيه لابنيه في الحناء »

« عرفنا بان الخلق من نسل فاجر »

« وان جميع الناس من عنصر الزناء »

[وفيات الاعيان]

« گوسترمک ایچون خطا ، صوابی »

« هر شیوه دن ایتدم اتخابی »

قولنه توفیق حرکت بیورلمش اولوردی .

تصدیعام کستاخلق اولدیغنه معترف اولمق
برابر کو چوکلرک سوزینی اگر حقی ایسه قبول
ایتمک بیوکلک شانندن اولدیغنی بیلدیگم ایچون
عفو دولنلرندن قطع امید ایدمم . هر حالده امر
وفرمان حضرت منله الامر کدر .

نامق کمال

ماغوسه دن ۱۲۶۲

سنه

تم



۸
کتابخانه ابوالضیا

Kamal, Namik

مقدمه جلال

Mukaddeme-i Celāl

اثر

نامق کمال

...

اوچنجی طبعی

معارف نظارتک رخصتیه

قسطنطینه

۱۳۰۹

مطبعة ابوالضیا



مقدمهٔ جلال

بِسْمِ اللَّهِ الرَّحْمَنِ الرَّحِيمِ

— ۱ —

ملکمزده ترقی فیکرینک ظهورندن بری
جهان انسانیتک خزائن کالاتندن اغتنام
ایده بیلدیگمز جواهر معرفتدن بریده ادبیاتدر .
فی الحقیقه بزده قلمک گوستردیگی ترقی ، غربک
بدايع عرفانه قیاس اولنورسه بر علامه نك عرفانه
نسبة یکنی لقردی یه باشلامش بر چوجوغاک
سویله بیله جگی اوچ ، بش کله حکمنده قالور .
مع مافیه قلت ، یوقلق دیمک اولمديغندن ، ادبیاتمزده
حاصل اولان انقلاب ، تاریخ عصر ایچنده بر کو-
چوک دیباجه مباهاته زینت ویرمک لیاقتندن
بری دگلدور .

بوندن اون بش ، یگر می سنه اول مربوط
 بر مکتوب یازمق اصل کتابت ، صفت و موصوف
 مطابقتنه وقوف ایسه کاتبلر ایچون پک بیوک بر
 معرفت ، یا هله قافیه لی بردعا و مناسبتلی بر قاج بیت
 ایله تزیین اولمیش بر خلوص کاغدی ترتیب ایدد-
 بیلک ملک ناطقه عرفانی دیمک اولان ادبیاتده
 اک عالی بر مرتبه براءت قیاس اولوردی !

منشآت نامیه الده موجود اولان مجموعه لارک
 هانگیسنه بر نظر ایدیلورسه بودعوایی اثبات
 ایچون براهین متسلسله ایله مالامال گورینور .
 ترجمه حال حقیرانه مک جامع اولدیغی غرائب-
 ندر ، که استانبولک حریقدن محافظه سی حقنده
 بعض مطالعاتی حاوی (تصویر افکار) ده نشر
 ایتدیگم بر مقاله ، بر درجه دیه قدر بدیعه مطابق
 یازلدیغیچون ، اوزمان باب عالینک اک بیوک مساند-
 نده بولنان و قلمارینی متکای عالم قیاس ایدن بعض
 ذوات طرفندن فوق العاده بر شی عد اوله درق -

آروده اولان فکر و مشرب مخالفتيله برابر — دفعهٔ
رتبهٔ ثانيه ايله تطيب اولمشدم . حال بوکه شمدي
اويولده برمهٔ له يازلسه ادبامز طرفدن تطيبي دگل ،
تزيينات لفظيه هوسكار لغيله اضاعه ايديلان زمان
ايچون . تعيبي دعوت ايدر ظن ايدرم .

نه قدرده تعيب اولنسه حقمزلق ايدلمش اولماز ؛
چونکه اڭ قبا ترجه يازيلان اثرلرده « فکر مکر
و ذکر حکر » سوزی گبی مطولده تنافر اڭ
چرکین مثالی اوله رق ایراد اولنان « و ليس قرب
قبر حرب قبر » مصراعنه رحمت او قوده جق عبارده —
لر اڭ وجودی هپ او سجع و ترصیع هوسلرینک
سیاتنددر .

ایشته او قومق بیلنلر اڭ اکثری ، ادبیات
دینلان آثارمزی استماع ایدرکن بشقه لسانده
یازلمش بردعا ظنيله آمین خوان اوله گلدکلرندن ،
ساده دینلان اشعاراتک ایسه سلسلهٔ ارتباطی
آره سنده معنی چیقارمق ، امواج متابعه ایچنده

غواصلقه صدف صید ایتک قدر مشکل اولدقن
 بشقه، ذاتاً استخراج اولنان مزایاده فکر اکلند.
 یره جک و یا کندینی وجدانه سـودیره جک شیلر
 اولمديغندن، ملتده — سامعديه نظر گبی، فکر گبی
 زمان و مکان ایله آلتش عصردن بری عالم انسانیتہ
 نه قدر عارف کلمشسه جمله سنک الـ منقح، الـ پارلاق
 افاده لرینی تلقی یه مقتدر ایکی معین کرامت پرور
 علاوه ایدن — میل تتبع بتون بتون مفقود ایدی.
 بر درجه ده، که فکرک مدار حیاتی اولان مطالعديه
 علاج گبی، یالکیز ضرورت قطعیه زماننده بیـک
 درلو مشقت واستکراه ایله مراجعت اولنوردی !
 شعر من ایسه — اکثر مناجات و نعتلر
 و برقاچ اوفاق مثنوی ایله گوزل مفردلر استثنایا
 اولندیغی حالده — حقیقت و طبیعت عالملرندن خارج
 بر جهان اوهمادن اقتباس اولنمش بر طاقم
 نامربوط تصوّرلردن عبارت ایدی .

اکثر شعرلر منک بیت و مصراعلری یئینده

اولان معنا تلوئی . پارچه بوغچهلرنده نك تلوئندن
زیاده در .

دیوانلر مزدن بری مطالعه اولنور کن انسان
محتوی اولدیغی خیالاتی ذهننده تجسم ایتدیرسه ،
اطرافنی معدن الی . دگر کوگاللی ، آیاغنی زخلک
تپهسنه باصمش ، خنچورنی مرتیخک گوکسنه
صاپلامش مدوحلر . فلگی ترسنه چویرمش ده
قدح دیه اوکنه قویمش . جهنمی علولندیرمشده
داغ دیه گوکسنه یایشدیرمش . باغردجه عرش
اعلا صارصلور . آغلادجه دنیا قان طوفانلرینه
غرق اولور عاشقلر . بوی سرودن اوزون ، بلی
قیلدن اینجه ، آغزی ذرددن اوافق ، قلیچ قاشلی ،
قارغی کیریپیکلی ، گیک گوزلی ، ییلان صاچلی
معشوقه لرله مالامال گوردجگندن کندینی دیولر ،
غول یبایلر عالمنده ظن ایدر .

حیفاکه شعرمزدها بو طرز غریبیدن
قورتیلهمدی ؛ آردصره طبیعته موافق و زمانک

فکر معرفتیه لایق بر طرز شعر ایچون فاتحه
 ظهور عد اولنه جق بعض اثر لر گورینور ایسده
 میل تجدید ، شاعر لکده کاتب لکک بتون بتون
 عکسده بر تأثیر حاصل ایدرک ، شعر ، یگی یولده
 اولق ایچون مثلاً : زخافلی و یابتون بتون وزنسر
 سویلک لازم گلور ، واک عامیانه سوزلر قافیله
 بر سطرده یازیلورده آردسی پارمقله سیلنمش گی
 بر یردن کسلیویررسه شعر اولور ظن ایدلر یگندن .
 سامعه خراش ادراک اولان بر چوق قصیده و غزل
 تقلیدلری و ملت شرقیسی موده لری آردسنده
 گوزل سویلنمش سوزلرده . قور بعلی باغچلرده تصادف
 ایدن بلبلرک نغماتی گی آردیه قاریشوب گیدیور .
 شایان تأسقدر ، که شعر مزک مسلگی اصحاب
 تمیرک او یوله رغبتنی جلبه صالح اولمدیغیچون آثار -
 منظومه جه بر صباح تر قینک تقرینه براعت استهلال
 عد اولنه جق بر نمونه استدلال یوقدر .

فقط منشور اولان آثار ادبیه من طرز قدیمک

زنجیر اسارتندن قورتلدیغی زماندن بری ملت-
 احرازانه پک چوق خدمتله ایتمه استعداد گوستر-
 دیگی و واصل اولدیغی مرتبه نك ترقیات صحیحدن
 اولدیغی پک قولای انبات اولنه بیلور .

یگر می سنه اول چیقان برغزته نی مندر جاتنده
 نه قدر اهمیت اولسه بش یوز کشی اوقومازدی .
 بوگون نشر اولنان اوراق حوادلک هر نسخیه سی
 خانه لرده ، قرائتخانه لرده ؛ شهر لرده ؛ قصبه لرده
 لا اقل اون بش بیک الدن کچیور . یگی یازیلان
 کتابلری افراد ملنک اون اوچر ، اون دردر
 یاشنده نوردیده لری لذتلی لذتلی اوقیور ؛ اگلنه
 اگلنه مستفید اولیور .

اون سنه دن بری قادینلر مزده اصحاب مطالعه
 بره یوز تزايد ایتدی ؛ استانبولده دکانچیلر ،
 اوشاقلر غزته اوقیور . هیچ اولمازسه دکلیور .

حقوق دولته ، محبت وطنه ، فیض حمیته ، شان
 عسکریه ، وقایع حربیه دائر ولو مجمل اولسون

معلومات حاصل ایدیور . عمومک آفاق اطلاعده
 حاصل اولان بو وسعت ، طرز جدید سایه سنده
 دگلمیدر ؟ ملتک حفظ وطن واستقلال دولت
 یولنه قانک اڭ صوڭ طمله سنی ، ملتک اڭ صوڭ
 آچمه سنی ایثار ایدجک قدر ابراز ایتدیگی غلیان
 حمیت و جدانلره ترجمان اولان نشریاتک لسان
 ادبده کی تأثیر قدر خدمت ایتمش بر قوت وارمیدر ؟
 بو حقیقتلر میدانده ایکن مجالس بحث و منا-
 ظر دده « بزی غزتلر ، حکایه لرمی تربیه ایدجک ! »
 گبی بیوک بیوک بر طاقم سوزلر ایشیدلمکده اولدیغنه
 تأسف اولنور ! ملتزم معارفجه او یله هر محله سنده
 بر دارالفنون بولنه جق ، هر سوقاغنده بر علامه
 یتیشه جک مرتبه لر دن پک بعید اولدیغچون آر-
 مزده غزته دن ، حکایه دن استفاده احتیاجندن
 مستغنی پک چوق و بلکه پک آز آدم موجود
 اولدیغنه قولایلقله احتمال ویر یله مز . مع مافیه
 شوراسنی ده خلافی ثابت اوله میه جغندن تمامیله

مطمئن اولدوق ادعا ايدوبيلوروز، كه غزته دن،
 حكايه دن استفاده يه محتاج اولميه جق قدر معارفند
 اولانلر غزته لرك، حكايه لرك بر ملتك تربيه سنجه
 اولان تاثيريني انكار ايتمز. چونكه بويله برفكرده
 بولمق ممالك متمدنه لك هر جهتده علوم متعارفدن
 معدود اولان بر حقيقتي تكذيبه قيام ايتمكدور.
 اوروپاده زمانى آلتوندن قيمتدار بيالان اصحاب معرفت،
 عمرينك بريوك جزوينى اضاعه وقت ايچون غزته
 مطالعه سنه حصر ايتمز. اولادينك تربيه سنى حياتنك
 محافظه سنه ترجيح ايدن ارباب حكمت چو جملرينه
 زوزكلك ايچون حكايه كىتابى اوقوتماز.

ادبيات جديده نك ودها طوغريسى ادباى
 جديده نك اوغرادينى بر تعريفده اديب عنوانه
 نائل اولمقله برابر حالا املا ييلامكدور. اگر ادبامز
 بو مؤاخذه نابجايى طرز قديم طرفدارلرندن
 گورمش اولسه لردى. «بز ذاتاً معنای موضوعى
 غائب ايتمش و كثر استعمال ايله تلفظى بتون بتون

دکشمش اولان عربی و فارسی کلملری ترکیه شیود۔
 سنده یازیورسدهق بونددهدینه سزک و حق
 خواجدرکزک طوتدیغکز مسلکله اتباع ایدیورز .
 سز نیچون عیبینی (هکبه) دروگری (دولگر)
 یازمقده مختار اوله سگزده بز ماصال یرینه (مثل)
 چامه شیر یرینه (معناسز اوله رق) (جامه شوی)
 یازمقده مضطر قالهلم ؟ » دیرلر ، حقلمنی هر
 صاحب انصافده تسلیم ایتدیرلردی . فقط املا
 بیلامک تعریضی طرز قدیم طرفدارلغندن گلمیور :
 ترکیه کلملری مأخذ اشتقاقدن آیرمامق ایچون
 نوایی طرزینه مقلد اولمق ولسانی زنگینلتمک ایچون
 (خوموردانمغه) قافیه تدارکنه بر ضرورت گورنمش
 گبی « امور سافمق » یولنده بر طاقم تعبیرلر ایجاد
 ایتمک میلاندن گلیورده آنک ایچون مقابله سنده :
 « استانبولی بخاریه و زمانی عصر بیقرایه تحویل
 ایتمک بز مجرا سنه مقتدر اولدیغمز شیلردن دگلدرد .
 بز ایلرو گتمک ایچون یدی سکز عصر اولکی

حاله عودت ایتمه اوغرا شیرسوق آرادیلغیز نتیجه
ایله تشبث ایتدیگمز اسباب آره سنده استلزام یرینه
تناقضه اوغرا ارز دیمکله اکتفا اولغیق لازم گلیور.

ادبیات جدیده طرز قدیم طرفدارلرینک ده
تعریضندن قورتلدیغی یوقدر ؛ آنلرک قولنجه آثار
جدیده ایکی بیوک نقیصه یی جامع ایمش ، که بونک
بری تزینات لفظیه دن ساده اولسی ، بری ده
عبارهلرک کسیک کسیک یازلمسی در .

طرز قدیمده گوردیگمز تزینات لفظیه بر طاقم
کلمات غیر مأنوسه ایله اکثری عطف تفسیر سایه -
سنده وجوده کلان قافیهلردن عبارت دگلیدر .

« لغتک ترجمه سی یاننده

یر ایدر اهل دلک جاننده »

ایکی صحیفه لک بر یازی او قومق ایچون هر کسی
سکسان دفعه قاموس ویا برهانه مراجعت مجبور -
یتنده بولمیر مق ایچون معرفتدن معدود اولسون ؟
الفاظ غریبه ایله بر رنگین معنایی ستر ایتک

بر گوزل چهره دینی آلی . بیاضلی دوز گوندله
 لطافتدن محروم ایلمک . بر چرکین مالی کیمه ایله
 سوسلگه چالشمق ایسه بر زنجی قاریسنی تللی .
 پوللی دؤواقلرده صاقلامق قیلندن اولمازمی ؟

عرب و غربتک مصوّران خیالی نظر ادراک
 اوکنه نور عرفاندن مخلوق . روح تمیزدن مصنوع
 نیجه . یوز بیاک نازنده تمثال ادب عرض ایدوب
 طور درکن ، ملتک فکر شباب و میل وجدانی
 او اشکال دلخراشه قبایح پسندانه اسیر اولوب قالمق
 احتمالی وارمیدر ؟

عباده لرتک کسیکلگنی مؤاخذه ایدنار ایسه
 اعجاز الهی اولان قرآن کریمک فصاحت قدسیه سنه
 بر کرّه امعان نظر ایتسدلر التزام ایتدکلری مذهب .
 ادبتک بطلاننه پک قولای ایمان ایدرلر ظن ایدرز .
 آثار جدیده ایچون ایراد اولنان مؤاخذه لرتک
 بری ده بتون بتون عامیانه ، بتون بتون سفله
 پسندانه بعض افادات و مطالعاتده کی رواج ایله برابر ،

بر طاقم نشر یانده گوریلان جهالت جسورانه در .
 فی الحقیقه هر کس تسلیم ایدر . که بر ملتّه برلسان .
 ادب حاصل ایتک ایچون آنک اجزای ترکیبی
 اولان افاداتی الّ سفلی بولنان افرادینک محاورا .
 تندن انتخاب ایتک چوجقلرک تربیه سنی آیوازده
 حواله ایلک قیلندن اولور . فقط انصاف ایله
 دوشونلدیگی حالد پک قولای آکلاشیله جفی
 وجهله ، دنیاده نشان آتمقدن عاجز ویا جنایتّه
 مائل برقاق کشی بولمقله اسلحه جدیده ناک فنا ویا
 مضر اولسی لازم کیمه جگی گبی ؛ یگی یازلمش بعض .
 آثارک سقامت افاده و یار دانت مالی طرز جدید ادبک
 ماهیتندن دگل ، سؤاستمالندن وجوده کلمکده در .
 انسان « یحکی بشقوته بالف لسان » وصفنه
 مظهر بر مخلوق اولمسنه نظراً ، شیوه افاده ، اسکی
 طرزده قالمش اولسهیدی اودرلو عامیانه و امیانه
 سوز یازمق استیانتلرک قلمرینه هیچ شبهه یوقدر . که
 کتابتک سلسله ارتباطیده پابند جرات اولمازدی .

آثار قدمادن گور اوغلی ماصالمیری ، کفری
دیوانلری بو دعوائیه دلیل کافیدر .

— ۲ —

طرز جدیدک ظهورندبری هر فنده یازیلان
کتابلر بشقه بر وضوح ، بشقه بر فکر حکمت پیدا
و حتی احباب آردسنده تعاطی اولان کاغذلر بیه
خلوص نامنه ریاکارلقدن ادب و تربیه نامنه ساخته
یالتاقلقدن قورتیله رق ترجمان فکر ولسان وجدان
عد اوله جق بر مرزیت حاصل ایتمه باشلادیغی گی ،
ادبیاتده اوچده یگی شعبه میدانله گلدی ، که بری
مقالات سیاسیه ، بری رومان ، بری تیاترودر .

واقعا استانبولده نشریات (تقویم) ایله باشلامش
و صکره بوکا (جریده) ده انضمام ایتمش ایدی . فقط
بونلرده بنددینه جک برشی وار ایسه اعلانات رسمیه نك
بر شکل دیگرده یازیلشندن عبارت اولدیغی ایچون
میکمزدده مقالات رسمیه نك تاریخ ظهوری (شناسی)
مرحومك آثار یله نشریاتی ترین ایتدیگی زمانلردر .

ادبیاتمزد دها مبادی ظهورده بولندیغندن ،
 طبیعی مباحثات سیاسییده ملل غربیهنک بیگده
 بری مرتبهسنه واردمدق . شو قدر وارکه آنلرده
 اولان نشریاتده اقسام ادبک بو شعبهسنجه بزم قدر
 بیله وسعت و سرعت گوسترمامشاردی . هله
 اویولده اولان نشریاتک مناسبتلیسی مناسبتسزندن
 آیریلوبده بریره طوپلانمق لازم گلسه ظن
 ایدرز ، که آلتی یوز سنهدنبرو یازیلان کتابلر
 ایچنده بوگون قابل استفادده اولانلرک جملهسنه
 فائق بر مجموعه وجوده گلوز .

رومان قسمتیده نوظهور عدایتدیگمزه تعجب
 اولمسون ! آثار قدیمده عبرتنامگی ، مخیلات گبی ،
 اصلی ایله کرم گبی بر طاقم حکایه لر وار ایدی .
 فقط کتابخانه آدابمزدده موجود اولان بر قاق
 ترجمه دنده آکلاشیله جنفی وجهله روماندن مقصد ،
 گذران ایتمامشسه بیله گذرانی امکان داخلنده اولان
 بر وقعیدی اخلاق وعادات و حسیات واحتمالاته

متعلق هر درلو تفصیلاتیله برابر تصویر ایتماکدر .
 رومانلره نادرآ موجودات روحانیله قاریشدرلایغی
 وارددر : لکن اودرلو خیاللره نه فکر ایله مراجعت
 اولندیغی مسئله نك صورت تصویرندن بداهت میدانه
 حقیقار . حال بوکه بزم حکایه لر طاسم ایله دینه
 بولمق . بریرده دگره باتوب صکره مؤلفك حقه
 سنندن حقیق . آه یله یئمق . کولك ایله طغ
 یازمق گی . بتون بتون طبیعت و حقیقتك خار چند
 برر موضوعه مستند و صورت تصویر اخلاق
 و تفصیل عادات و تشریح حسیات گی . شرائط
 آدابك کفوسندن محرومه اولدیغی ایچون رومان
 دگل . قوجه قاری ماضی نوعنددر . حسن و عشق
 و لیلی مجنون قیلندن اولان منظومه لره . گرک
 موضوعلرینه و گرک صورت تحریرلرینه نظراً
 عادتاً برر تصوف رساله سیدر .

وردو پالیر رومان یولنی اوددرجه اینرو کوتور
 مشرددر که بوگون هر متمدن ملتك اسننده

اخلاقه و حق بر درجه‌یه قدر معارفجه استفاده
اوله‌ه‌جق بیگلرجه حکایه بولنده‌یلور . هله ایچلورنده
اوالترسقوت اگی ، اچارلس دیتک‌نس اگی .
ویقتور هونغوگی ، آلکسندر دوماگی . مشاهیرک
بعض حکایه‌لری شو عصر مدینه مدار مباحثات
اولان آثار مخلددن عد اولمخده‌در .

(شایان عبرتدر . کد ویقتور هونغوگی « ادمیزه
رابل » عنوانی حکایه‌سی ده‌ا تالیف اولورکن
طقوز اسانه ترجمه ایدلمش و فرانسیزجه بر قیچ دفعه ،
بر قیچ شکلده طبع اولمقدن صکره برده بیوجک
قصاصده رسمی باصیلدق یانگیز بونوعدن یوز المی
بیات نسخه صالمشدر) بزده ایسه حکایه قسمی
مخصوصات ادبیه‌مزاک اناقص جهتیدر . اسانمزد
اندله اوقونده‌جق بایکد اویچ حکایه بولنده‌ماز . السنه
غریبه‌دن آلدیغوز رومانلر اکثریت اوزرده فنا ترجمه
اولمش . آثار ملیدن معدود اولان حکایه‌لر ایسه
ندقدرفد یازلمش ایسه بر قیچ قت فد دوشوناشدر .

بند کزده «صوک پشیمانلق» عنوانیله بر حکایه
 یازمش و معارف طرفدن نامی (انتباهه) تحویل
 اولندقدن صکره نشرینه موافق اوله یاشدم. حکایه
 ماهیت لسانک اوبوله اولان استعدادلرینی تجربه
 یولنده ترتیب اولمش ایسده تصور و تصویرده بر
 صعوبته دو شمامک ایچون موضوعی غایت ساده
 طوتدیغم حالده ینه فقدان استعداد جهتیله گوگاک
 ایستدیگی درجهیه کوتوردمدم.

— ۳ —

تیاتروییه کلنجه: بونوع ادب، غایت مصرفلی
 بر تماشگاه ایله اخلاق ملیمزه گوره پک کوچ
 میدان کلودر بر اویونجی طاقنه محتاج اولدیغمز حالده،
 لسانمزه حکایه قسمندن بر قاچ قات زیاده ترقی
 گوستردیگی میداندر. بوگون نشریاتمز ایچنده
 تألیف اولسون، ترجمه اولسون الک گوزل حکایه
 لر مزدن گوزل یگرمی بش، اوتوز اویون بوله بیلوروز.
 ظن ایدرم، که تیاتروییه متعلق یازیلان آثارده

بوترقیه . تیاترونك حدّ ذاتنده رومانه رجحانیله
 برابر استانبولده بر تماشگاهك وجودی سبب
 اولمشدر . فی الحقیقه تیاترومنز اوپله منور معرضلی
 مكمل بردهلی اولدیغی گبی . اوپونجیلر اوضاعده
 خردسز . فقط تلفظده تماشانك یازی ذوقنی غائب
 ایتدیرهك قدر قصورلیدر . مع مافیه حیاتك
 لندید حقیقیهسنی بیلنلره گورد بوقدر نقایصیله برابر
 یینه اخیال اگبی سوء ادب تعلیمخانهلرندن بیك
 قات اهون و كجهیه تصادف ایدن یازی دوره عمر
 ایچنده خانینی حبسخانهیه تحویل ایتك و یاخود
 قهوهلرده ، قومشولرده لقلقه ایله اضاعه زمان
 ایلکدن ایسه ، نه قدر قصورلی اولورسه اولسون بر
 تماشا ایله اكلنك هر حالده خیرلی اولدیغی ایچون
 تیاترویه رغبت زیاده دگاسه منقطعده دگلدی .

صکورهلری یعنی بوندن تقریباً بش سنه مقدم [۱]

[۱] بومقدمه بی کمال بك اون اوچ سنه مقدم

میدیللی ده یازمشدی .

بعض اصحاب قدم بر انجمن یا پدق تیاترومز
ایچون اثرلر ترتیبی در عهده ایلدیلر که بنده کزده
لیقتسز لکمه برابر آرد لرندن بولمشدم . انجمنک
آئارندن اڭ اوّل نظر تماشایه « وطن - یاخود -
سلسره » عرض اولندی . بو او یون تیاتروی
بولندیغی حالدن قرق المی درجه ایلر و گوتورمش
وبوندن بشقه سلسره نڭ ظهوری لسانمزده اوقسم
ادب ایچون بر دور ترقیه تاریخ بدایت اولمشدر .

وطنک ظهورینی لسانمزده اوقسم ادب ایچون

بر دور ترقی به تاریخ بدایت کشاد ایدن حل ایسه
 آندن صکره نور سیدگان معرفتک تیاترو یازمغه
 و اصحاب مطالعهنک اویولده یازیلان آثار ی او قومغه
 گوستردیگی رغبتدر . که آنک حصه مباهاتی ده
 ملتک حسن طبیعت و سنجیه فطانتنه علندر . بونده
 بنده کزاک حقم اوله بیله جک بر مزیت وار ایسه
 اوده اولاد و وطنک مفاخر قهرمانیسنه مداح اولمق
 ایستدیگم ایچون بر قاج غرضکارک تسویلاتیله
 اوتوز سکر آی بر زندان ابتلاده و وطنک خرابنه
 چاشمش گبی چفته قره قول آلتنده بایقوشلرد ،
 ییسلانلرد رفیق اغتراب و ستملرد ، حمالرد هدف
 تجربه اولمقدن عبارت قالور .

اوروپاده ایکن برذاته یازدیغم مکتوبده تیاترو
 مطالعه سنجده اولان فکر می شو عبارت ایله بیان ایتشدیم :
 « بر گوزل اویون او قومق اویناندیغنی گورمک
 قدر لذت ویرمسه بیله ینه رومان مطالعه سنه
 مرجحدر . چونکه اویونده حیات دها شدتلی

تصویر اولنیور . موضوعه متمم صورتند گیلان
تعریفات و عوارض ایسه حکایه ندرده اولدیغی قدر
مفصل و مشوش اولمادیغندن . انسانک تأثراتی
بر طاقم لذت شکن فاصله لرده اوغرا میور . «

استنبولده گوریشدیگم ارناب ادبک پک چوغنی
بومطالعده بنده کزله مشترک بولمشیدم . حتی تیاتر-
ومن اوروپاده کیلر گبی مکمل اولمادیغیچون تعاضی
افکار ایتدیگم ذائلر ، اویونک تماشاسیله مطالعه سنده
اولان فرقی بنده کزدن بیله آز بولورلردی .

تیاترو مطالعه سنجه ملتده حاصل اولان رغبتک
درجه سنه دهها بدیهی . دهها عمومی بر بشقه دلیل
ایله ده یقین حاصد ایلدم .

لسانمزده شمعی یه قدر نشر اولسان حکایه لر
ایچنده اک زیاده رواج بولانلرک برنجیسی دگلسه
بری — دگر سزلگیله برابر — انتباه ایدی . حال-
بوکه آثار عاجزانمدن نشر اولنوبده اوینانمیان
تیاترولرکده رواجی انتباهه فائق ظهور ایلدی .

غالباً بوبله بر تجربه اوزرينه اولمق گر کدر . که
ادبیات عثمانیه دد برنجی موقع امتیازی حائز اولانلردن
حامد بك افندی « دختر هندو » یی - تیاتروك
معاونت ناقصه دن استغناسی - اعلان ایله برابر
- صرف اوقومق ایچون یازلمش بر کتاب گی
عمومك نظر تقدیرینه عرض ایشیدر . (دختر
هندو ك مطالعه سندن ایسه لذت شناسان ادب
سیر ایدیلا ن او یونلرك پك چوغندن بیك قات زیاده
محظوظ اولدقلرینه امینم)

برنجیمی هر نه دن ایسه صولك پشیمانلق

مظهریتند چیقارق نامی اولان ارازدل اگلنهاله
تحویل اولندجه رخصتیاب ظهور اولامدی

گرك انتباهده و گرك عاكفله زواللی چوجو-
قدمده بر طاقم خطیئات و نواقص واریسده گانهال
گی روح معنایی اماته ایدجك درجده دگلدر .

بو اویون کندی نوعندن اولان سائر آثار
عاجزانهم گی ، بزم شمیدیکی تیاتروده اوینانمق
ایچون یازلمدیغندن پردهلرینی لزومی قدر تعدد
ایتدیرمکده ، اشخاصی اویونجیلر طاقنك مساعد

اولدینگی درجه ده قصر ایتمکدن ایسه . موضوعات
 ایجاب ایتمیردیکی مقدارده ابلاغ ایتمکده . افده .
 سنده عادی طرز تکلمدن تصویر حسیات وتلویین
 تخیل وخصوصیه ایران فکرلرینه شمادیکی طرز .
 ادبک جواز ویردیکی قدر تقرب ایچون نه قدر
 احتیاج مس ایدر ایسه او درجه تباعد ایتمکده مختار
 ایدم . بوحریت قلمه ایسه برده موضوعات علویتی
 انضمام ایلدیگندن . جلالی شو طرز تألیفده
 ایستدیگم درجه ده گوتوردمدمسده . یازدیغم سائر
 تیترولره تفوق ایده بیلدم ظن ایدرم .

فرانسه نك اڭ بیوك ادباسندن ا قورنه ی ا
 اكر تياترولرچون یازدیغی محاكمه لر صرهمسند
 اڭ آشاغی بر اثرینی او یونلرینك جمله سند ترجیح
 ایلش ایدی . بنده گزده جلالی بویولده اولان آثار
 حقیرانه مه نسبت اهون گورمکده یا گلمش ایسم . بر
 كوچك خطاده بر بیوك شاعرده مشابته تسلی بولورم .

مع مایه « قوزغون یاور یسنی عنقا گوریر »
 سوزی صرف حقیقت اولدیغندیمیدر ندر ، شو
 زاده طبیعتده گورده جگنه امید وار اولدیغیم رغبتده
 ولو ذره قدر اولسون بر لیاقت تصور ایتدیگم
 ایچون اصحاب مطالعه دن تمنای حسن نظر یولده
 بر طاقم ایضاحاته کیرشمکدن کندیمی منع ایددمدم .
 بو ایضاحات ایسه اول امرده تیاترویه دایر بر طاقم
 ملاحظه لر ایرادینه احتیاج گوستردی . واقعا
 غزته لر من آکا دایر پک چوق شیلر سویلشیدی .
 فقط گونش هرگون طوغارکن ضیاسی کیمسینی
 اوصاندیر مدینگی ، بارقه حقیقتده تکرار تکرار
 التماع ایتمگله انسانه کلال گتورمن اعتقادندیم .

— ۴ —

بر ملتک قوه ناطقه سی ادبیات ایسه تمثال
 ادبک ناطقه ذی حیاتی ده تیاترودر .
 تیاترو فکرک خیالاتنه وجدان ، وجدانک
 علویاتنه جان ، جانک حیاتنه لسان ویرر .

خیال ، عوام علویه ایچنده آرایه آرایه تاب
 و طاقتدن کسلدکن صکره انزواخانه فتوره
 چکیلوب ده اطرافنه اماله نگاه ایله متحسرانه
 عرض اشتیاق ایتدیگی اونازنین دلربای سعادت
 تیاترو معرضلرنده بر شاعرک اقبالخانه تصورنده
 پرورش بولمش ، خزینة الغیب طبیعتک بیک جواهر
 معرفتیه زیتتیاب اولمش ده خرام نظر فریدیله
 پریشان صاچلرینی موج انگیز لطافت ایدرک بر
 بختیار عالمه نك لذت حیاتدن استفادسینه خدمت
 ایچون ملک مؤکل مقامنه قائم اولمش گورر .

گوکل ، چارپنه چارپنه وجودی خواب
 آرامندن دور ایتدکن صکره بر سکوت اضطراب
 آلوده دوشوبده حرمان وصولندن طولایی
 متأثرانه داغدار آلام اولدیغی اوبلا شکن یقی
 تیاترو معرضلرندن برادیبک خفاخانه حسیاتندن
 قورتمش ؛ دارالجهاد حیتنده نه قدر سلاح ظفر

وار ایسه جمله سیاه تجهیز اولمش ده زیر پای اقدار
منده ارکان عالمی لوزد ناک دهشت ایدر اک بر سعادتلی
قومک سرحد اقبال واستقبالنده محافظه مداوم
اولمش گوریر .

روح ، فصحیح آباد حیات ایچنده اوغراشه
اوغراشه جسمک سکونه غبطه کش حیرت اولد جق
بر حاله گلد کن صکره علائق سفایه دن بتون
بتون نفرت گتیرو بده وصالنه نائل اولمق ایچون
جلوه گده قدیمده قدر چکامک ایستدیگی او عصمت
آگین اذواق غنچه تیاترو معرض لرندن بر اهل
دلک مهید وجدانندن آولمش . گلستان خیالک
اذهار رنگار رنگنه بورنمش ده خفیف خفیف
اطرافده روحلر طاعیده رق بر حجه گاه وصال
ایچنده ایکی دولتمند عاشقک آغوش اشتیاقی آرد .
سندده نائم اولمش بولور .

فطرتده بر تأثر . نفسده بر مرض یوقدر . که

تماشاگاهلرده بر مثل ذی حیاتی بولمسون :
 طبیعتده بر مسخرهلق . گوگلدده بر غرض بولماز . که
 معروضلرده بر خیال مجسمی گورنمسون !

تیا ترو عشقه بکزر : انسانی حزن حزن
 آغلادر : فقط ویردیگی شدتلی تأثرلردهده بر لذت
 بولور .

تیا ترو جهانک عینی در : انسانی طویه طویه
 گولیدر : فقط خاطره گتیردیگی تحفقلر بیله
 طبیعتک عجربی گوستردیکیچون اصحاب انباءده
 گولرکن آغلامق ایچون خواعشدر تولید ایدر .
 بشقه بریرده دیمشده [۱] "تیا ترو اکلنجهدر :

فقط اکلنجهلرک الک فلدلیسیدر " چونکه تبلیغ
 مرآمده حواس ظاهره نک شدت انفعال و قوت
 انقلاده جمله سنه فائق اولان نظری سمعیه تشریک
 [۱] مجموعه ابوالضیاءک ۱۲ نجی جزؤده مندرج
 ا تیا ترو ا عنوانی مقاله مخصوصهده سولیشدر .

ایتدیکچون ، فکر و و اجدانه ایکی واسطه ایه
تأثیرینی اجرا ایدر ، بوجهتلرله تیاترولر اکلنجه دلاک
ماهیتندن آیرلامقوله برابر ، ممالک متمدنه نلک
انقلابات و ترقیاتنه نشریاتلک جمله سندن زیاده
خدمتلر ایلشدر .

بویله معشوقه سندن درس او قورگی انسانلک
بر طاقم اذواق روحانیله ایچنده مستفید معرفت
اولسنه خدمت ایدن برواسطه ، مختراعات فکریه نلک
اک پارلاقلرندن عد اولنغه شایسته دگلمیدر ؟

اوروپاده گلان ال بیوک ناطقه پروران سیاست
تیاترولرک شا کرد فصاحتی

اولدیغی ادعا

واثبات ایدلمکده در

تیاترونلک اخلاقچه او قدر تأثیری تجربه
اولمشدرکه و قتیله بر شاعر ، فرانسه ده (اشافو)

تعبیر اولان و خدمتی اوزرنده آدم اعدام اولمقدن عبارت بولان بر آلتی معرضده گوسترمک ایستینجه، معاصرلرندن بر حکیم « امان ! او واسطه ملونه یی تماشاگاهه چیقارمه ، صکره اهالی آلتنه درت تکرلک طاقارده سیاست میدانلرنده طولاشدیرمغه باشلار ! » دیمشدر .

هله تیاترولراک تهذیب لسانه اولان خدمتی بر مرتبهده در ، که اوروپا طلبه سی دارالفنونلرده ناقص قالان تربیه فصاحتلرینی تماشاگاهلرده اکمال ایدرلر .

ایشته بو قدر متنوع خواصی جامع اولدیغند - ندر ، که ممالک غربیهده تیاترو اقسام ادبک جمله سنه فائق عد اولنور ؛ حتی اوروپاده الک بیوک ادیبلرک الک گوزل اثرلری تیاترولریدر .

مشهور وولتر ، هرفنده و خصوصیه اقسام حکمت وادیده احاطه کلیه سی جهتیه مرتبه علیای -

معرفتی حائز بر علامه و فقط تیاتروده ایکنجی
 درجده بر شاعر صاییلورکن ، کلیاتنک طبعنده
 اویونلری آثارینک جمله سنه تقدیم اولنه گیشدر .
 سائر ادبیاته نسبت تیاترو ، تصویره نسبت
 ذی روح گیشدر .

تاریخلردن آکلاشدیغنه گورد نشاط وعر -
 فانک جلوهدگاه وصالی اولان بو مسیره ادب دخی
 اکثر کلمات مدنیت گبی شرقده طلوع ایدن لمعات
 حکمت آثارندن اولهرق ، اک اول چین واهند
 طرفلرنده ظهور ایلشدر .

هندک (سانسقیری) اساننده یازلمش و فر -
 نسزجدهیه ترجمه اولمش (ساقونته) نامنده بر
 اویون وارد . که هر نه قدر اسکندراک اسند
 کنارینه قدر گوتوردیگی رایت غالبیت صرده سنده
 قطعات ثلثه ناک بر چوق جهتلرینی یونانک تاثیرات
 مدنیته بر درجدهیه قدر مغلوب ایتدکن صکرده

یازمش ایستاده . نقش تخیلاتنده طاوسلری ،
پیغندری آندیرن پارلاق پارلاق رنگلره . ذوق
حیاتنده بهارلره . دوارلره ، بگزیدیان طاتلی طاتلی
مرارتلره باقیلنجه صرف . او طوپراغی جنت باغچه-
لرندن ، هواسی جهنم دردلرندن مستعار اولان
قطعهٔ پیمثلک نامیهٔ فیاضه و حرارت غریزه‌سایه
وجوده گلش محصولاتندن اولدیغی بداههٔ
آکلاشیلور . حتی نظرگاه تماشایه وضعی ده
اورمانلی . باغچه‌لی بر صحراجغه محتاج اولدیغندن ،
صورت تربیتی بتون بتون یونان تیاترولرینه تقلید
شابه‌سندن بری اولدیغنی اثبات ایتکده در .

بونکله برابر اوروپاده موجود اولان تیاترو-
لرلک مرکز انتشاری یونانستان اولدیغی وبر طاقم
ارباب تدقیقک زانی گی ، یونانیلر بوقسم ادبی هند
طرفندن اقتباس ایتش اولسلر بیله اقتباسلرینی
تقلید درجه‌سنده بر اقمیدرق تیاترونی کندیلرینه

مخصوص بر شکل و حالہ گتیردکاری مسلمانند۔
 بر درجہ یہ قدر یونانیلرک شاگرد معارفی اولان
 رومالیلر بوجنس ادبدن ده استفادہ ایتک استمشلر۔
 سہدہ غیرتلیرنی مقلدک و بلسکہ مترجملگہ حصر
 ایتمشلردر ۔

زمانلرنده صنوف معارفدن هیچ برینک عالم
 نسیانده قالمسنى شان همتلرینه باقشدیردمیان قوم
 شریف عرب، ادبیاتک بو قسمنی ده بتون بتون
 نظردن اسقاط ایتامش اولسدلر گرکدر ۔ حتی
 [نفخ الطیب] اندلسده بر طاقم کلنجہ یرلری تعریف
 ایدر ، کہ تاریخک افاده سنده کی اختصار ایله برابر
 اورالرده تیاترونک وجودینی گوستر ۔ حیفا کہ
 عربک اوپارلاق مدینتی شرقده زلزله دن مدہش ،
 طوفان قدر مخرب اولان تاتار بلیه سنہ ، غریبده
 آتشدن مرحتسز ، طاعوندن مہلک اولان اہل
 صلیب آفتہ اوغرا دیغندن ، برقاق یوز میلیون

اسلام ایچنده ظهور ایدن بونجه اصحاب عرفانک
 آلتی عصر تر قیده میدانہ گتیر دکلری محصولات -
 کالدن بیکنده بری عالم انسانیتک خزائن استفادہ سنہ
 انتقال ایدممدی ، کہ تیاترودہ نہ درجہ یہ قدر
 گتیر دکلری نی گوستره جاک الدہ بر مثال بولنسون .
 ادبیات ایرانیه ایچنده ایسه شعرک حالنه نظراً
 طبعی تیاترو موجود اولہماز . ماهدن ماهی یہ
 ایریشہ جاک غار غیلری . دروننده کی فلکی حباب
 قدر گوستره جاک قدح لریلہ برابر خیالات عجمانہ نی
 دنیانک نرسنہ صیغیر مق قابل اولہ بیسلور ، کہ
 ایرانده تیاترو بولنہ ییلک ممکن اولسون !

اور و پادہ ایسه اقوام وحشیہ نیک ہر جہتہ
 استیلا سیلہ معارفک ہر نوعی گبی تیاترودہ وسعت -
 آباد نسیانہ چکیلہ رک برچوق و قتلر نظر تماشادن
 مختفی قالماش ایکن ، اون بشنجی عصر میلادی
 اواخرندہ ایتالیادہ وبر عصر صکرہ اسپانیہ

وانگه ترده و براز دها صکرده فرانسده و فرانسده دن
صکرده آلمانیه ینه جلوه ساز ظهور اولغه باشلا-
میشیدی . بوگونکی گونده ایسه اوروپا قطعه سنده
هیچ بر قوم یوقدر . که تیاترویہ مالک اولسون [۱]

بر ادیب شعر ایله موسیقی نی ایکی هم شیرده
تشبیه ایتمش ! مالک متمدنه ده بولسان تیاترو
[۱] اکر شمدیکی الینوزلرک یونان شعرا سنک مترو-
کات قلمیه لرینه وراثتلی قبول اولنورسه فی الحقیقه اوروپا
قطعه سنده تیاتروسز هیچ بر قوم یوقدر . حال بوکه اسکی
رومالیرک آثار ادیه سنه شمدیکی ایتالیا لیرک ادعای وراثتی
نصل بر مضحکه صورتی آیرسه بو مسخره لاق الینوزلر
معزیاده شامل اولور .

غریبدرکه کنسیدیلرینی سوقراطلرک فلاطونلرک
اخفادی اولق اوزره قبول ایتدیرمک استیان بوگونکی
الینوزلر تیاترودن اوقدر محرومدلرکه اکر [درمه چاتمہ]
تعبیر عامیانه سنک مثال شخصی اولان ارمنی او یوننجیلرمن
طرفندن بر ایکی سنه ده بر کره یونانستانه سیاحت وقوعه
کلمسه بیچاره لر اجداد فلاطون نهادلرینک آثار قلمیه لرینی
مالخولیا معرضلرنده تماشاادن بشقه واسطه تلذذ
نوله میه جقلردر .
للطابع

معرضه لرندن هر بری اوایکی محبوبه وجوداندن
برینک زینتسرای وصالیدر . صدد بحثک ایسه
موسیقی به تعلقی اولدیغیچون شومقدمهده یالکز شعر
تیاترولرینک ترتیبنده جاری اولان قواعد حصه
مقال اولمق طبیعی گورینو .



اویونلر عمومیت اعتباریه ایکی مسأله
منقسمدر : برینه (کلاسیک) دیگرینه (رومانطیک)
دینلور . برنجی صنف اویونلر بعض ادبا بیننده
تعیین اولان قواعد ، ایکنجی طاقم ایسه صرف
سوق طبیعتیه تابعدر .

بزده تیاترونک ظهورندن بری گوریلان
اویونلر بتون بتون ایکنجی طرزده یازلمش و بو
مسلك ایسه دنیا نك هر طرفنده اولدیغی گبی عثمانلیر
ایچندهده لایق اولدیغی رغبت و مقبولیتی قزانمش
اولسنه نظراً ، برنجی طرزده دائر اوزون اوزادی

بجمله گیر شمع عبث گبی گورینور ایسده بعض
ذوات هر نه دن ایسه التزام اولنان تیاترو طرزینی
طبیعتسزلك آثارندن عدايتدکلری جهته ادبامزائ
انتخابنده اصابت افکارى اثبات ایچون ایکی مسلک
مقایسه سی یولنده بعض تفصیلات ایراد اولندی :
برنجی طرزده مؤلف ایچون بر طاقم شرائطه
اسیر اولمق لازم گلور. بو شرائطک بری ا و ح د ت
موضوع ا دید کلری قیددر، که تیاترونک تصویرنده
موضوعک جریاننه طوغریدن طوغری یه لزومی
اولیان هر درلو عوارضدن و ح قی هر درلو کاتدن
بتون بتون توقی مشقتی در .

ایک-نجیسی [و ح د ت زمان] دید کلری تصوّر-
در، که نقل اولنان حکایه نك جریانجه یگر می درت
ساعتدن زیاده زمانه احتیاج اولماق ضرورتیدر .
اوچنجیسی [و ح د ت مکان] دید کلری مضیق
اضطرابدر، که وقعهدنی مجرد بر او طهده جریان
ایتدیرمک مجبوریتیدر .

بو قواعد و قیاسه فرانسه‌نک اڭ مشهور
 شاعرلری طرفندن قبول اولمیش اولدیغندن ،
 تعلیل بعد الوقوعی مؤاخذة اکا بردن خیرلی گوردن
 بر طاقم مؤلفین ادب ، آندرک فئقدانی حالنده اویون
 طبیعیلکدن چیقار ، انسان کندی نی بر صحیح وقعه تماشای
 سندده گی تخیل ایدمه مزه ادعاسنی میدانده قویمیشلردر .
 حال بوکه بالعکس تماشایی طبیعیلکدن چیقارده .
 جق و تخیلی قیراجق شی وار ایسه . اویونده بو اوچ
 شرطک وجودیدر .

دنیا ده ایجاب ایتدیردیگی اوضاع واقوالک
 هر بری یکدیگرینه لازم و ملزوم قییلندن اولمق
 و آردیه قوی و فعلی هیچ بر عارضه قارشماق شرطیه
 بر وقعه جریان ایتک احتمالی وارمیدر ، که وحدت
 موضوعه رعایت طبیعیلک لوازمندن اولسون ؛ بو
 احتمالک فئقدانندندر ، که بحث ایتدیگمز شرطه
 رعایتله یازلمش نه قدر اثر وار ایسه جمله سی خریطه

قبیلندن اولیوز . خریطه بر مملکتک مساحه
وعارضه لرینی گوسترمگله برابر ، مملکتک هیچ بگزده .
مدیگی گی ، اودرلو اویونلرده انسانک بر طاقم
حسیات و حرکاتی تصویر ایتمگله برابر ، گرك
مجموعی و گرك تفصیلاتی اعتباریله بشرک وقایع
معروفه سنی آندیرر شیلردن دگلدز .

وحدت زمان شرطی بر اثرک طبیعیلگنه
انصل خدمت ایده بیلور ، که نتیجه سی بر عمر و بلاکه
برعائله و حتی بعض کرده بر قوجه ملتک یاسعدت
ویا مصیبتیه ختام بوله جق بر ماده یگر می درت
ساعت ایچنده هم باشلامق ، هم اطرافلانه رق ،
ایلرولیدرک بر نتیجه انصال ایتک بتون بتون
طبیعتک خارجنده در . بو جهته در ، که وحدت
زمان قیدیه ترتیب اولشمش اویونلر بزم خیالده
قره گوزک بر قاچ دقیقه ده صماقوه گیدوب گلمسی
قدر گولنج محالات ایله مالامال گورینور . و حتی

ایچدرنده اودرلو محالاتی شکل امکانده گوسترمک
ایچون تأویلات دورا دوری حاری بر چوق لذت-
شکن سوزلرده تصادف اولنور . بوندن بشقه
وحدت زمان قاعده سی بنقسها بطلانسه بینددر .
تیا تروده نهایت اویچ ساعت ایچنده ختام بولان
بر وقعنهک جریان حقیقیسی یگر می درت ساعته
محتاج اولمقده بأس اولما یجه یگر می درت ییله محتاج
اولمسندن نه ضرر ترتب ایدر ؟ مادام که وقعنهک
زمانی اویناندیغی مدته مقید دگلددر ؛ وحدت زمان
طبیعیله منتفی اولمازمی ؟ او حالده ایسه یگر می درت
ساعتی قبول ایدوبده یگر می درت ساعتدن زیاده
بر مدتی رد ایلمکده ترجیح لازم گلزمی ؟

وحدت مکانه کلنجه : اکثر اویونلرده گور-
یلدیگی گی بر آدم معشوقه سیله براوطهده گورشمک .
پادشاهه ینه او اوطهده عرض مرام ایتمک ، بر قبیلله
ینه او اوطهده مبارزه ایلمک ، خدمتکار ویا خود

ندیمیه ینه او او طده اسرارندن بختله گیر شمشک
 جمعیت بشر ایچنده گورلمش حاللردنمیدر ؟ بویله
 خلاف عاده برچوق تصادفات غریبه بی یکدیگرینه
 تعقیب ایتدیرمک او یونک طبیعیلگنی نیچون اخلال
 ایتسونده، معرضده کی ترتیباتک شکلی دکشمک
 ازاله ایلسون ؟

بو قواعدی یازانلر گویا اسکی یونان شاعر -
 لرینک آثارینه نظراً تدوین ایتمک ایتمشلر سه ده
 اسکی یونان تیاترولرنده شاعرلرک التزام ایتدیگی
 وحدت موضوعدر ؛ اوده یونان ادباسی نزدنده
 اختصار ، بلاغتک شرائط قطعیه سندن عد اولنده -
 یغیچون تیاتروده خیال بشری دگل ، تألیفده
 بر اصل ادبی قیرمامق ایچون اختیار اولمشدرظن
 اولنور . یوقسه یونان تیاترولرنده خیال بشری
 قیره جق او قدر حاللر واردر ، که شمعدی او یولده
 بر تیاترو اوینادیلر جق اولسه تماشا سنه تحمل ایده جک

بر ملت بولنه‌ماز . مثلاً یونانستان تیاترولرینک
 موقعی اون بش یگر می بیك کشی استیعاب ایدر
 بر بنای عظیم (۱) اوله‌رق او یونجیلر اورتده
 و سیرجیلر بر قاتی بر قاتندن یوکسک ، صرده‌صره
 صندالیدرله اطرافده بولنوردی . بر او یونک تماشا یه
 وضعی ایسه شم‌دیکی کیجه کلنج‌لرندن دگل ، ملی
 شهر آیدنلردن اوله‌رق تیاترو ، موقعلری او یون
 صرده‌سندده مملکتک همان عموم خلقیله طولار
 و بناء علیه او یونجیلر اودرجه واسع بردارده‌ده
 موجود اولان اوقدر آدمه اسماع کلام ایچون
 آغز لرنده بر آلت بولندیرردی . بوندن بشقه
 نسا طاقندن او یونجی بولم‌دیغی ایچون او یونلردده
 (۱) یونان و روما تیاترولری مستدیر بر محل ابدی‌که
 واسع بر میداندن عبارت اولان اورته‌سنگ اوزری آچیق
 و اطرافنک اوستی تنه‌لرله قپالی و ارباب تماشا ایچون قدمه‌قدمه
 یکدیگرندن مرتفع صرهلری و اکثریا اطراف اوج قاتی
 حاوی ابدی . بوقدمه‌لره (آنفی تیاتر) اطلاق اولنورکه
 اسانزه مرقات تماشا ایله ترجمه اولنه‌بیلور . للطابع

قائینلره عائد اولان جهتلری ده از ککله اجرا ایدر
وَبْنَاءَ عَلِيَّةٍ هَر اویونجینک جهرسنه برده ماسقه
کچوریرلر ایدی . بوماسقهلرک بر یوزی حزن و بر
یوزی سرور اظهار ایدر یولده یاپیش ایدی . که
اویونجیلر تیاترونک اجاسنه گوره حضاره ایکی
چهره ددن برینی تحویل و ابراز ایدرلردی !

ایشته اسکی یونان تیاترولی طبیعیه که صحیحاً
مانع اولدجق بوقدر نقایصی حاوی ایکن . اویو -
نلرک موضوعی ملتلرینه متعلق بر طاقم - فضائل
جلالده متعلق و یا خود زمانک افکار و عاداتجه بعض
مؤاخذاتی جامع اولغله برابر . صورت تحریرلری
طبیعت شاعرانهک ال پارلاق اختراعاتندن
بولندیغندن . و بولگا برده آرد صره موسیقی علاوه
ایلدیگندن - اوروپاچه صنایع بدیعی هم ایجاد
و هم ده مستعد اولدیغی مرتبه کماله ایصال ایلدکلری
ایچون اوفسلر ده استاد و مقلد کل عد اولسان

و اومروس اڭ داستانلری و ا فیدایس اڭ تصاویر
منخوتنسی گبی بر طاقم آثار باقیه لرینه بوزمان تر قیده
بیاه تنظیر و تقلید ایچون امکان گور یله میان - یونان
اصحاب طبیعتی مغایرت طبیعت و انکسار خیال گبی
شیلردن شکایت ایتک دگل . تیاترولرینی ملتله -
ینک اڭ بیواک اسباب منخوتنندن بیلورلر ایدی .
احتمالی وار میدر . که محاسن بدایعه اودرجه
ایلرو وارمش بر قوم . اولیه فندهمنز شیلرد قاعده
نامی ویرسونلر . بر طاقم ضررلی ضرورتلر اختیار
ایلسونلرده انواع حربتدن مخلوق اولان خیال
شاعرانه نی یگر می دوت ساعتک بر زمان ایله
مقید ایکی یوز قرق آرشونلق بر مکانه مخصوص
ایتمک استسونلر !

بحث ایتدیگمز طرزی التزام ایدنلرجه بوقاعده
لردن بشقه تیاترونک برده تقسیمی اوله رق . اوایسه
اویونلرک تراژدی ا و ا قومدی ا و ا تراژدی
قومیق ا اعتبار یله اوج نوعه تفریقندن عبارتدر .

معنای تضمینلری اعتباریله تراژدی فاجعه ،
 قومدی مضحکه دیمک اوله رق ، تراژی قومیق ایسه
 بونلرک مخلوطی اولمق لازم گلورکن موضوعی
 جدی اولان و فقط نتیجه سنده موت اولیان
 اویونلره اطلاق اولنور .

اصحاب تدقیق بو تقسیمی ده بر قاعده طبعیه
 مطابق بوله مدقلریچون قبول ایتزلر . حقیقت حالده
 ایسه انسانیتک ناصیه حالی یونان اویونجیلرینک
 ماسقعلری گبی حزن و سروردن مرکب یارادلده
 یغیچون دنیاده گلنور هیچ بر جهتی بولنمیه جق قدر
 فاجع و یا تأثر اولنور هیچ بریری گورنمیه جک درجه
 لرده مفرح بر وقعه جریان ایتدیگی یوقدر .

ینه بوقاعده طرفدارلرینک فکرینه گوره
 قومدیلر منشور اوله بیلور . و بش فصلدن زیاده
 اولماق اوزره قاج فصل استیلورسه یا بلق جائز
 اولورسه ده ، تراژده دیلربای حال منظوم اولمق و بش
 و یا خود اوچ فصله منقسم بولنمق لازمدر .

حال بوکه بر فاجعه یازیلیرکن یکنی گوریشان
 آدم بر برینک نظم ایله خاطرینی سؤال ایدرسه
 مجلسک حالی نه قدر مسخره بر شی اوله جفی ادنا
 ملاحظه ایله آکلاشیلور . بش فصل ایچون
 اکسیک، اوچ فصل ایچون زیاده گلان بر موضوعی
 مجرد اوشریطه کیفیه اتباع ایچون یا طرح
 وقصر ایله مستعد اولدیغی لطافتدن اسقاط اتمک
 ویاخود بیهوده تطویل ایله اکلنجه یرینه تعجیزی
 موجب اوله جق برحاله گتورمک التزام اولنه جق
 مناسبتنز لکلردن دکلدر .

ینه بومسلك ایجاباتندندر، که اویونلرک
 موضوعی قرون قدیمه تاریخلرندن آلنور، و افلا-
 ده سنده مثلا کوپک گبی، قوندره گبی الفاظ
 خسیسه استعمالنه جواز ویرلمز .

مسلکک اک بیوک طرفداری اولان فرانسه
 اصحاب مؤاخذه سی بیله قرون قدیمه تاریخلرنده

اویون یاییله جق مادده قلمدیغنی وقرون اخیرده
وقیغنده ایسه اویله الفظ خسیسه استیمالین بتون
بتون توقی ایدرک برتیر و ترتیبده معروضه گتور-
یله جک قوملرک اخلاق مساعده اولدیغنی بیان
ایدرلر ده " بو ایکی شرطک التزامده اصرار
اولورسه فجعده یزوق قبل اولدیز " دیرلر .

اون بشنجی عصر میلادی اواخرنده اسپانیاده
لویزه زده و دغا . [۱] انگلترده شکسپیر نظارتیندا
اوگنده تصویر خینه باشلادیلر . بونلرک معروضه
ادبده ظهورلری برزمانده ایدی . فقط بربرلرینک
نه شخصلرینی بیلورلردی ، نه اثرلرندن خبردار
ایدیلر . حتی مزیتلری ده یکدیگرینه مخالف ایدی .
چونکه لویزه یونان و روملیلرک آثارنجه احاطه
وتبع اصحابندن اولهرق . تیترونک قواعد و شر-
طنه دائر یازیلان شیلرک هپسینی گورهش .
[۱] ۱۵۶۲ - ۱۶۳۵ ایکی یکدن زیاده تیاترو
یزمشدر .
۱ لطایف ۱

شکسپیر ایسه انگلیز جودن بشقه برلسن بیادینگی
 وین فقیر بر علهده یقشدیگندن طولانی تحصیل
 یکن ناقص اولدیغی جهتله او یون یز مقدمه قطار تاش
 کندینه مخصوص بر موعبه کر میسی اولان فکر -
 اختراعدن بشقه بر خواجه به خدمت یتمشدی .
 بویکی استد ادب . آرملرنده اولان مغیرت
 ملیت و تربیتله برابر عقل انچون طریق بر ا
 اولمق جهتیه گویا بر یرده بیومش . بر مکتبدن
 یقشمش گی تیاتر و لریزک حلی و زمانلریزک مشر -
 بیله اوقواعد و شرائط آرمسندده بر مناسبت
 گوردمدکارندن . اثرلرنده سوانح فیکریه نوندن بشقه
 هیچ بر ضابطه یه اتباع ایتدیلر . یالکیز لوپهز فاجعه -
 لریزک کافه سی نظماً تحریر ایدردی .

لوپهزک طبیعتنده اولان فیوضات . شکسپیر
 درجه سنده و ملدقدن بشقه . او یون یازمغی کنددی
 انچون بر کانجه اتخوذ ایتشیدی . بر درجهده . که

بر تیاترو تحریر ایتمنه اوچ ، درت ساعت کفایت
ایدردی . اوجهته التزام ایتدیگی طریفک یونان
مسدگنه رحجانی وَ بلکه مساواتی گوستردجک
قدر پارلاق اثرلر میدانہ گتور مامشیدی .

شکیسپر ایسه ، بینک مایهسی جوهر خور -
شیددن تخمیر اولنمش ظن اولنهجق قدر پارلاق
بر خیاله ، قلبک طوبراغی یانار طاغدن آلمش
قیاس ایدیلہجک قدر آتشین بر وجدانه مالک
اولہرق ، رفاهیت عمر وَ بقای نام امیدلرینی ده
مسلمک منفرد اولہرق اختیار ایتدیگی تیاترو
مؤلفلگنه حصر ایلدیگندن ، حائر اولدیغی فکر
حکمت وَ قوت طبیعتک کافهسنی تماشا گاہلرده
تجسم ایتدیرمگله اوغراشه اوغراشه مثالی عالم
خیالده بیله نظرلره قولایلقله تعلق ایدمیهجک
بر جهان ادب اختراع ایلدی .

تصویر ایتدیگی اخلاق و حسیات و اغراض

وافكار اودرجه متعدد ، تبیین ایتدیگی حکم
و حقایق و ملاحظات و قواعد او مرتبه ده متنوع ،
نقش ایتدیگی محاسن و اذواق و خیالات و انجذابات
او قدر متلودندر ، که اوروپا شاعر لرندن بری
« قدرتك طبیعت کلیددن صکره الك زیاده محصور -
لدار اولان مخلوقی شکسپیرک طبیعتیدر » اطراسیله
او خارقه فطرتك کالات مو هو به سنه ثنا خوان
خیرت اولمشدر .

شکسپیرک تیاترو یازمقده اختیار ایتدیگی
قاعده ایسه حضارک اگلمشی نهیه موقوف ایسه
اواسبابی استحصال ایتمکدن عبارتدر ، که بوقاعده بی
ینه بر او یون ایچنده مناسبت دوشوردرک « بنی
اگلندیر » تعبیر مجملیه افاده ایتمشدر .

استطراد قبیلندن شوراسنک بیانی لازمدر ، که
تیاترو اکلنجه ایسه ده اقسام ادب داخلنده براکلنجه
اولدیغندن ، تحریرنده واجب الرعايه بر شرط

واریسه نوده اویونک ایکی معناسینه ادبه مطابق
اولمسیدر . اینشته بزم اورتیه اویونلری بر قچ
عصرلردنبرو ملکمزده موجود ایکن تیاتروی
مخترعات جدیددن عد ایدیشمز . اورتیه اویونک
بوشرطه مغایرتی جهتییه تیاترو نوعه داخل
اوله مدیغندندر .

شکیسیر وحدت موضوعه رعایت ایتمز . بعض
کرده یدی سکز وقعینی بربرینه قارشیدیر : بر
نتیجهیه ایصال ایدر .

وحدت زمانی التزام ایتمز . اوتوز قرق سنهک
بر حکایهینی و حتی بعض کرده بر ذتک سرگذشت
عمرینی بر اویونه صقشدیرر .

وحدت مکان ایله هیچ مقید اولماز : بر تیاتروده
یگرمی بش ، اوتوز پرده دکشدیرر . معرضی
رومادن یونانه ، فرانسهدن انگلتردیه نقل ایدر .

اویونلری اوچ بش فصله تقسیم ایتمز : حتی
زماننده باصیلان اثرلرنده فصل اعتباری بیله یوقدر .

فاجعه‌ی منجر به کشتن آیرمز : بالعکس بر حقوق
اثرلرده ائ حوزین مجلس‌لری ، ائ مفروض احاطه
تعقیب ایتدیرر .

ویونلارنی صرف موزون یزمنی ده التزام ایتدیرر .
مش : ائ دقیق حکمیت ایله ائ سوداوی حسباتی
جمع اولمق جهنیه آثرینک جمله‌سندن جردی .
جمله‌سندن زیاده آغر عد اولنان (حاملت) ائ
بعض طرفی موزون ایسه ، بعض یرلری ده منشوردر .
شکیس‌پیر اگلندیرمک مقصدینی حاصل
ایتدیگنه امین اولنجه طبیعت و عاده مخالف دوشمک
و تخلی قیرمق و اهدلرینی او قدر استحقاق ایدر . که
پرلری ، اولولزی معرضه گتوریر : انسان ایله .
احباً ایله صحبت ایتدیرر .

بو ایکی مسلکک ذوق طبیعت هانگیسی ده
مطابق اولدیغنی بیلک ایچون تجربه‌یه مراجعت
اولنور ایسه آله‌جق معلومات شونلردر .

(۱) اوروپا ملتہری ایچندہ شعر جہ الٰہ زیادہ
تہایز ایدنلردن انگلیزلرک ، آلمانلرک ، اسپانیو -
للرک الٰہ بیوک شاعرلری اولدن بری تیاترویہ
دائر اثرلری شکیسپیر یولندہ یازیورلر .

(۲) فنی مسلکی الٰہ اول التزام ایدنلر
میلادک اونی یدنجی و اونی سکزنجی عصرلرندہ
گلان فرانسه ادباسی ایدی . بونلرک ایچندہ اوچ
بیوک شاعر واردر، کہ بری قوردنہی ، بری مؤلیئر .
بری دہ راسیندر . قوردنہی بعض اویونلرندہ وحدت
موضوعی ، مؤلیئر اکثر مضحکہلرندہ وحدت مکانی
اخلال ایتیش اولدیغندن ، فرانسه دہ تمامیلہ
اومسلکہ تابع راسیندن بشقہ برشاعر گورنیمور .

(۳) فرانسر لساننک اوروپا جہ حاصل
ایتدیگی عمومیتہ و فرانسلرک اطوار و مخترعاتندہ
اولان ظرافتہ بناءً اکثر ملتہر ہر حالہ فرانسه
مقلدی اولدقلرندن ، تیاترونک قرون قدیمہ دہ

مطلع ظهوری اولان یونانستان ایله ، قرون اخیرده
 مرکز تجدیدی اولان ایتالیا ده صکره دن واسقاند-
 یناو واسلاو قوملری آرمسند اول باؤل فرانسر
 اصولده تیاترولر یازلغه باشلامش ایکن صکره لری
 فرانسه ده دخی بر چوق ادبانک و خصوصیه زما-
 نمزده ادبیاتجه قوجه بر جهان خلقنه تفوقنی اثبات
 ایدن ویقتور هوغو ناک ظهوری اوزرینه بتون بتون
 شکسپیر یولنی التزام ایلدکلرندن و بو تمایل بالطبع
 مقلد اولان اقوامده سرایت ایلدیگندن ، پارسده
 حکومتک بونجه اعانه لرینه مظهر اولان [فرانسه]
 و [اوده ئون] تیاترولرنده لسانک فصاحتیه خدمت
 اینچون آردصره موضع تماشایه قونیان مستشهدات
 قدیمه دن بشقه دنیانک بر طرفنده مسلك فنییه تابع
 اویون گورلدیگی یوق گبیدر .

(۴) شرائط معهوده ناک بطلانی اعتقادی
 ایسه بر درجه یه وارمشدر ، که آثار جدیدده منظوم

اثر يك از گورملكه و هله اويونلرك تنوعى -
ترتيب و تقسيمى قابل اوليه جق بر درجهيه گند -
يگنندن ، اويولده اولان اثرلره اكثريت اوزره
تيا ترو ويا اويون نامى ويرملكه اكتفا اولمقددر .

بودرت دليل تجربى موجود اولسه بيله
مادام كه دنيا ده ذوقه عائد اولان شيلر ايچون بر
نشانه رحجان وار ايسه قبول عاقددر : شكيستير
مسلكلرك هر طرفده گوردىكي رغبت ، مزيتى
وحتى او بر مسلكه عائد اولان قواعد و شرائط
بتون بتون مناسبترلىگنى تماميله اثباته كفایت ايدر .

جلالک تصور و تصويرينه کلنجه : على العموم
اويونلرك موضوعى يا صرف خيالى اولور : يا خود
بروقعه تاريخيه اسناد اولنور ، كه آثار عاجزانه مدن
(گناهال او) عاكف او (زواللى چوجوق)
برنجى ، (سلاسترد ايله جلال) ده ايكنجى قسمنددر .
مؤلف صرف خيالى اولان ترتيب موضوعنده

حقیقتە مشابەت آراقمەدن بېشقە ھېچ بر قېد ایلەم قېد
 اولمادیغی گې . تاریخە مستەند اولان اویونلار
 تاریخدن تصویریە اساس اولمق ویاخود تصویریە
 خدمت ایتەك ایچون نە قدر شی لازم ایسه آنی
 آلهرق حکایەنەك سائر جەھتلرینی ایستەدیگی گې
 اشخاص وحادثات وخیالات وحسیات علاوسیلە
 تزیین ایتەكده وحتی لزوم گوردرسە وقعەنەك تاریخجە
 معروف اولان صورت جریانی بیلە دكشدیرەكده
 مختاردر . (نتهكم آلمانیا نەك ائ بيوك شاعر لوندن
 ا شیللر اوقتیله فرانسیی انگلیترەنەك استیلا سندن
 قورقارمە سبب اولان نادرات روزگار دن ا ژان -
 دراق ا وقعە سەنە دائر بر اویون ترتیب ایدرك ،
 بیچارە قیزی انگلیزلرك یاقدیغی تاریخجە مثبت ایكن .
 شیللر اثرینی ژان دارقك محاربه میدانندە تلف
 اولمسیلە ختم ایلشدر .)

بندەكیز جلالدە وقعەنەك جریان سیاسی

اعتباریله تاریخدن هیچ ایرلدم : محمد خوارزمشاهک
تاتار قارشیسندن [آبسکون] جزیرمسنه فرار ایله
اولاد وعیالک اسیر اولدیغنی ایشیدنجه کدرندن
ارتحالی ، ینه مشار الیهک برنجی فصلده گوستریلان
سوابق احوالی ، [ترکان خاتون] ایله خوارزم-
مشاه عاللهسنه جنگیز اسارتنده اصابت ایدن بلالرک
اجمالی ، رکن الدینک فیروز کوهده کی حکایات
جلادت و صورت انتقالی ، جلال الدین خوارزمذن
آیرلقدن صکره [آرق] و [ازراق] سلطانلرک تاتارلر
طرفندن استیصالی ، جلادالدین قهرمانلغی قوتیه
خوارزمذن سنده وارنجهیه قدر تاتاره قارشو ظهور
ایدن متعدد غلبه لرک صورت استحصالی ، سیف-
الدینک آتنه بر قرباج اولدیغیچون اسلام
اردوسندن ایرلمقده ارتکاب ایتدیگی کفران نعمت
و خیانت دین و ملت و بالی ؛ جلال الدین سند نه ریخی
شناورلکله کچهرک و یتمش کشی ایله هندده براردو

تشکيلنه موفق اولدوق ، عراقه گلدگدن صكره
 مظفريات متعدده ايله عودت شان واقبالى ، اوزمانلر
 تخت بغدادى تلويث ايدن خليفه ناصرك جنگيزى
 تشويق و خاندان خوارزمى يى تذليله متعلق اولان
 سيئات اعمالى . غياث الدينك برسپاهى منازعه سندن
 طولايى ملك نصرتى اعدام ايله برادرينى ده دشمن
 قارشوسنده تك و تنها براقدرق بغداد و (آلوت)
 طرفلرينى طولاشدقدن و حصول املدن مايوس
 اولدقدن صكره كرمانه اتصالى ، رد و قبول نكاح
 منازعه سى و تحريك فساد بهانه سى ايله گرك غياث -
 الدينك و گرك والده سنك قره حاجب يدنده هلاك
 و اضمحلالى ، جلال الدينك گورجىلره بالدفعات
 زجر و نكالى ، تبريزده بولنان و ايوننده مهر جهان
 ناميله ياد اولنان ملكه نك جلال الدينه محبتيله نكاحه
 ميل و استعجالى ، اخلاطدن طولايى قونيه و شام
 پادشاهلرينك جلال الدين ايله قتالى ، بو محاربه ده

جلال کیفسر بولمق جهتیه استراحت ایچون بر طرفه چکینجه عسکرک پادشاه فرار ایتدی ظنیه اطرافه طاعلمسی و آرددن برار زمان کچر کچسر تاتارک علی الغفله آذربایجانی باصمسی اوزرینه خوارزمشاه دولتنک بتون بتون زوالی تمامیه تاریخلردن آلمش وقایعدندر . فقط هر وقعه طبیعی برچوق تخیلات علاءوسیه ترتیب و تفصیل اولندی .

جلال الدینک خاتمہ کارینه دائر تاریخلرده ایکی روایت گوستریلور : روایتلردن بری ، اوقهر مانک تاتار ایله اوغراشوب طوریرکن برده اسلام حکمدارلری طرفدن علیننه ظهور ایدن اتفاق اوزرینه مقصد حمیتنی استحصالدن مایوس اوله رق . امور حکومتی ترک ایله درویش قیافتنه گیرمش و احوالده محشر حوادث آردسند غائب اولوب کتمش اولماسیدر .

ایکنجینسی ده صوگ بوزغونلقدن عودت ایلدیگی صرمدہ طاعلردہ اکر ادا لنده احرار از شهادت ایل سیدر .

روایتک ایکسی بردن وقوع بولمق احتمالات
 قریب اولدیغندن قوبو اجتماع تیرترویه نتیجه ویرمک
 اینخون بات مساعده گورندیگندن ختمهنگ ترتیبده
 یکی وقعنهنگ جمعنی اختیار ایلدم : فقط جلالک
 شه دتیه شیخ او یونده گورنیمان بر طاقم اکرادی
 واسطه ایتمکن ایسه . اولمغنی ده براق صاحبک
 جلالدی اولان شخص مفروضه اسناد ایتدم .

بر طاقم امر ارق وازراق سلسله نلرک یانده
 اجتماع ایدرک جلال الدینه مخالفت ایتک ایستمد .
 کارینه داترا روضه الصفا ده اوفاجق بر روایت
 وار ایسه ده وقعنهنگ صورت ترتیبی بتون بتون
 اختراعیدر . مخالفتده بولان امرانک ایسه تاریخلرده
 اسمنری اولدیغندن . اورذیلہ بی اثنای تبعدہ خیانتله
 متصف بولان بر قاق کشی یه اسناد ایلدم .

اوزبک ایله اورخان و نورالدین منشینک یالنگز
 ناملریله ملک نصر تات غیاث الدینده بر قاق لقردی

سویلدیگی و آنک طرفدن اعدام اولندیغی و مهر
جهانک نکاحنده قوام الدین بغدادینک مخالف
وعز الدین قزوینینک مروج بولندیغی تاریخده
وارایسهده ، موضوعک صورت جریانه اولان
اشتراکری صرف محصولات فکریه دن و قطب الدین
وسلمان و جابر و مبارک اشخاص مفروضه دندر .

قادینلره کلنجه : نیرمه نک شخصی بالطبع تمامیه ،
ترجمه حالی صرف مخیل اوله رق بوکا دار بعض
فرنک تاریخلرنده گوریلان روایت یالکز جلال -
الدینک سند نهرندن کچرکن اولاد و عیالی ایله
تلف ایلدیگندن عیازتدر .

تاریخلر غیاث الدینک والده سی اولان و او یونده
(زاهره) تسمیه اولنان بیچاره نک براق حاجب طرفدن
نکاح ایله ایستندیگی و ابتدا مخالفت و صکره
ضروری موافقت ایلدیگی حالده عاقبت براق انده
مظلوماً قتل اولندیغی وینه او یونده مهرجهان

دینلان ملکہ سلچوقینک جلال الدینہ بر گور شدہ
مفتون اولہرق ، زوجی اتا بکک کندینہ براقدیغی
اختیاری استعمال ایله فسح نکاح ایتدیرد کدنصکرہ
جلال الدینہ واردیغی بیان ایدرلر، کہ بواساسلر
بعض تغیرات ایله تصویر اولندی .

زاهرہ نك شفقت مادرانہ سنے و مہر جہانك
احوال عاشقانہ سنے دائر اولان خیالت ایله ، نیرہ
و مہر جہان آرمیندہ گوستریلان و اویونك محبتہ
دائر ہر درلو حسیات فاجعہ سنی یکدیگرینہ ربط
ایله جلال الدینك مشاق روحانیہ سنی تحمل
اولنہ میدجق بر درجہ یہ ایصال ایدن مشابہت بتون
بتون محصول خیالدر .

تیا ترولرک تاریخہ و حتی ایکی مسلکدن برینہ
درجہ موافقتدن بر قاق قات مہم بر جہتی واردر، کہ
اودہ اشخاصك تصویر اخلاقیدر ؛ ظنمہ گورہ اثر
عاجزانہ مددہ ہر شیدن زیادہ بومسئلہ شایان نظر

گورینور . هر نه قدر الده ايران و تورانك اوز .
مانده کی اخلاق و عاداتنه دائر مکملجه معلومات
آله حق کتابلر موجود دگلسه ده ، تاریخلردن
استنباط اولنان علم اجمالی یه نظر آ . تیاترونک رکن .
اصلیسی اولان جلال ، دها بشقه پوللرده تعریف
اولنق لازم گلورگی ظن اولنور . مثلاً (روضه
الصفایه) باقلسه اوقهرمانک فضائی یالکز شجاعتیه
منحصر اولدیغندن . (سر بدادیه) دن وجیه الدین
و یا کاشغر ملوکندن میرزا ابوبکرگی برشی
اولمنی خاطره گلور .

جلال الدینک خصماندن بر خاندانه منسوب
اولان (ابی الفدا) ایسه پادشاهی انواع سیئات مظالم
ایله اتهام ایتمش و حتی بر ملکینی یک نظرده محبتیه
مبتلا ایدن و اکثر تاریخلرده اوصاف و تعریفاتی
گوزیلان و جاهت و جمالنی بیله اقبح مخلوقات
صورتنده گوسترمک استمش اولدیغندن . آک

ایشانسه جلال الدین ده جنگیزاڭ بر بشتقه درلوسی
اولدیغنه حکم اولنور .

فقط تاریخاڭ حاوی اولدیغی وقایع ، مورخلراڭ
علاوه ایتدیگی مطالعلردن بیك قات زیاده ناطق
حقیقت اولدیغندن ، جلال الدیناڭ افعالی بواسناداتاڭ
تمامیه تکذیبته کافیدر .

مرحومك ترجمه حالی بر کره پیش نظره
آنورسه کندیسناڭ جهانگیرلره فائق و فوق العاده
یرادیلان اعظم ایچنده دخی بر موقع امتیاز
واستثنای حازر اولدیغی تسایم ایتماك عقل ایچون
ممکن اوله ماز .

بر زمانده . که جنگیزاڭ دغدغه قهر و دهشتی
ایران و توران خلقتی ذل و جہانتك اسفل درکاتنه
دوشورمش و بلکه عموم انسانیت تاتاراڭ ظهورینی
دفعی محال بر بلای آسمانی قبیلندن یلش ایدی .
جلال الدین بتون جهاندن بیوک بر قلبه مالک

اولدیغنی اثبات ایدرک پدرندن بر قوری شهرزاده‌لک
 عنوانندن بشقه هیچ برشی بولمدیغنی حالدده خوارزمده،
 هندده، عراقده، آذربایجانده درت دولت تشکیله
 موفق اولمق و تدارک ایدم بیلدیگی جزوئی جزوئی
 قوتلرله اوچ میلیون عسکره مالک اولان تاتاردولته
 یگر میدن زیاده غلبه ایتمک و بر کرده سیف الدینک،
 بر کرده برادرینک خیانتیله اسباب مکنت و دولتی
 بتون بتون محو اولمشیکن، آرددن برسنه کچمکسزین
 بر کرامله معدومه وجود ویررگی یکیدن دولت،
 یکیدن اوردولر پیدا ایتمک و بر طرفدن تاتار و بر
 طرفدن اکثر ملوک و امرای اسلام و بر طرفدن
 گورجیلرله اوغراشدیغنی حالدده بالدفعات بویله یاری
 جهان خلقنه قارشو بیوک بیوک ظفرلر قزانمق
 و اکثر ایامنده خیانتدن و آنک نتیجه‌سی اولان
 پریشانلقدن قورتلماش ایکن ینه جهانگیرلر
 قدر مملکت تسخیر ایلک آلتی بیات سنه‌لک عالم

انسانیت ایچنده هیچ مثلی گورلماش اولان وقایع
فوق العاده دندر .

جلال الدینده (روضة الصفا) نك گوستردیگی
شجاعت نه مرتبه عالی اولورسه اولسون ؛ غایتی
احراز ایتدیگی غلبه لره سبب عد اولنه بیلور؛ یوقسه
بر قاج کرّه اوغرا دیغی محو وانقراض حالندن
صکره فلگ نك پنجه سنی بوکمه اوغرا شرجه سینه
محیر العقول اقدامات ایله حاصل ایتدیگی امیدسنر
نتیجه لر ، انسانك شجاعت فطریه و یا مهارت عسکریه
ایله وجوده گتوره بیله جگی خارقلردن دگلدز .

حرص جاه گبی ، کبر نفس گبی ، داعیه انتقام
گبی الك بیوک وقایعك الك بیوک سائقلردن اولان
امراض نفسانیه نك هیچ برنده فتور وتحوّلدن
مضونیت خاصه سی موجود اولمادیغی بالتجربه مثبت
بولندیغندن ، جلال الدینك مآثرینی شجاعته دگل ،
شجاعتدن بیك قات شدیدالتأثیر اولان اسباب

مشروحیه بیلہ اسناد ایتک معقول اولہ ماز . زیرا
افعالنہدن بالبداهہ ثابت اولمقدمہدر ، کہ تاہر چوق
عوارض جسمانیہ سنک تأثیریلہ روحنہدہ کی قوہ
فوق العادہ بتون بتون زوالہ دوشونجہیہ قدر
مرحومک ہمتی یأس وتغیردن بری ایدی .

ہلہ ابوالفدانک ظلم افتراسی باہرالبطلان
اولان روایتدندر . چونکہ اوزمانلر جہ بر ظالم
ایچون او قدر یرلردہ انفاذ حکم ایدہ ییلک جنگیز
گی حقنہدہ تعبد در جہ سنہ وارمش بر عصیت
نوظہورہ تملککہ حاصل اولہ بیلوردی .

جلال الدینک ایسہ اویلہ بر عصیتی دگل ،
کندینہ وفا ایدہ جک وَحَتی خیانت ایتیمہ جک بر کیمسہ
ایلہ قرابتی بیلہ یوق ایدی . بوندن بشقہ مرقومک
اوغرادیغی یرلردہ بیٹ استکراہ ایلہ ظاہری بر
اطاعت گوسترن امرایہ وَاشد خصماسی اولان
ناصر طرفندن اوزرینہ سوق اولنوبدہ ید غالبہ سنہ

اسیر اولان مظفر الدین ایله توابعنه اوزمانلر جدمشلی
گورلماش بر معامله عفو واحسان ایله مقابله
ایلدیگی و بوقدر متاعب حرب و فلاکت آرمسند
دولتی تایید ایچون ایران و هند و تورانک هر طرفی
طوالشمغه مجبور اولمشکن، اخلاطدن بشقه بر اسلام
شهرینک عنوة ضبطنه رضا ویرمدیگی و برادری
غیاث الدین، بر قاچ کرّه مقام و بلکه حیاته قصد
ایتمشکن کندسی دایم غیاث الدینک تلطیف و تربیت
واقبال و راحتته چالشدیغی و سیف الدینک، آتک
باشنه بر قامچی اورلدیغندن طولای عصیان و خیانت
حاضرلندیغنی هر طور یله گوسترمش ایکن، شمشیر
جهادینه آنک بیله قانی بولاشدیر مق ایستمدیگی
تاریخچه مسلم اولان حقایقنددر. بو مسلیکده، بو
فطرتده اولان بر قهرمان علوی نهاده نصل ظلم
تصوّر اولنه بیلور ؟

مرحومک مفاخر جلیله سنی - گو کلمه
ویردیگی مفتونیتدن طولای - بر تیاتر وده تصویر

ایتمک آرزو سنده بولندیغم سر دده ، انسانده کی مو -
 هوبات طبیعتک هیچ برنده او قدر آثار فوق العادهیه
 علت اوله جق قووت گورده مامش و گرك تبع و گرك
 محاکمه ایله نه قدر اتعاب ذهن ایلمدسه فضائل -
 مکتسبه و مملکات علویته ناک اعظمی اولان وظیفه -
 پرورلک مفتونیتندن بشقه او قدر جلائل افعاله
 بر محرک بوله مامشدم . معارف شرقیه ایله اوغرا -
 شان اوروپا مؤلفلرینک خلاصه تدقیقاتی بوفکره
 یقین گورردم ؛ فقط بزم تاریخلمرده دوشوندیگم
 حقیقتی تعیین ایدر بر صراحت بوله مدیغم ایچون
 استدلالی بر حکم قطعی صورتندده عد ایتمگه
 جسارت ایده مزددم .

عاقبت بر مجموعهدده [کمال اصفهانینک] بعض
 مکتوباتنه تصادف ایتدم ، که جلالک افعال و اخلاقی
 مصوّر ایدی . اوادیب صاحب فضائل ، جلال -
 الدین ایرانده بولند قجه مجلس اقبالنه مداوم اوله ورق ،

زمانك عاداتنه اتباعاً آرد صره بعض قصائد ايله
 پادشاهك توصيفنده بولنديغى گي ، احبابنه يازديغى
 كاغدلرده دخى پادشاهك عشرته انهماك و حليم
 وعفوده افراطنى بكنم امكله برابر ، اسلاميت
 غيرتنده اولان اقدامى اصحاب وتابعين ادواري
 آنديره جق درجهدلرده بولنديغى و مجلسنده ملتك
 نجاتنه چاره تحرييسندن خالى بر دقيقه گذار
 ايلديگنى بيان ايدر .

كامل الدينك بعض محرملىرينه يازديغى و حسنا -
 تدن بحث ايتديگى صرده فنا گوردیگی شيلرك
 دخى تعدادندن چكندىگی مکتوبلرینی مبالغه و یا
 مداهنهیه حمل ایچون بر سبب عقلی موجود
 اولمديغندن ، پادشاهك حالى رأى العين گورمش
 اولان اويله بر فاضل حقیقت شناسك شهادتی ،
 جلال الدينك حالجه اولان تخمینمی حکم درجه سنه
 ایصال ایلدی . بناءً علیه اوقهرمانی ، مقصودی

اعزاز دینه واتباعی وظیفه پرور لکه منحصر بر
وجود اولق اوزرد تصویر ایلدم . ظن ایدرم . که
بوصورت ، مرحومک شمائل معنویاتنه عینی عیننه
توافق ایدر .

دین الهینک شرفنه بر قرن اهالیسندن زیاده
خدمت ایتمش و بیك درلو مصائب طاقهگذار ایچنده
اودینک معجزه ذی خیاتی عد اولنه جق قدر خار قدره
مظهر اولمش بر ذات عظیم الاقدارک روحنده کی
قدرت و مزیتی تصویر ایتک آرزوسنی پیش نظره
آلده فکرک بیوکلیگی کوکلمی بر عجز و دهشت
ایچنده براقوردی . حتی تیاترو نوعدن اولان سائر
آثار عاجزانه مک ال بیوکلی یازمق ایچون برهفته دن
زیاده اوغراشم دینم حالد بو تألیف المده ییللرجه
سورندی . مع مافیه وجدان ، ینه اوبیوکلیگک
حاصل ایتدیگی شدت شوق و آرزویه غلبه ایده .
میهرک اثرمک ، اکالنه جسارت ایلدم .

جلال الدين صورتاً شرق پادشاهلارندن ايسهده
 حقيقتده اسلام قهرمانلارندن اوله رق . آنك اخلاقنى
 تصوير ، اخلاق اسلاميه نى تحرير ديمك اولديغندن ،
 مرحومدن بحث ايدن بواثرده ايران و تورانك افكار
 وعاداتنه حصر نظر ايتك اعتقاد عاجزانه مدد عبت
 گورندى . و بناءً عليه جلال الدينك مثال ماهيتى —
 اكثر احوالى يالكر زمانيله قائم — بر عصرك
 صاحبي دگل — كندى ابتداسندن جهانك انتپاسنه
 قدر دائم — بر تربيه نك حيت دينيه و مصالح
 دينويه ده مثال مجسمى اولمق اوزره تصوير ايدلدى .
 اويونك نهايتلرينه طوغرى جلال الدينك متانت —
 آهندالانسه سنده بر درجه يه قدر تناقص اثرلى
 گورنمگه باشلار ايسهده بو تغيرك نتيجه يه وصول
 ايچون نه قدر لازم ، نه قدر طبيعى اولديغى ده ادنا
 ملاحظه ايله آگلاشيلور .

جلال الدين اخلاق عاليه و اطوار مردانه ايله

متحلی برخاندان عزّ و شان پرورده لرندن اولدیغنه
وَعَالِه سَنَكْ اکثر اعضاسی گبی کالات علمیّه و طبیعت
شاعرانه ایله اتصافی تاریخیجه مثبت بولندیغنه بناء
مرحومک تصویر معنویسنده طبیعت وقایع مساعد
اولدجه اومزیتاتک دخی ابرازینه چالشدی .

مدوحک شاگردان کالنه نمونه اولمق ووقعه نك
عوارضی بربرینه ربط ایدرک جریانی تسبیله
خدمت ایتک ایچون نقش ایتدیگم درت تمثال حمیتدن
اوزبگی مقتدای مبارکترینک فداکارلغندن ، قهر-
مانلغندن ، اورخانی تدایر عسکریه مهارتیه دنیات
زمانه یه قارشو شدت نفرتندن ، ملک نصرتی دریا
دلاگندن ، مروتندن ، نورالدینی ادراک حقیقت
و فکر حکمتندن مستفید گوسترمک ایستدم .
و خوارزمشاه دولتنک پادشاهلری ، شهزاده لری گبی ،
امراسی ده همان علی العموم اصحاب معرفتن اولدقلر-
یچون سوزلرینی ده تاریخیجه مثبت اولان مکسوبات
علمی لرینه توفیق ایلدم .

بودرت ذاتک هر برینه بر آری مزیت ویرمگله
 برابر ، تفیضاری شرف اسلامیتدن و تربیه‌لری بر
 مسلك حمیتدن اولمق جهتیه برنده موجود اولان
 فضائلی کافه‌سنه شامل و فقط هر برینک مخصوصاتندن
 اولان بیوکلکلی مزیات سائرده غالب گوستردم .

برده تابعلر متبوعه بتون بتون مدانی اولماق
 ایچون اوزبگک فداکارلغنی ، قهرمانلغنی تلاش
 وانفعال ایله ، اورخانک مهارت عسکریه و نفرت-
 دنیااتی ترتیبات حربیه و جزای مجرمین امرنده
 زیاده‌جه شدتله ، ملک نصرتک مروتنی ، دریادلگنی
 سریع الزوال برتهورله ، نورالدینک حقیقت بینلگنی
 فکر حکمتنی قاعدهیه قارشو فائده تحریریسنده
 جزوئی ضعف ایله تعدیل ایلدم .

اوزبک واورخان و نصرت و نورالدینک تمایل
 ماهیتی بادی نظرده بربرینه پک مطابق گبی
 گورینورسده بالاده عرض ایتدیگم دقیقه‌لر
 دوشونیلور ایسه بربرینی آندیرر و فقط هیچ بری

دیگرینه بگزیده من درت برادرگی . برقاج علامه
خاصه ایله یکدیگرندن تماماً تمایز ایلدیگی پک
قولای آکلاشیلور .

روضة الصفاده ملك نصرتله غياث الدينك سپاهی
ماجراسی شو صورتله تحریر اولمشدر : « در اثناء
» این اوقات شخص از سر هنگان غیاث الدین
» پیش ملك نصرت که یکی از خواص وندماء سلطان
» بود رفته ترك ملازمت او گرفت و سلطان غیاث -
» الدین در خاطر نهان میداشت تاروژی در مجلسی
» شراب باملك نصرت خطاب گردد که چرا
» مقرب مارا بخدمت راه داده چو مطایبه بر مزاج
» ملك نصرت غالب بود بطریق هزل گفت که
» سرهنك را نان باید تا خدمت کند »

تاریخك بوافاده سنه باقیلمورسه ملك نصرتی
مروتله ، دریا دلاکله دگیل ، ظرافت و میل لطائفه
تصویر ایتک اقتضا ایدر . و بو صورت ایسه بر
چهره تبسم ریز ایله بر اکلنجه پارچه سی و جوده

گتیره جگندن اوجهت الزام اولنسه اثر عاجزانهم
ظاهرده دها پارلاديله بيلوردی . فقط جلال الدين
گي فضائل اسلاميه قدر اعز بر قهرمانك مجالس
عزم و حميته مزاحی ياقيشديره مدیغدن و بودرلو
آثار تخيلنده ايسه حقيقتدن زياده مشابهت حقيقت
ملنزم اولديغندن ، نصرتك بذله گولغنی اوفطرتك
متمنار بلرندن اولان اطوار دريا دلانهيه تحویل ايلدم .
طبیعت هر وقعنهك برده فرحلی جهتی اولمق
لازم گيلور سهده ، جلالك موضوعنده اولان علويت
وجدتيه نظراً الكنجه سنی مهر جهانك افادات عاشقانه
نه سنده اولان كشايشله . براق حاجبك محاورات خيانتنه
فضائل انسانيه ايله استهزا ايدر يوللو گوستردیگی
زهر خنده لره حصر ايتك مجبوريتنده بولاندم .

موضوعك سوقنه اتباعاً مباحث افعال لریله
صیغعلر طولدير مغه مجبور اولديغ ناصر عباسی
و ملك اشرف ايوبی و سلطان كيتباد سلجوقينك
ماهيتلرني تعين اچون يازيلان سوزلرك اساسلری

بتون بتون تاریخلردن آلمش وَ تفصیلات اواسا -
 سارلدن انبعاث ایتدیرلمشدر. غیاث الدینک اخلاقنی
 بر خدمتکار منازعه سیچون قاتلمگی ، بر ضرر
 واهمه سیله برادرینه قارشو مشرک پرورلگی ارتکاب
 ایتمسندن استخراج ایتشدم . براق حاجبک النده
 نصل تلف اولدیغنه دائر تاریخلرده تفصیلات گوره -
 مدم . حقنده تصوّر ایتدیگم اذیتلر ایسه سیئات
 افعالنه نسبتله پک بیوک اثر شفقت عد اولنه بیلور.
 فقط اودنأتده بولنان بر انسانه گوره دنیاده هر نه
 یاپلسه اولوم قدر مدهش اولمیه جغندن ، جانی ایچون
 دها زیاده تأثیری اوله میه جق وَ بناءً علیه اصحاب
 فیکرک تشفیسنه خدمت ایدهمیه جک بر طاقم وحشیانه
 اشکنجهلر تصویر ایدوبده بحق جزا گورن آدمی
 مرحمته شایان بر حالده گوسترمک استمد .

دنیایه جلال ایله رکن الدین گبی ایکی معجزه
 فطرت یتشدیرن بر عالمده دن برده غیاث الدین ظهور
 ایتدیگنی دوشوندکجه انسانک ذهنته وله گلور !

نه چاره که غیائک حقهده اولان روایتلر تاریخلرجه متواتر اتدن و بویله عقله صیغماز غریبه لر دایما گورد. یگمز حالاتندز . انسان ایله عقربی بر خاصه تولید وجوده گتوریور !

براق حاجبک آچقلغنه ، پادشاهنک حرمنه گوزدیکمک ، ولی نعمت زاده سنک جاننه قیقم ، ملتک نصفندن زیاده سی تاتارک سیف تعدی و آتش قهری ایله محو اولوب طوررکن ، رهین - اندراس اولان حکومت اسلامییه ارکانک انقاضندن کندینه بر سرای سلطنت تأسیسله اوغراشمق و نهایت ادعای اسلامیتدن خالی اولمدیغی حالده غصب ایتدیگی یرلرله برابر تاتاره قارشو بر کره اولسون قلیچ چکمکمزین اوکتایه عرض تابعیت ایتک خصوصلرنده کی ملغنتندن استدلال ایلدم . مع مافیه سیمای ماهیتنده گوریلان طور مخصوص ، تاریخ معلوماتندن دگل ، عالم خیال سانحاتندندر .

سیف الدینک افعالی ایله بدرالدین عمیدک .
امیر نوشتکینک ، عمادالملکک ، خادم خانک اوصافی
بتون بتون تاربخلردن استنباط اولندی .

عزالدین قزوینی ایله . قوام الدین بغدادی یه
دائر تاریخک ویردیگی معلومات ، بالاده بیان اولنان
افعال ایله عزالدین قزوینی یه شریعت نامنه حیله -
کارلق ، قوام الدین بغدادی یه ایسه بالعکس صلابت
اسنادندن عبارتدر . بنده گز ایسه وقعنهک صورت
جریاننه نظراً عزالدینک حرکتی اسلام آردسندن
دفع شقاقه خدمت و قوام الدین بغدادینک مخالفتی
ناصر ویا اتابک طرفدارلغیله جستجوی منفعت
فکرندن ایلرو گمش اولسنی هم احتمالدها قریب ،
همده اثرک فکرینه دهامطابق بولدیغم ایچون وقعینی
اوصورتده تصویر ایتدم . مع مافیله عزالدینک
التزام ایتدیگی مسلکدهکی نقایص ایله قوام الدینک
طورندهکی آغراغی ده نظردن استقاط ایتماگه سعی

ایلام. بونلرک سفارت و محاور دلریله افعال و افکارینه
 متعلق اولان نقیصه لر بتون بتون تخیل اثریدر .
 اهمیتلری ایکنجی ، اوچنجی درجه ده اولان
 فطرب الدین و مبارک و سلمان و جابرک اشخاص مفروضه
 ضه دن اولمسی و گرك او یونک ارکاندن معدود اولان
 نیردنک اخلاقی بتون بتون خیالی بولنمسی جهتیله
 بونلر ده تاریخک هیچ دخل و خدمتی اولمادیغنی تعریف
 اقتضا ایتمز . مهر جهانک ایسه تاریخچه بیلدیگمز
 حالی یالکر بالاده بیان اولنان محبت و فک نکاح
 و ازدواج و تسلیم قلعه مادد لر دن عبارت اوله رق ،
 سیاهی اخلاقی ، عالم تصو رده تمثیل ایتمش بر دلدادده
 معالینک تصویریدر .

نیرده ده عشقک اکر رقیق حسیاتی . مهر جهانده
 سودا ناک اشدتلی انفعالاتی گوسترمک آرزو سنده
 بولنده . سیماجه بر برینه تمامیه مشابه فرض اولنان
 بو ایکی خیال مجسمدن برینک میلی اذواق و لطائفه .

دیگری نیک ابتلاسی مفاخر و معالی به منحصر اولد .
 یغیچون ، سیرتجه بتون بتون بربرینه مخالفدر .
 مع مافیه جلال نظرنده آره لرنده برفرق گورنمامک ،
 او یونی ترکیب ایدن اسباب اصلیه دن اولدیغندن ،
 اولیه ایکی آری منشادن ظهور ایدن حسیاتک
 جلاله قارشى گوستردیگی آثاری ممکن اولدیغی قدر
 بربرینه تقریب ایلدم .

زاهره ایچون تاریخک ویردیگی سرمایه براق
 حاجب وقعنه سنه منحصر اوله رق ، حسیات و اخلاقه
 متعلق او یونده نه قدر تفصیلات گوریلور ایسه
 جمله سی محصول تصوردر . بونده التزام ایتدیگم
 ماده ایسه شفقت مادرانه نیک نفرت دنیات ایله
 کشاکشندن حصولی طبیعی اولان برطاقم تأثرات .
 متضاده بی گوسترمک ایدی . مقصوده واصل اوله .
 مدمسه قصور ، نیتده دگل اقتدار سنزلقدده در .

شوراسنک ده صورت مخصوصه ده بیاننه لزوم

گوریرم، که هربری بر بشقه خاندان معالی ایچنده
 یتشمش بواوچ پرورده عصمته اسناد ایتدیگم شیوه
 عرفان و طبیعت شاعرانه، اگر دنیاڭ هر طرفنده
 اولان قادینلر بزم قادینلره قیاس اولنورسه صرف
 مغایر حقیقت گورینور؛ فقط دقت بیورلمق
 لازمدر، که اوزمانلر ایران وتورانده وبلکه ممالک
 اسلامیهڭ هر جهتنده تربیه و معرفتجه قادینلرڭ
 ارککلردن هیچ فرقی یوق ایدی. حتی یقین وقتلره
 قدر ایرانده نه قدر شاعر گوریلور ایسه همان
 او قدرده شاعره موجود ایدی. بناءً علیه موصوفه-
 لرمده اودرجه مزیت گوسترمسه یالکیز او یونڭ ذوقنه
 دگل، تاریخڭ سوقنده خلل ویرمش اولوردم.

§

جلالڭ صورت تحریری ده بعض ایضا حاته
 احتیاج گوسترد: یونان مسالکینه گوره عموم فاجعه لر
 و شکسیر یولنه گوره بویله جدی و مهم او یونلرداما

شعر ایله یازلمقدردر . شکسپیر یولنده بیله اویونی
 نظم ونثر ایله مخلوط یازمق یالکز شکسپیره مخصوص
 اولان حاللدندردر . بواعتباره ایسه لطافت و تأثیر دده
 شعرک مسلم اولان رجحانی سبب عد اولنور . حال
 بویله ایکن بزم شعر مزده اولان مساعده سنرلک جهتیله
 تیاتر ویه متعلق اولان آثار عاجزانه ملک و خصوصیه
 جلالک منظوم اوله رق ترتینه موفق اوله مدم .

معلوم اولدیغی اوزره بزده اصول نظم، لسانک
 طبیعتنه تمامیه مغایر اوله رق، لطافت افاده بی بتون
 بتون اخلال ایتمدکجه زبانزد اولان تعبیر لر مرزک
 یوزده برینی شعرده قوللانه مایز؛ قوللاندیغمز تعبیر-
 لری ده یاوزنه ویا تلفظ اصلی به تطبیق ایچون حروف
 و حرکاتنده اختیار ایتمدیگمز امالات ایله بتون بتون
 شیوه لساندن چیقارمغه محتاج اولورز . و اصف گی
 شعری استانبول شیوه سنه تطبیق ایتمک ایستیانلر
 « اولما صوقاق سپورکده سی قادین قادیجق اول »

یواننده کی اثر لرنده صرف ترجه اولان کملری بیه
 برچوق امالات و تغیرات ایله ترجه لکدن چیقارمغه
 مجبور اولمشلردر . اوجهله بزده عادی لقردی بی
 آندیره جق بر محاوره نظم اوله یلک عادتاً محال
 گورینور . نفی شیوه سنده یازیله جق بر تیاترونک
 ایسه کلنجدلگی مسخره لغنه منحصر قاله جفی معلومدر .

بحر طویل دینلان و سائر اشعاردن تمیزی
 یگرمی بش اوتوز و بلکه قرق اللی مصراعده بر قافیه
 گتور مک و یا تعبیر آخر له سوزی ممکن مرتبه قافیه سز
 نظم ایلک خصوصندن عبارت اولان طرزی تیاتروده
 قول لائق قابل سده ، بونده ده ذاتاً شیوهٔ لسانه مغایر
 اولان حرکات و سکانات عروضیه اتباع مجبوریتی ،
 ینه سوزی بتون بتون عثمانلی اداسندن چیقاریور .
 ترجه مزده برده افاعیل و تفاعیل قیدندن بری
 یارمق حسابی دیدیگمز وزن موجود اوله رق ، ملی
 اشعارمز اوقاعدهیه توفیق اولنمق لازم گله جگنده

شبهه یوق ایسه ده ، یازمق حسابیه سویلیان
شیلرده عجم تقلیدی اولان آثاره نسبتله آهنگ
لطافت غایت آز اولدقدن بشقه او یول ، عامیانه
مالایعیلره مخصوص و بناءً علیه اساساً وزکک عده
اولندیغدن ، ادبیاتمزک بولندیغی درجه یه نسبتله جدی
برائر تحریرینه خدمت ایده ییلک صلاحیتندن بریدر .
حتی بویولده نه قدر گوزل برشی یازلسه سامعه نك
اتلاف سزلغی جهتیه ینه عامیانه گورینیور .

بو مقدماتدن آکلاشدی ، که لسانك شمديکی
حالیله برابر موزون بر تیاترو تحریرینه امکان
مساعده اولمیور . عجبا بو امکان سزلق ادبیاتمزجه
نقیصه میدر ؟ بکا قالورسه دگل .

شعر نه در ؟ کتابلرده «موزون و مقفا کلامدر»
جمله سیله تعریف اولمیور . موزوندن مراد برکلامك
عروضی و هیچ اولمازسه آنك اصلی اولان ساکن
و متحرک ترتیبینه توافقی ایسه بو قصر واطاله .

حرکاتده توازنه رعایت بر چوق لسانلرک واز جمله
فرانسزجهنک اشعارنده وحتی بزم «پارمق حسانی»
دینلان داستانلرده ، فلانلرده موجود دگلدر .
قافیه ایسه السنه قدیمهک علی العموم وشمیدی
سویانیلان لسانلرک اکثر آثار منظومهسنددیوقدر .
بوندن آکلاشیلور ، که شعر ایچون «موزون
ومقفا» تعبیری افرادینی جامع ، اغیارینی مانع
بر تعریف اوله ماز .

حقیقت ! اومیروسک داستانلری سنه لرجه
حافظه انامدن بشقه یازیله جق بر لوحه بوله مامش
ایکن الآن عینیه باقیدر . معلم اؤل آرسطونک آثار
حکمییه سی ملیونلرجه شاگردلر ، شارحلر النده
طوالاشمقده ایکن ینه بر طاقم اجزاسی ضیاعدن
قورتیله مامش . اعظم معجزات الهیه اولان قرآن
کریمی ارباب انکار شعردن بشقه وصف ایده جک
برشی بوله مدیغی ده معلومدر . بو حالده شعره آثار

حکمدان پایدار اوله جق - حتی هدایتیاب حقیقت
 اوله میانلر نظر نده کلام الهی به (حاشا) مشبه به عد
 اوله جق قدر مزیت ویرن ماده . ترتیب هجاده
 بر انتظام ایله بر قاج کلمه ده بر ویا ایکی حروفک
 تکررندن عبارت عد اولمق ، عالم انسانیتک ذوق
 بدایعنه بیوک بر نقیمه اسناد ایتدکر .

بودرلو تعریفلرک قبولی بر کلامک ، حتی
 عروضه مطابق اولوب اولمدیغنی آکلامق ایچون
 تقطیعنه مجبور اولان ظاهر بینلره براقلم ده . وجدان
 حقیقت و فکر حکمتله مألوف اولانلرک بوبابده
 ایراد ایتدکلری تعریفلره باقلم !

اعظم اسلامدن حضرت مولانا شعری :

« اذکرامات بلند اولیاست »

« اولین شعرست و آخر کیمیاست »

کلامیله و جناب نظامی ده شاعری :

« پيش وپسې بښت صف كبريا »

« پس شعرا آمد وپيش اندينا »

اداسيله وصف ايدر لر . فقط او اوصافك جمله سې ده
شعر و شاعريت ايچون پك مقدس مقام لردن . پك
مبارك لسان لردن ايشدلمش بر رستايش مفخر تدر .

از باب حكمت دخی طبيعتك ناطقيه ويرديگي
بو قسم افاده نك ماهيجه نه قدر تحريات و تدقيقاته
گير شمش ايسه — كلياتك تعريفنده دركار اولان
استحاله جهتيه — صريح و واضح بر حد تعييننده
اثبات عجز ايدرك ، شعر ناطقه وجدان ويا لسان
خيال درگي ، تشبيهات شاعرانديله اکتفا ايشلردر .
بعض اصحاب مطالعه « بر سوز حسن مال
و مقالي جامع اولق شرطيله — اساساً حقيقته مطابق
ايسه اديبانه ، حقيقته مشابه ايسه شاعرانه در »
دير لر كه بوده شعره بر حد بيان ايتمامكله برابر ، يالگيز
شعر دينلديگي زمان بر شاعر ك وجداننده حاصل

اولان معنایی بر درجه‌یه قدر گوسترد بیلور . (مقاله)
لات شاعرانه‌ای چون حقیقته موافقت یرینه، حقیقته
مشابهت شرط اولدیغی پیش نظره آنجه، عین
حقیقت اولان آیات کریمه واحادیث نبویه‌نک شعر
نوعندن اولدیغی ده بالبداهه تحقیق ایدر .)

زمانمزلک تدقیقات فکریه‌سنجه تیاترولرک
یازیلیشنده ملتزم اولان، شعر و یاده‌ها صحیح تعبیریه
وزن دگل، فکر شاعرانه‌در .

یوقاروده بالمناصبه سویلشدک، که شکسیر ،
اویونلرینک اک مهمملرنده بیله نظم آردسینه نثر
قارشیدیرر . حال بوکه تیاتروده آنک استعمال ایتدیگی
شعر قافیه‌سنز اولدیغندن بالطبع تنظیمنده نثره یقین
سهولت اولدیغی گبی ، محاوره طرزینه‌ده عادی
سوز قدر مساعددر .

فرانسزلر یونان طورینک جمله‌دن زیاده طر-
خداری ایکن شعرلری افاعیل و تفاعیلدن بری اولمغله

برابر ، يالکز قافیه لی اولدیغندن طولایی محاورهیه
 القا ایتدیگی صعوبت ، فرانسه ادبایی بیننده منظوم
 تیاترو یازمق عادتیی رفع ایلش گیدر . ویقتور
 هوغو نك تیاترولرنده قاج دانه منظوم وار ایسه
 آنك نصفی قدرده منشور بولنور . منشورلرینك
 ماده جه اهمیت وجدیتی ده منظوملرندن آشاغی
 دگلدر . گرك ویقتور هوغو و گرك زمانه نك سائر
 ادبایی موزون تیاترولرنده طرز شعری **او** قدر
 تبدیل ایلش لردر ، که عبارده لرك اکثریت اوزره
 مصراع آرمسنده کسیله گلدیگنه و اونده وبلکه
 یگرمی ده بر کره قافیه ، خاتمه کلامه تصادف
 ایتدیرلمدیگنه نظراً دکلندلیگی وقت منظوم
 اولدیغنه احتمال ویرلمز .

بویله وزن و قافیه جه بزه نسبت قبول ایتیه جك
 برقاج درلو سهولترلره مالک اولان قوملر ، تیاترونك
 شاعرانه لیگی معنی و خیالاتنده آرایه رق ، نظم

یولندن ممکن اولدجه تباعده چالیشورلر ایکن، بزده
حالا سلس بر حکایه تنظیمه مساعد اولمیان شعر-
مزله منظوم تیاترو یازمغی التزام ایتمک، لسانمزده
تیاترو یاپلسون دیمک اولور.

تیاترولرک موزون اولمسندن کلهجک محسناته
ایسه، لسانک شیوه سنده کی لطافت و خیالات شعر-
قیهده اولان قوت مع زیاده تقابل ایدرطن ایدرم.

§

اویونک صورت تحریرنده مثلاً (تاتارلر .
الدرنده کی قرباجلری آتسلر قلعه لر مزک خندقلرینی
طولدیرر) و یا (بر تاتار قاریسی آلتمش ارکگمزه
مقابله ایدیور) اگی صرف مبالغه ایچون یازلمش
عد اولنه جق شیلر گوزینور . حال بوکه بونلرک
برنجیسی محمد خوارزمشاهک لسانندن چیقمش
سوزلردن وایک-نجیسی تاریخلرک اتفاق ایلدیگی
روایتلردندر .

سیف الدینک دشمن قارشوسنده پادشاه
 اردوسندن ایرلق گبی برخیا تی یالکز آتیه قریاج
 اولدیغیچون ارتکاب ایتسی ده عقیله پک بعید
 گورینور . احتمال که خانک حرکتیه بشقه
 سبیلر وارد . فقط تاریخلرک افادسینه گوره
 سیف الدینک اختلافه گوستردیگی بهانه . آت
 مسئلهسی اولدیغندن ، او قدر واهی بر مادی
 حرکتک سبب اصلیسنی ستر ایچون میدان
 قویتمدن حیا ایتین بر آدم . اولیه مناسبتسز
 بر سبب ایچون ارتکاب خیانتدن ده چکنیه جگنه
 نظر آ . بو خصوصده روایت تاریخیه یرینه خیالی
 بر وقعه ترتیبیه لزوم گورمدم .

بو قدر افاداتی اختیارم بعض نوظهور فکرلره
 اتباعاً اثر عاجزانه می استر استمز خلقه بگنندیرمک
 ایچون دگلدز . یالکز جلالک دوچار اوله بیله جگی
 مواخذلر حقنده خاطر مه گلان بر قاج مواخذنی

بیان ایتک استدم . گوردمدیگم ویا آکلایه مدیغم
 قصورلریچونینه اصحاب مطالعه نک مرؤت خطا
 پوشانه لرینی استدعایه مجبورم .

نامق کمال

میدیللی ۱۳۰۰

تم









3 1761 08119484 7